

DIONYSII
 PETAVII
 AVRELIANENSIS
 E SOCIET. IESV.
 EPISTOLARVM
 LIBRI TRES.




BIBLIOTECA NAZ.
 ROMA
 VITTORIO EMANUELE

PARISIIS,
 Apud SEBASTIANVM CRAMOISY, Regis ac Reginæ
 Architypographum, viâ Iacobæâ, sub Ciconiis.
 Et GABRIELEM CRAMOISY..

M. DC. LII. +
 CVM PRIVILEGIO REGIS.

THE NEW YORK
LIBRARY

ASTOR LENOX
TILDEN FOUNDATION
1900



THE NEW YORK LIBRARY
ASTOR LENOX
TILDEN FOUNDATION
1900

THE NEW YORK LIBRARY
ASTOR LENOX
TILDEN FOUNDATION
1900



DIONYSII
 PETAVII
 AVRELIANENSIS
 E SOCIET. IESV
 EPISTOLARVM LIBER I.
 NVNCVPATORIÆ.

EPISTOLA PRIMA.
 LVDOVICO XIII.
 Regi Christianiss.

Nuncupatoria Themistij.

EDISSIMOS regum monito-
 res ac consiliarios esse libros,
 Ptolemæo regi dixisse Phale-
 reum illum Demetrium nar-
 rant (LVDOVICE REX
 CHRISTIANISSIME.)

Quodd quæ vel offensionis metu reticere, vel

per adulationem suppressere viui ac spirantes nonnunquam solent; ea muti illi atque mortui impunè ac fidenter commoneant. Sed nequaquam ille mihi satis quæ in rem essent explicasse videtur; cùm de librorum genere toto, nullo eorum delectu ac discrimine, regibus præscripsit. Ac multo sanè prudentiùs alter hic eadem ex schola philosophus, quem sub Augustissimæ M. T. nomine publicare sum ausus. Qui apud Valentinianum Imperatorem, ætate atque indole tui simillimum disputans, præclare ita constituit: *Non eosdem priuatis hominibus, & principibus sermones, ac libros accommodatos, atque idoneos esse. Sed nimirum, ut amictus, ades, equi, currus, ac ministri, ceteraque quæ ad cultum pertinent corporis, ornatiores illis, quàm sibi subiectis, & splendidiores sunt, ita disciplinas ac libros non communes iisdem, ac vulgares attribui, sed proprios atque præcipuos oportere. Cuiusmodi eos esse definit, qui teneris principum mentibus alii atque exaggerati animi magnitudinem quandam & gravitatem instillant: Quique reges illos prius, ac moderatores esse sui, quàm aliorum rectores ac gubernatores, doceant: Ac denique qui diuinissimi præstantissimique cùm sint, diuinam in eos & conditionem, & appellationem transfundant.* Quodd si vllius vnquam lucubratio scriptoris in hoc regionum, ut ita dicam, librorum grege censenda meritò fuit; non vereor ut Themistianæ Orationes suum in colorem ac dignitatem tueantur. Sunt enim hæ & ab homine sapiente, ac philosopho scriptæ,

ptæ, & eo genere sapientiæ prædito, quod non otiosum, & inclusum domo, ac scholis hæsit: sed cum publicam ad rerum administrationem, tum Principum maximè institutionem effloruit. Quo quidem vtriusque paris propè ac consentientis industriæ nomine, Romanis Imperatoribus, quorum ætate vixit, in paucis acceptus fuisse, & apud eos plurimum auctoritate ac potentia valuisse dicitur: vicissim verò, quā apud eosdem collegerat gratiam, multis ac præcipuis in eos ac remp. officiis compensasse. Quo enim in loco habitum illum necesse est fuisse, qui præfectura ab iis amplissimæ vrbis ornatus, atque ad senatorium ordinem aggregatus, ad eorum intimam amicitiam, & familiaritatem peruenerit? Quàm verò egregiè de vtrisque, imperatoribus dico, ac rep. est meritis. cum siue illos optimis ac saluberrimis documentis instrueret; siue grassantem in huius viscera quorundam ex impietate ac sæuitia pestem oratione comprimeret! Sed nihil in eo, mea sententia, sic enituit, quemadmodum regijs in liberis erudiendis dexteritas, ac solertia. Cuius in duorum institutione, Valentiniani scilicet, atque Arcadij, non obscura signa ac vestigiâ defixit. Atque horum in altero suscipiendo, amplissimum virtutis suæ ac sapientiæ fructum cepit, cum iudicio summi post hominum memoriam imperatoris; tum præterea præconio eiusdem celeberrimo, & maximo. Nam cum à Theodosio esset, qui tum in Occidentem reipub. causa proficisce-

batur, in concione productus; huic ille quem
tum habebat vnicum imperij successorem, ac
generis, Arcadium, coram S. P. Q. commisit.
Quem nosler adeò honorificè in fidem suam ac
disciplinam receptum, eximis, & tantæ Ma-
iestatis amplitudine dignissimis præceptis at-
que institutis formavit. Quæ sunt ab eodem
magna ex parte hisce in orationibus consignata
ac relictæ. Vt ad reliquos quos habes monito-
res ac consiliorum participes tuorum, percom-
modè veterem illum, & peregrinum possis ad-
iungere. De quo cùm cetera intelliges egregiè,
atque admirabiliter dicta; tum illud profectò
diuinitus sacris ex oraculis deductum. *Cor
Regis in manu esse prepotentis Dei*: proindeque
quid agat, ac quemadmodum se gerat etiam atque
etiam videndum. Nec enim decere, vt prauum
quippiam, aut impurum, aut crudelitatis atque
inhumanitatis vitio suffusum ei inuratur cordi,
quod sanctissima ille benignissimaque manus cir-
cunferant. Præterea; *Viam & animatam legem
esse Principem, delibatamque ex caelesti mente, ac
citimam terris providentiam, quam ad alterius
imitationem fingi accommodarique necesse sit.*
Iam ista præclare. Nullum esse clementia, ac sub-
ditorum sibi caritate præsidium Regi certius, ac
constantius. Optimum illum principem haben-
dum, quem non timeant, sed cui peritescant sui.
*Amorem porrò in eos regum & benevolentiam,
pietate in propinquos, ac præsertim fratres, poste-
riorem esse, atque ab eodem derivatum, & profe-
ctum.* Mitto cetera eiusdem argumenti sanè

copiosa, quæ tu hisce in orationibus reperies; digna prorsus regalibus institutis, nec mediocri olim tibi florentissimi ad Imperij administrationem adiumento futura. Hæc mihi (CHRISTIAN. PRINCEPS) non admonendi tui, aut ostentandi muneris nostri causa præmonstranda ac præcinenda necessariò fuerunt; ne quis aliter meum istud consilium interpreterur quàm velim: meque non doni ipsius opportunitate commotum, sed leuitate & arrogantia impulsus existimet, meæ vt in hoc edendo scriptore operæ ex nominis tui splendore celebritatem quærent. Equidem minimè dubito, quin, si propiùs aliquis nostrum hoc ad munus oculos ac mentem adiecerit, non modò consilij mei rationem vehementer probet, sed illud vnà statuatur; subtrahi hoc M. T. qualecunque demum est, sine aliquo flagitio non posse. Etenim si ij qui thesaurum aliquem, regiarum maximè opum, alicubi defossum repererint, offerre statim Principi, & ad eius fiscum atque ararium referre iubentur: ego qui hunc disciplinæ regię, & sapientiæ thesaurum, sepultum Græciæ monumentis ac latebris in lucem protulerim, non nefarij cuiusdam peculatus arguar; si eundem alteri potiùs repræsentem, atque adiudicem, quàm tibi? Quanquam, etsi nullo alio tibi nomine obstrictus esset ac debitus Themistius; satis tamen ad sui commendationem iis in dotibus haberet præsidij; quibus præstantissimos Impp. conciliare olim sibi atque allicere potuisset. Secundùm quos, vt probare

se tibi possit, & in iuuandi informandique tui aliqua parte numerari; magis erit, quòd oblatum longo interuallo tam insignem ac regium alumnum sibi gaudeat, quàm eo te nomine deuinctum, atque obligatum velit, quòd eius nullo tibi beneficio vtendum decreueris. Quamobrem habebis hoc à nobis (CHRISTIANIS SIM E REX) consecratum, atque oblatum verè regium munus; hoc est, regum institutorem, ac præceptorem philosophum; & eundem, vt antè dixi, vtilissimis regi documentis ac monitis refertum. Adde etiam ex iisce tuis, hoc est, instauratis à te nuper Societatis IESV scholis in lucem tui nominis excitatum. Hanc verò ille postremo loci prærogatiuam ad id auxilio fore sperat sibi, vt id, quod vnà peregrinus homo cupit, Latino cultu donatus Regni tui ius cum tuo fauore & gratia consequatur. Deus te huic imperio diu florentem atque incolumem conseruet. Lutetiæ Parisiorum xi. Kal. Septemb. cio. ioc. xviii.



EPISTOLA II.

HENRICO BORBONIO

Metensi Episcopo.

Nuncupatoria Orationum latinarum.

VT qui prætereunti viam intento digito demonstrat, bene is quidem, & humaniter faciat: (PRINCEPS ILLUSTRIS-
SIME) sin deducat ac præeat ipse, longè vtilius officiosiusque se gerat: sic eloquentiam qui vsu artis ipso, exemploque discipulis informant, multo fructuosius operam suam iis collocant, qui solis illam præceptis, ac dicendi ratione præscribunt. Est illud verò institutionis genus cum posteriore isto laboriosius per sese; tum docenti ipsi periculosius. In quo & actorem ex disceptatore fieri necesse est: & omnium hominum iudiciis, nonnullorum etiam inuidiæ, famam suam, existimationemque subiicere. Sed cum singulari scholarum nostrarum felicitate in earum sis curam disciplinamque traditus, & ad hanc eloquentiæ quam profitemur institutionem gradatim perueneris; nihil, qua quidem in re studiis tuis commodare possem, vel laboris defugiendum putaui, vel inuidiæ ac periculi deprecandum. Feci igitur non admodum inuitus, tibi vt eius artis specimen aliquod

offerrem, cui te cumprimis hoc tempore deditum esse, non tam optabamus omnes, quam summâ nostrâ cum voluptate ac gratulatione quotidie videmus. Simul ut, quoad in me situm esset, cuidam tuæ postulationi ac voluntati satisfacerem. Quæstisti enim de me sæpius quod latine dicendi scribendique genus probarem maximè: propterea quod tanta esset inter eruditos homines sermonis ac styli varietas, neque deessent, quos Ciceroniana illa simplicitas offenderet: in quâ minùs aliquanto laceratorum ac virium inesse, reconditoris verò doctrinæ locum omninò nullum esse crederent. Ego verò cum vnum nihilominus intuendum Tullium, vnum imitandum dicerem: id mihi optimum videri, quod illius ad exemplar quamsimillimè esset effectum: negarem fastidiosos illos ac delicatos tanti faciendos esse, qui non iudicio repudiassent hunc elegantiae nitorem, sed desperatione formidassent: vehementer hoc tibi penitusque persuasi: deinceps ut in illius lectionem & imitationem acrius incubueris, nec è sinu tuo vnquam ac complexu deposueris. Quamobrem ut iudicii opinionisquæ meæ non testem solummodo vocem; sed firmiorem aliquem obsidem teneres, has ipsas orationes in tuo nomine apparere volui: in quibus quid ego dicendo consequi studerem, quidve ceteris proponendum arbitrarer, tibi imprimis, (ILLVSTRISSE PRINCEPS) secundum te autem ceteris, qui à me tecum instituuntur, velut perpetuo monumento testa-

tum relinquerem. Iam si idipsum, quod esse optimum perfectissimúmque iudico, assecutum me esse profitear, nimium arrogans sim, & ineptus. Ciceronianum quidem me esse, hoc est eam, quam isti contemnunt, sermonis facilitatem ac candorem imitari, voluisse præ me fero. Equidem non paruo tibi, ac reliquis, quos dixi, vsui hæc nostra confido fore: quæ tametsi longè absint à summo; quòd ad eius vtcunque similitudinem sunt expressa, in iis paululum licet hærentem ad grandiora illa, & magnifica consurgere. Nam vt teneras vites agricolæ, antequam proceris arboribus applicent, humilioribus adminiculis ad ascensum consuefacere solent: sic ad Tullianæ facundiæ maiestatem aspirantibus vtile est interim in inferioribus, nec dissimili tamen genere, consistere. *Vix enim (ait Quintilianus) prima se elementa ad spem tollere effringenda, quam summam putant, eloquentiæ audebunt: proxima amplectentur magis. Vtile igitur est habere, quos imitari primum, mox vincere velis. Ita paulatim & superiorum spes erit.* Ad summam non hæc tibi, tanquam absoluta, perfectaque, sed vt horum meditandorum ac comparandorum adiumenta proponimus. Vt hoc porro meum in te studium, ac munusculum gratissimum tibi sit, adeò non vereor: vt vel eo tibi nomine dicandum putauerim, quo abs te probatum ac receptum, ad scholarum nostrarum fructum, publicamque commendationem longius sese auctoritate tua diffunderet.

EPISTOLA III.

HENRICO BORBONIO
Episcopo Metensi.

*Nuncupatoria Soteriorum ad Sanctam
Genouesam.*

GRATVS erga cælites animus, ingratus
in homines ac beneficiorum immemor
esse non potest (PRINCEPS ILLVSTRIS-
SIME.) Siue ab eodem ambo hæc affectu pro-
ficiscuntur: siue posterius priori illi proximum
ac ferè consequens est, & eo fortasse notabilius,
quòd eius, quem in oculis habeas, quàm quem
mente sola contempleris, oblitum videri, mul-
to est ad animi labem ac fœditatem insignius.
Itaque cùm cælesti vrbis patronæ debitum sin-
gularibus eius in me beneficiis munus ac mo-
nimentum pararem, in eodem voluntatis in me
tuæ, meritorumque testimonium ac memo-
riam extare volui. Quorum vel hoc ipso mihi
visa est aptior opportuniôrque coniunctio,
quòd & regij splendore generis, & ingenij ac
morum indole, & dignitatis, quam desponsam
iam ac destinatam habes, amplitudine proxi-
mè cælites ipsos attingis. Quò minus de hoc
tibi probando, conciliandòque munusculo,
quod in eo genere fieri vulgò solet, laborare

debeo. In quo primum illud est longè honorificentissimum ac maximum; quod cuius in tutela cùm vrbs ipsa, tum vrbis præsertim academia conquiescit; cuius splendorem ac decus domicilij contuberniique tui accessione cumulasti: huius tibi ornandæ prædicandæque patrocinium à me modò defertur. Tum alterum illud, quod tuâ potissimum interest: (quanquam non tuâ magis quàm Francici totius nominis causâ optandum istud est) vt ei Diuæ, quæ morborum omnium propulsatrix, ac salutis & vitæ conciliatrix est, hoc veluti patrociniij collegio commendatum quamdiutissimè animo te pariter ac corpore florentem & incolumem habeamus. Vale.
Lutet. Parif. c15. 15c. xix.

EPISTOLA IV.

ANTONIO BORBONIO
Comiti Moretæo.

Nuncupatoria operum poëticorum.

VTRVM maiori tu cum fratre scholis nostris ornamento sis, an eæ vicissim utrique aliquando futuræ sint, dubitari (PRINCEPS ILLUSTRISSE) meritò potest. Nam & amplum illis ac perhonorificum est, ad regiæ stirpis institutionem cùm Christianissimi

Regis iudicio esse delectas, tum à vobis ipsis
vltro ac libenter ascitas: & pro vtriusque indo-
le facile coniici potest, quantum disciplinâ suâ
decoris sint vobis ac splendoris allaturæ. Nam
quod paucorum opinione, vsu verò prope-
modum inueterauit omnium; nihil admodum
principibus nostris artes istas afferre dignitatis:
tam per sese est falsum & ineptum, quàm à re-
ipso, vt de fratre tuo modò taceam, præclare
ac constanter refellitur. Qui quo ex tem-
pore hûc ad nos deductus es, aded omni cu-
ra ac cogitatione ad eas incubuisti: vt cùm
& generis splendore, & ingenio solertiâque
æquales anteeas omnes, tum studio, & amore
discendi, nauitate, industriâ, diligentiaque
superaris. In quo per illud mihi iucundum,
& ad indolis tuæ coniecturam egregium vide-
tur, quod ita omnes scholastici officij partes
comprehendisti, vt ad poëticam vehemens te
mentis impetus, atque ardor impelleret.
Quod ipsum excellentis in adolescentulis in-
genij specimen habet: & sine afflatu quodam,
diuinâque vi mentibus insitâ fieri, Platone
teste, non potest. Mihi verò ad id, quod iam-
pridem destinaueram, sanè oppòrtunum acci-
dit: vt posteaquam illustrissimo principi, fra-
tri tuo, Metensium Episcopo, orationes,
quod eius scholæ ordinisque proprium genus
est, obtulissem: tibi eam partem reseruarem,
quæ & tirocinio magis tuo, & inflammato illi
poëtices studio, ac voluntati congrueret. Sed
vtriusque lucubrationis partes variis à me tem-

poribus elaboratas, ac dissipatas, poëticæ verò etiam sparsum in lucem editas, vnum in corpus, sic tanquam ciuitatem ac coloniam, redegei. Quare vti veteres suos quibusque coloniis, quorum in tutela essent, genios attribuisse legimus: sic ego te poëtici huius operis præsidentem ac patronum adoptaui. Immo verò quemadmodum in mari periclitantibus fraternalium illud ac geminum salutare fidus esse dicitur: similiter in hac inuidiæ ac maleuolentiæ tempestate, ad quam hodierna ætas incubuit, ad vtrumque mihi, te cum fratre scilicet, confugiendum esse duxi. Quorum sicut luce ac splendore collustrari scholas nostras inuidi dixi: sic benigno quodam afflatu me ipsum modò contra procellas omnes & iniurias tutum fore magnopere confido. Vale. Lutet. Paris. c. 10. 100. xviii.

EPISTOLA V.

FRANCISCO BRVLARTO

Vallis Regiæ Abbati.

*Nuncupatoria Panegyrici Henrici
Magni.*

A N N V S iam ab infelicissimo illo die agitur (VIR ILLVSTRISIME) quo cum Christianissimi, atque inuictissimi princi-

pis obitu pæne totius regni miserrimum funus, ac fatale coniunctum est. Ex quo quantum priuatim ad Societatem nostram mœroris, ac calamitatis peruenerit, neque tu ignoras, & quæ in nos hactenus inde coorta iactatio est apertè id, palàmque declarat. Quam vbi primum latior paulò rerum facies, ac serenitas excepit, fecit ea res vt acriùs aliquanto me ab malorum nostrorum sensu ad egregij Principis, atque optimi sanè parentis memoriam referrem. Ac vt eam aliqua animi mei significatione prosequerer, quod sub ipsum illius exitum præstare earum me molestiarum importunitas prohibuerat, per delectos è grege nostro adolescentulos nuperrimè sum aggressus. Neque verò lacrymis iam nostris, ac luctu parentare ei visum est: siue hoc taciti ad id temporis abundè fecimus, siue istud ipsum in præstantissimis viris, ac perpetuò famæ celebritate victuris superfluum est: in quos illud vtique de Lyrico conuenit;

*Absint inani funere nania,
Luctusque turpes, & querimonia
Compesce clamorem.*

Argumentum igitur de illius laude potiùs, ac prædicatione sumpsimus. Quod tibi, cuiusquemodi est, iustissimis, ac necessariis de causis nūcupauimus. Vt enim de splendore familiæ, ceterisque domesticis ornamentis taceam, quibus inducti vulgò allicere sibi illustrium viro- rum patrocinia solent; tuus id certè egregius in nostros amor, ac singularis exigit,

quos paterna quadam beneuolentia complecti, atque omnibus officiis fouere nō desinis. Adde hunc eius esse collegij fœtum, cui pridem abs te constitutum in hac vrbe, atque attributum domicilium est, cuiusque propemodum auctor, ac conditor fuisti. Quot tibi nomine cū debitus ille præ ceteris, atque obstrictus ingenij fructus est, tum verò gratiorem, atque acceptiorem fore confidimus. Nam & quas quisque seuerit arbusculas, earum quamlibet exiguo prouentu oblectari plurimū solet: & hoc ipsum, quod tibi indidem repræsentamus, eiusmodi est, vt reipsa mediocriter; spe, atque expectatione magnum; animo sit, ac voluntate præcipuum. Vale. Remis Cal. Nouemb. an. cio. dco. xi.

EPISTOLA VI.

NICOLAO VERDVNO
Senatus Parisiensis Principi.

Nuncupatoria Orationum Iuliani.

MOLESTVM me interpellatorem dixerit aliquis (PRÆSES AMPLISSIME) qui tibi prolatis iam rebus, ac forensibus negotiis intermissis, otioso esse ne in communi quidem otio permittam. Verū qui & de dignitatis illius, quam sustines, amplitudine, &

occupationum tuarum, quæ aliis temporibus
fumina esse solent, magnitudine cogitarit:
magis crit quòd pudorem à me in asciscendo
patrono, quàm in aduendo opportunitatem,
ac prudentiam requirat. Quorum illud vt abs
te iudicatum iri existimem, neque egregia tua
humanitas patitur, qua te infirmis etiam ad-
mittendis, audiendisq; facilem præbes: &
ingenij ac doctrinæ vis excellens prohibet; quæ
ne ab eo quidem abhorret genere litterarum,
à quo est illud, quod modò tibi consecramus,
profectum. Quas profectò artes adhibere po-
tissimum in celsatione & otio soletis: vt in qui-
bus rebus meditandis domicilium quoddam
assidui laboris constituimus, eas nonnisi in
ludo, & animi oblectatione numeretis. Erunt
fortasse qui illud non improbent, quod tuo
patrocinio ad lucubrationum nostrarum au-
ctoritatem vti decreuerim; sed hoc tamen exi-
stiment, quemuis potiùs, quàm hunc Christia-
norum hostem, nomini tuo inscribendum fuis-
se. Contra quos plura hoc loco dicerem, si in
ea te esse sententia putarem; quorum crimine
aliquo notata, & flagitiosa vita fuerit, eorum
cum improbitate mentionem pariter ac me-
moriâ proscribi oportere. Quod quia ne-
que cum tuo hominis sapientissimi iudicio, ne-
que cum rei veritate, aut quotidiano vsu con-
sentaneum est, & multa leguntur à contami-
natis & impuris hominibus haud impurè scri-
pta: dabis hanc mihi facilè veniam, vt inno-
centissimorum scriptorum integritas fauore

tuo & gratia ab auctoris inuidia subleuetur. Tametsi eiusmodi illa sunt, quæ modò tibi damus Iuliani monumenta, vt nihil ad famam suam præstandam cuiusquam excusationem desiderent. Nam cùm eo tempore scripta ab eodem esse constet, quo sanus adhuc atque incorruptus esset: nihil iis ex consecuta morum peruerfitate contagionis, ac labis afflatum est. Atque hoc nimirum habent præ ceteris editis hætenus illius operibus singulare ac præcipuum. Quæ quanquam implacabili Christiani nominis odio, & atrocissimis in Galilæos, vt ille vocat, conuitiis referta sint; tamen & studiosè à clarissimis viris quæsita, atque in lucem emissa sunt; & eadem quotidie non modò sine offensione vlla, sed etiam cum maxima approbatione ac voluptate tractantur. Quamobrem hoc tibi gratiora aliisque hæc nostra, ac iucundiora putavi fore: quod neque iisdem illa impietatis ac sceleris notis iniusta sunt, neque eo carent, cuius hæc gratia asciscuntur, doctrinæ elegantiaque fructu. Quod verò sepulta hætenus tenebris, nunc primum in tui luce nominis apparere incipiunt, eò maiorem ex nouitatis illecebra cupiditatem sui allatura confido. Etenim si vetusti lapides, numi, marmora, aliæque eiusmodi monumenta non tam vtilitate placent, quæ plerumque nulla in iis est, quam ipso genere vetustatis: ob idque & eruuntur sedulò, & obscuris sæpè ambiguisque rebus auctoritas ex iis arcessitur: nemo erit tam à ratione relictus, opinor, qui non mutis illis

atque inanimis rebus, veterum lucubrationes ac scripta, hoc est pæne ipsius antiquitatis vocem anteponendam iudicet. Quibus cum multa ad sermonis proprietatem, & ornatum, tum ad scientiam, atque historicam lucem, & scitu digna, & necessaria continentur. Hoc quidem in nostro plerasque res gestas commemoratas reperiēs multò quàm in iis illustrius, qui easdem commentariis suis atque historiis mandarunt. Eiusmodi sunt Magnentiana illa tempora, & receptum à nefariis tyrannis ac recreatum imperium. Itémque longè celeberrima illa Nisibenæ ciuitatis obsidio: ac cetera à Constantio suscepta administratæque bella, quæ partim scriptorum paucitate, partim festinatione paulo erant negligentius atque obscurius prodita: partim denique quod qui illa eadem Panegyricis hisce à Iuliano prærepta, ac diligenter explicata legerent: ab iisdem iterandis suo iudicio sunt ac voluntate deterriti. Etenim Zosimus libro historiarum tertio, cum ad Persicum bellum, ac Nisibis oppugnationem venisset, superuacuum videri sibi ait rei gestæ narrationem, ordinemque pertexere, cum iam Cæsar ipse peculiaribus hoc scriptis antea præstitisset. Quorum illud statim elogium adiecit: Ea verò si quis in manus sumpserit, maximam in dicendo vim hominis ac facultatem intelliget. Quæ omnia ad primam postremamque istarum orationum, sed hanc potissimum, mea quidem sententia pertinent. In qua de barbarorum irritò ad eam urbem conatu

conatu pari fide elegantiaque differuit.

Habes igitur (PRÆSES AMPLISS.) consilij in hoc edendo, dicandoque tibi scriptore, mei rationem ac sumnam. Quod ut approbare eique suffragari velis, cum à te tua, ut initio dixi, singularis humanitas, amorque erga has litteras impetrabit, tum in societatem nostram propensus animus ad hoc agendum hortabitur. Mea enim causâ, ut priuatim aliquid elaborem, neque ea fert, quæ in me est obscuritas omnium rerum ac tenuitas: & qualiscunque sum, officio tibi malo, ac reipsâ esse, quàm vilius prædicatione, præsertim propria commendatus. Sed cum illud animo cogito: eiusmodi quiddam, nuper à me Christianissimo Principi munus oblatum, mirificè ei gratum, ac iucundum accidisse, non possum non eundem à te mihi fructum laboris mei operæque polliceri. Et quoniam hæ sunt & à Principe scriptæ, & ad Principem habitæ olim orationes, neminem ad earum patrocinium magis idoneum commodiorémque esse duxi viro illo qui quemadmodum aut apud reges dicendum, aut regibus loquendum esset præclarè cognosceret. Qui cum summi ordinis sit, publicique consilij princeps, ita in iure dicendo, æquitatèque moderanda regiam & personam, & auctoritatem sustinet, ut eius vox quædam sit regie mentis ac voluntatis interpret, & purpureæ vestis fulgor ipse Maiestatis illius amplitudinem demonstrer. Quibus regie potestatis insignibus ut regiam æquè, cum in admittendo

hoc meo munere , tum in fouendis nostris sub-
leuandisque , benignitatem adiicere pergās ,
magno abs te opere contendo. Vale. Fixæ An-
degaurorum. VII. Calend. Nouemb. A. D.
CIO. DC. XIII.

EPISTOLA VII.

IOANNI NICOLAIO
regiarum rationum in Parisiensi
Curia primario Præfidi.

*Nuncupatoria Tragædiæ Carthaginien-
sium, cuius ille Agonotheta fuerat.*

QVI leuioris in lucem argumenti scripta,
& monimenta proferant (PRÆSES IL-
LVS TRISSIME) ea se vel grauiori cuiuspiam
auctoritate ductos, vel quotidianis amicorum
precibus coactos; omnino verò inuitos, & re-
clamantes edere , ac vulgare profiteri solent.
Quod eo consilio fieri à plerisque interpretor,
vt ingenij, industriæque fructum, quammini-
mo cum periculo famæ suæ, atque existima-
tionis percipiant. Ego verò quantumuis Dra-
ma hoc nostrum, ex quo tempore publicè re-
giis hisce in scholis auditum est, postulatum à
me sæpe, & flagitatum meminerim, nullam
hoc tamen ad excusationem audaciæ meæ, ac

deprecationem valere patiar: neque me illud negabo, tibi vt potissimum offerrem, studio, ac voluntate fecisse. Quod ego non arrogantiam vlla, ac lenitate, aut verò fiduciâ operis impulsus, palam ingenuè que fateor. Sed hoc torum ideo susceptum à me esse confirmo; tibi vt homini de nobis optimè merito, cum veterum in nos officiorum, tum recentis illius munificentiae, cui Tragœdia hæc potissimum seruiit, grata aliqua comprobatio vicissim extaret. Est enim illa ipsa superiore anno in ea celebritate proposita, quæ præmiorum in adulescentes nostros diuidendorum gratia tuis auspiciis indicta est. Neque verò perpetuam hanc esse scholarum nostratum rationem, ac consuetudinem ignoras; vt quotannis constitutis cuiusque generis scriptionum præmiis discipulorum nostrorum alacritas excitetur. Id quod ad inflammandos mercedis & gloriæ spe eorundem animos mirificè pertinere putandum est. Eiusmodi igitur tum in illis fuit, cum in theatrum commissis Carthaginensibus nostris, Munerario te ac Brabeuta præmiorum est legitima illa diuisio consecuta. Cuius in eos tam prolixæ liberalitatis, ac beneficij, quo minùs priuatim à singulis haberi gratiæ possunt, communem in hunc locum vocem omnium, & gratulationem contulimus. Est hæc publica salutandi tui, atque huius offerendi munusculi causa (PRÆSES AMPLISSIME) Mea verò priuata atque præcipua est, quòd & singulare quoddam in me studium ac beneuolentiam præ te

aliquot abhinc annis tuleris, & quæ à me tibi ingenij monimenta oblata identidem erant iudicio tuo comprobaris; meâsque, vt ille dixit, aliquid esse nugas putaueris. Quamobrem non possum equidem auctoritate ac patrocinio non libenter vti, primùm amplissimi hominis & præstantissimi: deinde in alumnos nostros liberalis ac magnifici: tum in ordinem nostrum societatemque propensissimi: postremò cuius tam insignem antea prærogatiuam iudicij ac voluntatis habuerim. Quam quidem in præsentia spe nostra atque expectatione vel cumulatiorē futuram, faciliè suauissima illa tua, ac fuci omnis expers humanitas persuadet. Vale. Fixæ Andegauorum Cal. Dec. cio. dcc. xiii.

EPISTOLA VIII.

GVLIELMO VAIRIO
Franciæ Procancellario.

*Nuncupatoria Breuiarij historici Sancti
Nicephori.*

Quo primùm tempore Magistratus amplissimi dignitatem adeptus es, (VIR ILLVSTRISIME) communis hic omnium sensus fuit, non minùs litterarum incolumitati, quàm imperij saluti esse prospectum. Etenim quod de ciuitatibus à Platone dictum est, multo

id magis ad artium studia disciplinâsque pertinet : tum eas demum felices futuras , cùm aut sapientes præessent , aut sapientum illi ipsi qui præessent auctoritate regerentur. Eâ porrò te sapientiâ hominem esse , qualem constituendis ciuitatibus adhibendam Plato censuit , iamdudum publica quædam populi vox , ac constans totius regni fama celebravit. Quod ipsum aded leue non est , vt in eo diuinitatis aliquid inesse vetere sit prouerbio contritum. Idem verò multo certius cùm anteacta vita omnis , tum (vt nondum ab alieno suffragio discedatur) grauissima de te Principum iudicia comprobauerunt. Quorum alter amplissimi te Consilij principem fecit : alter ab vnius prouinciæ cura totius ad regni moderationem conuertit. Sed hic postremò quantum sapientiæ tuæ cùm Regina Matre tribueret ostendit ; cùm ambo te vltimis è Galliæ finibus exciuerunt , quem formidolosis temporibus in quadam velut imperij specula collocarent. Siquidem pacato mari , tranquillòque cælo faciliè cuius gubernatori creditur , vel mediocriter perito : in periculo nemo est qui non eum , si potest , adsciscat , quem scientissimum , prudentissimùmque cognorit.

In quo vnum est minimè prætereundum , quod ad hoc negotium multum interesse sentio. Nam plerique , qui prodesse sapientia sua publicè student , operosam illam duntaxat , ac rebus gerendis exercitatem adhibent ; eam verò , quæ in libris doctrinâsque cernitur , tanquam

ciuitatibus inutilem, feriatis hominibus relinquunt. Tu verò sic vtramque admirabiliter complexuses; vt cùm nemo tractandarum rerum maiore peritia sit, tum vsu litterarum, ac philosophiæ studio his temporibus antecellas.

Hanc enim primus inter Gallos, vt ille quondam in Græcia Socrates, languentem in scholis ab otiosa contemplatione, morum ad vtilitatem vsūque transtulisti. Tum ea monimentis mandasti plurimis, quibus & dicendi ciuibus tuis, & viuendi tibi etiam ac reliquis exempla præscriberes. Quibus in libris ita virtutis tuæ imaginem expressisti, vt eos vnà velut pignora, obsidēsque Gallis traderes: vt quæ tua futura esset reip. gerendæ ratio, tanquam ex Prætoris edicto, cognoscerent; neque eam vnquam licere crederent, quam tute tibi imposuisses, personam detrahere. Quod quidem paucis his mensibus, ex quo præesse ei muneri coepisti, egregiè est à te perfectum: neque quisquam dubitat, cuiusmodi hæc initia sunt, quin breui per te huius Imperij salus constitui, ac legum auctoritas recuperari possit.

Hac tu grauiore curâ simul ac perfunctus eris, & maiora illa regni negotia sapienter explicaris, tum te ad hæc nostra, nec minùs tamen ad bene beatèque viuendum necessaria, conuerteres, ac litterarum tuarum salubritati dignitatique consules. Venit enim mihi in mentem, qui tuus ante paucos dies partim à me

auditus, partim ab aliis exceptus sermo fuerit; cum tu illud profitebare: nihil tibi gratius unquam extitisse bonis artibus artiumque peritis, neque in posterum, quo maior subleuandi esset facultas, vlla in re defuturum.

Quamobrem vt eius vocis consiliique meminisses, tanquam admonitorem allegaui Nicephorum nostrum: qui tibi cum priuatim fui, tum communi nomine litterarum patrocinium deferret: simul etiam rogaret, quod in iis tractandis profitendisque nostra societas elaboraret, partem vt ad eam aliquam sollicitudinis huius beneuolentiaque transferres: vt iis quibus sæpè iactata est molestiis perfuncta, non tam ipsa conuiuiscere possit, quam & Ecclesiæ officiis omnibus & doctrinarum studiis, vigiliis laboribusque suis commodi aliquid afferre. De me verò quod præcipuè postulem nihil est, nisi vt audaciæ in te interpellando meæ sic ignoscas, vt amoris erga te voluntati-que faueas. Vale. Lutetiæ Paris. v l. Calend. Sep. A. D. c i o. i o c. xvi.



EPISTOLA IX.

FRANCISCO CARDINALI
Rupifucaldo.

Nuncupatoria operum S. Epiphaniij.

MELIVS NE sit, & consultius (CARDINALIS ILLUSTRISIME) pestiferarum hæreseon nefaria dogmata consignare litteris, an e tacere penitus, iure inter sapientes quæritur. Ac nonnullos minus sectarum ipsa descriptio, diligens præsertim, & enucleata, delectat. Alij cautione quadam ac delectu opus esse iudicant; ut ex solum prætermittantur, quæ aut vetustate iam obsoleverint, aut insigni scæditate, ac spurcitia contaminatæ fuerint. Vtrosque mouet ea causa potissimum: quod cum vniuersè decretorum eiusmodi recordatio perniciofa sit; tum eorum mortifera contagio, quæ obscœnæ voluptatis lenociniis partim incautos alliciunt, partim inuitos, ac repugnantes afflatu nihilominus quodam turpitudinis, & odore perfundunt. Quamobrem quod Epiphanius Gnosticorum, Basilidianorum, Carpocratianorum, Origenianorum arcanas, ac detestandas libidines tam diligenter expresserit, non illud quidem viri sanctissimi factum, consiliûmque reprehendunt: sed co-

rum omnium memoriam obliuione conteri
fuisse satius putant; & Græcè, vti scripta sunt,
relinqui modò atque à peritioribus duntaxat
legi oportere statuunt. Itaque latinè vt ea
nos interpretemur, ac promiscuam flagitiorum
conscientiam, communè que faciamus om-
nibus, probandum minimè esse contendunt.

Contra quos omnes tam Epiphaniij nostri,
quàm nostrâ etiam causâ disputandum breui-
ter existimo. Ac priores quidem illi, quibus
totum istud négotium displicet, hæreseon ab-
strusa, ac recondita mysteria mandare scriptis,
summum ac singulare veritati præsidium opi-
nione sua detrahunt. Hoc enim extorquent;
quo nascentes identidem, ac rediuiuæ menda-
ciorum sectæ validissimè propulsari à nobis,
euertique possint. Est quidem eius, qui in
hæresim vel moliendam, vel tuendam incu-
buerit, animus in omnem audaciam sine vllò
pudore proiectus. Sed nemo est tamen ex illis
absurdarum opinionum patronis, quem non
vtcumque conuicti olim erroris, ac damnati
pudeat. Sint sanè, vti sunt, ferrei omnes hæ-
retici: sint peruicaces: iidem se in ipso ardore,
agitationè que disputandi ad resistendum acriùs
fingant: tamen qui id didicerit; quique certis
veterum testimoniis compererit, antè ab anti-
quis Patribus, & Conciliis, publicò que Chri-
stianorum consensu agnita ac repudiata dog-
mata illa, quàm illi ipsi, quos sequitur, eorum
interpolatores existerent; vix erit, opinor,
vllus, cuius nisi frangi, edomari que contu-

macia potuerit, non languidiores saltem habeat eruptiones, & impetus; ac paulatim per seipsam refrigerata, atque eneruata concidat. Habent igitur hunc fructum commentarij illi, qui hæresibus scribuntur, vt in vnaquaque ætate fautores perfidiæ ac satellites suos in illis, quos quidem erubescant, principes auctoresque recognoscant.

Iam qui certas ex hæresibus, easdémque vel oblitteratas, vel turpitudine infames omitti iubent, difficilem quandam moderationem postulant: cuius ne ipsi quidem vsum, rogati à nobis, expediant. Etenim si hoc certò polliceri possent; opinionum illa portenta, postquam oppressa, ac sepulta semel essent; nunquam nisi in libris extarent, emersura denuò, neque suis ex illis bustis, ac cineribus excitanda; nihil consilio huic istorum præuertendum putarem. Sed cum nihilominus statis temporum intervallis eadem illa monstra amputata toties, ac iugulata reuiuiscant: cum idem hæresum illarum architectus, inuentorque Diabolus, etiam omni librorum extinctâ memoriâ, perseueret: cum iisdem artibus, & machinis, eadémque ad illas instaurandas calliditate ac nequitia sit præditus: neque nos istorum ille delectus adiuuat; & aduersus redintegrati morbi periculum pristina illa certissimâque subsidia comparanda sunt. Potuerit sanè ante annos aliquot, imò sæcula, designatio illa certarum hærescon ad scribendum, & opportunitas iactari; cum pauciores adhuc essent, nec tam diuersis ac

diffimilibus ex formis, prodigiisque conflata. Hoc quidem tempore, quo emortuas pridem superiorum ætatum hæreses reuocatas in lucem, ac renouatas cernimus, ne dubitationi quidem illi, ac quæstioni locus ampliùs est relictus. Quod enim fuit in omni antiquitate genus opinionis ac sectæ tam horrendum, tam inusitatum & obsoletum? quis tam obscænus, & abominandus error? quod perfidiæ genus tam palàm omnium voce condemnatum, quod non parentum nostrorum memoriâ fautores aliquos, ac sectatores habuerit? parum est de Arrianis illis conqueri, aut Macedonianis, Eunomianis, Nestorianis, & iis etiam antiquioribus Manichæis, Sabellianis, Samosatenis: ceterâque veteris Ecclesiæ faces ac tempestates persequi: in quibus præter dogmatis falsitatem nulla, aut obscura sceleris disciplina fuit: quæ omnes in Germania, Polonia, Pannonia, Russia, alibi denique renatæ ad hanc diem grassari, & increbrescere dicuntur. Illæ ipsæ sordidissimarum libidinum inuentrices hæreses, ac magistræ, quæ promiscuos concubitus, ac reliquam corporis turpitudinem ostentabant, quæque vno Gnosticorum vocabulo contineri nonnunquam solent, iisdem in locis in Adamianos, Pikardos, Waldenses, Lugdunenses pauperes, ceterâque portenta veriùs quàm nomina redundarunt. Veniam ad Galliam nostram, ac nouissimam Calviniani labem dogmatis, atque pestem, quæ in illius gremio confedit. De qua verissimè hoc mihi

videor esse dicturus: velut sentinam illam orbis esse terrarum, in quam veterum, & recentium sectarum, errorumque colluies confluit: ac quidquid hæreseon hætenus extitit, de quo legere aliquid, vel audire potuimus, ex eo libatum esse, ac deriuatum aliquid; atque ex abhorrentibus monstrorum omnium partibus, ac figuris, vltimum illud, ac reliquis horribilius esse concretum.

Quamobrem cum & vbique terrarum, & hîc apud nos priscarum sese hæreseon, ac sectarum venena diffundant, ad illa, quæ suprà dixi, præsidia confugiamus, & medicorum imitemur industriam. Quorum maiores cum eisdem humanis ingruere corporibus, ac recurrere morbos intelligerent, eorum origines, progressiones, proprietates, casuum, atque euentorum exempla, tum remedia diligenter in libris notarunt: quæ dum posteri legunt, contra illos ipsos alieno se vsu, experiëntiâque confirmant. Ita nobis quibus assiduum est iisdem cum erroribus, velut morbis ex interuallo recrudescen-
tibus, ac iam antè cognitis, certamen ineundum, vtilis sunt commentarij antiquarum hæreseon: ex quibus non earum modò notitiam adipiscimur; sed ad illas etiam, vbi renatæ fuerint, profligandas, eadem paramus auxilia, quibus, cum primùm nascerentur, extrin-
ctæ sunt.

Quo in genere cum multorum Patrum egregiè sit labor, ac cum laude versatus; quem tu tamen, siue diligentia, siue vbertate eruditio-

nis, accopia, cum Epiphanio conferas, reperies ex omni antiquitate neminem. Non enim ille breuem duntaxat hæreseon indicem ceterorum more conscripsit: quemadmodum Augustinus, Philastrius, Hieronymus, Damascenus, copiosius etiam Theodoretus, atque alij complures instituerunt: nec illorum tantummodo opiniones ac dogmata, res etiam ab earum auctoribus ac principibus gestas accuratissimè proposuit. Sed quibus armis insuper, aut illarum petitiones depelli, aut vicissim illæ peti, expugnarique possent, vberimè doctissimèque monstrauit. Quibus etiam de causis *Παραδεισίου*, siue, vt Anastasius Sinaita in quæstionibus, ac Photius cum Græcis aliis habet, *Παραδεία*, id est, *medicam arcam*, siue *capsulam* ac *thecam*, opus illud inscripsit: vt in eo sciremus contra mortiferos, ac venenatos serpentium morsus, adeoque morbos omnes hæresum, saluberrima remedia contineri.

Quocirca persæpè sum equidem Augustinum, vehementérque miratus: qui in libro de hæresibus ad Quodvultdeum, cum Epiphaniij meminit, hæc de illo in præfatione posuit: *Noster verò Epiphanius Cyprius Episcopus abhinc non longè humanis rebus exemptus, de octoginta hæresibus loquens, sex libros etiam conscripsit, historica narratione commemorans omnia, nulla disputatione aduersus falsitatem pro veritate decertans. Breues sanè sunt hi libelli: etsi in unum libellum redigantur, nec ipse erit nostris, vel aliorum quibusdam libris longitudine comparandus. Huius*

breuitatem si fuero in commemorandis hæresibus imitatus, quid à me breuius postulare, vel expectare debeas non habebis. Hæccine, quæso, de Epiphaniij panario Augustinum scribere? affirmare opus esse perbreue: &, si in vnum libellum redigatur, tam mediocri mole, & amplitudine futurum? negare denique aliud iis in libris, præter simplicem hæreseon historiam, sine vlla mendacij oppugnatione tractari? Atqui & vberissimi sunt de hæresibus Epiphaniij libri: & aduersus singulas fusè, accuratèque disputat: nec illud ipsum postremò, quod omisum ab Epiphanio, à se verò factum iri dixerat, vt aduersus singulas hæreses differeret, aut in illo de hæresibus libello, aut in alio Augustinus ipse præstitit. Nihil enim præter sectarum omnium summam errorumque capita complexus est. Quod postremum, vt admirationem auget; ita prius illud non leuem suspicionem facit, Epiphaniij panarium ipsum, opusque aduersus hæreses integrum Augustinum nondum, illa cum scriptis proderet, vidisse: sed illius duntaxat Epitomen, atque eiusdem fortassis Anacephalæosin, siue breuiarium ex singulorum tomorum, & hæreseon argumentis, & capitibus collectum. Quanquam illud etiam mouet, quod in sex libros asserit Epiphaniij opus esse partitum. At id secus se habet. Nam in tres duntaxat libros tribuitur. Libri omnes in tomos septem. Quare illud Augustini singulare, est quod LVII. hæresi, quam Psallianorum vocat, Massalianorum Epiphanius,

subtexuit : Proinde ille de octuaginta hæresibus separatis viginti, quas ante aduentum Domini extitisse, sicut ei visum est, computauit, reliquas post Domini ascensum natas sexaginta, breuissimis libris quinque comprehendit, atque omnes in sex libros totius eiusdem sui operis fecit concludi. Tres in libros Panarium omne diuiditur. Primus tomos continet tres : quorum in priore viginti illæ sunt Christo antiquiores hæreses. Alter earum, quæ post Christum exortæ sunt, tredecim colligit. Totidem postremus. Ac si librorum nomine tomos Augustinus intelligit, dempto superiore illo, qui viginti ex hæresibus constat, reliqui sex erunt, non septem. Quare fuerit illius operis, siue Epitomes alia ratio, partitióque necesse est, quod se Augustinus legisse, & imitari voluisse demonstrat.

Sed à minuta illa, & angusta disquisitione ad id redeo, quod de Panarij commendatione ac fructu disputare cœperam. Nam ad illud, de quo agebatur, Catholicæ religionis patrocinium, & hodiernarum euersionem hæresum opportunitates innumeras & adiuumenta suppeditat. Primùm quod de eius auctoritate, propter & scriptoris vetustatem, & illustrem inter Patres dignitatis locum, ne ipsi quidem obtrectatores antiquitatis, ac bonorum hostes omnium dubitant. Deinde quod præcipua quæque decreta fidei, quæ opinosissimi homines his temporibus inficiari audent, tam expressis ab illo testimoniis approbantur; quæ autem iis

illi contraria defendunt, suos ad auctores, hoc est hæreticos, reuocata veteres, tam grauitè, ac crebrò refutantur; vt quem adhuc falsitatis istius non pudeat, communem antè sensum, quàm modestiam, verecundiàmque perdidit.

Hæc de Epiphanio nostro adedò magnificè, splendidèque iactata quàm vera sint, planum in singulis Lutheranorum, & Calvinistarum erroribus facerem, si id aut Epistolæ breuitas sineret, aut alium, quàm te (CARDINALIS ILLVSTR.) oratio hæc à nobis instituta respiceret. Sed id aut alio fortasse loco præstabimus; aut ad certos hodiernis è scriptoribus remitteremus, qui in eam partem studiosè, ac sanè vtiliter incubuerunt. Tibi verò nota magis illa, quàm mihi sunt; qui quantus vir Epiphanius fuerit, quantùmque Panarij istius momentum sit, non aliena commendatione, sed studio ipse tuo, experienciàque didicisti. Ac quicquid hæcenseon labefactandarum ratione paulò verbosius explicaui, non id tuâ causâ, neque vt quod abste discere debeo, hoc te ipse docerem, pertractare volui: sed vt consilium de hac editione meum expositum tibi, à tèque probatum, manaret ad ceteros, tuoque se iudicio, & auctoritate defenderet. Quam ego prærogatiuam voluntatis, humanitatísque tuæ dignitate ipsâ muneris, ac pretio impetrare malui, quàm, quæ trita, & peruagata præfationum seges est, ornandis tuis laudibus, ac virtutum
tuarum

tuarum præconio colligere. Nam apud te de te
vt verba faciam, singularis, quæ in te est, gra-
uitas, ac modestia non patitur. Neque te am-
bitiuncula ista, &, quod esse iucundissimum
omnium acroama dicitur, ornamentorum tuo-
rum, atque insignium prædicatio delectat.
Itaque non alio sequestre, ac conciliatore gra-
tiæ tuæ vsus, quàm Epiphanio ipso, ad tutelam
nominis tui, patrociniûmque confugi. Quod
vt mihi defuturum non esse confidam, facit
amor imprimis erga litteras tuas: tum pietatis,
religionisque cognitus omnibus, ac perspectus
ardor, quibus ex ambobus studiis nostræ illæ in
Epiphanium collatæ operæ, vigiliæque profi-
ciscuntur. Faciunt excellentes ingenij artes,
virtutésque ceteræ: quibus Ecclesiæ principa-
tum iamdudum publica omnium vota, ac suf-
fragia despondent. Facit postremò prolixus
tuus in societatem nostram, ac multis indiciis
perspectus, atque exploratus animus: tum non-
nullus quoque tenuitati nostræ patefactus iam-
diu ad benignitatem tuam aditus, ac receptus.
Quorum omnium summam breuissima hac,
certissimâque voce complectar: neque te di-
gnius, quàm quod à me modò defertur, offer-
ri tibi munus posse; neque digniorem, cui illud
offerrem, te vno reperiri potuisse. Vale. Lutet.
Parisi. An. ineunte M. DC. XXII. XVIII. Cal. Feb.



EPISTOLA X.

GABRIELI ALBASPINÆO
Aurelianensi Episcopo.

*Nuncupatoria appendicis ad Epiph-
nianas animaduersiones.*

QUOD in clericorum querelis, & con-
trouersis vetera Ecclesiæ iura præscri-
bunt (PRÆSVL AMPL.) vt episcopi se
arbitrio, iudiciòque sistant; id in hac quadam
lite nostra libenter ad te venio, studiosèque
facturus. Accusatus enim à clerico tuo cle-
ricus & ipse quondam tuus: tum iniuriarum
in te falsò, & immeritò postulatus, non alium,
quàm te ipsum mihi iudicem; immo verò defen-
sorem ac patronum quæsiui. Editus est enim
paucos ante menses obscurus quidam libellus à
Maturino Simonio Aurelianensis Ecclesiæ
Decano: cuius species & inscriptio quidem
ipsa dispunctiunculas nescio quas de pœniten-
tiæ ritu vetere in Ecclesia pollicetur. Sed in
epistola, quam in fronte tibi operis inscripsit,
postquam verissimis te laudibus, at longè me-
rito tuo minoribus, ornauit, de me ita queri-
tur: cùm ingenui sit animi profiteri, per quos
profeceris, id ipsum factis suis non probasse

Petanium : qui quæ in schedis tuis à se lecta
esse dicit, ea, te nusquam laudato, publicare
anteuerterit. Caput est hoc accusationis illius,
criminisq; nostri : tum libelli conscribendi
finis vnicus. Reliqua disputatio omnis, quam
septem capitibus complectitur, accessionis lo-
cum habet. Itaque languida est, ac debilis il-
lius de ritu pœnitentiæ consequens oratio; &
vt cetera non desint, nuda & simplici auctori-
tate dicentis, non probationibus argumentis-
que nititur: vt indicio sit non præcipuè id illum
agentem, ad alterius instituti occasionem ista
scripsisse. Ego verò, postquam attentè dili-
gentérque circumspexi, méque in omnes par-
tes cogitatione conuerti, intelligere non pos-
sum, qua re adductus ille, quem neque de fa-
cie hætenus noui, neque cum eo vsum ali-
quem, ac ne leuissimi sermonis commercium
habui; cuius denique nomen aliunde, quàm ex
Dispunctiuncularum inscriptione, non didici;
ita in me cōmoueri potuerit, tam vt incredi-
bilia de me suâ illâ epistolâ vulgaret. Equidem
Decanum Aurelianensis Ecclesiæ non modò
Christianum, & Catholicum, sed etiam virum
bonum ac probum esse statuo, neque Christia-
næ legis, & diuinæ, fraternæque caritatis ob-
litum. Atque eo magis admiror, id ætatis, pru-
dentix, ordinis, ac dignitatis hominem, non
dicam hæc finxisse de me, sed vndecumque tan-
dem accepta, tam credidisse facilè, vt aliis
etiam persuadere voluerit. Nam quid eo crimi-
ne, quod nobis obiicit, vanius est, aut minorè

veritatis specie coniunctum? Schedas me tuas
 (PRÆSVL AMPLISSIME) antequam
 Animaduersiones nostras ederem, legisse dicit.
 Quod longè aliter habere, non tu ipse modò
 scis; sed amicis etiam nostris ea de re querenti-
 bus palàm testatus es. Tametsi schedas me le-
 gisse tuas non ille quidem dicit apertè; sed
 obliquè, & captiosè loquitur: vt qui minus
 attentè ipsius verba percurrunt, illud ipsum
 affirmari putent; atque eiusmodi de nobis su-
 spicionem auferant. Rursus si de tam perspicua
 falsitate redarguere quispiam illum voluerit,
 eò confugere possit, non se schedas istas à no-
 bis dixisse esse lectas: sed quod in schedis tuis
 ipse legisset, de quo sermonem sæpè tecum
 habuissèm, id me edere in vulgus anteuertisse.
 At ego me tecum fateor, cùm aliis de rebus,
 quæ ad doctrinam pertinent, tum de Ecclesia-
 sticis moribus, & antiquitate non rarò dispu-
 tasse; ac de nonnullis, quæ minus habebam
 explicata, quæsisse: nec mediocrem sanè fru-
 ctum ex hoc vsu tuo, ac colloquio cepisse;
 cùm iis etiam, quæ à te respondebantur, par-
 tim assentirer penitus; partim fretus æquitate,
 humanitatèque tua contradicerem. Nam cùm
 hodie te nemo rerum illarum scientia & exer-
 citatione superet; tum candore illo, & facili-
 tate mirificè præstas: vt eorum, quæ sapienter
 asseris, non, vt ille, qui contra me scripsit, au-
 thoritate sola fidem extorqueas; sed liberum
 cuique iudicium, & integras quæ velit tuendæ
 ac disputandi partes relinquas. Quod ad ea

verò pertinet, quæ de pœnitentia, deque ceteris Ecclesiæ ritibus in Epiphanianis animaduersionibus commentatus sum, ea me scio, Dei ope, ac beneficio, non aliunde mihi, quàm labore & industria mea, assidua veterum lectione, aliquot annorum vsu ac meditatione peperisse. Possum Dispunctori, accusatorique meo de singulis, quæ illuc tractavi, capitibus, easdem illas, quibus vsus sum auctoritates, istque multo plures in aduersariis meis notatas ac perscriptas ostendere, quas ex Tertulliano, Cypriano, ceterisque PP. & antiquis Conciliis, ac Canonibus, vt scriptorem quemque legebam, studiosè multis ab hinc annis obseruaueram. Sed neque *persecutio* istas, neque si quid ex illis solerti ratione, aut coniectura deduxi, tanti æstimo, vt pro tantillarum rerum vindicanda possessione suscipiendas simultates, & altercationes existimem: nedum vt ex incerta, falsaque suspicione certam nomini alicuius infamiam, inuidiamque consciscam. Ac vel tuam ille saltem (AMPLISSIME DOCTISSIMEQUE PRÆSVL) moderationem imitari veller: qui cùm luculentissimum ac laudatissimum illud opus Ecclesiasticarum observationum post animaduersiones nostras ederes, de plagio illo ne littera quidem conquestus es; quod recenti re, & ab eo, cuius hæc erat, fieri maximè conueniebat. Tu verò, cùm certis de capitibus contrà atque ego sentires, nihil in nos asperè tamen, inclementerque dixisti: atque ita tuam homo non minùs prudens, quàm

eruditus opinionem explicasti, vt existimationi nostræ, amicitiaque parceres. De hac in me lenitate vti iure tibi maximam gratiam habeo; ita Dispunctori meo succensere possum, qui eandem alienam in causa non adhibet, quam in tua tibi decoram, & honestam putasti. Quamobrem quod contra me vtrumque ille scribere, & errata mea castigare voluit, non modò non reprehendo; sed quoquo animo fecerit, bonam in partem accipio. Video enim id & communium interesse litterarum, & honestè ac laudabiliter posse fieri; cùm nemo sit qui aut aliqua re non peccet; aut ab errore suo, sic tanquam malo, ac morbo se quodam eximi optare non debeat. Hunc igitur redarguendi mei conatum fero non inuitus: hoc conqueror, sine iniuria, contumeliâque, cùm posset, magis istud ipsum noluisse facere. Alterû enim tolerabile est, vt dixi: alterum cuiusmodi sit, ne is à me violatum se putet, nolo verbis meis exprimere. Equidem quod aduersus Catholicos, & illius præsertim ordinis viros ægrè adducor vt scribā, etiam laceffit; quamlibet iniquam eius reprehensionem non solùm patienter tulissem, verùm etiam tacitè, si hætenus conatus ille procederet, vt in probabili quæstione, contra opinionem nostram, non aduersus tuam (PRÆSVL AMPLISSIME) immo verò communem Ecclesiæ doctrinam veniret. Hoc enim restabat vnum, vt in plerisque, quæ pronunciare satis habuit, non solùm à tuis ipsis, quorum se vindicem, atque interpretem facit, scriptis, &

auctoritate recederet; sed à communi Catho-
licorum iudicio magnopere dissideret. Ca-
put est secundum Dispunctiuncularum, quo
quid sit dare pœnitentiam, planè contrariâ, ac
tuum, & Ecclesiæ dogma fert, ratione, prudens,
an imprudens exposuit. Omitto nunc cetera,
quæ te in ea, quam inscriptam nomini tuo ap-
parere volui, disputatione legere malo, quam
ex breui hac epistola cursim leuiterque cogno-
scere. Quam quidem Diatribam nostram quis-
quis attentè, ac patienter exceperit, non mi-
nùs ad iniquam depellendam criminationem,
honestam nobis; quàm ad tuam, & Ecclesiæ
propugnandam illustrandamque doctrinam,
piam ac necessariam fuisse iudicabit. A te verò
(PRÆSVL AMPLISSIME) postremo illud
postulo, quod impetraturum me esse confido;
vt contra criminatores meos integrum mihi
tuum animum, beneuolentiâque conserues:
tum vt de me vicissim tibi pollicere; fautorem
me dignitatis tuæ, non, vt quidam, alienis
dispungendis laboribus; sed more bono, pro-
bòque, tuendis quoad licet, monumentis tuis,
perpetuè futurum. Vale. Lutetiæ Parisiorum
CIC. IOC. XXIV.



EPISTOLA XI.

ARMANDO CARDINALI
de Richelieu.*Nuncupatoria operis de Doctrina
temporum.*

RES est vna sanctissima sacratissimáque
tempus (ILLUSTRISSE CARDI-
NALIS.) Nam & originem ducit è cælo ; cu-
ius ex matu & conuersione potissimum ori-
tur : & excellentem diuini numinis in plerisque
similitudinem gerit. Vt enim Deus omnium
est notissimus idem , & ignotissimus : quem &
esse nemo non intelligit hominum ; & cuius-
modi sit nullâ potest cogitatio consequi : sic
tempus esse aliquod sentiunt omnes : quid sit
autem , ne sapientissimi quidem capere animo ,
nedum verbis explicare possunt. Rectè igitur
Augustin. lib. Confess. vndecimo , postquam
multa de natura temporis acutè , subtilitèrque
differuit , ad extremum nescire se quid sit tem-
pus fatetur quinto & vicésimo capite , cùm ita
decimo quarto scripssisset : *Quid ergo est tempus ?*
si nemo ex me quærat , scio : si quærem , explicare
velim , nescio. Ad hæc similiter ac Deus , vniuersa
continet tempus : rebus omnibus infunditur ;

abest nusquam : præest omnibus : cuncta moderatur , ac mutat : sua cuique vel agendi , vel viuendi , vel omnino consistendi spatia præscribit. Hinc veteres illi fictis fabulis non solum Deos inter adscribere tempus : sed etiam satorem ac parentem ceterorum esse docuerunt. Ex quo factum illud interpretor , vti regendi gubernandique temporis munus apud omnes populos soli quondam Sacerdotes , ac Pontifices obierint. vt iisdem communis naturæ suffragio & sacrorum cultus , & rei omnium sanctissimæ , temporis procuratio concessa sit. Præsertim cum inter omnes ritus , quibus cæleste numen colitur , non minima sit temporis , hoc est feriarum ac festorum dierum religio. .

Igitur apud Babylonios , Chaldæi : apud Indos , Brachmanes : apud Ægyptios , Hierophantæ : apud Romanos , pontifices : apud Gallos nostrates Druidæ : apud Iudæos , sacerdotes popularibus fastis ordinandis , summo iure præfuerunt. Romæ quidem præ ceteris tam infinita penes hunc ordinem potestas illa fuit , iidem vt arbitrio suo producerent , aut contraherent annorum spatia , & eam labem pedetentim consciscerent , quam Iulius Cæsar eadem pontificij magistratus auctoritate compressit. Non minor tempori , Christianorum moribus & institutis , sanctitatis honos est habitus. Quod cum antiquioris Ecclesiæ persuadet vsus : tum recentis ac nostræ propemodum memoriæ , & ætatis exemplum. Quis enim graues illas & diuturnas de Paschate dissensio-

nes, quibustot annis Ecclesia iactata est, aut extitisse nescit olim; aut aliter didicit, quam & ciuiliu emendatione temporum, & Sacerdotum arbitrio restinctas? Quam quidem Fastorum corruptelam, ac perniciem vetustate corroboratam, & in dies grassantem Gregorius decimus tertius Pontifex maximus pari felicitate, ac Christiani orbis approbatione sustulit. Age num illud est obscurum de temporis religione populorum omnium iudicium, quod annales nulli admodum præterquam sacerdotes attigerunt? De iis loquor annalibus, qui publica fide perscribebantur. Quibus commentandis, in lucemque propagandis eadem à me commemoratæ nationes, sui quæque generis sacerdotes, sic tanquam sacrorum cæremoniis, præesse voluerunt.

Huius temporis propriam aliquam esse scientiam, atque ab reliquis distinctam; vt magnitudinis Geometriam; numerorum Arithmeticam; sonorum Musicam; naturalium corporum Physicam; haud scio quàm plerisque facile persuaferim. Sed esse tamen nonnullam vincit eadem ratio, quæ superiores illas, adeoque ceteras inuicem secernit. Etenim quicquid illud est, quod contemplationi nostræ præcipua quapiam ratione sic obiicitur vt ex causis principiisque cognoscatur, id, vt philosophis placet, sui generis scientiam efficit. At est eiusmodi tempus: quod sic à nobis considerari potest, quatenus ad humanos accommodatur vsus, & populares rationes inflectitur. Exit er-

go peculiaris , & ab aliis separata temporum scientia.

Hanc nos incredibili multorum annorum studio ac labore peruestigaram , & confectam opere isto complexi sumus : quod sub illustrissimæ amplitudinis tuæ nomine iustis de causis , ac propè necessariis apparere volumus. Nam cum rei sacrosanctæ , temporis inquisitionem , tractationemque contineat : & hoc ipsum non vulgari , communique modo , sed subtili , & ad intelligendum perdifficili tradatur : cumque vel re ipsa , vel , ut dicam modestiùs , opinione nostra , nunc primùm in absolutæ scientiæ reducta formam , quasi noua quædam disciplina prodeat : nec dubitetur , quin aduersus obtretractatores , atque æmulos perpetua sit illi parata contentio : cuiusnam potius , quàm tuam (ILLUSTRISSE CARDIN.) ad fidem , ac tutelam applicari debuisset ? is enim quærendus , opinor , & asciscendus patronus fuit : primùm minimè profanus homo ; sed sacra , & huius argumenti simili dignitate præditus ; tum acerrimo idem ingenio : qui capere ista posset , ac de iis causa veluti cognita , iudicaret. Præterea qui & nouum hunc scientiæ fœtum aduersus inuidiam auctoritate confirmaret sua , & amplitudine potentiæ tutum illius nouitati præsidium posset afferre. Hæc qui in altero simul vniuersa , quàm in te , maiora reperire potuerit , dubitet sanè cur tibi potissimum inscripserim : immo & temeritatem accuset meam , & prudentiam desideret : quodd

principem virum in grauissimis totius regni sustinendis negotiis occupatissimum interpellare non sim veritus. Sin ea, quæ dixi, in te vno summa sunt: si, vt de dignitate, ac potentia modò sileam, ingenij in te vis est tanta, quantam maximis in rebus gerendis, & solerter explicandis quotidie cernimus: si cùm in omni genere à pueritia versatus sis non harum modò communium, sed reconditissimarum artium, non minùs earum te modò tractatio, & consuetudo delectat; habet idoneam rationem quisquis ex me curiosius exquiret, vel consilij in te deligendo mei, vel ad opem sperandam fiduciæ: sed priuatam & huius actionis, ac propositi propriam. Ad hanc igitur altera communis accedat, & officij lege constituta, quod ex ea societate sim, quæ se tibi cùm aliàs semper beneuolentiæ nomine obstrictam meminit: tum nuper summis suis temporibus recreatam, per te modò sospitem, & incolumem esse profectur. Cuius te etiam defensores innocentia, fautorem otij ac securitatis fore persæpè es pollicitus. Quamobrem vt & veteris in nos studij, recentis verò huius beneficij gratiam amplitudini tuæ referrem aliquam: & illius tibi promissionis memoriam refricarem, vtriusque monumentum hoc in opere statuendum, ac tibi consecrandum putauit.

- Patere igitur (CARDIN. ILLVSTRISSIME) dum tu pacificandis temporibus nostris necessariam, & assiduam huic regno, Christianissimòque Principi operam adhibes, cùm re-

liquas pacis alumnas artes, tum hanc ipsam vel instauratam vigiliis nostris, vel repurgatam temporum scientiam sub tutela benignitatisadolescere tuæ: vt eidem, cui per te propagabitur, perpetuitati temporis ill. A. T. nomen ac decus commendet. Vale. Lut. Paris. A. D. cio. dcc. xxvii. xiv. Cal. April.

EPISTOLA XII.

ARMANDO CARDINALI
de Richelieu.

Nuncupatoria Vranologij.

CÆLESTES in hominibus esse satus animorum (CARDINALIS ILLUSTRIS-SIME) res hæc vna persuadere potest; quod incredibiliter eos cæli, siderumque vel contuitus ipse delectat. Quis est enim, qui cum se paululum erexerit, & ad pictos illos mirabili varietate, ac splendentes orbes ora conuertarit, non se affici subitâ voluptate sentiat, & hoc velut tacitum testimonium ortus inde sui, & originis agnoscat? Hinc nescio quis ex illa vetustate sapientum, cum à quopiam interrogatus esset, quam ob causam venisse putaret in mundum, solis contemplandi gratia respondisse fertur. Quàm id sapienter, nihil ac præsens negotium attinet: eo certè quidem valet,

vt naturalem inesse cum cælo necessitudinem animis nostris, arcana consensio, & cupiditas ista testetur. Sed sunt plerique ita vasti, & agrestes homines, & in corporum curam adeò intemperanter effusi; vt illius insitæ dignitatis nulla, vel obscura vestigia, & quasi lineamenta retineant. Sunt autem è contrario quidam rara mentis indole præditi, qui communium, vt ita dicam, natalium splendorem excellentis naturæ bonitate sustinent. Quod quidem duarum rerum consequuntur aliquâ. Nam aut ad veri perspicientiam, & ad res abstrusas acutissimè peruidendas celeres habent ingenij motus, ac propè diuinos; quo in genere sapientia cernitur: aut ad vsum vitæ, ac cum sui, tum ceterorum gubernationem solertia valent; quod est prudentiæ proprium. Ad illos priores annumerandi sunt ij, qui suo studio aut inuentas artes, ac disciplinas posteris tradiderunt; aut ab aliis elaboratas, vt minore quàm isti gloria, sic interdum pari sunt ingenij laude complexi. Ex iis porrò artibus ad illam quam quærimus, informandam diuinitatis animorum notam, ac specimen, ex potissimùm spectant quarum in cæli, stellarumque peruestigandis motibus occupata cognitio est. Quis enim non aut humana perfectum hoc industria iure mireretur; aut sine altioris communionis naturæ potuisse fieri putet; vt tam infinitis remota spatiis positi in terra mortales animaduertissent, eaque non minùs exploratam, quàm subtilem in rationem viamque cogerent? Aspice tot

ortus siderum, & occasus : Solis item, ac Lunæ; & errantium quinque reliquorum varios cursus, cum per se difficiles singulos, tum mutua complexione magis inextricabiles, & obscuros. adde horum omnium; sed duorum præsertim, quæ mundi principatum tenent, coniunctiones inuicem, & regressus ab sese; tum suppressiones luminis, ac defectus. Hæc omnia constantibus, neque fallentibus regulis ita comprehendi, ut tanto antè sciri futura possint; non inclusorum corporibus, & in solo repentium, sed in cælo ipso degentium esse opus animorum videtur. Meritò itaque Plinius tantam in homine vim miratus ingenij, principem doctrinæ, inuentique huius Hipparchum prædicat his verbis, quibus eandem ferè, quam posui, sententiam expressit. *Hipparchus* (inquit) *nunquam satis laudatus; ut quo nemo magis approbauerit cognationem cum homine siderum, animasque nostras partem esse cæli.* Immo verò non cæli partem animas esse nostras; sed eo sublimius aliquid, & diuinius; præstantiorum cælo rerum iis subiecta scientia demonstrat.

Iam in altero genere, quod in ordinandis, & consilio, ac prudentia gubernandis rebus existit, inest etiam summi illius imago numinis expressior. Dei est enim moderari inferioribus omnibus, & eorum aptas ex sese continere causas; ac per singula diffusum, & impulsu suo cuncta vegetantem, vim iis, actionem, modum, ordinemque tribuere. easdem denique,

quas in spirantium corporibus exercet anima,
 partes sibi in hac mundi vniuersitate deposcere.
 Quod aded peculiare Deo est, vt qui cetera ip-
 sius præter mentis cæcitatem non viderât, hoc de
 eo tamen senserint veteres philosophi, ac mûdi
 animam Deum esse, minore, quàm in reliquis,
 contentione statuerint. Hanc prudenter admi-
 nistrantis vniuersa, & vt blandè, sic potenter
 insinuantis per singula se Dei speciem, qui
 quantum hominibus licet, perfectè possent as-
 sequi, nonnullos maiorum nostrorum existisse
 memoria fatendum est, & hac ætate pauciores
 esse: quiautem ex hac posteriore, ciuilis pru-
 dentia; & illa priore, doctrinæ & sapientiæ
 laude confectam, & absolutam cum Deo ger-
 manitatem exprimerent, longè paucissimos
 inuenies & maiorum nostrorum temporibus &
 nostris. Ac ne nullos esse conqueramur hodie;
 néve solis ex historiis illius nobis capienda pu-
 temus exempla; facistu quidem (CARDIN.
 ILLVSTRISSE) insigniter ex omnibus.
 Nam neque te scientia est maiore quisquam
 istius loci, & ordinis hominum. Et rerum ge-
 rendarum industria, nauitate, consilio, felici-
 tate longè præter ceteros excellis. Sapientia
 primùm quantain te sit, qui tui vsum habebit
 aliquem, testem nullum requireret. qui non no-
 uerit, potest ex editis à te libris coniecturam
 capere: quos partim instituendis Catholicis,
 partim confutandis hereticis eruditè ornatèque
 scripsisti. His aliarum quoque disciplinarum
 adiungis studia: sic vt nulla polito sit ars homine
 digna,

digna, cuius non vel peritiam tibi : vel, si minus necessaria sit, amorem certè, ac patrocini-
um asciscas. Sed hoc fortassè domesticum
decus nos Franci populares tui coràm cernere,
& admirari possumus : exteri verò minus pro-
pter longinquitatem sentiunt. Illud alterum
inuidiæ, excelsæque mentis, & quamlibet mul-
tis, magnisque rebus fortiter capiendis, & so-
lenter explicandis idoneæ, nulla est hodie ne-
que tam remota gens, quæ non intelligat; ne-
que tam inimica, quæ non fateatur, ac prædi-
cet. Etenim illa paucis annis te hortatore, con-
siliario & adiutore gesta sunt, quæ vix animo
concipere quisquam ob magnitudinem; igno-
rare propter claritatem, & splendorem nemo
possit : obscurare verò detrahendo, ne invidia
quidem ipsa, maleuolentiæque audeat. Ac si
pacis ea tantummodo essent, ac togæ, quamuis
gloriosa, & magnifica, minus tamen incredi-
bilia de eo viro putarentur, qui ad Ecclesiasti-
cum adscriptus ordinem pacis artibus se ab in-
eunte ætate dedidisset. Verùm ita bellica etiam
in re, ac militari versatus es, quasi nihil in vita
egisses aliud : ac cum præstantissimorum impe-
ratorum gloria non solum adæquasti, sed supra
illos etiam extulisti tuam. Quod enim plerique
nec usu plurimorum annorum, ac disciplina,
nec assiduitate bellandi consequi potuerunt, id
sola ingenij, & naturæ felicitate es adeptus : ve-
rissimùmque illud esse probasti quod dixit Pin-
darus, *Σοφὸς ὁ πολλὰ εἰδὼς. quæ*, hoc est præstantes
homines natura magis, quàm institutione niti

ad sapientiam. Habent enim diuinos impetus animorum excellentes viri; quales in Heroibus extitisse scribit Aristoteles; quibus ad res magnas, atque arduas excitantur, maximèque communi hominum generi salutare. Eiusmodi in te motus, & instinctus esse qui neget, nonis tam iniquus gloriæ tuæ, quàm infestus diuinæ, & in ambos ingratus habeatur. Deus est profectò, Deus, qui tibi (CARDINALIS ILLVSTRISIME) parem tot rebus prouidendis, obeundis, perficiendis, animum dedit, quibus vix tentandis vis, aut ætas humana sufficeret. Hunc habes auctorem capiendorum consiliorum; hunc exequendorum ducem, ac præsidem. hic in dubiis, & impeditis lucem obiiicit menti tuæ: vt non tam de incertis existimare sapienter, quàm prospicere futura videaris. Idem denique, vt quæ priora sunt omnibus attingam, Ludouicum regem impulit, te vt adhiberet in regno gubernando curarum omnium consiliorumque participem; ac tuæ fidei & prudentiæ grauissima quæque committeret. Cuius de te principis iudicium, nō solùm vt iusti; non vt sapientis solùm: sed vt innocentis, ac Deo cari, propèque familiaris; sic tanquam ab iustitia ipsa, à sapientia, ab innocentia; postremò ab ipso Deo profectum debet videri.

Mirabamur antea, cùm id, quod sæpè dici meminimus, de rege hoc audiebamus, nihil illum priùs aggredi, quàm cum Deo prolixè, diligentèrque communicasset, atque in quodam se diuini numinis sacrarium recipiens, oc-

cultas inde significationes, afflatúsque sumptis-
set. Hanc non temerè de illo sparsam esse fa-
mam, si non ei suffragatrix vitæ reliqua inte-
gritas accederet, satis ipse delectus ostenderet
eorum hominum, quos pacis, bellique mune-
ribus administratos, & curatores præficit. Te
verò, cùm præ cunctis optauit vnum, cuius in
fide ac prudentia de omnibus acquiesceret,
communem de se opinionem vehementiùs hoc
suo facto comprobauit. Est quidem minimè
hoc sapientis hominis, ex euentu probare con-
silia: propterea quòd temerè susceptis inter-
dum temeritatis comes fortuna respondet: ea-
dem prudenter, tantèque prouisa medio in
cursu plerumque destituit. Sed sunt extraordi-
narij quidem ac miraculi similes exitus rerum;
in quibus auctorem Deum admirabilitas ipsa
commendat; cùm inusitatum aliquid, ac voto
maius accidit, quod nec humana prouidere
ratio potuit; nec sibi tam facilè, ac repentè
polliceri. Eiusmodi illa fuère primùm, quæ in
Santonibus, & ad Rupellam, atque in finiti-
mis prouinciis à te sunt gesta nuper; quibus
non præsentium modò temporum vicisti spem,
sed etiam memoriam superiorum. Vrbs non
Galliæ solùm, sed orbis terrarum munitissima:
quæ in medio regni sinu, & gremio nouum sibi
régnum statuerat: quam nemo non obsideri,
ac vallari posse diffideret; nedum capi, expu-
gnarique credere: paucis oblecta mensibus,
ac terra, marique vallata, capta expugnata,
Ludouici regis auspiciis ac virtute, consilijs

tuis, in illius potestatem venit. Hoc in vno facto quàm multa & ad stuporem ingentia, & ad gloriam illustra, & ad præsentis numinis indicium expressa continentur ! sed ea non solum epistolæ modum, sed scribentis etiam captum superant. quæ qui longiùs diducta, & maiori quàm in me, orationis illustrata copia legerit, non vnius anni, sed sæculi esse res arbitretur. Quid illa quæ deinceps gesta sunt? hac enim perfidiæ, & seditionis arce de prædonum manibus extorta; euerfis oppidis aliquot, & succensis; fuis ac disiectis perduellium copiis; cursibus deinceps ad libertatem, & salutem imperij cum religione fortuna contendit. Tum demùm ciuitates & prouinciæ, pestifera societate dissuta, certatim ad obsequium fidemque redierunt. Ex quo, sublatis factionibus, regno simul, Ecclesiæque parta in sempiternum pax, & securitas. Nam quod hætenùs velut portentum de fabula, biceps erat, & bicipor, & vix eodem trunco ac radice adhuc hærebat: paulatim in vnum corpus, formamque coaluit. Hic ille optatus magis à nobis, quàm speratus victoriæ fructus ostendit quorsum consilia tua pertinerent, ac quid in istis laboribus, vigiliisq; propositum haberes. Intelleximus eò te spectasse quidem, quòd & nondum perfecta re, ac ne suscepta, aut deliberata quidem præ te tuleras, vt ciuilibus pariter, & Ecclesiasticis rebus Galliæ compositis, liber vbique Catholicæ fidei campus aperiretur: vt esset in ea non magis Christianissimo

regi, quàm religioni, pietati, iustitiæ, Christo denique constitutum sine vllò competitore regnum. Hæc tibi quanta contentione corporis animique; curis, ac vigiliis quantis constiterint; dum eodem tempore intenta in omnes partes imperij, publicæque rei tua mens esset, etsi est coniectura difficilis, vtrumque tamen de se quisque cognoscet, ac diuinum robur animi tui facilius æstimabit, qui suas in vna sæpè domo gubernanda molestias recordari voluerit. Habes verò grauiissimum eorum testem, & arbitrum, cuius secundum Deum, ista omnia caussa suscepisti, Christianissimum regem: qui non semel publicis litteris immortaliter præconio commendauit; dum se in conficiendis iis rebus, consortem gloriosissimi laboris habuisse te dixit; valdeque tuam in cunctis operam, assiduitatem, industriam probatam sibi, ac necessariam fuisse. Idem postea conflato in Italia difficillimo bello, in quo Francisci nominis dignitas, & sociorum salus agebatur, ac denotra fide regnorum omnium, & populorum existimatio, parem te moli tantæ sustinendæ putauit esse; & eò te summa cum rei militaris potestate, atque amplissimo imperio proficisci voluit. Nec illius expectationem res ibi gestæ à te fefellerunt. Idem, qui superioris belli, successus expeditionis huius fuit. Patefactæ nostris exercitibus Alpes, quarum aditum natura primum; tum hostis armis, ac præsidiis intercluserat. Capta primo impetu nostrorum Italiæ claustra; confirmati sociorum animi; hostilis

ab eorum mœnibus repressus furor; siue pristinæ in Italia recuperandæ possessionis spes facta nostris; siue, quod Ludouico regi, ac tibi omnibus victoriæ præmiis antiquius est, redintegrandæ pacis, & concordix, quam si, vt speramus, & communi omnes voto petimus, per te nobis Deus aliquando concesserit; eius tibi, post regem, adeptæ gloria, cùm multò erit ad immortalitatem nominis illustrior: tum propensiore Christiani orbis studio, ac voluntate tribuetur. In his curis ac cogitationibus defixus, si nihil tractares, nihil animo versares aliud, ac si rerum ceterarum, etiam doctrinarum quas habes carissimas memoriam sepone- res: nihil non vsitatum faceres, nec abhorrens ab vsu vitæque communi. Sed non est ita. Non enim quantalibet negotiorum aut magnitudi- ne superatur inuicta vis animi tui; aut varietate, ac multitudine in immensum diffusa capaci- tas expletur. Itaque tum, cùm plurimæ te, gra- uissimæque rerum maximarum curæ distinent, liberam ac vacuæ similem ad alia mentem ac- commodas; præsertim quæ ad honestas artes, vel æquitatis, & virtutis officia referuntur. Quod ego sum admirabiliter expertus, cùm sub primos armorum strepitus, & in ortu ipso civilium turbinum, ac solitudinum tuarum, opus meum de doctrina temporum nomini tuo inscripsi, ac coràm obtuli. Nam non so- lùm interpellari te passus es; quod ægrè in tantis occupationibus permitti solet: sed etiam benignè, ac peramanter à me munus illud ac-

cepisti; & cum postea librum, velut in summo otio, identidem legisti. Quo maiore fiducia modò cum reliquiis operis eiusdem, & auctario doctrinæ illius ad te reuertor; (ILLVSTRIS-
SIME CARDINALIS) & hoc metu, ac verecundia minore, quàm tunc, facio: quòd adhuc nouâ & integrâ re, excusari fortasse nonnulla nostra vel temeritas, vel importunitas debuit: inchoatâ semel, & impulsâ, nulla iam à me, cur hoc recens tibi patrocinium deferam, requirenda ratio est. cum si cuius, præter te, deferre instituissem, afferendæ ob hoc ipsum causæ fuerint, cur alteri potius, quàm tibi.

Atque, vnde mihi huius ad te sermonis ingressum cœperam ad illam cum cælo propinquitatem animorum reuertar, quam in tui similibus elucere potissimum docui; magnam inducor in spem, & vt opinor, verisimilem, plùs hoc nouum apud te gratiæ munus, quàm illud prius habiturum. Paulò quidem maiorem meretur argumenti vel dignitas, vel affinitas illa, quam dixi. Est enim pars eius maxima de cælo, & iis sideribus, quæ in cælo fixa voluntur: de quibus certa Græcorum veterum opuscula selegi; vt Hipparchi, qui antistes illius artis, cognationem cum cælo animorum nostrorum imprimis asseruit, vt ex Plinio suprâ demonstraui; vt Gemini præstantissimi, ac politissimi scriptoris; vt Ptolemæi, vt Achillis Tatij, ceterorûmque, quos vel nondum editos, vel græcè nunc pri-

mum, latinéque disputantes huic libro mandauimus. His accedunt variarum dissertationum commentarij : in quibus partim de eadem cælesti scientia quædam scitu digna promuntur : partim superiorum doctrina librorum illustratur, ac defenditur. Nam fuit vno tempore tibi contra Ecclesiæ, ac regni huius hostes; mihi contra veritatis oppugnatores imperitos homines proposita dimicatio. In qua non solum arbitrum te, sed fautorem etiam, ac patronum confido fore. Si quidem, vt ex eo, quod prius nomini consecratum est tuo, obligatum tibi, velut pignore quodam hoc illius consecrarium opus tenetur : sic eo ipso, quod libenter, benignéque prius admisisti; posteriori huic oppigneratam humanitatem tuam iure mihi quodam meo polliceor. Vale. Lutet. Parif. c10. 100. xxx.

EPISTOLA XIII.

ARMANDO CARDINALI
de Richelieu.

Nuncupatoria Dissertationum Ecclesiasticarum.

DV M tu regni totius administrandis negotiis : ac tum bello perdomandis hostibus ; tum proferendis imperij finibus, Christianissi-

mo Regi, Gallicòque nomini necessariam, & gloriosam nauas operam, EMINENTISSIME CARDINALIS, erunt forte, quibus ego te alieno tempore; ac nimis parua de re interpellare videar. Sed illi solùm ita suspicabuntur, qui te nondum perspectum satis habent; aut huius, quod à me tibi offertur, estimatores boni, propter inscitiam, esse nequeunt. Nam imprimis, quibus vsu aliquo cognitus es, cùm cetera, quæ in te rara vident, & eximia, mirantur: tum illam verò incredibilem, ac per omnia pertinentem ingenij vim: quam nulla quantacumque vel rerum magnitudo superat, vel multitudo confundit: sed sic infra se, & in potestate habet vniuersas, vti singulis sufficiat, quamlibet minutis: neque maiorum procuratio, minorum curam, cogitationemque restringat.

Laus est ista magnarum mentium, ac viroꝝ propria principum, quos hominibus regendis, imperiisq; moderandis diuina ex æterno sapientia destinauit: quorum in animis imitationem illam sui, ac similitudinem expressit. *Omnes enim* (vt in primo de Prouidentia rectè dictum est à Saluiano) *etiam religionis expertes, & quadam necessitate compulsi, & sentiri omnia à Deo, & moueri, & regi dixerunt: qui & sentiat omnia per subtilitatem, & moueat per fortitudinem, & regat per potestatem, & custodiat per benignitatem.* Hæc quanta sit in te omnium capacis, ac per cuncta diffusi virtus animi, tot illa, tantâque per te publicè ac priua-

rim & solerter excogitata, & sapienter promissa, & consilio explicata, & feliciter confectantur. Quæ quidem nos dum quotidie cernimus, facile oculis ipsis fidem habemus: posterius autem cum in annalibus legent, multorum operâ, & industriâ, integro sæculo geri potuisse vix: ab vno verò paucis annis designata perfectâque esse profectò non credent. Quamobrem nihil est, quod eo nomine cunctari me oporteat, aut cuiusquam reprehensionem vereri: tanquam hæc mea compellatio publicis ab negotiis, & cogitatis te tuis auocarit.

Illud porro alterum; ne adeundi tui causa sit leuior, minimèque te digna; multo etiam formidandum est minus: nec nisi ab imperitis, vt dixi, iudicari sic potest. Etenim vel hoc ipsum conciliandæ bonitati tuæ fuerat satis; quod vniuersè de litteris, ac doctrinis tecum ageretur: quarum ad singularem vsum, ac scientiam, incredibilem etiam amorem adiunxisti, adeoque constantem, vt in assidujs grauissimisque tuis occupationibus, illarum interponas studia. Nunc illud præterea versatur in medio disciplinarum genus, cui tu præ ceteris addictus es, diuinarum & sacrarum: quas nemo indignas excellenti tua amplitudine, nisi eius ipsius odio dignissimus, putet. Plura de hoc, disputando prosequi, ac meam adeò causam perorare vehementius licebat; si id necesse foret, aut non eius, quem nomini inscripto, breuitas libri, longiore vt præfatione prohiberet.

Quod igitur summatim ac paucis de hoc argumento complecti possum, id sic est. Mihi dum tu (CARDINALIS EMINENTISSIME) contra regni huius hostes fortiter bellum geris, aduersus hostem Catholici oppugnatoremque nominis certamen isto in libro suscipitur. In quo primum Episcoporum tuenda potestas, ac dignitas fuit; quam ille scripto pestilente, ac nouo, & inaudito commento violauit. Tum varia Ecclesiæ propugnanda dogmata: quorum eleuare fidem, ac labefactare calumniis suis idem est ille conatus. Huius itaque te mei communem in causam officij, operæque fautorem, ac controuersię arbitrum delegi. Non enim digniorem, aut idoneum magis optare potui. Primum qui & Episcopus ipse sis, & huius ordinis princeps: deinde qui eius, vnde lis ista nascitur, hoc est Theologicarum, Catholicarumque rerum apprime sis peritus. ac demum is hodie viuas, cuius in tutela & auctoritate tum ille ipse amplissimorum ordo Præfulum; tum Ecclesiæ hoc in regno Catholicæ salus ac splendor acquiescit.

Quocirca spero equidem quæ mihi nuncupandi tibi huius Operis causæ iustissimæ, ac necessariæ fuerunt, easdem ad hoc apud te valituras esse, vt & audaciæ ignoscas meæ, & illud delatum tibi patrocinium non æquo solum; sed etiam prolixo ac beneuolo animo recipias. Vale. Lutet. Paris. MD. DC. XLI.

EPISTOLA XIV.

LVDOVICO BORBONIO
tum Enguiennensium Duci
nunc Principi Condæo.

Nuncupatoria Rationarij temporum.

SI ipsæ per se loqui artes, disciplinæque possent (ILLVSTRISIME PRINCEPS) magnas profectò tibi, ac tuo parenti, summo viro, gratias agerent: nec minùs sibi de hoc honore grātularentur, quem sunt ad hanc diem maximum vestro de se iudicio consecutæ.

Est enim hoc, quanti vos illas feceritis, illustre testimonium; quòd amplitudinis vterque tantæ, ille te in earum sinu, ac gremio educari voluerit: tu earumdem conuictu, & contubernio posteriores aulæ delitias, & amœnitates duxeris. Hoc est, inquam, prorsus amplum litteris nostris, & magnificum; regia te stirpe puerum, & indole sic illis tractandis assuescere, non vt earum magistros ad te domum euoces; aut oblectamenti, & acroamatis adhibeas loco: sed vt ad illorum ædes vltrò accedas ipse quotidie: neque in scholarum officiis obeundis proprium tibi quicquam præter ceteros assumes. Quare cùm sempiternum vobis nomen, ac famam vterque comparatis; tum

exemplum huic, & sequenti ætati statuitis, quanto illas in pretio haberi deinceps oporteat. vt id ex opinione euellatur hominum, quod plerisque ordinis illius vel palàm, vel vsu tacito ac iudicio persuasum videtur: vt quisque summo loco natus est, ita minimum cum otiosis illis, & inertibus studiis habere commercij. Quòd si quis iactare audebit in posterum; non Alexandri M. non Caroli nostratis; non reliquorum, quos ex antiquitatis memoria proferre solemus: sed recentiore isto tuo, & illustrissimi parentis tui factò refellitur. Hoc igitur, vt dixi, nomine quàm-maximas se ambobus vobis gratias debere litteræ profiterentur, si vti sermone possent: tum qui hoc possunt, fautores illarum, & amantes, prolixè, ac cumulatè facient: & huius commendationem laudis adiungent ad ceteras, quarum segetem, ac materiam olim in illustrissimo parente tuo confectam habent: in te verò nihilo minorem, & his, quæ præ te fers, generis, naturæque bonis consentaneam fore confidunt. Quam de te conceptam omnium opinione spem ratam exploratamque reddunt tot illa præstantium, quæ vel id ætatis habes, indicia virtutum. Est omninò diuinum nescio quid in vobis principibus; & communis captu altior indoles; quæ vos secernit à vulgo; & ad hominum imperia, magnasque res, & arduas capeffendas natos esse demonstrat. Atque vt in apum genere signa quædam regibus indita sunt, quibus faciliè dignoscuntur ab reliquis: aut vt

Spartorum posterì lancea; eburneo humerò Pelopidæ; Seleucidæ ancora; naturalibus aliis alijs notis insignes erant: sic esse solet eximium aliquid in magnis viris; quos supra sortem aliorum non tam conditio generis, quàm omnia gubernantis, ac suum cuique describentis ordinem Dei voluntas extollit.

Eiusmodi in te esse illa didicimus: primum acre, & excellens ingenium; cuius est ad omnes capiendas artes tanta celeritas, vt vndecimo iam ætatis anno primas in Eloquentiæ schola eruditionis industriæque teneas: animus item honestæ laudis, ac gloriæ incitatus stimulis: crebra cum aduersario de doctrinarum genere omni certamina; neque certaminibus rariores palmæ, ac victoriæ. dum tu quidem æquales inter, omnium rerum, quibus ornari ætas ista solet, principatum obtines; &, siue parentis hortatu; siue tuapte sponte id assequeris, quod cuidam in militiam profecturo principi suus apud Homerum pater præcepisse legitur,

Αἰὲν ἀρίστειν, καὶ ὑπέρβολον ἐμμεύαι ἄλλων.

vt umbratili hac, & ludicra dimicatione præludas iis triumphis puer, quos matura post ætate iustis ex hostibus, præliisq; reportabis. His, quæ splendidiora videntur vulgò, multo accedunt illa potiora; flos quidam integritatis, ac nitor, nullis vitiorum maculis oblitus: docilis natura, & ad fingentis arbitrium reuera, & flexibilis: tum candidi mores, & amabiles; atque aduersus omnes, etiam infimos, summa

lenitas, affabilitasque sermonis: Christianæ denique, sine fuco, pietatis diligens amor, & cultus. Hæc, & eiusdemmodi cetera, magna per sese, tamen in te nonnisi semina sunt, & initia, quibus ad dignum principe decus tuus sensim adolescit & perficitur animus.

Sed ego laudum hîc tuarum præconium non decreui facere. Id opus cùm erit, primùm vniuersos, quod dicere cœperam, eò conspirare, nitique simul oportebit, qui doctrinarum persequuntur studia: tum societatem nostram necesse erit ex omnibus; cuius institutioni tuus te nunquam sine laude nominandus pater addixit. Quod cùm ageret, vnâ præclarum obfidem, ac pignus dabat singularis de ea existimationis, ac voluntatis suæ; & illius in te vicissim obligabat fidem, vt quibus posset rationibus cùm amplificandæ gloriæ tuæ, tum iuuandis, ac prouocandis studiis tuis incumberet. Ego itaque, qui, quodd & ex illa societate sum, & ingenuis delector artibus, vtriusque lege officij teneri me sentio, eo ipso defungendum mihi hoc tibi inscribendo opere statui: in quod historiam omnem ab orbis initio ad ætatis nostræ tempora, quanta potui breuitate, diligentiaque contuli. Sic enim commodare primùm me putauî posse studiis tuis: quorum præcipua pars in historiæ, & antiquitatis sita est scientia. Hanc verò non decoram solum principibus, sed etiam perutilem esse, iure perhibent sapientes viri; siue quodd ciuilis ex illa prudentiæ disciplina petitur; dum ex alienis

exemplis, & casibus, quid in suis, vel communibus gerendis rebus tenendum, vitandumque sit, addiscunt homines, nullo suo labore, ac periculo: siue ex tam assidua rerum humanarum, fortunæque, quam illuc legunt, vicissitudine, & imperiorum, ac ciuitatum occasu, parui ista facere consuescunt, & in iis tuendis, aut appetendis modum adhibere cupiditatibus suis; atque ad solidæ, constantisque gloriæ fructum, qui ex vna virtute, & pietate capitur, consilia sua transferre. Hunc vsum historiæ legendæ vel esse præstantissimum, non semel admonet grauis imprimis auctor Otho Frisingensis, præsertim his verbis, quæ in secundi libri fine posuit: *Hæc omnia, inquit, nutantium rerum mala (ut ita dixerim) quotidiana mortalium mortes, ad veram, ac permanentem æternitatis vitam nos mittere deberent.* Eiusmodi tu morum, vitæque fructum, non solum vtilius; sed etiam, quæ tua est ingenij bonitas, iucundiùs, quàm illum scientiæ, cognitionisque, cuius est vehemens imprimis amor in pueris, ex hoc nostro libro colliges. Atque hinc postremò, de duobus illis erga te officiis, quæ mihi cum vniuersa societate proposita debere esse dixi, consequens fiet alterum; vt, si priuatis adhuc nullis tuis, illustrissimi certè tui parentis in me meritis; tum in nostram societatem vtriusque communibus, debitum à me vicissim honorem, & cultum hac qualicumque nominis tui commendatione persoluam. Vale. Lutetiæ Parisiorum crio. idc. xxxii.

EPI-

EPISTOLA XV.

PETRO SEGVIERIO

Franciæ Cancellario.

*Nuncupatoria Diatribæ de potestate
consecrandi, & de communione
vsurpanda.*

VETVS in Ecclesia mos fuit (VIR ILLVSTRIS-
SIME) vt Episcoporum Conciliis, tractandisque fidei rebus adhiberentur laici ordinis principes viri; non qui controversiarum disceptatores, sed qui pacis inter partes conciliatores essent: ne quid indecorè, ac præter ordinem ageretur. Sic in prima omnium Oecumenica synodo Constantinus M. Imperator: in quarta, Marcianus, & Pulcheria: in sexta, Constantinus Pogonatus, Augusti omnes; vt recentiores alias taceam: in plerisque magistratus, & Comites adfuisse leguntur. Ego verò in hac, quam institui, fidei disputatione, tibi civilis iuris, administrationisque principi, etiam iudicis, arbitrique partes; nedum moderatoris ac pacificatoris vltro defero. Quas equidem ambas non minùs in altercationibus, quæ stilo priuatim; quàm quæ voce publicè exercentur, necessarias iudico.

Sallust. in
Bello Cati-
lin.

Nam & apud idoneum propositæ rei æstima-
torem propugnanda causa veritatis est : & ad
hoc ipsum auctoritate est opus ; quæ iræ , per-
uicaciæque modum statuatur : ne ab vtili , ac mo-
desta concertatione , res ad rixas , & contume-
lias vocetur. Ac quod vniuersè dixit apud Sal-
lustium Cæsar ; *Omneis homines , qui de rebus
dubiiis consultant , ab ira , & odio vacuos esse debe-
re.* tum , *haud faciliè animum verum prouidere ,
vbi illa officiunt ; id in illo genere disputatio-
num , quod ad religionem pertinet , haud pau-
lò quàm in ceteris est verius.* Declarat hoc præ-
clara illa B. Hilarij sententia in decimo libro de
Trinitate : vbi sic scribit : *Immoderata est omnis
susceptorum voluntatum pertinacia ; & inflexo
motu aduersandi studium persistit , vbi non rationi
voluntas subiicitur , nec studium doctrinæ impendi-
tur ; sed iis , quæ volumus , rationem conquirimus ,
& iis , quæ studemus , doctrinam comparamus.
Iamque nominis potius , quàm natura erit doctri-
na , quæ fingitur : & non iam veri manebit ratio ,
sed placiti , quam sibi voluntas magis ad defen-
sionem placentium coaptauit.*

Quamobrem dum in hoc certamine nostro
duas illas , quas dixi , opportunitates persequor ,
tu mihi ex omnibus occurristi , in quo totidem
illa necessaria præsidia summè inesse videban-
tur. Primùm dignitas , & auctoritas ea est in te ,
quæ impetum animi potest , & ardorem vel ta-
cita continere. Accedit ad diiudicandi soler-
tiam præstans diuinarum rerum , ac Theologiæ
cognitio : quam ego famâ prius acceptam , vsu

postea, & colloquio, quod tecum iis de rebus habui, maiorem opinione mea comperi. Memini enim aliquando me priuato in congressu, sermoni cuidam tuo interesse, qui de abstrusissimis media ex Theologia questionibus cum viris doctis habebatur: ac tum ea te partim ponere in percontando; partim exponere, ac respondere, quæ nihil in iis nouum esse tibi, nihil inauditum, aut ignotum ostenderent. Ac mihi sic in illa tota sermocinatione versari videbare, vt subtilitate differendi, & acumine nihilo iis inferior esses, qui ætatem omnem his in doctrinis contriuerant: explicandi verò perspicuitate, ac facilitate, longè omnibus antecelleres. Quocircà meliorem susceptæ hîc à me controuersiæ iudicem, quatenus neque intelligentiorem, neque grauiorem, quàm tu es, optare potui neminem. Nam æquitati, quæ haud minus in iudicando, quàm superiora illa, locum habet, planè confido tuæ: qui supreniam hoc in regno, iuris, æquique dispensationem non magis officio, quàm animi integritate, probitateque sustines. Quæ iam olim nota, & perspecta, antequam in summum illud dignitatis culmen ascenderes; multò, postquam eò prouectus es, expressioribus documentis eniuit.

Superest vt & caussa ipsa digna sit, quæ ad tuam cognitionem deducatur (non enim paruis de rebus tanta interpellanda est auctoritas) & non iniucundus ego in te adeundo, importunusque sim. Sed in alterutro eunctari, id est

set prudentiæ tuæ, aut bonitati diffidere. Res primùm agitur hîc omnium maxima, & grauissima; in qua non vnum aliquod, & separatim fidei caput vertitur: sed tota ipsa, quanta est, Christiana pietas, ac religio: Christianum, inquam, nomen omne continetur. Non enim ambigi debet, quin si verum illud est, quod ista, quam oppugnamus, Dissertatio tueretur; hoc est, si sacerdotali fideles omnes, etiam profani, iure, ac consecrandi potestate sunt præditi; Christiana, & Catholica prorsus Ecclesia labefactata concidat. Quæ cum humano corpori simillima sit; vt non vno Apostolus in loco prædicat; vti prius illud absque membrorum ac facultatum varietate; sic ista, sublatâ ordinum, functionumque distinctione, iam non solum deformis est, ac fœda, sed nulla. Siquidem *corpus non est vnum membrum, sed multa.* (ait Apostolus) &, *Quòd si essent omnia vnum membrum, ubi corpus?* Missa hoc loco facio flagitia cetera Dissertationis eiusdem, quæ te malo in nostra confutatione legere. In qua pressius fortasse, quàm pro tanti argumenti merito, atque copia, de eo sermonem feci. Sed habenda ratio fuit tum occupationum tuarum; quæ vt *sacra* iustiùs, quàm illæ Tiberij, appellari merentur; sic eas longiore distingere mora, contra *sacra* peccare est, adeoque pæne esse sacrilegum: tum verò prudentiæ, ac præclaræ; vt suprâ memini, iis in studiis eruditionis tuæ: quæ non plura ad rem penitus intelligendam: ac ne ista quidem pauca desiderat.

Rom. 12. &

1. Cor. 12.

1. Cor. 12.

Sueton. in

Tib. c. 27.

persunt. Nunc quoniam ita casus tulit, siuo
potius offensi criminibus nostris Numinis in-
dignatio, vt id gementibus bonis omnibus e-
ueniret: ego neque laboranti Ecclesiæ pro vi-
rili parte deesse volui; & te, cuius hoc auspi-
ciis capeffetem potissimum delegi. Quod cur
instituerim, etsi argumentari nihil hîc cuius-
quam interest, causas tamen afferre possum
maximas, & iustissimas. Imprimis excellen-
tem cùm in doctrinis ceteris; tum in hac, vn-
de controuersia ista nata est, vsum, ac peritiam.
Cuius rei indicio sunt, præter magisterij,
quem priuatus adeptus es, theologici gra-
dum; tua illa præstantissimi ingenij monimen-
ta; quibus immortale apud eruditos nominis
tibi decus; Ecclesiæ singularem opem, ac
præsidium comparasti. Accedit par doctrinæ
magnitudini laus & commendatio virtutum:
per quas Ecclesiastico dignas homine tua sic
omnis antea acta decurrit ætas, vt eius integri-
tatem nulla, ne falsæ quidem, nedum dubiæ
suspicionis aura perstrinxerit. Quibus sanè
meritis: & honestarum rerum studiis expo-
litum, & excultum diuina te providentia
ad principatum ordinis illius euexit: vt quæ
in te animi decora, & ornamenta congef-
ferat, ea manarent latius; ac se, tanquam ex
eminenti loco communem ad salutem dila-
psa, vsu, exemploque diffunderent. His ter-
tius adiungatur licet, & ad huius quam il-
lecebram officij præpotens, priuatus in mo-
tuus, ac meus in te vicissim amor, carum,

dem communione artium conciliatus ac deuinctus ; cuius publicè extare testimonium aliquod optaui. Verùm nulla me tam ex omnibus , vt hanc nomini tuo lucubrationem dicarem , ratio perpulit , quàm quoddam in eadem te iactatum esse contentione memineram ; & contra eosdem aduersarios non minùs strenuè , quàm gloriosè dimicasse. Cùm tu quidem nondum ad insulas vocatus , & Parisiensis adhuc Ecclesiæ Theologus ; sed iam famâ vbique notus ; tum celeberrimis concionibus , tum refertis omni doctrinarum copia , & grauitate libris grassantem opinionis nouæ licentiam retunderes. Quo ex tuo facto illa te merces ab improbis est consequuta , quæ eiusmodi , qualis tu es , ab hominum genere isto proponitur ; vt ab Ecclesiæ perniciæ per te depulsus illorum furor , in te ipsum redundaret. Extiterunt enim ab eo tempore libri ab illis editi complures impuri , ac maledici : quibus & se pristini in erroris obfirmarunt insaniâ , & in te contumeliosè , ac petulanter inuecti sunt. Nam de me , quem tecum allatrarunt , leuior est querela ; cui quidem gloriandum etiam est , vt causa tibi coniunctus fueram , sic iniuriæ , tolerantiaque consortem fieri.

Horum librorum vnus est , quem isti secundum Apologeticum inscripserunt Iprensis Augustini , in quo iracundiæ , ac maledicentiæ suæ vela plenius explicarunt : &

nominatim infanda illa contra veterem legem ; quæ à te præsertim, sed & à me ipso notata erant & conuicta ; maiore fiducia resumpserunt. Quamobrem cùm hæc ab illis instaurata in auctorem legis Deum contumelia ferri vltra non posset ; atque ad illius propugnationem omnind aggredi decreuisssem ; selegi ex Apologetico isto capita quædam ad propositum mihi argumentum spectantia , quæ refellerem. Ex quibus confectam hanc disputationem aliquanto apud me tempore continui : experiri volens, ecquid interquiescentibus nobis tacere possent, ac flatus remitterent : cùm quidem intelligerem, perinde atque ferrum attritu cotis acuitur, aut flatu ventilatus ignis accrescit ; ita confligendi perpetuitate, litis, & rixæ cupidos homines implacabiles reddi.

Sed cùm me spes ista mea fefellisset, ac frequentes ab illis spargi libros interim animaduertterem, quibus dogmatis sui particulam semper aliquam vendibiliorem facerent, haud ampliùs cunctandum putauì, quin ea proferrem, quæ reposita, & parata iam habebam. Ad id verò præcipuè me insulsi, & illepidi scriptoris indignitas excitauit : qui longiore, vt apparet, impunitate confidentior factus, irrumpere est ausus in medium ; & sectæ communis iniuriam, odio, ac pestilentia libri cuiusdam nuper est vltus ; quem sub eментito Vincentij Lenis

nomine diuulgauit : vt non tam ad scētæ
labantis ruinas fulciendas ; quàm ad sæculi
huius infelicitatem nobilitandam iste cumu-
lus accederet. Ab hac ergo velitatione re-
cens, & in procinctu adhuc positus (siqui-
dem & iste frangendus, ac leui certamine
conficiendus obiter fuit) verti me ad eam,
quam dixi, contra Armacanos accurandam
dissertationem de Lege Mosàica, & gratia.
Quod opus antea tibi & amico, & Docto-
ri Theologo destinatum, nunc etiam Episco-
po nuncupauì. Tu hoc verò, qualecumque
est oblatum tibi munus vel vt amicus (nam
& in eo perseuerare te scio) propenso ac
beneuolo animo capies : vel, vt Theolo-
gorum arbiter & magister, de eo (quod nec
ipse recusò) iudicium feres : vel vt Episco-
pus, idipsum meæ in te perpetuæ, ac sin-
gularis obseruantix monimentum, & pignus,
& qui, bonique consules. Vale. Lutetiæ Pari-
siorum CIO. IOC. XLVIII.



EPISTOLA XVII.
AMICO CVIDAM.

*Nuncupatoria Dissertationis Prioris
de Concilij Tridentini interpretatione,
& S. Augustini doctrina.*

SCIRE VIS (AMICORVM OPTIME) quid
de illa epistola iudicem, quam nuper ad
me misisti ab Abbate ad Episcopum inscriptam.
Respondebo tibi nihil admodum hæsitans.
Rem enim postulas non leuiter apud me tracta-
tam: sed attentè meditatam, atque perspectam.
Quod vt impigrè facerem, non tua me tan-
tùm voluntas est hortata, quâ plurimùm mo-
ueor: sed meum quoque studium suâ incitatum
sponte, fecit ardentius Præfatio ad Lectorem
in epistolæ fronte præfixa: quæ Abbatem epi-
istolæ scriptorem ad virtutis, ingenij, iudicij,
eruditionis opinionem commendauit, quan-
tam maximam capere mortalis conditio potest.
Præf. ad lect. p. 4. Siquidem virum esse testatur *extraordinarij cui-*
usdam pretij: cuius profundam, ac diffusam eru-
ditionem; sublime ingenium; magnum & perspi-
cax iudicium, non solum Gallia, & quidquid inibi
est præclarorum hominum agnoscit: sed etiam Ro-
mana iam pridem Curia cum Urbano VIII. Sum-
mo Pontifice suspexit.

Quod autem ad eam rerum diuinarum scientiam attinet, quæ in contemplanda, explicandâque gratiâ versatur, tantum illi cælestis luminis ad eam intelligendam tribuit; quantum cuius hodie alteri est tota in Ecclesia concessum. Cuius itaque tot ingenij ornamenta venditari, doctrinæque insignia videbam, horum gustum, & experimentum capere illo in libro cupiebam; quem vsque adeo laudatrix illa Præfatio extulit, ut non minùs id egisse videatur, auctorem ut ex libro, quàm librum ex auctore clarum, & nobilitatum redderet. Totum igitur me ad legendum illum librum contuli: &, quod perinde tunc me, ac Præfatio Lectores admonebat, otiosè contemplatus sum vnâquamque partem. Non erit tibi, opinor ingratum: immo quod vltro à me repetis, & cuius gratia illud legendi à te mihi onus iniunctum est, exequar; si summam cogitationum mearum hîc tibi sincerè, ac breuiter exponam.

Mea de Nouis Dogmatistis hæc semper opinio fuit, ex quo in Ecclesiæ perniciem ebullire cœperunt, nullam penes ipsos vim iudicij; nullum ingenij robur & acumen; nullum reconditoris vsum doctrinæ, ac facultatem residere. solam illis non negabam sermonis in scribendo patrij expeditam, ac profluentem celeritatem: quod & vnicum præstare ipsos cupere in tanta crebritate librorum, qui quotidie sub manum iis nascuntur, animaduertentem. Quod si quis vel à naturâ tributum, vel studio, ac disciplinâ comparatum eiusmodi aliquid

haberet, cum, postquam se ad istam sectam applicaret, eaque propinante, tanquam ex Circeō poculo, venena illa dogmatum ebiberat, totum illud effudisse paulatim, penitusque perdidisse.

Hoc meum de illis iudicium, quorundam ex eo grege consuetudine experiētiāque collectum nihil sic confirmauit, vt recens illud anonymi Abbatis exemplum. Neque verò persuadere tibi aliter poteris, si hoc cogites, itaque ratiocineris: Magnum fuisse Præfatio dicit in Abbate ingenium; magnum iudicium; tum omnem excellentis doctrinæ copiam; antequam Româ reuertisset in Galliam: hoc est cum nondum animum appulisset ad Iansenij dogma, cuius ne nomen quidem per id tempus erat auditum. Ecquis igitur Epistolam deinde legens, cum nullum bonarum istarum rerum in illa vestigium, sed contraria potius omnia deprehenderit, non mihi statim assentiatur; in huius Epistolæ scriptore, quæ olim inerant, animi esse ornamenta illa desuisse? Mihi nemo temere fidem habeat istud asseueranti. Legat Epistolam, ac per se ipse iudicium ferat. Obseruet qua de re constitutum illi sit agere: & hoc quemadmodum disputet, atque argumentando conficiat; non dubito, quin leuiora esse, quæ dixi, quam pro rei indignitate fateatur.

Duas in partes Epistolam esse distributam narrat Præfatio. In priore demonstrandum id sibi proposuit Abbas; Tridentini de gratiâ de-

ereta Concilij ex Augustini doctrina, si quid in illis existit controuersia, interpretari oportere. Ad hoc probandum quattuor adhibet firmamenta. quæ sunt eiusmodi, vt ad contrarium demonstrandum, hoc est ex Tridentino Concilio explicandam Augustini esse doctrinam, non minùs suadeant: immo vtrumque multo magis è Scripturis explanandum adstruant. Hic enim, exempli gratia, primus illi est argumentandi locus, quòd Tridentinum Concilium in exponendo gratiæ dogmate Augustini verbis ac sententiis vtitur. Quid tum verò? Num ex eo consequens est, quod sibi probandum sumpserat, Augustinum interpretem asciscendum esse Tridentinorum canonum? Vana & inutilis est ista collectio. Nec meliores sunt aliæ tres: & quod ex illis necitur, non dissimili ex rationis, communisque sensus inopia redundat. Sed hæc vtrumque tolerari possent, nisi altera pars accederet, in qua fines omnes humani, & condonandi erroris excessit.

Verùm contineo me: nec Epistolæ vitia hîc infector. Malo enim operam hanc reseruare dissertationi nostræ; nec illa, quæ longiori disputatione opus habent in angustum cogere, ac quodammodo præfocare. Tum hoc laboro, & enitor, vt famem tuam integram, nec istiusmodi prægustatione compressam, & accisam ad eas dapes afferas, quas in libro tibi hoc apparare decreui. Quem tu librum si legere non grauaberis, &, quod magnopere abs

te postulo, cum epistolâ conferre: disces, quod & Abbatis refert cognoscere, non multum alienæ de tua laude prædicationi confidere, ac sicubi aliàs, hac potissimum in re valere hoc vafri illius Siculi:

Μῆνεις ἀπὸ τοῦ ἀποστολικοῦ πνεύματος τῶν ὁπερ ἔστιν.

ROM. 27. 14. Tum multo magis istud laudabis sapientissimi regum: *Qui benedicit proximo suo voce grandi de nocte consurgens, maledicenti similis erit.*

Sanè plerique omnes factionis istius venalem vt stilum, ita & præconium habent. Scribunt quodcumque iussi sunt magnis auctorati præmiis. Laudant eorum, à quibus conducti sunt, fautores, & amicos: alienos, & ab iis auersos canum instar allatrant: nec à Præfulis, & principibus viris dentes suos continent; ne ab Romanis quidem Pontificibus ipsis; quorum auctoritatem, ac decreta rabidis ac sacrilegis moribus lacerare non dubitant. Quo æquiore idem istud animo perpeti, ac minùs irasci conuenit obscurioris sortis homines, quamlibet probos, & eorum contumeliis indignos. Ita enim mos istorum habet. Displicet alicui gnauo, ac solerti viro nouitas istorum? statim famosis libellis illius nomen traducitur. Nemo istoc obtusior: nemo imperitus æquè; nemo reconditoris doctrinæ, & imprimis Augustinianæ magis experts. Idem si ab illorum emissariis, & illicibus inescatus hamum vorat, & ad eorum partes transfugit; repenti ingenij & iudicij primas obtinet, ac diuinarum rerum, & Augustini dogmatum interiori notitiâ om-

hibus antecellit. Hos ludos, & hanc histri-
oniam exercent, qui quæstum ex illa sectâ in-
stituerunt facere. Id quod D. Abbati homini
non malitioso ab mercenariis istis euenisse
suspicio. Nondum enim iis assentior, quos
tibi narrare scribis, non alium Præfationis au-
ctorem fuisse, quàm qui fuit Epistolæ; eiûsque
rei coniecturam de stili similitudine capere.
Ego verò, donec ea de re certius constiterit,
malim ab altero quopiam scriptam esse Præfa-
tionem credere. Quem quidem caueat D. Ab-
bas ne inter amicos ac beneuolos numeret. Ne-
minem habet inimiciorem, peiûsque de se me-
ritum, vno excepto se: vel hoc ipso, quod
compilasse clanculum ait Abbatis eiusdem scri-
nia, & eo absente, ac nesciente in lucem pro-
tulisse illius Epistolam. Quo facto publicum
ad contemptum doctorum, & ludibrium tam
illustre nomen obiecit. Sed de his coràm, &
vt spero, breui inter nos agemus. Iam enim
propediem ad vos cogito: velim iam à te per-
lectâ Dissertatione nostrâ, & cum Epistolâ
comparatâ. Ita enim vtiliùs de ea controuerfiâ
sermonem inuicem conferemus. Vale, & me,
vti facis, amare perge. Lut. Paris. c 15. 150.



EPISTOLA XVIII.

LVDOVICO XIII.

Regi Christianissimo.

*Nuncupatoria theſeon Philoſophicarum,
ex perſonâ LVDOVICI DE LA
VALETTE.*

QVÆ sunt artes tractandi imperij duæ
(REX CHRISTIANISSIME) ex mihi
videntur ab Ægyptiis in Mercurij effigie con-
ſideratè admodum deſcriptæ. Hunc enim
Deum, quo ſignificari eum vnâ vellent, qui ad
capèſſenda imperia foret appoſitus, non vt ce-
teros ſingulari aliqua forma, ſed duplici iue-
nis pariter, ac ſenis imagine pinxerunt. Quo-
rum alter affecta iam ætate rerum uſum, ac ſa-
pientiam: alter verò iuuenili formâ, robur ac
firmitatem declarat. Quòd ille demum perfe-
ctus ſit animi ſtatus, iſque ad ceterorum guber-
nationem idoneus Princeps, quem vtriuſque
ornamenti par, ac conſentiens dignitas com-
mendat. In quo nullus eorum hominum erro-
ri locus relinquitur, qui præter generoſam ani-
mi fortitudinem nihil præſtandum adèd Prin-
cipi putant; quique ab eo ſapientiæ ſtudium,
tanquam otioſum ſegregant: id quod non ma-
gis

gis veritati ipsi, quàm hominum sapientissimorum iudicio repugnat. Itaque eò sanè feci libentiùs, vt tibi florentissimi regni Principi in hac nostra philosophica concertatione, velut quoddam sapientiæ patrocinium deferrem; neque id à Maiestate tua alienum arbitrarer, in qua ambo ista imperij ornamenta sic paullatim excitari, atque augescere videmus, vt Ægyptiam illam perfecti Principis imaginem non mortuam atque fictam, sed viuam animatamque circumferas. Etenim cùm ea sis ætate, quæ quotidianis incrementis virium accessione firmetur; eâ porro indole, ac virtute præditus, vt magnum in te HENRICVM parentem tuum viuum adhuc quodammodo ac spirantem intueamur: quis non in vtroque, te ac parente tuo, ambarum virtutum consortium agnoscat? Atque vtinam eam nobis effigiem, quæ vnâ adhuc fortassis annorum maturitatem desideret, expolias in dies; & illustriorem efficias. Hoc mihi cum tibi subiectis omnibus populis, immo cum toto fermè terrarum orbe commune votum ac publicum est. Illud obseruantia erga te meæ priuatum ac præcipuum testimonium. De quo tibi commendando nihil ego sum magnopere sollicitus: est enim ex eo primum sapientiæ sacrario depromptum, quod & Augustus olim Pater tuus ad commune totius regni commodum erexit, & in quo Regij sui CORDIS domicilium constituit. Vt ex eo facto intelligeremus, quanta apud eum sapientiæ existimatio foret, qui etsi

f

bellica virtute præstaret ceteris, vnicam tamen sibi sapientiæ sedem optarit, cui COR illud virtutum omnium arcem committeret. Deinde ab eo deriuatum est, qui tibi pæne ab ortu tuo, mancipio & vsu addictus fuit in singulos dies, quoad maximi parentis tui auctoritate in regium hunc sese ludum transferret. Iam cui potius repræsentari hunc ingenij mei fructum conuenit, quàm ei, qui vt omnino meum extare posset aliquid, operâ ipse suâ perfecit? Cùmque is maiore omnium nescias mœrore, an calamitate præreptus sit, eius certè hoc debebatur & successori iuris, ac filio, & virtutis perinde ac in nos beneuolentiæ, & voluntatis heredi? Quamobrem (vt in dissoluendo hoc nomine summam breuiter subducam) accipies hoc qualecumque est, vt à sapientiæ studio, perhonorificum: vt à domestico olim tuo, iucundum: vt à Maiestati tuæ deuotissimo, officij plenum: vt à parentis tui debitore, tibi deuinctum penitus, & obstrictum.



EPISTOLA XIX.

PETRO IANNINO

Regiæ Gazæ præfecto.

*Nuncupatoria Theſeon Philoſophicarum ex perſona IOANNIS
GAVLT.*

PVDERET me (VIR AMPLISSIME)
ad pueriles hæcæ pænèque ludicras exerci-
tationes abuti ſplendore nominis tui, niſi id
ſapientiffimorum hominum Maiorum exem-
plo didiciſſem, ne ab ludorum quidem auctori-
tate ſummæ dignitatis amplitudinem abhorre-
re. Etenim illi non modò Deos ſibi ludorum
ſpectaculis propitiandos putarunt, verùm et-
tiam clariffimorum hominum poſt obitum me-
moriã nullâ aliã re magis, quàm eorundem
celebritate conſecrarunt. Sed erant ea tùm fe-
rè ſpectacula cruentata hominum cæde & ſan-
guine, quòd iis rebus affici mortuorum manes
atque expiari crederent. Nos verò cùm ſo-
lemnium ludorum apparatu annuam Principis
illius memoriã proſequamur, qui naturã
fuit ab omni cæde & crudelitate ſemper alie-
niſſimus, par eſt æquè moribus illius conſen-
taneos, hoc eſt, cruoris expertes ac pacificos

præberi. Apud quem quo in loco fueris, quantumque gratiæ & auctoritatis habueris, ex iis ornamentis, eoque gradu intelligimus, quem illius voluntate maximum atque amplissimum es consecutus. Quantum verò in eum vicissim ac regnum vniuersum contuleris, vt vetera illa longè præclarissima taceam, quotidiana certè in eius coniugem ac filium & maxima & utilissima officia testantur. Illius igitur te Principis curatorem ludorum veluti quorundam ac moderatorem esse vehementer cupimus, vt ex tuo, quod ille magni semper fecit, nomine, gloriæ plurimum ac splendoris acquirant. Verum satisne sapere videor, qui ludum exercitationem hanc sapientiæ ac præstantissimæ disciplinæ specimen appellem? Sed nimirum vti si Achillis fraxinum puer aliquis, aut Pygmæus Herculis clauam arripiat, vt id seriò maximè faciant, ludere illos meritò tamen existimes; sic illa arcana exquisitissimarum artium atque dogmata cum à me ventilantur homine imperito ac rudi, tametsi summo conatu idagatur, apud vos tamen sic tanquam pueriles impetus atque infantium ludicra censentur. Sed neque Agesilaum illum puduit, id ætatis ac grauitatis hominem, domi colludere cum puerulis videri; neque tu, quâ te in omnes facilitate atque humanitate esse comperi, alienum grauitate seueritatēque tuâ esse statues. Ego verò pro egregiis tuis in me meosque meritis atque officiis, quis meus vicissim esset sensus, quomodo cumque testari malui, quàm impudentiæ ac teme-

ritatis suspensionem nimium vereri. Tu (quandoquidem ex euentis consilia ponderari solent) si ad meum hoc factum iudicium tuum & probationem adiunxeris, facies, rectè vt à me sapienter prouisum omnes existiment.

EPISTOLA XX.

CAROLO BELLOMANORIO,
Cenomanorum Episcopo. .

Nuncupatoria Theseon Philosophicarum ex persona CLAVDII BELLOMANORII fratris.

QVI nobilium atque illustrium virorum, iisdem quibus ego de causis, opem ac præsidium implorant (PRÆSVL AMPLISSIME) cùm temeritatem suam atque audaciam excusare vehementer solent, tum leuissimum istud ipsum quod offerunt, nec par illorum esse dignitati profitentur. Qua ex oratione hoc plerumque consequuntur, vt vel pudenter, ac parum ambitiosè fecisse, vel patronorum suorum auctoritatis & grauitatis rationem habuisse videantur. Ego verò qui te primi huius experimenti ducem mihi ac patronum asciuerim, vtrumuis illorum apud te præstare superuacuum existimo. Non enim di-

tuinarum præstantissimarumque artium, quatum hîc tibi specimen præbemus, pondus imminuere sine aliquo flagitio possum; neque porro eius quod à me modò fit, pœnitere me, aut aliter, quàm ita vti fit fieri oportere iudico. Nec ad illa tantùm necessitatis ac germanitatis iura respicio, quorum opportunitate ac fiducia parciùs tamen vti suadet tam excellentis quæ est in te auctoritatis amplitudo: sed illud dico te mihi ad ea Philosophiæ studia auctorem atque hortatorem fuisse. Quare qui possum dubitare, quin cuius operæ mihi ac disciplinæ commendator extiteris, eius fructum aliquem atque indicium à me profectum, tibi oblatum sis grauißimum habiturus? Neque verò, quòd in eo sim genere rudis adhuc atque infans, nec exquisitum tibi aliquid aut serium afferre possim, eo minus fidem tuam ac præsidium appellare debui. Primùm enim neque aut ita de me arroganter sentio, vt me tam exiguo tempore difficillimis in artibus multum assequi debuissè, aut verò potuissè statuam; nec te tam inhumanum, aut imprudentem iudico, vt quatenus ab hoc vñu atque ea ætate postulandum sit, nequeas discernere. Deinde, vt de me aliquid etiam audaciùs prædicem, eo illud omne consilio susceptum est, vt me genere tibi ac communione sanguinis propinquum, etiam in hac imbecillitate mæa, nequaquam degenerem esse confideres: vt quamuis nondum ad illum sapientiæ ac Philosophiæ Solem aspirare propiùs atque euolare possim, in illius tamen lucem ac splen-

dorem, à te præsertim adiutus ac sustentatus, quantumuis debilem atque infirmam oculorum aciem defigam. Quamobrem nihil est quod vltra factum illud meum, quod tibi esse scio iucundissimum, probare magnopere contendam. Et hoc quod à me excusatum hactenus est, magis quia ita fieri solet, quàm quod necesse fuerit, velim à me putes esse factum. Deus te cùm mihi, tum Ecclesiæ tuæ quamdiutissimè saluum & incolumem conferret. Vale.

EPISTOLA XXI.

ANTONIO SEGVIERIO

Senatus Parisiensis Præfidi.

Nuncupatoria Thæseon Philosophicarum, ex persona DOMINICI SEGVIERII nepotis.

QUOD te in ponendo Sapientiæ tirocinio abuti præsertim auctore ac patrono voluerim (PRÆSES AMPLISSIME) tantum abest mihi vt excusandum magnopere sit, vt si cuius id ex omnibus præter te vnum deferrem, quærendæ mihi ob hoc ipsum causæ fuerint, cur alteri potius quàm tibi. Nam cùm post parentis mei obitum omnibus id erga me

officiis egeris, vt parentis mihi loco esses, eiusque tibi personam ac studium imponeres, omnia, quæ quidem ei à me debebantur, æquum est in te vnum vicissim transferri. Quare quod illi, si viueret, longè accideret suauissimum, vt aliquem de iisce meis litteris, atque expectatione sua caperet fructum, idem non vereor, vt ei quoque, qui eius mihi instar sit, gratissimum eueniat. Tibi quidem certè; quem non solùm artes illæ delectant, quæ sunt in sapientiæ magisterio ac disciplina positæ. sed quæ earum vim, atque vsum non priuato modo vitæ instituto, sed maximis reipublicæ partibus tractandis diligenter expresseris. Vt quod nos contemplando ac disputando ægrè admodum assequimur, vt studiosi sapientiæ dicamur, id tu agendo potissimum obtinueris, vt sapiens & sis, & esse ab omnibus existimeris. Quanquam non tam ex rerum administratione tibi sapientiam quæsisse, quàm ad illam ipsam attulisse iam insitam; atque innatam videris. Etenim illa tua Urbana Prætura, quod tu initium attingendæ reipublicæ fecisti, habuit non tironis probabilem sedulitatem & operam, sed veterani & exercitatissimi solertiam atque industriam. De qua ita omnes statuunt: in ea reliquis omnibus, Magistratus illius gerendi normam ac disciplinam fuisse præscriptam. In illa verò deinceps Regia, vti vocant, Aduocatione sustinenda, par & eadem commendatio egregij animi, ac sapientis fuit. Quem tu (hoc vno dissimilis tui quod melior &

præstantior in dies) longè maximâ accessione cumulasti, cùm in transalpinis regionibus diuturnâ ac per honorifica legatione functus es. Atque eius quidem mandato principis, cui ipsum probare se posse cùm virtutum ceterarum erat, tum prudentiæ certè ac sapientiæ firmum imprimis ac graue testimonium. Sed hic quanti postremò te faceret, in mandando subinde amplissimo honore testatus est. Etsi non tam id ornandi tui causa fecit, quàm vt, quod reliquis abs te in muneribus perfectum viderat, ei dignitati multum de tuis ornamentis ponderis atque amplitudinis accresceret. Puderet me ista de te, quæ cum aliquo meo splendore coniuncta sunt, apud te præsertim dicere, nisi adeo peruagata eadem, atque illustria forent, vt non tam ambitionis mihi crimen metuendum sit, quod ea de te prædicauerim, quàm imperitiæ deprecandum, quod vsque eo leuiter ac negligenter attigerim. Verùm omnis illa, vt antè dixi, oratio eò pertinuit, mei vt apud te decreti, ac consilij ratio extaret, neque eius auctoritatem rei defugeres, quæ tam coniuncta tibi, tamque apta moribus tuis, ac consentanea videretur. Nam cetera illa quæ ab aliis studiosè sanè commemorari solent, inissa facio, propinquitatis, & necessitudinis iura. Quæ tum à me fortasse proferentur, cùm nonnulli meæ hac in parte audaciæ seuerior aliquis Senatoriam illam auctoritatem, ac grauitatem opponet. Tu enim mihi vt eam obicias, quæ tua mihi cognita facilitas, atque humanitas

est, equidem nihil metuo. Quem etiam propterea mihi incolumem diu, ac superstitem precor, vt habeam apud quem postea similis quidem animi, ac voluntatis, dissimilem tamen fructum, ac multo vberiore collo-
cem. Vale.

EPISTOLA XXII.

LVDOVICO CAVMARTINO
Regi à sanctioribus Consiliis.

*Nuncupatoria Theseon Philosophicarum
ex persona FRANCISCI filij.*

MAGNO iampridem animo cùm ad reli-
quas capeffendas artes, tum ad hoc po-
stremò sapientiæ studium accesseram, (PATER
OPTIME) quòd ita faciendum esse auctore
te potissimùm atque hortatore didiceram. Sed
maior etiam, quàm initio prouideram, iisdem
urgendis ac prosequendis adhibenda vis fuit.
Siue tanta rerum partim dignitas, partim va-
rietas atque obscuritas inest, vt eam necesse sit
incredibili animi contentione sustineri: siue
tandiu peregrinari ab oculis tuis, atque in-
terim præsentia tua carere nos oportuit. Quod
profectò non modò pro amore erga te meo
longè mihi molestissimum accidit: sed auxit
insuper curam solitudinèque nostram; ac

vehementer acuit, quod eò acrius de me iudicium tuum, ac seuerius fore perspicerem. Et enim quarum rerum quotidiana accessione cernenda paullatim assuescimus, eæ fallunt oculos consuetudine ipsa, & in exigendo diiudicandoque processu hebetiores quodammodo faciunt. Quorum autem incrementum non nisi longo interuallo, ac simul vniuersum obicitur, ea infinitæ de se expectationi, ac cupiditati admodum ægrè satisfaciunt. Ac tu quidem non, vt plerique parentes solent, vel in prima illa rudioris ætatis institutione domi apud te detineri me, atque in sinu tuo, & complexu versari passus es. Sed vt i Theseum ferunt, cum infans adhuc esset, ita à parente longinquam in tutelam, ac custodiam ablegatum, vt non prius ad se veniendi potestatem is faceret, quàm ingenti saxo reuoluto, quod adultæ iam ætatis esset indicium, sub illo conditum enssem ad sese reportaret: sic me ex peregrina illa disciplina, in quam multos iam annos à te sum traditus, sine aliquo corroborati ingenij specimine reuocari omninò non sinis. Quod ego ipsum (PATER OPTIME) ne me diutius abesse à te cuperes, repræsentandum modò tibi, atque offerendum esse duxi. In quo si mihi vel prædicandi tui, vel excusandi, conciliandique mei partes aut voluntate tua detractæ, aut propter vtriusque coniunctionem, esse superuacua videntur, gratulandi certè nihilominus sunt relictæ. Atque vt imperator ille nescio quis certaminum suorum victo-

riarúmque præcipuum hunc esse fructum existimabat, quòd eas esset viuâ adhuc matre suâ, ac superstite consecutus : ita mihi ob hoc præsertim gaudendum esse censeo, quòd te non solùm conscio, sed patrono etiam ac defensore in illud me ingenij certamen industriæque commiserim. Verùm ne nimium de me magnificè sentire, ac mihi, dubio præsertim exitu, omnia temerè polliceri videar, modum adhibebo gratulationi meæ, idque vnum, quoad votis assequi potero, contendam ; ut quemadmodum splendori nunc & ornamēto mihi es, erisque perpetuò ; sic ego vicissim, quod esse patri sapientem filium regum ille sapientissimus monet, gloriæ tibi aliquando, certè voluptati esse possim. Vale.

EPISTOLA XXII.

ΟΥΡΒΑΝΩ, ΤΩ, ΟΓΔΩΩ,
μεγίστῳ, Ἀρχιερεῖ.

Προσφαινηκὴ τῆς ἐμμέτρου τῆς Ψαλμῆς
ᾠδῆς φράσεως.

ΘΕΙΟΝ εἶναι τι χεῖμα πῶς ποιη-
τικῶς, καὶ ἐκ τῆς αἰῶθεν ὀκτιπνοίας
ὀρμφύδμον, πάλαι τοῖς σοφοῖς δέδεται καὶ

λογίοις ἀνδράσι, (Μακαριώτατε Πάτερ)
 καὶ τῷ το μὲν οἷ γε πλεῖστοι καθόλου, καὶ ἀδελ-
 εύτως ἀπεφώνησθε, ὡς ἱερὸν ἄπομ, καὶ
 ἔνθεον ἡγητέον ὃ γένος τῷ ποιητῷ. Πλὴν
 ἔστι τοῦτο οὕτωςί πως, καὶ ἀπλῶς εἰρη-
 μῶνον ὅτε ἀληθές· πολλοῦ γε καὶ δεῖ. ἤρως ὃ
 δήπου πρῶτον διελόντας εἰπεῖν, ὡς
 διχῇ φερομένης τῆς τέχνης, ἢ μὲν πρὸς τὰ
 ψευδῆ, καὶ μυθώδη, ἢ δὲ ἀσεμνα, δὲ φορ-
 τικὰ καὶ ἀγνομήνη, φορτικὴ τίς ὅστις δὲ αὐ-
 τή, καὶ συρφετώδης, ὁδὸν μέγα, καὶ γυ-
 νῆον ἀποτίκτουσα, μηδὲ λαμπρῶς ἐκεί-
 νης τῆς ἐκ τῷ σοφῶν ἀνακηρύξεως ἀξίον.
 ἰὼ τοῦτου γε ἔνεκα προσήκόν ὅστις ἀποδιο-
 πομπήσασθαι, καὶ χάτος φάρισμα, καὶ
 εἰς μαλακίαια πόντον ῥίπτειν, καὶ πετρῶν
 κατ' ἡλιβάτων· οἷα πρὸς τῆς πενίας ὅτε
 ἐν δέοντί τις ἀπερρίψε τῷ γνωμολόγων.
 Καὶ τοῦδε μὲν πέρι τῷ ποιητικῆς εἵδους
 πλείω λέγειν ἀφίημι, ποσῶν ἐπειπὼν, ὃ
 δὲ Αἰεσιππων λέγεισι τὸν φιλόσοφον μύρω
 χροσάμωμον, εἰς τοὺς μαλακοὺς, καὶ θηλυ-

δρίκς ἐπιφθόνειαν· ὅτι κακοὺς ἔδει κα-
 κῶς ἀπολωλέναι τοὺς τῷ μύθῳ πῶς ὠφέ-
 λειαν εἰς λυιδρείαν ἀναβιβλῆκαί. Αλλ'
 ὡς ἄρα πὶ πῶς τῷ γένει ἡμῶν ἕτερον τῆς
 ποιητικῆς ἐμβριχὲς τῷ ὄντι, καὶ χέσματιον, καὶ
 πάσης ἀκαθαρσίας, καὶ ἀσελγείας ἀλλό-
 τειον· ὁ ἀμφὶ τὰ θεῖα σρέφεται, ἢ τὰ κατὰ,
 καὶ σπουδαῖα· ὁ δὲ πῶς πολλοὺ ποιητέον,
 καὶ ἐλκρίτεον τοῖς γε νομῶ ἔχουσι, μεμνη-
 μήκοις ὡς ἄρα εἰς πολλὰ, καὶ χειρώτατα
 ἐντεῦθεν ὁ βίος ὠφελεῖται, ἀφ' ὧν ἐκ
 τῶδε λαβόντων ἀνδρόφων τῷ τῷ ἀναλ-
 χῶν, καὶ προσσηκόντων ἀντέχεσθαι. Ἐπει-
 δὴ γὰρ ἴσθαι αὐτὰ οὐ μετρίῳ τοῖς προσερ-
 χομένοις ἀνδράσι, καὶ ταραχῇ κατ' ἄρ-
 χαὶ ἐμπιπὼν ὡς ῥαδίως ἀφίστασθαι, καὶ ἐν-
 διδόναι, ἀλλὰ καὶ σαφὲν τῆς ἡμετέρας
 φύσεως, καὶ ἀψύχορον, καὶ πρὸς τὰ ἡδέα
 ἄλλως δι' ἐπιφορὸν· πῶς ἐκ τῶ ἐγγίς
 ἐπιβουλοῦντα τοῖς συμφέροισι τὰ τῆς ἐμ-
 μελοῦς ψυχῆς ἡδύσματα· οἷς δε-
 λεαοθέντες ἡμεῖς ῥᾶον ἐκείνα προσέμε-

θα. ὥσπερ οἱ παῖδες τὰ πικρότερα τῆς φαρμάκων, μέλιτι περικυβερτῶν τῆς κύλικος.

Αμέλει, ὅσῳ τῆς ἀρχαίων ἔφησέ τις, φρόνιμ' οἶονεῖ νῦν πλὴν ἡδονῶν ὑπερῆχιν, δι' ἧς ἡ ψυχὴ συμπλέκεται πρὸς τὸ σῶμα; καὶ σιωπῶνται τὸ τό μιν δοκεῖ ὅκ' ἀπεικρίνεται ἀν' ἐφαρμόσας ὅτι τὸ περικυβερτῶν. γὰρ φρόνης ὁμοίαν πλὴν ποιητικῶν ἐμμέλειον, ἢ τοῖς καλοῖς καὶ κακοῖς συμβαίνει, καὶ σωμαρμόνιον οἶδε πλὴν ψυχῆς. Τούτου γὰρ ἔνεκα ἔτι τοὺς πάλαι νομοθέτας λόγος ἔχει, τοὺς σφῶν νόμοις ἐντείνοντες εἰς ἔπος παραδύναται ταῖς πόλεσι, ἔτι τοὺς παῖδας μεθυσάντων κελεύσας ἵνα δὴ τῆς ἐκ τῆς ῥυθμῆς, ἔτι ἀρμονίας τέρψεως ἐκκολώτερον αὐτοὺς εἰς πλὴν μνήμην πρὸς ἀδέξωνται. ἔτι τὰς μὲν δοκεῖν ἀδῶσι μέλη νῦν τῇ τῇ ἀληθείᾳ, καθ' ὃν πολιτεύεσθαι μετ' ἀλλήλων χρὴ, τὸν ἔσπονον ἐκπαδεύονται. ἀ' ἔτι βέλιον, οἷμα, πόμπων ἐκείνων σιωπῶν τὸ ἀγίον πνέον, ἔτι σοχασάμενον τῆς τῆς ἑσπερίων ἀσθενείας,

τὰ πλείστα καὶ χρησιμώτατα τῇ ἱερῇ βί-
 βλῳ, ὧν εἶς τὰ τῆς ὀρθῆς, καὶ κτ' τὸν νόμον
 πολιτείας κεφάλαια, ἢ πῶς ἀγελματίζ-
 νται, ἔτι πῶς ἀινέσθης πρὸς ὁρετὴν ἡσάν,
 ἀλλὰ μέτρων, καὶ μελωδίας ὁξέτετο· ὡς φη-
 σιν ὁ Ἱερώνυμος φερωνύμως ἱερὸς δυνήρ, καὶ
 τριβλὴν πειτίζε τῇ Ἑβραίων μαθήματα,
 καὶ ἐμπειρίαν εἰς ὀλίγῳ κεκτημένη δο-
 κῶν. ὅς καὶ τούτου μῦθους πρὸς τὸν τε
 Ἰώσηππον, ἔτι τὸν Ἀδαμάντιον Ωριγῆνη.
 Καὶ τὰς μὲν ἄλλας ἐὼς τῇ βίβλῳ, πρὸς ὧν
 καὶ ἀμφιστοπήν τις μὴ οὕτως ἔχῃν. πρὸς
 ὃ τῇ τῷ Δαβίδου Ψαλμῷ εἰς ἑστὶν ἐς
 οὐ τὰ μακαρίων ἐκείνων σωθήσεται, οὐ
 μόνον ἐμμέτρως ἐκδεδομένη φάσκειν·
 ἀλλὰ καὶ πρυτοίῳ ῥυθμῷ, καὶ μελῶν πεποι-
 κίλθαι χερσίν· οἷας τὰ τε τῷ Γινδάργου
 διώλῃσιν, ἔτι τῷ Ἀλκίου, ἐπὶ ὃ καὶ Σαπ-
 φοῦς, ἔτι τῷ πρὸς τοῖς Ρωμαίοις ἐν μνή-
 μη, ἔτι δόξη Ορελίου Φλάκκου. εἰς δὲ
 Σύμπαντας, ἔτι τοῖς λοιποῖς ὃ τοῖς μέλῃσι
 πρὸς τοῖς Ἑλλησι, ἔτι Λατίνοις ἐπὶ τῇ ποιη-

ἡκῇ δυνάμει ἀφ' ἀλάμψοντος, ἐνὶ τῇ συμ-
 κρῶ τὰςδε βιβλίῳ ποσόν οὐ Δαδίδης ὑ-
 φηκόντισεν, οὐ τὰς μετέθ' μόνον, ἔ τῇ
 ἀξία τῇ νοημάτων, ἀλλ' ἐνὶ κάλλει, καὶ
 ἀγλαΐᾳ, ἔ γλυκύτητι· ὡς ἀμυσσα, καὶ
 ἀκομψα πόρτα ἑτέρα ὡς πρὸς μόνον
 ἐκεῖνο δοκεῖν. Εντεῦθεν ὅτι ἔ τῷ σαφῶς
 ἀποδείκνυσθαι, ὅτι ἔ τῷ εἰρημνόν, ὅτι
 ἔ τῷ πλείστοις χρεῖαν, ἔ ὡφέλιμον συμ-
 βάλλοντα τῇ βιβλίῳ, πρῶτοια ἡνὶ τοῦ
 κρείττονος, ἀκριβέστερον τῇ ἄλλων εἰς κάλ-
 λος ὀξήσκηται. Τοιαύτη γὰρ ἡ τῇ Ψαλμῶν
 βίβλος, οἷα πόρτα ὅτι, πρὶν ἔν πασας τῇ ἀ-
 γίας γραφῆς ἐνεστὶν ὄφελος, ἐνέαυτῇ συλ-
 λέγαν. ὡς ἐκ αὐτῆς ἀμύρτοι, ὅτι τομῶν
 ἡνὰ πόρτων τῇ θεοπνεύτων λόγων (ἔ τῇ)
 ταύτην ἀποφαννόμενος. Ἀλλὰ μὲν γὰρ φη- 33
 σὶν (ὁ μέγας Βασιλεὺς) πρὸς τῇ παι- 33
 δόλοισιν, ἔ ἄλλαι σοικοὶ, ἔ ὁ νόμος ἔτερε, 33
 καὶ ἄλλα ὁ εἶδος τῆς πρῶτοιμαχῆς πρῶταινέ- 33
 σιως· ἡ ὅτι τῇ Ψαλμῶν βίβλος ὅτι ἐκ πόρ- 33
 των ὡφέλιμον πρῶταινέ. πρῶταινέ 33

Ἡ μείλιοντα· ἰσορείας ὑπομιμνήσκει· νο-
 μοθετεῖ τὰ βίω· ὑποτίθεται τὰ ποικίλα·
 καὶ ἀπαξ ἀπλῶς κοινόν ταμειῖόν ἐστιν ἀγαθῶν
 διδασκαλῶν, ὃ ἐκείτω, πόρος πορὸν καὶ πλὴν
 ὅτι μέλται ἐξυλείσχευσα. Οἷς σιωπῶν
 γράφων ὁ μέγας καὶ αὐτὸς ἐπὶ κλίω Ἀθα-
 νάσιος, οἷον ἐπὶ ἡδύσπον (ἡ) λέγει πλὴν βί-
 βλον τῷ Ἰαλμῶν. ἐπεὶ ἡ τε πόρτων ἐν
 ἐαυτῇ κατέχει τῷ λοιπῶν ἀγαθῶν· καὶ ἴδω· ὃ
 οὐκ ὀλίγ' ἀπὸ σιωπῆς φέρει. Προσθεῖναι
 ὃ ἀν' ἐγὼ γε τοῖς ὑπὸ ἀμφοῖν λεγόμενοις,
 ὡς τῆς οὐσίας, καὶ ἐν θεοῦ ποιητικῆς, ἥς πέρε
 ἐφ' ὧν εἰπὼν, ἡδύσπον τούτῳ, καὶ ἐκρύ-
 να ὁ θεὸς ἐκ κεῖναι τοῖς τῷ πιστῶν λόγοις ἡ-
 θέλησεν· ἵνα εἴ ποτε τις τῷ χειρὸς τῆς
 ἐκ Μουσῶν τέρψεως δεόμενος, ἀποργά-
 ζοιτο καὶ τοῦτον ἀξιοῖ, πρὸς ἐκείνῳ μά-
 λιστα πλὴν ἰδέσθαι ἀπαθῶν οἷον. ὃ δὲ πολλοὶ
 μὴ τέως παρελόμενοι, καὶ μέλη ἵνα σῶ-
 φροντα, καὶ χειρὸς τῆς ἐπαγγελίας οὐκ
 ἀνὰ ζῆλον μελετήσαντες, πλὴν λυραὶ ἔχρου-
 σιν· σὺ δὲ καὶ τῷ ἄλλων ἡδύφροντος

ἔπι χάρων, τῆςδε τῆς ποιητικῆς καὶ πόμπτων
 ἠὲ δίκης τὰ παρτεῖα· ὥς ἐκ τῆς σοι πάλαι
 πεφιλοποιημένων ἰδεῖν ἔξεστιν. ἄλλο οὔτε
 θαυμάζειν κατ' ἀξίαν ἔχομεν· οὔτε καὶ
 πολλάκις ἐπελθόντες, μὴ οὐχὶ πάλιν ὥς
 νεαροῖς ἐπιτίθεσθαι· οὔτω πολλὴ τις ἐπὶ
 τοῦσα χάρις ἐπιτρέχει, δεινὴ καὶ θαυμάσια
 τὰς τῆς ἀκροωμένων ψυχὰς, καὶ πρὸς ἑαυ-
 τὴν ἐφέλκεσθαι. Ἀλλὰ μὲν οὔτω διακεί-
 ομαι σε πρότερον ἰδωτεύοντα, πρὶν ἢ δρχῆς
 ἡσυχίας ἐπιτυχεῖν, καὶ εἰς τὰς ὑπὸ τῆς
 ὅλων φροντίδας ἐμβατεῦσαι, θαυμαστὸν ἴσως
 ὁρᾶν, ὁρᾶν σαφές οὔτω τεκμήριον οἷα γνώ-
 μης ἔχῃς, καὶ ἀγαθέσως πρὸς τὴν ὑπὸ
 ἐμοῦ, καὶ πόμπτων τῆς φρονίμου ἐπαμνο-
 μῶν ποιητικὴν. ὅτι καὶ νῦν ἐν ἀκρῷ σε
 κατεστῶτα τῆς ἀνδραπίνης ὑποφωχῆς, καὶ
 τηλικούτον τραγμάτων ὄσκον δρᾶμενον,
 καὶ οἷον ἀφ' ὑψηλῆς ἕως σκοπιάς, ὅλιον τῆς
 ἀφροσύνης ὀφθαλμοῖς περιλαβόντα πρὸς ὑπὸ
 ἥλιον, ὅμως ὁρᾶν τῆς πρὶν ἐρωμένης ἀπο-
 γέσθαι φιλοφρονησάσθαι ὅτι καὶ αὐτὴν οὐ-

δὲν ἦτοι, καὶ ἀφ' ἑμῆς ἀγὰν, καὶ τῆς περὶ
 ῥησίης μεταδιδῶμαι, ἰχθυὸν εἰς πῖσιν, ὅπως
 πρὸς αὐτὴν ἔχῃς αὐτὸς, καὶ ὡς ἔχῃς ἑτέροις
 δεῖν ἡγῇ. Τοιγαροῦν τοὺς πρὸς ἐκείνῳ οὐκ
 ἀφουεῖς δοκῶντας (εἰ) πρὸς ἐπεὶ οὐκ ἄλλο-
 τερον σεαυτῷ νομίζεις· ὅθεν πῶς τέχνης ἐρ-
 γον ἀπατεῖν· καὶ χρημίζόμενόν σοι περὶ αὐτῶν
 διμνησὶς δέχεσθαι, καὶ αὐτοδῆς ἀξιοῦν. Τοῦ-
 το μὲν οὖν οὐ περὶ ἄλλων πεπυσμένος, ἀλλὰ
 πεῖρα μαθὼν αὐτὸς δι' ἰσχυροσάμην αἶ. Ἐ-
 αὐτὸ τῷτο νῦν ὥς ἐμοῦ πρὸς σφραγισμένον
 σοι μαθήσης δῶρον ἐλλυμίδος ἀφορμὴν ἐν-
 τεῦθεν ἔλαβεν. Καὶ γὰρ μὲν τῶν ἄλλων μα-
 θημάτων, ἃ σοι πολλὰ, καὶ πόρνηα πρὸς
 ἐστὶ, καὶ ἐκείνων ἐμπειροτάτος, καὶ ὅξ' ἴσου ἐρα-
 τῆς ὦν, πρὸς τοῖς Ρωμαῖκοῖς ἐπὶ ἑλληνικῇ
 περὶ ἡμῶν ἤτησας οὐχ ἀπαξ, καὶ μετὰ
 ταῦτα περὶ ὥρμησας πλὴν τῶν ἑλληνικῶν ἐρ-
 μινεῖον, ἔκδοσιν. Οὐκ οὖν περὶ λαβὼν
 πρὸς σοῦ ὅτι σιῶθημα, τότε μὲν ἀφείδως
 ἐμαυτὸν ὅτι πλὴν περὶ οὐδὲν πρὸς ματατεῖαν
 φέρων ἐπέδωκα· καὶ νῦν ἀμφοτέρων ἐνεκα

θάρρῳ, σοῦ τε, καὶ τῷ μὲν σὲ πάλῳ ἐν-
 τευξομένην· ὥς οὔτε τῆς παροδωκωμένης
 παρὰ σοῦ δινοίας ἀποτευξόμενος· ἥς ὁμη-
 ρον ἔχω πλὴν παρῳπρῆξασθαι ἤδη εἰς ἐμὲ
 φιλανδραπιδν, καὶ παρῳκλησιν· οὔτε μὲν
 χαλεποῖς ἐκείνοις, καὶ ἀπρῳατήρις δικα-
 τῆς χρησόμενος· οἷς εἰκὸς τηλικούτῳ εἰκον-
 τας ἀξιώματι, ὑφείναι ἢ τῆς ἀφρῳος, καὶ
 μεταβῶμαι παρὸς τὸ ἐπιφύεσθαι.

Ἦδη γε μὲν ἐκ τῆς τύχης ἑτέρῳ ἢ
 παροσεγγέτω τῷ δωρήματι, ὅμοι σιωοίσθαι
 εἰσιν εἰς τὸ βέλιον, καὶ κατὰ γνώμην ἀ-
 παλλάττειν. Εἰς γὰρ τοῦτον τὸν κατὸν ἀ-
 πώπτησιν ἢ τοῦ συλγῳάματός ἐκδοσις,
 κατὰ ὃν εἰς χαλεπὴν, ἐ βαρεῖαν, ὥς φα-
 σίν, ἀρρῳσῆαι ἐμπεσῶν, παρὰ δόξαν ἀνέ-
 λαβες· ὅπως ἐν χείρισ, ἐ δυνεργσίας μοί-
 ρα τῆς μεγίστης οἱ ἀπορταχοῦ Χριστανοὶ
 τέλεινται. Οὐδεὶς γὰρ ἡμῶν αἰπὴν, ὅς ἀφρῳς
 ἀκούσας οὐ σιωπάσθαι τε νοσήσασθαι σοι, ἐ
 ἦρε τὰς χείρας εἰς ὑμῶν, τὰς ὑμῶν σω-
 τηρίας τῆς σῆς ἰκετηρίας ἀναπέμπων τῷ

θεῶν, καὶ ὡς ὑπὲρ κοινῇ συμφορᾷ τῆς οἰκουμένης
 ἀγωνιῶν. ὅτι καὶ ὑπὸ τῶν ἐκτενῶν ὑπὲρ
 σοῦ τῆς ἐκκλησίας προσευχῶν δυσωπηθεὶς
 ὁ θεός, ὡς τῶν δεσμῶν πάλαι τὸν Πέτρον, οὕτω
 σε τῶν κινδύνου, καὶ τῆς ἀρρώστιας ἀπέλυσεν,
 ὥστε ἐστὶν ὅς οὐ παρὰ χαρῆς ἐγνώμετο, καὶ τὰς θλα-
 σῶσάς σε τὰς ἐνδεχομένης χεῖρας, ὡς ἰδίᾳ
 ἑαυτὰς θλαφέρον, ἀπέτισε. Καὶ νῦν εἰχὼς
 πομπαχόθεν, ἐκ τε τῶν πόλεων, καὶ ἐκ τῶν βα-
 σιλέων, καὶ ἀρχόντων, συγχοῖς εἰς τὴν Ῥώμην
 παρέσθης ἀφικέσθαι τοὺς προσκυνησάσαι σε,
 καὶ σιωποῦσιν οὐκ ὄντες, καὶ ὁ λοιπὸν βύξινος
 τῶν βίου ὡς μακρότατόν σοι, ἔτι βύξινος ἐσα-
 πόν ὑπὲρ χεῖν. Τούτοις τίνω καὶ τοῦτον μέγας
 σιωπὴ φέρει ὥς θέναι ἐμὲ, ἔτι κοινῆς ὡς περ
 βύξινος, ἔτι χαρᾶς, ὅτε καὶ ἐντιύξεως, ἔτι
 φιλοπροσώτης μετὰ χεῖν. Ἀλλ' ὅτι πρὸς
 εἶναι αὐτὸς, καὶ τὰ σωτήρια πρὸν ἐορτάζειν
 οὐχ οἷός τε ἐμὲ, ἔτι αὐτὸ ἐμὲ τὴν μελαδὸν ἐ-
 πεμψα, ὅς μίαν, ἀλλὰ πολλὰς χειρουργίας
 ὡδὰς πρὸς καθαρόν ἀρμόσονται καὶ προσέτι ὅτι
 ἔτι προσπνέει, ἔτι ἐναρμονίᾳ τῶν ὑμνῶν πλὴν τε

σαυτ̃ ψυχὴν ἡδίω ποιήσονται, ἔτ' αὖτε λείψονα
 τ̃ ἀρρώστιας ἀποβίβοντα. Διὸς γάρ τις τ̃ νο-
 σημάτων θεράπων ὁ κιθαρωδὸς ἐκείνος·
 καὶ ὁ μόνος καθ' ὃν ἔζη χρόνος ταῖς ψυχαῖς κατε-
 πάζων ὠφέλει, καὶ ταῖς σώμασι τ̃ καμνόντων·
 ἀλλὰ καὶ νῦν καθ' ἑκάστην θ̃ ποιῶν πάτε πα-
 λαιὰ ψαύματα θ̃ξιά· ὥς φησὶν ὁ Βασίλειος·
 ἔτ' νεοβώτω ταχέαν ἐπάγ' τ̃ ἐπομόρθωσιν.
 ἔτ' νεοσηκὸς ὡς ἐποιεῖ· ἔτ' ἀκέρανον δ' ἔ-
 σῶζ'· ἔτ' ὅλως ὀξαιρὲς τὰ πάθη. Εἴη δὴ σοι, ὦ
 μακαριώτατε Πάτερ, τηλικαῦτα τ̃ ἡμετέ-
 ρῳ παρέσβεως, ἔτ' ἱεραῖς ἐκείνῃς μελωδίαις
 ἀπόνιασ· ὥς ἐπαληθδύεσθαι σοι τὸ ὕπ' ἐκεί-
 νου που ἀδόμενον· δηλαδὴ τὸ γῆρας ἀποξύ-
 σματα, ὁ λογιστὴς τ̃ Κύριον τ̃ λυτὸν ἀδόμενον ἐκ
 φθορᾶς τ̃ ζωῶντα· τὸν τεφροῦντά σε ἐν ἐλέει,
 ἔτ' οἰκτρμοῖς· τὸν ἐμπιμπλῶντα ἐν ἀγαθοῖς
 τ̃ ὅπιθυμίᾳ σου, ὥς ἀνακαρτιάζωμαι ὥς ἀεὶ
 πλῶς νεότητα. ὅπως ὅτι μήκισον τὸν χρόνον
 ἐκκαθιδρυμένος ἔτ' ἔτ' κορυφαῖα τ̃ Ἀποστόλων
 θάλα, τοῖς ὁμοίοις πολλάκις ἐκ Μουσῶν δώ-
 ρεις, ἔτ' ἀγαθήματα πρὸς ἡμῶν τεφρασθῆς.

EPISTOLA XXIV.

ΟΥΡΒΑΝΩ, ΤΩ, Η'.

μερίτω, Ἀρχιερεῖ,

Προσφωνητικὴ τῇ Εκκλησιαστῷ ἐμμίτρως
μεταφραδείτος.

ΠΑΛΙΝ ἰδοὺ προσίεναι σοι πολμῶ
(Μακαριώτατε Πάτερ) καὶ δῶρον
προσφέρειν ὧν ἔχω χάλλισον, ἔοικεῖότατον
μὲν ἐμεί σοι ὃ μάλιστα κεχρησμένον, ὃ
ἀπὸ τῆς ποιητικῆς δηλαδὴ, καὶ ταύτης Ελ-
λινικῆς. ὧν ἀμφοῖν εἰς ἄχρον ἐληθακώς, ὥς
οὐδεμίαν τῇ καθ' ἑαυτὸν ὑπερβολῇ ἀπο-
λείπειν ὁδὸν, τοὺς ἄμην γέπη τυύτων μετέ-
χοντας, καὶ ὃ πᾶν τῶς ἀμούσως ἔχον δόξαντας,
ἡμῆς ὃ τὸ τυχεύσης, καὶ παρρησίας ἀξιοῖς. καὶ
ταῦτα πᾶσι μογέει τὸ δεχῆς, ἔοικεῖόμαρτος
ποσῶτον ὑπερβαίνων ἀπὸντας, ὅσον οἷς ἐφθην
εἰπεῖν λόγους καὶ παρδύμασι τῇ αὐτῇ ὁρε-
φείης, Εὐχὴ μὲ οὕτω τριαύτης, καὶ θαυμαστῆς

οὕτω εἰς τοὺς φιλολόγους ἀγαθέσεως τῆς σῆς δις
 ἔπειθ' ἡδὴ πεφραγείς, τέταρτον δὲ ὅτ' οὐ παρ-
 έρχομαι σοι, οὐχ ἡπτόν ἢ παρόντων ὧν ἐλπίς
 ὦν καὶ τῶν ἴσων, καὶ ὁμοίων, καὶ, εἴπου τύχοι,
 τῶν βελτιόνων ὅπως τυχεῖν. Μᾶλλον δ' ὅτι ἐγὼ,
 ἀλλ' ἑτέρως τις ἐλλείπει παρὲς σέ αὐτ' ἐμοῦ
 πλὴν δὲ πλὴν παρ' ἐσθλείαν ἀγαθὰ δὲ ἀμύνομαι, καὶ ὅτι
 δοξος ὦν ῥᾶον ἢ ἐγὼ, καὶ μὲν πλείονος τῆς
 ἐξουσίας εἰς ὅσον σοι, ἔπειθ' ὁμιλία ἡζήν' αἵ τε
 δὴ πόμπτων πάλας θνητῶν σοφώτατος γεγε-
 νώς, ἔπειθ' κοινὸς τῶν αἰσθητῶν γὰρ σο-
 φίας ὑψηλότης ὑπὸ θεοῦ κατασταθείς· ὥς ἔπειθ'
 ὅτι κλέω Σοφὸς ὡς δὲ πόμπτων ὀνομάζεσθαι.
 Ἀμέλει δ' ἔπειθ' ἐκκλησιαστικῆς τούτου ἐνεκεν ὅτι γέ-
 γραπταὶ εἰν αὐτῶν τούτων, ὅτι εἰς ἐρμηνείαν, ἔπειθ'
 μεταφρασίαν ἐξελεξάμεν, βιβλίῳ οἴοντι
 πόμπτῳ, μᾶλλον δ' παγκόσμιον τι πλη-
 ρος εἰς ἐν ἀγείρας αἰσθητῶν εἰς ἀκρόασιν,
 ἔπειθ' μάθησιν τῶν παρ' οὐρανῶν, καὶ παρὲς πλὴν σω-
 τηρίαν τεινόντων.

Ὡς δ' κεφάλαιον ὅστιν, ὥς ὅσον ἐν ἡγήσειον
 τῶν παρ' οὐρανῶν· ἐπεὶ παρ' οὐρανῶν τε ὅστιν, ἔπειθ'

χα που σκιάς, ἢ ὀνείρου δίκην ἀφιπιάμην·
 ἐν ᾧ ὁ πῦρ ἐστὶ, σάσιν, καὶ πῆξιν οὐκ ἔχοντα,
 οὐδὲ λαβὼν ἀσφαλὴ ὑποτείνοντα τοῖς
 κατέχον πειρωμένοις. Οὐκοῦν βέλτιον εἶναι
 πῦρ πολὺ, καὶ Φροῖμου ἀνδρὸς ἔργον, ἢ
 πρὸς τὸν βραχὺ οὕτω, καὶ Φροῖτων γέ-
 μιντα βίον μετείως κεχρηνημένον, μὴ
 πλείονων ὀρέγεσθαι, μηδὲ ἀπλήτως ἔχειν.
 Ἀλλὰ τοῖς οὐκ θεοῦ δοθεῖσι γέροντα, τούτοις
 πρὸς ἀπόλαυσιν, καὶ ἀποποιῆσαι χρήματα,
 τὸν οὐκείνων δοτῆρα, καὶ λόγον ἀπαμύνησον-
 τα πτόντων φοβουμένοις ἄμα, καὶ ὑμνοῦ-
 ῖν θεόν.

Τοιαῦτα, καὶ πλείω τούτων ἕτερα πῶσαι-
 νων, καὶ εἰς ἐπήκοον ταῖς ἡμετέραις ἀκοαῖς
 καθ' ἐκάστῳ ἐνηχῶν ὁ Ἐκκλησιαστής, πρὸς
 τὴν ὁσίαν, καὶ μακαρίαν σου κεφαλὴν ἵεται
 πρεσβύτου δεόμιμος, καὶ μὲν τὸν ἑαυτοῦ πα-
 τέρα πεμπόμενος ὑπὸ ἐμοῦ· τὸν δὲ ἀγίοις
 Προφῆταις ἐξεταζόμενον φημι, Δαβίδῳ
 τὸν θεοπάτορα· ὃν σὺ Ἑλλήνικῶν μὲν μέλεις
 ἱεῖτα φωνῶ φιλοφρόνως ὑπεδέξω. τούτῳ

ἡρώ κατ' ἴχνος ἀκλουθῶν ὁ παῖς, καὶ δὴ
 θάρρῶν εἰς μέσον πῦρ ἔρχεται, εἰς κόσμον
 ἐσθλὰσμέους, καὶ ῥῆμα παρ' τῷ ἡνιόστῳ
 ὁμοιον.

Αλλ' ὅτ' βασιλὺς μὲν ἔστιν ὁ Ἐκκλη-
 σιαστὴς ὅς' αὐτὸν ὁ δορυφορίας οὐκ εἰκὸς
 ὑπόδοον ποιῆσαι τὸν βασιλέα. Ἀλλ' τὸ το
 λαμ περὶ ἵνα θεραπεύσῃ αὐτὸν ὡς ἐθέσται.
 οἰονεὶ σῖφος ἐπὶ τὸν πομπόδαπὼν ἐλλεινικῶν.
 ἔστι ὅν καὶ Εὐραϊκῶν, τοῦτέστι πατρίων
 ἐκείνων. ἄλλ' καὶ Ἀφροδίτης ἡδὴ καὶ οὐδὲ
 καὶ ἐν ἑκαστῷ ἐκ δειδωκώς, σωματοποιεῖν ἐ-
 δοξέ μοι τοῦ μὲν, ὅς' εἰς ἡμῶν, καὶ περὶ τῇ-
 κηὶ ἀπονήματι τῷ Σολομῶντος. ἴα τε ἄλλα,
 καὶ ὅπως τῇ ποικιλίᾳ ταύτῃ καταγλαῖζομένην
 ὁ δώρημα τοῦ μὲν πολλῶν ἵνα μὲν τὸ ὠφε-
 λείας ὅτι φιλοφιλῶν τὴν ψυχὰν γὰρ τῶν
 ἡρώων ἐὰν ἴλεως, καὶ δι' αὐτὴν γνῶμη τε ὅς'
 περὶ σῶμα, περὶ σῶμα οὐκ ἀπαξιόεις, περὶ-
 πονίᾳ τε ποιήσας τῇ δόξῃ σου, ὅς' ἐμφύτω
 τῷ ἔργῳ ἡμερότητι, καὶ φιλανθρωπία.
 καὶ μὲν ὅς' πλέον ὅσαρτήσῃ σου, καὶ εἰς

δύχας τραπήναι διώουεαίς ποροθυμότερον
 πείσης· ὡς ὅτι μακρότατόν σε τὸν χρό-
 νον τὰ τῷ Πέτρῳ θρόνῳ ἐκκλησιαστικόν
 ὅς, καὶ κατὰ γνώμην ἄγαν ὃ ἐκτελεσμέ-
 νον σοι Χριστὸς ποιῆσιν, ἐν κούφῳ, καὶ
 λιπρῷ τὰ γένη, εἰς τε ὃ παρὸν, καὶ
 πρὸς ὃ μέλλον δόξας, καὶ διδαγμένως
 ἀναπνεύμενον.

EPISTOLA XXV.

ΦΙΛΕΛΛΗΝΙ ΝΕΑΝΙΑΙ.

Προσφωνητικὴ τῆς μεταφράσεως τῆς τῷ
 Κικέρωνος ᾠδαδύων.

ΙΔΟΥ χαρὸν σοι παρ' ἐμοῦ προσέρχεται
 παιδείας δῶρον Ἑλληνικῆς· ἐπεὶ σὺ τε
 λαβεῖν ἐδεήθης ἐμοῦ· καὶ γὰρ δεομένη δώ-
 σθαι ὑπερέμην, δούτερον που πῶς χάριν
 ὅτι τῇ παραλαβούσῃ, ὡς εἰς σὲ παρακατε-
 θέμην, πῶς πρὸς ἐκεῖνα δηλαδὴ τὰ μα-
 θήματα παραγωγήαι, καὶ συμβουλίαι.

Μέμνημαι γὰρ ὡς οὐ παρὰ πολλοῦ Διὶ
 Ζηνοῦν ἤμην, καὶ δαίμονιαν πινὰ δείξαι-
 τὸς σου παρὸς τοὺς Ἑλλήνικοις λόγοις ἐρ-
 μῶν ἔχην, καὶ μοῦ ἀποδιδάσκοντος, ὅπῃ τε
 τούτοις Διὶ πολλὰν οὐχ ἥκιστα παῖδα κα-
 λεῖντος· μαθεῖν ἔφησ' ἐθέλειν, πῶς αὖ
 μεγάλας ἡς ἐν βραχεῖ, καὶ ῥά τι ποιή-
 σθαι τίω περὶ κοπῇ. Ὑπολαβόντες δ' αὖ
 ἐμοῦ, καὶ τοῦτο μέγιστα περὶ ῥῆγος ἀνὴρ ἡμέ-
 ραι φήσας τοῖς ἑλλήνισιν ὅτι χερσὶν,
 εἴ τις τὰ τῶν πάλαι ὅπῃ τῇ Ρωμαϊκῇ ἐν-
 γλωττίᾳ Διὶ λαμβάνων συνθεσέμεται
 εἰς ἑλληνικὴν μεταφράζειν πειρᾶτο τίω
 Διὶ λεκόν, (οὐτὼ γὰρ αὖ τειβίω λήψαι-
 σαι, καὶ ἔξιν ἔμμονον τῆς ἐν ἀμφοτέροις
 διεπίας τε, καὶ διωάμεως, πείρα διδα-
 ραίειν σιωπῶντος ὧν Διὶ μακρῶς τὴν
 παλαιὰν γλῶτταν διεξόδου μέγιστος αὖ ἐφικέσθαι
 διωάσθαι) ταῦτ' ἄρα, καὶ πόλλ' ἄλλα πιαῦτα
 λέγοντος ἐμοῦ, οὐ χαλεπῶς ἐπελάσθης· καὶ
 αὐτόθεν εἰς ἔργον ἐχώρει σοι τὸ παρῆγμα.
 Ἀλλ' ὅπως ὁδῶ, μέλλον παρθεῖναι καὶ εἰ

που ἡ καὶ ἀποσφαλείη τὸ ἐλχέϊρημά σοι τῷ
 ὀρθοῦ πατρὶ περὶ, (οἷα κατ' ἄρχας συμ-
 βαίνην εἰκὸς τοῖς ἀπείροις ἐν, καὶ νεωστὶ τῷ-
 δε τῷ μαθημάτων ἡμμένοίς) παρ' ἄλλων
 ἔχης τὸ λεῖπον διορθῶσαι δυναμικῶς βοή-
 θειαν· εἴζα καὶ γὰρ ἐν μέρεσι ταῖς σου τῷ
 δεήσεσι, καὶ τελευτῇ ἐπεβαλόμην, ἀφ' ὧν
 σοι μετ' ἐμὴν δέξιν ὑψηλοῦ μιν, κατ'
 ἰδίαν καὶ αὐτὸς ὀξελλιώζην ὡς ἡδυνάμην
 καλλις, καὶ ἀκριβέστατα· ἵνα τῷ τῷ παρ'
 ὀφθαλμῶν ἔχων οἶονεῖ τύπον καὶ ὑπογραμ-
 μὸν, βέλπον ἀπαλλαγείης. Ἐπειδὴ δὲ αὐ-
 τὸν ἐνὰ ἐκ πούτων ἐκλέξαι τὸν Κιχέρωνα ἀμ-
 φοῖν ἔδωκεν ἡμῖν, τὸ μὲν παρ' αὐτὸν ἀπὸ τῷ
 ἐκείνου ἄρχαί μιν ὅτις οὐκ ἔστιν, ἔστιν αὖ με-
 ταφράζειν ἐπεχέρῃσα. Εἴτα ἀπὸ τούτων
 εἰς τὸ παρ' αὐτὸν τῷ παρ' αὐτὸν τῷ Καθηκόντων
 τριῶν μεταβάς, ὅν τε ὕψος ὀλίγ' αἴτῃ ἀξείρ-
 ρασάμην. Ἀλλὰ καὶ τόδε τὸ ἐλχέϊρημα,
 ἀφ' ὧν πολὺς ἔχον τῷ συγγραμμάτων ἀφείς,
 ὅτι τὰ Παράδοξα, οὕτω δὲ ὅτις γὰρ ἀφ' ὧν
 μιν βιβλίδιον, τὸ ὅρμιν ἀπὸ τῷ ἀπὸ τῷ

μίω· ἀμφοῖν ἔνεκα δὴ τούτοις, ὅτι ὁ μὲν
 ὄγκος σύμμετρος ἔδοξεν εἶναι, καὶ δὲ ἀτάκτως.
 ἡ δὲ ὑπόθεσις γυναικας ἐφαίνετο, καὶ φρο-
 νήματος μετῆ· ὥστε πάλιν ἐνὸς κεφαλήμου,
 πάντα τῇ τῷ χρυσιδανῶν φιλοσοφίᾳ τῇ τε-
 λειοτάτῃ πᾶσι πασιν ἐφαρμόζειν. Εἰς
 τὸ κεφάλαιον τοῦ αὐτοῦ χρηματικῶν Στωϊ-
 κῶν τῶν ὀρθῶν λόγων ὁ δὲ ἐν ἡγήσει, ἡ δὲ ἀλη-
 θινήσ ἡμῶν δισέχειας ἀπαῖδον, ὡς τῶν ἴσων
 εἶναι τὰ ἀμφοτέρωτα, καὶ μηδὲν πλέον εἰς
 κακίας λόγον πλημμελεῖν τὸν ἐαυτοῦ πατέ-
 ρα κτείνοντα, ἢ ἑτερόν τινα τὸ ὁδὸν παροψι-
 χόντων. Ἀλλὰ ὡς μὲν τούτων ἀφροδέ-
 ψαθαι οὐ τῶν πρῶτοντος ἔστι χαλεπὸν. ὅτι
 νῦν ἔχον· ἐκεῖνο δὲ τὸ συγγραμμάτιον τῶν
 Κικέρωνος σὺν χάριν τελέως ἀπορρασα-
 μένος, εἰς κοινὴν ἀπόρῃ των τῶν φιλελλινῶων
 χεῖσιν, ὅτι ὠφέλειαν ὀξέδωκα, σὺν καὶ
 ταῖς ἡμιτελέσιν, ἅσπερ ἐφθίω εἰπὼν,
 συγγραφαῖς ἡγῶμαι τὰς παρομιῶν τῶν πε-
 ρὶ τῶν Καθηκόντων πρῶτου βιβλίου, καὶ
 δυοῖ ταῖς ὀπισθολαῖς· ταύτῃ τοίνυν δόξα-

μῦθος, τὴν παραματείδου, ἔπεισέ τῃ χρο-
 νῶς ἐν δέοντι τῇ ἀφορμῇ, λήσῃ ἴαχα καὶ
 τὰ ἐλλείποντ' ἀποπῶς ὑπεδεδωκώς, ἔ-
 πον αὐτὸν σοὶ διαυλὸν ἀφ' ἑσέχοντες ἡλικίας,
 ἔσσυφοντ' ἐν ὀλίγῳ παρὰ δραμίων.
 Οὐαὶ γὰρ τῆς ἀγῆστον φιλομαθείας· ἔτι το
 ὅτι ἰσοκράτειον ἐπαληθεύων, ἡμίσιον πολυ-
 μαθῆς. Εἰρήσῃ.





DIONYSII
 PETAVII
 AVRELIANENSIS
 E SOCIET. IESV
 EPISTOLARVM LIBER II.
 PHILOLOGICÆ.

EPISTOLA I.

*Iacobo Mallebrancquio Societatis
 Iesu.*



VAM in scribendo mihi rationem præscripsisti, eam in respondendo sequar; & sine ambitu, ac verborum inani præfatione deiis, quæ in percontatione tua posuisti, sententiam dicam.

Vt igitur à Gregorio nostro Turonensi initium faciam; nihil erit, quod hac de re lit-

teras nostras desideres; si libros nostros de Doctrina Temp. quos anno superiore in lucem emisimus, in promptu habeas. Nam lib. xi. cap. XLVIII. huic quæstioni cumulatè satisfecimus. Nihil certius quàm quod Chronologus iste nescio quis, cuius meministi, opinatus est: Paschalem controuersiam, de qua Gregorius lib. v, cap. xvii, in annum incurrere Christi 577, quo secundus Childeberti erat in cursu: alteram verò, cuius idem scriptor mentionem facit lib. x, cap. xxiii, vnà cum eclipsi Solis, anno congruere Christianæ æræ 590. vti nos capite illo copiosè disputamus, & Scaligerianum *παραλογισμὸν* redarguimus. Hactenus ergo controuersia inter vos esse nulla debet.

De S. Martini obitu assentiri nullo modo possum, neque Gregorio, etsi is in errore constans est, nec alteri qui Gregorij lapsum sequi, aut etiam augere voluerit. Nam Gregorius annum illius morti præfinit 397, qui scilicet Coss. habuit Cæsarium, & Atticum. At Scaliger splendidius etiam aberrat, qui biennio anteuertit, & ad annum accommodat 395. Nos annum vel 400, vel 401. ponimus. quorum alteruter decimus sextus est ab anno 386; quo Euodius Consul fuit. quorum illum quo mortuus est S. Martinus, annum computat Seuerus Sulpitius, Dialogo iii. de vita S. Martini. Hæc à nobis lib. xi. de Doct. temp. c. XLIV pluribus explicata reperies.

Venio iam ad ipsum inquisitionis caput, &

ἀπὸ τοῦ Chronologicum, de quo quid sentirem præcipuè flagitasti. Annos te dicis illos, quos ex Gregorio paulo antè designauimus, cupere esse non 577, & 590; sed vno minus, 576 & 589, idque rationibus tuis magis congruere. atque hoc vtrum per nos liceat interrogas. Quæ dubitatio ad ipsum caput communis æræ transfertur. Nam cùm Salianus noster, hortatore me vsus, natalem Christi in eum annum conferat, qui Coss. habuit Augustum xiii. & Siluanum, & æram vulgarem vno antecedit anno: ex quo factum est, vt quod Lunæ deliquium à Baronio in annum Christi 16 coniectum est, id ex Saliani calculo conueniat anno 15: eodem iure suspicaris posse & annos illos qui numerantur 577 & 590, vno minus putari 576: 589. Quibus vt faciliùs respondeam: nonnulla de Christiana æra, annóque natali Christi; ac de Baronij aliorúmque rationibus explicanda videntur.

Quorum hoc primum ac præcipuum esse debet: aliud esse communem, & Christianam æram, siue epocham: aliud annum Christi, qui ab eo natali proximus est, quem sibi quisque priuata opinione statuit. Etenim æra Christiana fixa est, & immota loco, neque pro sententiarum varietate mutatur. Est enim eiusmodi, quam vulgò numerare consueuimus; quam & *vsualem* propterea nonnulli vocant. Ab hac annus iste computatur millesimus sexcentessimus vicesimus octauus. Horum annorum primus incidit in annum Urbis Var-

ronianum 754, editionis Iulianæ 46, cyclo Lunæ 2, Solis 10. Siue autem Christus Dominus anno proximè, antecedente, id est Iuliano 45, cyclo Lunæ 1 Solis 11, in lucem editus sit, VIII Cal. Ian. siue vno anno, vel biennio, vel pluribus antea, posteaue sit natus: nihilominus hæret in eodem anno Iuliano XLVI æra Christiana. neque propterea cycli mutandi sunt. Itaque aliud est, vti dicere cœperam, æra Christiana; aliud verus Christi natalis annus. Quæ res obseruatione mediocris, vsum Chronologicis in rebus maximum habet; cuius ignoratione complures in computandis temporibus errore lapsi sunt. Quippe annum illum, quo natus Dominus vulgò creditur, hoc est, qui communis æræ principium proximè antecedit: alij eum esse putant, quo Coss. fuere Lentulus & Messalinus: alij quo Consulatam inierunt Augustus XIII, & Plautius Siluanus. Illorum sectam Baronius, horum Onufrius amplexus est. Sed cum annus ille, quem dixi, Consules habeat Cornelium Lentulum, & Calpurnium Pisonem: priores biennio; posteriores anno vno falsi sunt. Itaque priores duo Annalium tomi ad Probum vsque, vel Diocletianum, biennio peccant. Quod vt vitarent nonnulli, æram Christianam ab anno natali, quem verum existimabant, in Chronico suo distinxerunt. Idque auctore me Salianus noster vsurpauit. Quod nisi fecisset, toti illi sex Annalium tomi vnus anni parachronismo vitiosi essent. Qua de re

copiosè disputatum à nobis est lib. xii de Doctrina Temporum.

Nunc ad te, & tua, care Pater, quæ sita reuertor. Intelligi ex iis, quæ dicta sunt, opinor, potest, tametsi anno vno Christi natalem antecapias, cùmque conferas in Consulatum Augusti xiii, & Siluani; nihil in æra Christiana propterea posse mutari. Ac sunt aliqua, quæ tu in epistola tua posuisti, quæ cuiusmodi sint extricare non possum. Igitur (inquis) *si iisdem cum Saliano Coss. Baronium anno vno prauertenti mihi quadrant solis ille, & luna eclipses, quæ habentur anno ære Christianæ primo, num etiam de duabus illis Gregorij Pascha dubietatibus idem sit intelligendum &c.* Atqui si iisdem cum Saliano Coss. vtare, non vno anno Baronium anteuertas; sed sequare potiùs. Hic enim Coss præfinit Lentulum & Messalinum; quibus annus Iulianus xlii competit: Salius Augustum xlii, & Siluanum, quorum Consulatus in annum Iulianum xlii incidit. Deinde vt de æra Christiana loquaris, quam perperam à Baronio bienio anteceptam diximus: pro eo ac statuis vno tantùm anno præuertetur. Itaque annus ille qui à Baronio numeratur Christi xvi, in Chronologia tua putandus erit xv: cùm sit reuera xiv. Qui annus Augusti morte, & Lunæ defectione celebris est quæ in Pannonia conspecta est, Septemb. xxvi. Quod ad insequentes annos attinet; monui iam à Diocletiani primordio deinceps Baronianam Chrono-

logiam cum rei veritate congruere. Cuius ratio reddita est à nobis lib. xi, cap. xxvii de Doct. temp. Quare nihil debet in annorum serie commutari : neque potest annus 577 à te numerari 576. Neque porro Astronomicae tabulae, vel cyclorum rationes demi aliquid ex annorum numero; vel addi patiuntur. Quod si annum exempli causa 577 vel 590 vno minus numeres; non iam æra Christianæ vulgaris annus vterque tribuetur : sed nouæ alteri quam tu soli tibi statueris.

De Ambrosij Epistola sic habendum est; mendosos esse codices, in quibus scriptum est annus 80 Diocletiani, pro 89. Loquitur enim de Paschate anni 373. quo cyclus Lunæ fuit 13. Decima quarta Paschalis 1x Cal. Apr. At anno 93. Diocletiani, id est Christi 377. decima quarta Paschalis incurrit in 1x Aprilis. Itaque vel hoc argumento noneris mendosum esse S. Ambrosij textum; quòd eodem die, anno vtroque terminum Paschalem contigisse ex illius oratione consequens sit. Atque hoc iam dudum ab aliis animaduersum est.

Ad summam, etsi annos illos, vel quoslibet alios anteuertas, nihil tamen in æra communi, quod ad biffextilium, vel cyclorum ordinem spectat immutare potest. Neque verò Salianus si ad ista tempora peruenisset, alios quàm qui à me commemorati sunt annos in Chronologia sua posuisset : sed perinde ac Baronius cum communi calculo consensisset.

Hæc ad quæ sita tua longius fortasse, quàm

pro epistolæ modo; sed explicari breuius ista non poterant, quæ tum demum accuratiùs intelliges, cùm libros nostros legeris: in quibus nihil est, quod eò pertineret, omissum. Tuis me precibus, ac sacrificiis plurimum commendo. Vale. 1628.

EPISTOLA II.

*Ioanni Billio Societatis Iesu,
Mussipontum.*

CAPIO laborum meorum, studiorumque fructum, qualem mihi proposueram, dum alienis iuuandis quantulumque inde opportunitas redundat. Est omnino spissa res ac morosa, defectionum, præsertim solarium putatio, quam methodo nostra subleuari posse non diffidimus. De qua nonnulla sunt à te proposita. quibus sine vlla mora, ac pompa, singillatim breuiterque respondebo.

Primum illud est; an cùm apparens syzygia veram præcedit, vt accidet in nouilunio anni 1652, gradus & minuta respondentia temporis parallactico detrahare oporteat, an addere, ascensionis rectæ sectionis meridiani, & eclipticæ. Respondeo; cùm apparens antecedit veram, detrahi oportere: cùm sequitur veram; adiici. Siquidem ascensio recta ab initio Arietis in consequentia numeratur; hoc est ab occiduis partibus æquatoris versus ortiuas.

Vnde quo longius est interuallum, eo magis promouetur Arietis initium occidentem versùs; ac magis ab ortiuis partibus recedit. Proinde si apparens nouilunium citiùs, quàm verum, incidat: de ascensione, quæ veri momento congruit, tantùm subtrahi debet, quantum interiecto temporis spatio confectum est.

Secundum est, de praxi solis altitudinis obtinendæ per can. x cap. xii: an ad eruendum arcum distantiae inter nonagesimum gradum, & verum locum luminarium in ecliptica, locus verus luminarium è nonagesimi gradus situ deducendus sit. Respondeo vtriusque differentiam, arcum esse qui quæritur.

Tertium est de motu horario vero ad paralacticum tempus metiendum. De quo sic habet, omninò ex can. vii cap. xi colligendum.

Postremò quod ad vmbrae vnionem attinet, ea pendet ex Solis anomalia. Etenim quando lucidum corpus maius est opposito, & vmbra faciente, quo ab hoc altiùs attollitur, eo maior vmbra proicitur; quo verò propiùs est, eo minor vmbra fit. Ideo quo apogeo propinquior est Sol, eo maiores vmbrae sunt; adeoque variatio minor est, quæ ex perpetua regula de vmbra detrahitur.

Hæc sunt epistolæ tuæ quæsita. De quibus si paulò tardiùs rescripsi; primùm eorum accusanda cessatio est, à quibus seriùs quàm pro eo tēpore, quo data ponitur, mihi est reddita. Tū alia interim erant sub manum, quæ omnino antevertenda negotio isti fuerunt. Quòd si tibi gratū

id erit; mittam aliàs accuratissimam solaris eclipteos *διαγραφὴν* per singulos canones exactam; vti similes meditati typi instar, & exemplaris esse possit. quod nonnullorum hîc rogatu facere institui; & affecta iam res erat, cùm hæc scriberem. sed ea fortasse tirone dignior est, quàm in his studiis detricto, & exercitato, cuiusmodi te aut esse, aut fore propediem auguror. Vranologium nostrum, siue Auctarium operis de Doctrina Temporum puto iam apud vos extare. In eo multa Hipparchi, aliorumque veterum Astronomorum errata sanè pudenda detecta à nobis animaduertes; vt alia recentiorum omittam, præsertim Scaligeri, cuius liber de Antecess. Æquin. funditus hîc evertitur. Vale. 1630.

EPISTOLA III.

*Antonio Lalouuero Societatis Iesu,
Tolosam.*

SEIUS licèt aliquanto, ad quæ sita tua respondeo, quæ vnīs litteris iv Kal. Maias datis exposuisti (nam superiores, quas commemoras vidi equidem nullas.) Ne autem citiùs tibi satisfacerem iustæ causæ, & graues intercesserunt. Ac de singulis eo ordine dicam, quo abs te sunt proposita. Primum est de stellarum *συναγαστῆς*, & *συναγαστῆσι*, de quibus regulæ quædam in Auctario præscribuntur; quas in

nonnullis fallere astronomica ratio demonstrat. quod ne ipse quidem diffiteor. sed eas qualescumque non à me conditas, sed à Peuce-ro, Vineto, aliisque traditas, ex vulgaribus methodis, ac commentariis exscripsi: ac nihil ideo mutavi, quòd si quid à vero discrepant, id sit perleue, ac rarò, & in exigua duntaxat eleuatione poli accidat. Velut vbi æquale est ~~ex~~^{ex} declinationi maximæ zodiaci in vno haud ampliùs circulo contingit: in duobus verò tantum, vbi citra declinationis maximæ modum polus attollitur. Quod quia perpussillum est, vt dixi, & in iis sphæræ positionibus, ad quas obseruationes suas insignes astronomi direxerunt, minimè fit: iccirco cùm ab vulgaræ methodi conditoribus neglecta ista cautio est; tum à me dum illas inde transferrem insuper habita. Poterit tamen, si qua deinceps editio notua curabitur, de ea re lector admoneri.

Alterum caput est de horizonte, quem nescio cur planum omnem esse definias: cùm sit omninò duplex. Nam aliud est planum; aliud conicum, vt disertè Cleomedes docet in fine libri 1. Ibi enim argumento illi respondens, quo effici videbatur non habere terram vnius puncti rationem ad cælum ex eo quod è sublimi prospicientibus ampliùs parte cæli dimidia pateat: ita disputat; non inde consequens esse terram cum mûdo comparatam non puncti instar esse: quòd ex editoribus locis plus dimidio cælo conspiciatur: sed si ex plano spectantibus id

accideret. Esse enim horizontem duplicem:
 τῶν μὲν ἐν τῇ ὀφθαλμοῦ ὁρίζοντων, ἐπὶ πείδων ὄντων· ἧς
 δὲ ἐξ ὑψους ὁρωμένων, κατωθενδῶν, καὶ ὄντων καὶ κελουμένων.
 Hoc si verum est, tum rectè profectò pag. 277
 Vranologij in schemate proposito diameter
 horizontis αἰθιτῆ & κατωθενδῆς ex A, è specula
 constituitur tangens AB. Hunc enim Cleome-
 dis locum præ oculis habebam dum de hori-
 zonte illa scriberem.

Quod horizontem illum, qui supra terræ
 globum, quem in puncto contingit, ad cælum
 vsque porrigitur, totum visu discerni non posse
 obiter docui: nolo dictum illud ad exactam
 Mathematicorum subtilitatem exigas; quod
 ad popularem magis vsum sermonis conuenit.
 Non enim idèd non est sensibilis, quia pars eius
 aliqua latet, opaci mole corporis oppressa, si-
 cut illius, qui per terræ centrum traicitur: sed
 quoniam humani visus acies angustioribus cir-
 cumscripta spatiis cum illius intervallo ad æqua-
 ri non potest, quatenus in infinitum extendi-
 tur: maximè cum λόγῳ θεωρητὸς appelletur, & ab
 αἰθιτῇ distinguatur. vnde consequens sit, non
 esse ipsum αἰθιτὸν. Sed utcumque res habet,
 expungi pauca illa verba malim, quàm sen-
 silem horizontem cum maiore confundi, hoc
 est eius partem constitui; quod & Salmasius
 asserit; & placere tibi video. Atqui non solum
 contrarium ex Cleomede demonstratum est:
 sed etiam si ita est, vt vis, hoc ipsum, quod mi-
 hi obiicis, in te recidet. Nam si horizon αἰθι-
 τὴς plana superficies est, & pars maximi, ac

λόγῳ θεμελιῶν . consentaneum est, totum ipsum circulum, cuius pars exigua duntaxat sensilis dicitur, conditionis alterius esse, minimèque sensilem. Quod quia epistolæ modum excedit, aliàs peculiaribus ad te litteris latius explicabo. Vale.

EPISTOLA IV.

*Antonio Lalounero Societatis Jesu,
Tolosam.*

IAM DV DV M auriculam vellunt mihi binæ tuæ litteræ, quibus nihil hætenus rescripsi: sed causam meam apud vos aget, ac pro me respondebit Rationarium meum, cuius exemplaria mitto tria, è quibus tibi vnum accipies, reliqua duo PP. Bessonio, & Fagonio à me offeres. Noua est editio, & priori non solum vberior, & emendatior; sed nouo etiam ordine confecta, cuius in Præfatione ad Lectorem rationem exposui.

Dicet hic vobis liber in se recensendo, commutando, resarciendo, sic occupatum fuisse me; vti litterarum omnium, quas bene multas interim accepi pæne memoriam excusserit: sed duarum in primis à te postremarum, quæ quòd paullo difficilioris erant argumenti, plus ad respondendum studij flagitabant, ac temporis. Quod vtrumque ne nunc quidem, quantum sa-

tis erat adhibere integrum fuit : nec nisi raptim, illas ac celeriter percurrere potui.

Itaque minùs accuratam ad præcipua capita responſionem hanc habebis; in qua primùm illa ponam, de quibus posteriore tua epistola meministi.

Theonis obseruationes duas cum Tabulis nostris neutiquam congruere scribis; quarum altera solarem $\alpha\gamma\delta\psi$, lunarem altera designat. Ego posterioris illius, quòd expeditiores sunt, calculis positis, idem quod mones animaduerti : Solares nondum attigi. Sed scire debes eclipseon rationes, quæ ex Ptolemaicis tabulis confectæ sunt, ab hodiernis sæpius abire longiùs; velut Alphonſinis ac Prutenicis, ne id Parisinis præcipuè vitio vertas. Quod ex vno exemplo poteris intelligere lunaris deliquij, cuius descriptio tradita est in 8. de Doct. Temp. p. 798, & seq. Mihi cùm per otium licebit, duas illas Theonis ad aliorum quoque tabulas exigam; nostrarum vt explorem fidem.

Alexandrinorum intercalarem diem inter 28, & 29 Augusti Romani inseri cùm dixi, nihil aliud significare volui, nisi situm eius fuisse inter vltimum $\theta\psi$ $\epsilon\pi\alpha\gamma\gamma\epsilon\iota\sigma\mu\epsilon\upsilon\sigma$, & neomeniam Thoth, si quæ Augusti 29 sæpius respondet. Quod rudi ac pingui mineruæ, non exquisita ratione pronuntiasse me fateor. Similiter atque Græci Computorum artifices dicere solent Thoth anni Alexandrini fixi semper incipere Iuliani Augusti xxix. quod minimè verum est, si accurate ac præcisè loqui velimus.

Iam Alexandrinorum intercalaris dies in anno fixo, citra controuersiam incidit in annum cum, qui Romanum bissextilem proximè præcedit; vt ex Ambrosio demonstrauius, qui in epistola 83, diem 28. Pharmuthi, siue 238 à Neomenia Thoth, cum 1 x Cal. Mai. componit, hoc est xxiv. Martij, anno Christi 360. Vnde necesse est primam diem Thoth Augusti xxx die contigisse.

Hic de integritate loci Ambrosiani dubitare videris, quod in quibusdam codicibus, 7 Cal. Mai. legitur.

At in numero dierum Pharmuthi nulla est varietas: nec dubium est quin 28, scripserit Ambrosius. Id si verum est, tum verò Pharmuthi 28 dies cum Aprilis 23, siue ix Cal. Mai. comparatur. Nam nullo alio die, quàm Apr. 23, Dominica Paschalis isto anno incidit.

Nec minus illa sunt certa, quæ de initio *της ἀποκταύσεως* anni fixi Alexandrini tradidimus in x de Doct. Temp. cap. 71. vbi contra communem opinionem statuimus Alexandrinos annum fixum, & ἀπὸ αὐτῶν vsurpare cœpisse ex anno Iuliano xx1, Urbis 729. Per. Iul. 4689. Nabonassari 724 ineunte.

At tu annum antecedentem Periodi Iul. 4688 ei negotio præfinis Theone reclamante; qui in libro *τῶν περὶ χειρῶν χαρίτων* scribit annos ab æra Nabon. ad mortem Alexandri fluxisse 424. (in contextum Operis nostri perperam irrepfit ccccxxxiv) ad illam verò ἀποκταύσειν, annos 723. Non est obscura Theonis, & ante

hunc Ptolemæi consuetudo, dum annorum summam computant ab epocha quapiam. Tum enim annos integros ac finitos colligunt. Vt cùm annos 424. vterque numerat ab initio Nabon. ad mortem Alexandri siue Thoth Philippi, significat annum 425. nouam æram auspiciari, expletis iam annis 424. Ad hunc modum ab æra eadem Nabonassari ad ἀποκρίσεως Alexandrini anni, integri fluxerunt anni 723. Proinde cùm anno 724 Nabonassari cœptus est annus fixus Alexandrinus. Atqui annus iste 724 in-
iit anno Iuliano 21, Per. Iul. 4689. quo neomenia Thoth primùm ad Augusti xxix diem peruenit. Hoc igitur ipso anno, vti ratio postulat, Alexandrini annum fixum, & Romano similem adhibuerunt. quod & Metochitæ locus ibidem commemoratus à nobis indicat. De Michaelē Psello, quo vnò coniectura tua nititur, non deest quod respondeam. Sed quia non est ad manum liber illius, ab diuinatione abstinere satius duco: cùm præsertim ad institutum nostrum Theonis grauissimi, eruditissimique Mathematici testimonium sufficiat. Nam quòd huius, & Metochitæ verba de ciuili anni structura, non astronomica, interpretari studes, assentiri non possum. Primùm quia ciuilis annus illorum ætate fixus erat, non vagus, & Nabonassareus. Deinde quod cùm astronomicam methodum iis in libris traderent, ad eamque necessarias epochas, & annorum summas præscriberent, non aliam quàm illius artis propriam computandi rationem ad-

hibuerunt. De Psello idipsum, quod de ambobus illis scribis, suspicari procliuius est. Ut anni illius fixi & Alexandrei duplex velut initium fuerit: alterum verum, quod anno isti per se conuenit, & ab eo qui fuit Per. Iul. 4689, ducitur; alterum ratione Tetraetericorum epilogismorum, quod posterius Michael Psellus vsurpauit.

De Panodori loco, siue Georgij ex Panodoro, quo vsus sum pag. 287, non muto sententiam. Annus v Augusti ex illius mente non alius est quàm Iulianus xxi, Urbis conditæ 729, Iulianæ Periodi 4689. cuius anni maiorem partem occupauit annus ille quintus. Quod Theonis locus antè descriptus indicat. qui annum v Augusti desiisse significat anno Periodi Iulianæ 4689, eundemque esse cum 723 Nabonassari. Etenim Mathematici omnes Græci, Ptolemæus, Theo, & ceteri, annos regum, & imperatorum ex illo canone sumpserunt quem *κανόνα τῶν βασιλέων* nominant, isque in libro *τῶν ἀστρονομικῶν κανόνων* apud Theonem legitur: qualem nos in 2. Rationarij editione coniecimus in calcem partis posterioris. In eo canone ab æra Philippi Aridæi siue mortis Alexandri M. ad finem Cleopatæ, & initium Augusti anni sunt 294. (malè in editione nostra, quam ex vitiosis apographis expressimus 292, quod castigandum est) à Nabonassaro 718. ita ut 1 Augusti sit Nabonassari 719, & quintus sit 723. Itaque anno labente Iulianæ editionis xxi, qui xxii à Georgio putatur ob *αὐτοκράτορος* anni Alexandrini à 29 Augusti

Augusti, vel Constant. à Cal. Septemb. cœpit annus ἡ ἀποστασία. Atque idem imperitè xvi annum Iulianum Augustei imperij annum xvi numerat, quasi duplex illius epocha sit; altera Romani imperij ab exordio Iuliani anni. altera Ægyptiaci à morte Cleopatraz, hoc est ab anno Iuliano exeunte 16, Urbis 724, Per. Iul. 4684. Quod verò scribit πρᾶξις καὶ ἡμεῖς inculcatam anno v Augusti, sine vt Theo loquitur καὶ πρὶν ε. sic explicandum est, non vt anno illo intercalatum sit. Nam neque anno illo, quem tu præfinis, & iniisse vis Augusti xxx, Per. Iul. 4688, intercalasse putandi sunt. cùm intercalaris vtique dies ad anteriorem annum 722 Nabonassari, cui arrogatur, non ad proximè sequentem referri debeat.

Nam quod asseris annum 22 Augusti ab eius Triumviratu profectum ex mente Georgij, cadere in annum Per. Iul. 4692, id non solum Theo, sed etiam Georgius ipse refellit. Hic enim aut in annum xvi Augusti plerosque Alexandrez ἀλώση conferre, qui sine dubio annus est Iulianus xvi, Urbis 724, Per. Iul. 4684. à quo quintus annus eiusdem Augusti ab Theone numeratur, inciditque in eum, quem diximus, Per. Iul. 4689. Quare nulla istic latebra est diuinationis vllius.

In epistola S. Ambrosij anno Diocletiani 76, xra Christiana 360, cyclo Lunæ 19, ritè Pascha celebratum est 1x Cal. Mai. Luna xxi, si neomenia ad 3 Aprilis diem ascribatur, vt Ambrosius aliique veteres fecerunt. At anno

Diocletiani 103, Christi 387, aureo numero 8, Pascha incidit in vii Cal. Maias, siue Aprilis xxv diem Luna xxi. Siquidem aureus numerus 8, ad Aprilis v diem adiungitur. Anno item Diocletiani 93, Christi 377, aureo numero 17, Pascha celebratum 16 Cal. Maias, Luna 21. Hæc sunt certissima. Mouet te hoc vnum quod anno Diocletiani 76, cyclo 19, Luna non 21, sed 20, in Aprilis xxiii incurrerit. Id consentaneum est Bedæ, aliorumque recentioris æui methodo, qui cum Lunæ saltum in Iulij xxx diem contulissent, ac syzygiam illam, quæ Cal. Iul. inibat vno die mutilassent præter ordinem, versuram fecerunt in altera illa quæ eodem cyclo, v Martij incipit; quam præter feriem plenam ex caua fecerunt. At veteres aureum numerum 19 imputabant Aprilis 3, ibidemque Lunæ saltum, vel vt elegantius Græci *ἡμερῶν ἑξήκοντα* instituebant. Testis est huius rei Ambrosius in epistola ista de qua hîc agimus. tum Dionysius Exiguus in epist. 2, qui Lunā 15, cyclo 19 docet in 15 Cal. Maias incidere. Nos in Calendario nostro recentiores secuti sumus; & perplexi nescio quid, ad eam rem explicandam attulimus; quod ad eum modum castigandum erit vt aureum numerum 19 ex mente veterum diem Aprilis 3 obsidere dicamus; ex recentiore methodo 4 diem. In altera nostri Operis editione, quam propediem instituemus; priores forsitan antepoenendi erunt, & cyclus 19 ad illorum præscriptum applicandus ad diem 3 Aprilis; aut certè de hac varietate mo-

nendus Lector. Quod autem ante biennium quàm epistolam suam dictaret, Pascha xi Cal. Apr. & 30 die mensis accidisse refert, id variè ab eruditis viris exponitur. Mullerius annum Christi 384 fuisse censet. & mensem illum iniisse vult Martij xxi.

De hoc *ἐπιτομή*. Neque enim vt suspicaris, hoc Pascha conferimus in LXXXIV Diocletiani. quod tibi miror in mentem venire potuisse. cùm Ambrosius de anno LXXXIV Diocletiani ne litterâ quidem meminerit. nos autem ad exemplum methodi anni Alexandrini annum LXXXIX assumpserimus, qui nominatim ab Ambrosio commemoratur. Sed oscitantia typographi monstrum ibi lectionis peperit, quæ sic ordinanda est; anno Diocletiani LXXXIX *decimam quartam incidisse ix Calend. Aprilis, & Pascha prid. Cal. April.* vt ad oram nostri codicis à me adscriptum reperi antequam litteras tuas accepissem. Eiusmodi in libris nostris *παρὰ τὴν ἀρίστην* sunt plura quàm vellem. quod mirari desinet, qui & numerorum tractationem morosam, ac lubricam, & argumenti subtilitatem, & operarum barbariem recordari voluerit. Atque hoc non tam veniæ abs te impetrandæ, quàm opis, ac subsidij gratia commemo-
raui. vt quoniam libros istos legere non dedigneris, si quid in his errati deprehenderis, id in schedula perscriptum identidem ad me ne graueris mittere. Tum quidquid erit aliud, quod in rem nostram esse iudicabis, de eo me certiore facias. Et sunt nonnulla, de quibus

tecum agam simulatque plus ad opus illud recognoscendum otij nactus fuero. Vale.

EPISTOLA V.

*Petro Possino Societatis Iesu ,
Tolosam.*

MAGNAM de te mihi spem fecerat P. Fayonius: maiorem tu ipse tuis litteris fecisti, quas & eruditas, & grata quadam ingenuitate conditas nuper accepi. Etsi minus eâ parte delectarunt, qua tu me nimis, &, ut verum scias, falsis etiam laudibus onerasti. nisi quod eatenus hic error placebat, quod amico ab animo, nostrique studio qualecumque hoc profectum videbam. Sed si amare me, & amari vicissimâ me vis, facillius recordere, quod in simili re scriptum ab Augustino vehementer probare soleo. *Non mihi placet* (inquit epistolâ v i i) *cum à charissimis meis talis esse existimor, qualis non sum. Profecto enim non me, sed pro me alium sub meo nomine diligunt, si non quoti sum, sed quod non sum diligunt. Nam in quantum me nouerunt, vel de me verum credunt, ego ab eis diligor. In quantum autem mihi tribuunt quod in me non cognoscunt, alium talem, qualem me putant, non me diligunt. Ergo quia is abs te diligi malo, qui sum, quàm qui falsò tibi esse videor; sic quem habes de me, opinio-*

nis errorem abiicias velim, nihil vt de amore, ac studio remittas. Equidem si te, pro eo, ac præsens, vel speratus deinceps ingenij tui fructus est, ornare cupiam; vlcisci me laudando te, ac vicem referre possum. Etenim vt hoc omittam, quod postremis suis litteris tuus mihi de te collega significauit, & eo vtar, quod ex tuis intelligere per me ipse potui, non exigua laus primùm alacritati tantæ debetur, quanta te inflammari omne ad honestarum disciplinarum genus ostendis: tum ex iis percontationibus, quas in epistolæ tuæ fine posuisti, nō est obscura diuinatio, vel qui modò sis istis in studiis, vel multo magis qui sis postea futurus, si parem his initiis progrediendi constantiam adiunxeris. Quam vt adhibere pergas, hortarer equidem, si id esse opus existimarem: ac nisi, vt epistola tua fert, refrenandus mihi magis ardor tuus, quàm incitandus hortatione mea videretur. Quamobrem hac minimè necessariâ omissa parte, respondebo consultationi tuæ, qua meum consilium exquiris, quam te studiorum inire viam, ac præsertim in perdiscenda historia, Chronologiâque quid sequi oporteat. Nam cùm eam ex libris nostris institueris petere, atque ij duplici genere consent, quòd alij meram historiam pollicentur, hoc est rerum gestarum expositionem: alij toti sunt *τεχνικοί*, quibus sola annorum methodus traditur, dubitare te scribis, vtri te potiùs addicas, cùm in ambobus simul operam collocare nequeas. Mihi verò ex commodo tuo partien-

dus hic labor videtur : vt si vtrumque eodem
 persequi tempore non potes ; des te illi potiùs
 parti, quæ perpetuam historiam continet : non
 solum quia facilitatis plus habet , minùsque
 tricarum ; sed etiam quòd ad vsum scholarum ,
 & illius professionis, quam sustines , multo est
 necessaria magis. Quòd si interim otij aliquid
 nactus fueris , subseciuique temporis , valde
 auctor tibi sum , vt & partem alteram adiungas,
 & quod affectum iam à te esse scribis , id perfici-
 cias. Credi enim vix potest , quantum ad illu-
 strandam ; ac muniendam historiam vtilitatis
 afferat methodus illa : immo quàm sine hac cæ-
 ca ista sit ; neque se tueri , ac sibi opitulari ipsa
 possit. De qua re scripsi aliàs in Prolegomenis
 Operis de Doctrina Temporum : quo minus
 hinc ea repetere attinet. Te verò , quàm & ingenij
 præstantiâ , & voluntate esse video ; si eundem,
 quem instituisti, cursum tenes , plurimum hac
 in arte , ceterisquæ consecuturum esse , pro
 certo habeo.

Reliqua est epistolæ tuæ pars altera ; quæ
 duplicem inquisitionem continet totidem de
 locis , ad quæ breuiter sic accipe. Diodori la-
 bem illam annorum 12, vel 13, iampridem à no-
 bis animaduersam habes in XII de Doct. Temp.
 pag. 504, & 505. tum in libro IX cap. LIX. Sed
 errorem hunc esse Diodori istic assero. Tu sic
 excusari hominem posse coniicis , quasi consul-
 tò ita fecerit, vt Olympiadas tres de numero
 detraheret , quas ἀολυμπιάδας Elei nomina-
 runt ; cæque , teste Pausania , fuerunt VIII,

xxxiv, & civ. His enim suppressis, *μεταγε-
νησθαι* ais, annorum duodecim admisisse Dio-
dorum : Hoc idem de Polybio suspicabatur
Georgius Heruuartus in portentoso illo libro,
cui *Nona, vera, & exacta Chronologia* tam
falsò, quàm confidenter titulum inscripsit. con-
tra quem in ix de Doct. Temp. cap. xlv accu-
ratè disputamus. Quæ autem illic aduersus cum
argumenta collecta sunt, eadem contra conie-
cturam tuam valent. Itaque cùm libros no-
stros penes te habeas, tu hinc illa petere potes;
ego hinc longior esse non debeo.

De ortu Alexandri M. & Plutarchi loco
quod secundò quæris; non est quod valdè con-
fitemur, dum ea pro certis teneantur, quæ de
Olympiadiçi agonis tempore illic exposuimus.
Sanè ex paucis illis quæstionibus, vt iam dixi,
capio ingenij tui specimen, quod ad istas artes
vnicè factum in eadem palæstrâ, si me audis,
diligentiùs exercebis. Nihil enim hoc tempore
aliud est; in quo vel ad diuinam procursandam
gloriam vtilius; vel ad societatis nostræ decus,
ac splendorem illustrius; vel ad priuatum animi
tui fructum iucundius elaborare possis. Quod si
qua in re studiis tuis commodare potero: quo-
niam ita tibi persuasisti, nonnullum ad ea præsi-
dium in me tibi esse positum; ego quidquid
illud est, totum ea lege tibi defero, vt si in re-
spondendo ero tardior, vicissim ignoscas; ac me
meo commodo id agere permittas. Vale. Lut.
Paris. xiii Cal. Dec. cio lxx xxxiv.

EPISTOLA VI.

Petro Possino Societatis Iesu, Tolosam.

Quo plures ad me litteræ tuæ veniunt, eo magis iudicium meum confirmant, quod de tua indole, ingenioque feci, ex quo te primū nosse potui. Vel illæ postremæ, ut elegantes erant, & eruditæ, atque, ut Atticè dicam, *πρωτότυποι* ! Quibus quidem respondeo seriùs, more meo; ne itidem ut aliàs feci, occupationes meas, aut aliorum litteras, quibus peræquè satisfaciendum est, excusare pergam. Quanquam te video in eadem esse causa, qui post tertium, quàm acceperas, mensem respondisti litteris meis. Cuius tibi culpæ, si quam agnoscis; quod te malo non facere; facile do veniam; dum tu mihi simili in te vicissim ignoscas. Nimis in amicitia importuni sunt, per quos in hoc litterarum officio negligentibus interdum esse non licet. *Αλλὰ τὰ μέν περὶ τὴν χάριν εἰς σέ μόνον.* Ego verò & studio tuo gratulor, quod in illo doctrinæ genere collocare pergis; & consilij mei, quo te ad illud inductum, incensumque esse profiteris, capio fructum. Quod meum beneficium, quando sic esse vis, eatenus agnosco, ut eius mihi tuendi, ac promouendi impositum onus existimem. Itaque cū hortari te, ut idem illud agas, nunquam desinam: tum, si quid usus noster leuare laborem tuum potest; hinc tibi quantum voles

assumendi perpetuam copiam faciam. Nunc ad ea, quæ in epistola tua percontatus es, paucis, atque ordine respondebo.

Imprimis de Excidij Troiani tempore non muto sententiam. Contigit enim ex mente Dionysij Halicarnassensis, eo anno, qui est à nobis expositus in 1 x de Doct. Temp. capite xx 1 x. Quæ verò de neomenia Hecatombæonis obii-ci possunt ex primo libro; ea rectè ipse dissoluïs. Nam illïc nihil nisi hæsitacionem nostram aperuimus; quæ rationi & auctoritati cessit in nono libro. Videntur ciuilis annì Attici conditores neomeniæ præsertim rationem habuisse: quam tamen intercalaris mensis longiùs arcebat interdum ab solstitij cardine: vt ex typo Calippicæ periodiconstat, quem in libro 2, p. 139 descripsimus. Neque verò hanc ipsam Calippicam methodum ciuilem fuisse puto: sed astronomis cognitam; ita tamen vt ad eam ciuilis anni castigatio exigì potuerit.

De Lunari defectione anni Per. Iul. 4650 probo industriam tuam: quam vt experiter, raptim eiusdem calculos posui; qui quoniam à tuis leuiter dissentiant, hïc eos adscribam. Anno Periodi Iulianæ 4650, cyclo solis 2, littera E, Lunæ 14, Plenilunium Eclipticum commissum est Romæ die 7 Nouembris feria in-eunte 1, hora post noctem mediam 2, 53, *M.*
I. Sec. Ad quod tempus hi sunt medij motus.

Motus Solis ab Equin.

S. G. M. Sec.

7. 13. 35. 2.

Anom. Solis

S. G. M. Sec.

5. 6. 22. 33.

<i>Anom. Luna</i>			<i>Motus Latitud.</i>		
<i>S. G.</i>	<i>M. Sec.</i>		<i>S. G.</i>	<i>M. Sec.</i>	
5	22.	15. 43.	11.	23.	31. 39.

Prosthaphæresis	<i>M. S.</i>	
	Solis	0. 50. 49. S
	Lunæ	0. 41. 27. S

Differentia 9. *M.* 24. *Sec.* Tempus, horæ 0. 18. *M.* 20. *Sec.* S. Verum Plenilunium hora 2. 34. *M.* 35. *Sec.* Accuratus horâ 2. 36. *M.* 19. *Sec.* Physicum hora 2. 46. *M.* 11. *Sec.* Motus latitudinis medius 11. 23. 21. *M.* 14. *Sec.* Verus, 11. 22. 39. *M.* 57. *Sec.* Latitudo australis 38. *M.* 2. *Sec.*

Semidiameter	<i>M. Sec.</i>		<i>M. Sec.</i>
	Lunæ	16. 59.	
	Vmbræ	46. 31.	
	Solis	15. 57.	Summa 63. 2.

Differentia summæ semidiametrorum Vmbræ ac Lunæ, & latitudinis, 25. *M.* 0. *Sec.* Digi-
titi ecliptici $8\frac{15}{17}$ id est fere 9

Quadratum latitudinis, 5207524 *Sec.*

Quadratum summæ semidiametrorum vmbræ ac Lunæ, 14303524 *Sec.*

Differentia, 9096000. *sec.* Radix quadrata 3015 *Sec.* quæ sunt 50. *M.* 15. *Sec.* quæ dant horam 1. 28. *M.*

Igitur initium defectionis hora post mediam noctem 1. 18. *M.* 11. *Sec.*

Medium defectionis hora 2. 46. 11

Finis hora 4. 14. 11

Duratio horarum 2. 56 *M.*

Examen vera syzygie.

	<i>S. G. M. Sec.</i>
Motus Solis medius	7. 13. 34. 28
Media Lunæ distantia	5. 29. 51. 25 A
Locus Lunæ medius	0 0 42. 10. S
Verus locus Lunæ	1. 12. 43. 33
Verus locus Solis	7. 12. 43. 36 S
Residuum	5. 29. 59. 57

Defunt ad exactissimæ Oppositionis calculum secunda 3.

In epilogismo tuo Residuum erat, 5. 29. 49. *M. 26. Sec.* sed ἀπεσιζία est. Nam ex tuis calculis supersunt omninò, 5, 29. 59. *M. 26. Sec.* Etenim verum locum Lunæ ponis 1. 12. 43. *M. 20. Sec.* de quo subtrahis Verum Solis 7. 12. 43. *M. 54. Sec.* Restant igitur 5. 29. 59. *M. 26. Sec.* Itaque accuratior, quàm putabas, fuisti. Redeo ad Ἀπολογίαν nostram. In ea semidiametrum Lunæ contra Tabulas nostras, adeoque Tychonianas, vsurpauimus minorum 16. *M. 59. Sec.* non 17. *M. 59. Sec.* quod eò feci, & vt deinceps facias censeo, quoniam qui Tychonianas tabulas ediderunt, per imprudentiam vno minuto aberrarunt: vt Christianus Longomontanus obseruat libro 1 Theoricorum, cap. viii. qui castigatiorem proinde tabel-

lam edidit p. 174. quam adhibere nos oportet.

Curtij locus ille de Syracusanorum expeditione in Africam iamdudum notatus est à Raderò in Commentariis ad eum auctorem, & erroris damnatus. Iure id quidem, si de Agathocle intellexit. Est enim haud mediocris ἀναρχοισις. Sed quid si aliàs eodem Syracusani nauigarunt? Tametsi nusquā, quod meminerim historia talis extat. Illud alterum de Alexandri successoribus, in quo ab sacra historia dissentire videtur, copiosè Serrarius in Commentariis ad Macc. exposuit. Omnium facillima ratio mihi videtur, diuissse dici regnum suum Alexandrum, quòd Perdiccæ, à quo diuisum est post eius mortem, summum ius, & administrationem dato annulo permiserit. Vale. Lutet. Paris. III. Cal. Iun. cxcxcxxv.

EPISTOLA VII.

*Petro Possino Societatis Iesu,
Tolosæ.*

NON excusabo tarditatem meam, cuius utriusque nostrum impunitatem volo esse propositam: nec illa tamen aut libenter utar, aut licentiùs, quàm erit necesse.

Mitto integrum Rationarium editionis postremæ in duos tomos partitum, ac paullo longioris formæ, quàm prius erat; quam octu-

plicatam officinæ vocant. Secundus tomus, qui est altero dimidio ferè minor, Dissertationem illam de Photino, ac Sirmienti concilio continet: quam sic excudi mandaueram, vt & coniunctim cum opere reliquo, & separatim legi posset. Id eo feci libentiùs, vt hoc te munusculo prouocarem, quòd ad illud te doctrinæ genus incitari propè diuinitus sentio. Neque verò quisquam, meo iudicio, vel idoneus magis est; vel maiori expectatione ingressus in illa studia, quàm tu: si & constans voluntas erit; & otium suppetet; quod deinceps abundantius fore videtur; vbi te oneri illi consuefeceris professionis nouæ, ac sanè laboriosæ; præsertim cùm ad publicas scholas accessit etiam priuata nostrorum institutio. Sed vtcunque tuæ res habebunt, nolo te ab cœptis aliqua difficultas absterreat; quæ tanta esse nulla potest, quin iis ingenij viribus, & hac industria, quæ in te est, sustineri, superarique possit. Adiungerem ad illa tua præsidia, pollicitationem operæ meæ; méque tibi fautorem, & adiutorem laboris istius offerrem, si id valde necessarium crederem. Sed cuiusquemodi tandem illud est, quod à me proficisci in te potest, equidem tibi cius, quàm voles, benignam copiam, ac liberalem faciam. Incumbe modò, vti cœpisti, & fortem animum affer ad id, quod reliquum est illius artis: quod fortasse non ita magnum est, & eo minus operosum, quod iam es consecutus. Neque verò desistendum tibi interim est ab illo studio, & exercitatione

dicendi, ac scribendi, cui te necessariò dedi-
tum esse significas. Nam vtrumque vbi conca-
lueris, haud ægrè præstabis. Tum ambo illa stu-
dia neque genere seiuncta sunt; neque pugnant
inuicem: sed coniuncta sunt potius, & mutuis
subsidiis aluntur, ac sese fulciunt. Quod autem
ad Græca Latinè vertenda tua te voluntas im-
pulsit; tanquam auspicatus per ista publicam
ad lucem aditus pateat, consilio istic opus est.

Meum si requiris; ego non te nimium oc-
cupationi huic addictum esse volo: nec in eo
caput cœnæ tuæ constituere. Plus enim habet
ea res tædij, ac molestiæ, quàm operæ pretij, aut
certè splendoris. Et si minus hoc te alterum
solicitat. tamen otium tuum & ætatem meliùs
collocare potes. Quare leuiter hoc attingas
censeo: tæque veterum ad lectionem & crudi-
tionem illam variam, imprimis autem antiqui-
tatis, & historiæ transferas.

Nunc ad illa veniam capita duo, de quibus
percontatum te esse memini. Horum prius erat
de anno, quo Æschines contra Ctesiphontem,
ac Demosthenem dixit. De quo cùm Photius à
Plutarcho dissentiat; ego Plutarchi potio-
rem esse causam arbitror; qui Prætor Aristophonte id euenisse refert in Vita Demosthenis.
Mouet vt ita sentiam grauis auctor Dionysius
Halicarnassensis, qui in epistola ad Ammæum
pag. 124 edit. Vecheli de Oratione Demosthe-
nis, quæ est de Corona, sic loquitur: Οὗτος γὰρ
μόνος εἰς διχαστήριον εἰσέλθων μετὰ τὸν πόλεμον ἐπὶ
Λεισοφῶντος ἀρχόντος μὲν ἐν ταῦτον μὲν τὴν ἐν Χαιρωνείᾳ

μάχην, ὅκτὼ δὲ μετὰ τῷ Φιλίππῳ τελευτῇ, καθ' ὃν χρόνον Ἀλέξανδρος τὴν ἐν Ἀρβήλοις ἐνίκη μάχην. Aristophon Prætor incurrit in annum Per. Iul. 4384, qui proximè iniit post Arbellicam pugnam. Chæronense verò prælium cadit in annum Periodi Iul. 4376. à quo nonus est is, quo Præturam adiit Aristophon : idémque septimus à Philippi obitu, qui Pythoro Prætor contigit anno Per. Iul. 4378. Quare vno circiter anno abest ab exacto Dionysij calculus. Cuius in verbis mendosa vox est illa ἐνιαυτὸν. ac nescio an scripserit δέχα ἐνιαυτοῖς μᾶλλον ἐν Χαλκιδεῖ μάχην, vt Plutarchus habet, qui ex Dionysio videtur accepisse. Id si est verum, tum vnus anni, vel biennij error erit, nisi pro δέχα, ἐννέα scriptis; & vterque terminus in summa comprehenditur. Omninò Aristophonte Prætor, & anno Per. Iul. 4384, dictæ sunt orationes illæ celeberrimæ, paullo post Arbellicam victoriam, hoc est anno ferè vertente.

Vellem de oratione Demadis, quod alterum fuit percontationis caput; ita mihi ratio constaret. Sed ea perdifficilis est. Parum abest, quin litem orationi illi de statu moueam: hoc est, quod te quoque suspicari video, supposititiis adscribam. Sed nolo temerè statuere. Quare assensum sustineo. Est autem & mutila, & argumenti obscurioris. de quo placet interim coniectura tua; donec certius aliquid odoremur. Postquam ista scripsi, relegi iterum accuratiùs; ac priorem nostram suspicionem firmavi. Mihi quippe dicendi genus minimè foren-

se, ac pugnax, & πολὺ πικρὸν videbatur; sed languidum, ac lacertorum nihil habens: cuiusmodi non puto fuisse Demadis; quem παρὰ ἔργον, hoc est vafrum, & callidum oratorem fuisse scribit Suidas. Quamobrem eò reuertor, ut Sophistæ cuiusdam μιλήτη, & umbratilis declamatio fuerit. Quæ tu autem Latinè ex ea vertisti, magnoperè mihi placent: nisi quod paulo est tua interpretatio diffusior. Porro locus ille, qui proximè verba illa sequitur, quæ à te Latinè facta sunt, manifestè mendosus est. Eum ita restituere conabar. Ἀλλως δὲ ἢ τὸν ἑλεγχον φοβῆσθαι τὸ πρᾶγμα, ἀλλὰ δὴ τὸν ἀδίκον φοβόντων ὅς ἢ κρίνῃ τὴν ἀδικίαν, ἀλλὰ φύεται ἐπὶ τοῖς δοκῶσι λέγειν, ἢ πρᾶξιν, vel ἐμφύεται τοῖς δοκ. λεγ. Inuidiam ait imminere, infestamque iis esse, qui dicendo, agendoque valent, quod verissimum est. Aut hæc, aut his similia scripsit Demades iste verus, an eumentitus. Vale, mi Pater, meque sacrificiorum ac precum tuarum participem facito. Lutetiæ Parisiorum, Eidibus Maiis CIOIOCXXXVI.

EPISTOLA VIII.

*Ægidio Bucherio Societatis Iesu,
Tornacum.*

HABEO munus à te longè optatissimum,
ac suauissimum, Commentarium de Do-
ctrina

strina Temporum ad Aquitanum Victorium. Huic debitam à me gratiam vt non haberem solum; sed etiam pro virili parte referrem, tantisper has litteras distuli; dum Rationarij nostri absoluta esset editio; quam nouam, ac priori longè castigatiorem, & vberiore institueram. Quod nunc opus ad te mitto impar quidem ei, quo me prouocasti; nec eiusmodi, vt Hesiodio illi respondeat, quo bene meritos remunerari iubet.

Αὐτῷ τῷ μισθῷ, καὶ λῶϊον, αἵ κε δούλαι

nisi quod ea nos clausula excusare potest, αἵ κε δούλαι quæ non minus in exequando, quàm in superando beneficio rationem haberi vult eius, quantum quisque possit. Commentarium tuum attentè, & vti res postulat, nondum legere potui. quod me spero propediem facturum. Nam, vt absint cetera, satis magnam ad legendum illecebram præbet tum inscriptio eadem, qua nos vsi antea fuimus: tum argumenti in plerisque germanitas: tum à nobis postremò tua nonnulla dissensio. quæ omnia cupiditatem nostram incredibiliter accuunt: vt ex amborum comparatione vtra veriora sint æstimare possimus. Sed hoc otij, vt dixi, maioris est; quod ad hæc recolenda studia mihi iampridem defuit. Hoc simulatque nancisci potero, si id tamen non ingratum tibi esse perspexero: quæ mihi in mentem venerint, non contentioso, sed cupido inquirendæ veritatis, & beneuolo animo perscribam. Spero enim, à me cœptum hoc scribendi ad te

officium , aliarum deinceps literarum mutuarque inter nos consuetudinis initium futurum.

Non potui tamen facere, quin pauca quædam hîc adscriberem, quæ se primum ad impetum volutandi commentarij illius obtulerunt.

De Cyrilli epistola, quam in Appendice Operis nostri de Do& Temp. edideram; aliqua sunt, in quibus à me discrepas. Primum quod anno Christi 443 putas esse scriptam, & in ea Pascha pronuntiari anni 444. Atqui data potius videtur, vt nos posuimus, anno 419. vt Pascha sit anni 420. Scripsit enim hanc epistolam Cyrillus ad Aurelium Carthaginiensem episcopum, aliósque præfules Africanos, qui Synodicam ad ipsum ac ceteros Patriarchas scripserant, vt ex eorum scriniis authenticos canones Nicæni concilij repeterent; de quibus inter ipsos, & Rom. Pont. Zosimum ortalis erat. quod ex Tom. 1. Conciliorum licet intelligere. At ante annum 443 iamdudum excesserat Aurelius. siquidem anno 430 Capreolus episcopus Carthaginiensis fuisse legitur: qui ad Ephesinam synodum litteras dedit, quibus de obitu S. Augustini certiores Patres fecit, cùm illum ad Concilium Theodosius inuitasset.

Huic Cyrilli epistolæ subiecta erat in Sirmondiano MS. lacinia quædam, quam minimè germanam esse, cùm ex aliis multis coniecturam fecimus, tum ex eo, quod Latinorum regulam commemorat, ac refellit, quorum ne-

que nomen, neque institutum Cyrillus vnquam didicit. tum denique quod Pascha in eadem lacinia conceptum longè sit citerioris ætatis; vt in notis ad illam epistolam probauimus.

In epistola Proterij pag. 84. S. Athanasium credis decessisse anno Christi 373, non vt vulgo persuasum est, 371. Verùm non modò Socrates lib. iv, cap. xxi Gratiano 11, & Probo Coss. mortuum esse testatur, qui est annus 371. sed etiam Alexandrinorum episcoporum successio, quæ est apud Nicephorum in Chronico. Ibi enim anno quintodecimo ab Athanasij obitu, Theophilus illius vrbis episcopatum adiisse legitur. Creatus est autem Arcadio & Baurone Coss. vt Socrates tradit lib. 5 cap. 12. qui est annus 385. Proinde necesse est Athanasium obiisse anno 371. Proterium verò, nisi mendosus est locus, per hallucinationem Athanasij nomen edidisse.

Hæc de argumenti parte illa, quæ in tuis commentariis expeditior erat raptim ad te scribere volui. Interim ab communi Domino fausta, & fortunata tibi omnia precor; idque vt vicissim mea causa facias in sacrificiis precibusque tuis enixè peto. Vale.



EPISTOLA IX.

*Georgio Schonbergo Societatis Jesu,
Friburgum.*

MI HI verò per illud optatum est, vsum inter nos mutui officij consuetudinẽque litterarum deinceps institui: quã cum à me tam enixè postulas; facis abundantia quadã modestiã; vt quod ego quãtiuis comparare debueram, id à me tribui tibi beneficij loco desideres. Dabo igitur operã, ne te, si minus spei expectationisquẽ tuã, studij certè mei, voluntatisquẽ pœniteat. Cuius vt specimen aliquod modò præbeam; quæ duo à me requirebas, ad ea respondebo paucis; ac de Solis deliquio primò dicam, cuius accuratam *Παραφρ.* in epistola tua posuisti.

Quæris ecquid superioris anni defectio, quam in Natalem ipsum Domini Astronomicæ tabulæ conferunt, hîc à nobis obseruata fuerit. Equidem nihil illo die libentiùs vidissem quàm serenum, liquidumque cælum, & ad cælestium rerum obseruationes idoneum: vt de Solari deliquio, quod ex tabulis prædixeram, oculis, ac reipsa comprobarem. Sed magno dolore nostro contigit, totus vt ille dies obscurus abiret, ac nubilus, ac ne Solis quidem ipsius intuendi copiam vllam faceret. Quanquam vt vel apertissimo tum cælo frui licuisset, haud scio quàm à nobis penitus discer-

ni defectio illa potuerit. Nam neque trientali amplior in Europa summa illius obscuratio contigit: & Lutetiæ vel initium duntaxat illius prospici potuisset. qua de re in Prognostico monueram.

Atqui ex eo calculo, quem è Tychonicis tabulis diligenter instituis, medium etiam illius Lutetiæ conspici potuit. Scribis enim initium eius incidisse hora post meridiem secunda, 32'. 15": Medium hora tertia, 49'. 3": Finem hora quinta, 5'. 51". Sol hac in vrbe hora ferè quarta post meridiem occidit. Quare aliquanto Solis occasum summa obscuratio præcessit.

Verùm minimè dubito, quin media defectio occaso iam sole commissâ fuerit; cuius rei certiùs cognoscendæ gratia ex Tychonicis tabulis istud ipsum deliquium denuò subduxi, eiusque *Ἀφαιήσεων* hîc periclitandi gratiâ perscripsi.

Calculus ecliptici Nouilunij anno 1629 Dec.

xxv. ex Tychonicis tabulis

* * * * *

Τὸ *Ἀφαιήσεων* calculi vestri, ac nostri minutorum est initio 26, in medio 23. quo interuallo tardiùs à nobis exhibetur.

Cùm nos iisdem tabulis vtamur, mirum videri possit, vnde tanta *Ἀφαιήσεων* varietas orta sit. Id eo factum animaduertimus, quod tu ad prosthaphæreticum tempus computandum verum horarium motum adhibueris, ego medium, siue æquabilem assumpserim. Prius il-

lud ex Tychonis præscripto, & exemplo factum esse non diffiteor : sed in eo minimè audiendus est, præstatque mediis illis motibus, quàm veris vti. quod ego certissima ratione comperi. Etenim si quis Tychonicas omnes Lunarium, ac Solarium eclipseon *mensuris* ad fidem illius tabularum exigit, si prosthaphæreticum tempus per verum motum horarium subducat, longissimè ab obseruationum momentis aberit; sic vt horâ propemodum integrâ distet. Quod vt primum animaduerti, sanè vehementer obstupui; deque re tota lectorem admonui in libris de Doct. temp.

In quo sciendum illud est: quo differentia mediæ ac veræ synodi maior est, eo abnormiorem esse calculum: quo verò minor est, eo minus referre vtrum horarium motum ad prosthaphæreticum tempus accommodes. quod ego Tychonì arbitror fraudi fuisse. Quo enim exemplo vsus est, in eo prosthaphæreticum tempus perexiguum est.

Hoc primum caput est epistolæ. Alterum erat, vti Danicam Astronomiam à bibliopolis nostris emerem, ad vósque mitterem. Feci vt rogatus eram, ac Sebastiano Cramosio typographo nostro id negotium dedi: qui se Nanceium hæc litteras cum libro missurum recepit. Habebam & librum alterum vāgrandem, Theologiam Moralem P. Laimanni, quam hac in vrbe quidam typographus recudit. Is rogatu meo vnum exemplar auctori ipsi dono dedit; quod ego penes me habeo: nec a-

lud, quàm opportunitatem mittendi illius expecto. Qua de re velim certio rem Laimannum facias, ad eumque typographi illius litteras perferendas cures: qui se præsto fore pollicetur, si quid noui Pater ille typis nostris committere velit. Vale.

EPISTOLA X.

Stephano Vito, Societatis Iesu.

GRATV LOR Animaduersionibus nostris, si quidem tale in istis fuit aliquid, quod tantum virum tam incredibiliter afficeret. Etsi hoc ego non illarum adscribo merito, quod in eo esse genere mediocre arbitror: sed modestiæ, & humanitati tuæ, cuiusmodi in Homero candorem animi Oratione i miratus est Themistius, qui principem illum poetarum nihil fermè ait sine aliqua laude nominasse: vsque adeò vt & flagella ipsa splendida, & subulcum regem, & viliora quædam splendidis vocabulis appelleret.

Cuius etiam in te candoris ac modestiæ fuisse illud interpretor, quòd quæ melius per te ipse scire, atque extricare poteras, de iis consulere me, ac percontari malueris.

De quibus inquisitionis capitibus, ne in præfando sim, excusandòque longior, singulatim & ordine respondebo.

Ac primùm de Paschate quod à Iudæis anno

illo, quo passus est Christus, celebratum fuit, perspicuum est typographi mendum, qui **xxi** Martij pro **xxiv** edidit. Nam **xxiv** Martij ex Epiphaniij sententia primus dies azymorum actus est à Iudæis; cùm pridie eius diei verus in cruce agnus esset occisus.

De Ancyrana Synodo Semiarianorum verissimum est, quod nos pag. 319 scripsimus, eam anno Christi 358 incidisse.

Quod ad Francos attinet, non est dubitandum Epiphaniij tempore in illis ipsis, quæ dixi, locis habitasse, hoc est trans Rhenum, ac cis Albim fluuium; vbi Chauci, Ansiuarij, Cherusci, Chamani, Sicambri, & Frisij collocantur. Testatur hoc Ammianus Marcell. l. xx qui de Iuliano ita scribit: Iulianus in limitem Germaniæ secundæ egressus, omnique apparatu, quem flagitabat instans negotium, communitus, Traiectensi Mōsæ oppido propinquabat. Rheno deinde transmissio, regionem subito peruasit Francorum, quos Ansiuarios vocant.

Eosdem Francos Salios appellat Ammianus l. xvii. *Quibus paratis, petit primos omnium Francos, eos videlicet, quos consuetudo Salios appellauit.* Salij porrò ab Sala fluuio nomen acceperunt, qui est Isala fluuius, qui in eodem illo tractu in Rhenum fl. vel in fleuum lacum effunditur. Sed vide quæso Philippi Cluuerij Germaniæ lib. iii. c. xx. Panegyricus Maximiano, & Constantio dictus: *Multa Francorum millia, qui Bataniam, aliasque cis Rhenum terras inuas-
serant, interfecit, depulit, abduxit.*

Eumenius Paneg. *Batauiam sub ipso quondam alumno suo à diuersis Francorum regibus occupatam omni hoste purgauit.*

Nec memouet, quod Hieronymus Francos inter Saxones, & Alemannos habitare scribit. Nam latè diffusa gens, & sub eodem nomine varios in populos diuisa non vnas sedes, neque continuas occupauit.

Quæris deinde, quemadmodum congruat anno Christianæ & vulgaris epochæ xxxi, Christum feria vi passum esse; Martij xxi, luna cælesti xii; cùm alio loco scripserim plenilunium contigisse Martij xxvi, feria 3. vnde consequens fit, feriam vi incidisse in xxx Martij, & lunam cælestem xviii.

Facilis est responsio. Nam feria vi tam Martij xxiii, quàm xxx accidit. Sed antecedentem ob eas causas sumpsimus, quas in Animaduers. pluribus explicatas habes. Fuit autè xxx Martij feria vi, non xxix. Littera quippe G anno illo locum habuit. Sed in Diagrammate, quod pag. 149 propositum est, horæ & fragmenta, cum 12 excedunt, ad sequentem diem, feriamque pertinent.

Miror abs te negari Bedam auctorem esse librorum illorum, qui de Temporum ratione, & de Natura rerum inscripti sunt. Atqui in calce historiæ libros à se editos recensens, illos ipsos nominatim refert. Nā qui de Æquinoctio inscribitur, is in veteribus manuscriptis non Bedæ, sed Philippi Presbyteri titulo legitur.

Quod scribis de annorum Christi computo,

qui veteri more ab eo anno, quo fuit in vtero, numerari incipit, is eatenus à me damnatus est, si ætatis anni putari indidem incipiant. Siquidem communi more hominum, & instituto ætatis annus primus ab eo momento repetitur, quo infans in lucem editus est. Non igitur reprehensum à me illud est, quod æra Christiana vtcunque ab anno Incarnationis deducta sit: sed quod plerique in annorum ætatis Christi numerum procedere iuberent eum, quo in sacro virginis matris vtero gestatus est.

Ritum illum celebrandi Paschatis contra Catholicum vsus, qui pertinacissimè ab Scotis obseruatus est, meritò hæresim appellauì, cùm Epiphanium, aliósque PP. secutus; tum ipsummet, quem patronum aduocas, Bedam. Hic enim libro II Historiæ, cap. xx, Hilarij Papæ designati litteras recitat; in quibus ita loquitur: *Reperimus quosdam prouincia vestra contra orthodoxam fidem nouam ex veteri hæresim renouare conantes, Pascha nostrum, in quo immolatus est Christus, nebulosa caligine refutantes, & quarta-decima luna cum Hebrais celebrare nitentes.*

Scotorum nomen cum gemino et in antiquis libris extare memini: nec ab coniectura tua sum alienus, Epiphanium *Σύλλογ* ita scripsisse.

Quod Augustini sermones aliquos pseudopigraphos sub illius nomine laudaui, nullum ex eo veritati præiudicium facere volui. Sed ita plerumque mos est, vt quibus titulis vulgò inscribi soleant libri, veterumque tractatus, cum

iis citari consueuerint. Quod ipsum de libello qui Bedæ nomine editus est de loquela pergestum, intelligi volo.

Marianum Scotum haud temerè ab comuni errore ætatis illius exceperim, quæ in annis illis duobus & viginti ridiculè conflictata est. Nullam enim ad hanc diem editionem vidi Chronici illius, in qua non illud appareret.

Hæc ad quæ sita tua quàm potui breuissimè: quorum partem maximā, quæ quidem ad annos temporæque pertinet, plenius in Opere nostro de Doctrina temporum explicauimus. Quod autem paullo fui in rescribendo tardior, facillè hanc culpam cùm æquitas & humanitas tua; tum infinita hoc tempore varietas occupationum à me deprecabitur. Quæ nunquam tamen tantæ, aut tam graues esse poterunt, quin, si quid de me sciscitari præterea velis, hanc qualemcumque respondendi operam non curis omnibus ac negotiis antiquiorem habeam. Vale.

EPISTOLA XI.

*Arnoldo Catho Societatis Iesu,
Ruremundam.*

E O P E M die litteras ad me Luretiam scribebas, quo ego Rothomagum, & in orā illam

Neustriacam Lutetiâ proficiscebar. Qua in excursionem sex admodum hebdomadas posuimus. Itaque non prius litteras tuas vidi, quam peregrum reuersus. Quod eo scribo; ne meam in respondendo tarditatem, ac negligentiam accuses.

Equidem doctorum, ac piorum hominum litteris & consuetudine plurimum delector: tum quod mutuum hoc officij genus inter nos extare deinceps postulas, hoc verò gratissimum est sponte id oblatum esse, quod expetere ipse, ac prior impetrare debuerim. Nam ut communia illa necessitudinis iura prætermittam, quæ nobis absentes etiam eodem ex ordine, ignotisque conciliant; quæque ita commendas, ut ad ea propius tamen inter nos aliquid, ac familiarius velis adiungi: certè doctrinarum illa coniunctio quibus vterque incredibiliter dediti sumus, acriores mihi ad huius amicitiae cupiditatem stimulos admouit. Quocirca tibi de hoc in me studio ac voluntate primum habeo gratiam: tum ut immortalē, ac perpetuam hanc esse velis, magnopere peto. De me quidem tibi polliceor: nullo me officiorum genere conseruandæ huic amicitiae, immo amplificandæ ornandæque defuturum.

Quod ad ea verò quaestionum capita pertinet; de quibus quid sentiam sciscitaris: etsi intelligo non tam hæc discendi causâ, quam litterariæ istius faciendæ consuetudinis iniectæ esse; tamen respondebo breuiter. Igitur

Christianam æram anno ab Orbe condito quarto & octogesimo supra nongentesimum ac ter millesimum exordiri placet. Etenim sua cuique putandorum temporum ratio est, à nobis ista certis de causis est constituta; quas in Tomo II operis de Doctrina Temporum vberimè tradidimus. Neque verò id *anno sibi* merra: sed maiori ex parte coniectura nititur. Quare qui aliter existimet; non magnum flagitium fecerit. Sit ille modò sibi constans; & Chronologiæ suæ rationes ita ex parte moderetur; ne cum anterioribus posteriora, vel vtraque cum historia, & obseruatione dissideant.

De Orbis conditi tempore, ac cardine, ego cum Iudæis, cum Serrario nostro, aliisque sentio, autumno potius, quàm vere procreatum esse. Cur huic illam opinionem præferam, eodè ex opere repetendum est. Postremò de anno Christi natali, de quo maxima in libri XII parte differuimus; nostra illa ratio est: si Iosephi, ac Dionis auctoritatem sequi velimus: Dekerianam sententiam, quæ communem natalem annis quatuor anteuertit; aut Keplerianam, quæ vnum addit annum, valde probabilem: immo necessariam videri. Quæ cum hætenus offensionem apud earum rerû ininûs peritos, & inuidiam habuerit (nam & ab Annaliû conditore tam ipsam, quàm eius auctorem Dekeriû inclementer acceptum meminimus) hoc quidem tẽpore tuendẽ illius; sic quasi vindicandæ libertatis vexillum è Capitolio sublatum est. Etenim,

quod iam scisse te arbitror; libellus quidam ab hinc biennio hîc editus est, auctore M. Antonio Capello Franciscano, Doctore Theologo, idémque Magistri sacri Palatij, acceterorum quorum ea cognitio est, subscriptione, Romæ probatus. Quo in libro Natalis Christi sex annis ante communem, & hætenus in Ecclesia receptum vsum collocatur. Quam quæstione tractanda, vt & ceteris non dissimilis argumenti, cum imperitissimè versetur; fuit enim, quantum ex hoc opere coniici potest, eius quam instituebat artis apprimè rudis: non tam illius imperitia me mouet, quàm quòd iniquitate temporum, & certorum hominum importunitate factum video, vt illius inuenti gloria Dekerio, ac societati nostræ detracta, ab alienis, & indignis interuersa sit. Sed hac de re, vestra potissimùm, hoc est Belgicæ prouinciæ curatio est: quorum *ὁ μακροίτης* ille popularis fuit. Huius extare alicubi Annales audio: sed vereor vt ij, quamlibet elaborati, vni illi Diatribæ, ac Thesi Gretzienfi respondeant. Vidi enim ab illo de Chronologicis quæstionibus explicata quædam; quæ minimè mihi probabantur. Sed hæc modum epistolæ huius excedunt: quam ita denique concludam, vt me sacrificiis ac precibus tuis enixè commendatum esse cupiam. Vale.

EPISTOLA XII.

Brunoni Cognato Carthusiano.

DE tarditate mea non purgabo; cuius diuturna me consuetudine propemodum iam pudere desit. Et sunt profectò tam multæ sapius eodem tempore mihi scribendæ litteræ, (præter quotidianas, ac necessarias commentationes) vix vt sufficere queam omnibus, & vadimonium vel differre longiùs cogar, vel funditus deferere.

Hoc non temere condonaret mihi alius; ac de contemptu, vel incuria, graues querelas faceret. Abs te verò (mi pater) vt impune laturum me sperem facit egregia humanitas, & facilitas tua: cuius ego fiduciâ, breuiùs quàm tu fortasse cuperes, respondebo litteris tuis, deque ea quam diligenter elaborasti, vitæ Christi serie, meum iudicium perscribam, non vt censor aliquis, qualem me esse vis, sed vt quiuis è numero consultorû eius artis. Scribis videri tibi passionem Christi Domini rectè conferri in annum cum posse, qui sit communis æræ tricesimus: ei rei præfinis Aprilem, eiùsque diem septimum. Cetera nobiscum habes communia. Christianam epocham annis anteuertis quatuor: duo non amplius obiisse paschata, in tertio mortem ab illo susceptam asseris fuisse.

Mihi verò vnum illud in tua ratione displi-

cer, quod ex ea consequens sit, baptismum Christi in annum incurrisse communis æræ octauum, & vicesimum. Is est autem Iulianæ castigationis tertius & septuagesimus : quoniam Christi annus primus, vt scis, ineunte cœpit anno Iuliano sexto & quadragesimo. Hoc si verum est; baptismum adierit oportet anno Tiberij decimo-quarto ineunte. Nam obiit Augustus Cæsar anno æræ communis xiv, mensis cognominis xix die, Iuliano lxx. indidémque Tiberij ducitur initium. Quare decimus-quintus eiusdem Tiberij cœpit anno Christi xxviii, Iuliano lxxiii, ex Augusto mense : eiusdémque anni mense quinto nondum vertente, Christus ad Ioannem se contulit viii Eid. Ian. anni Christi xxix. Atqui Lucas Euangelista refert, anno quinto-decimo Tiberij Cæsaris Ioannem instinctu Dei ad prædicandum publicè prodiisse. Hoc verò cum chronologia tua neutiquam conuenit.

Neque te potes hac interpretatione defendere; Lucam annos Tiberij *α' α' α' α' α'* putare cœpisse. Id si esset, à Paschate, vel Nisan, hoc est verno tempore, initium caperet, vt Iudæis mos fuit. At Christi baptismus Paschate terior est : à quo decimus-quintus procedere debuit. Omnino vis est afferenda Lucæ, vt ad tuas rationes illius testimonium accommodes. Proinde neque mihi, neque, opinor, alteri sententiam approbabis tuam. Quæ hoc ipso præterea minus est plausibilis, quòd cum vetustissima traditione pugnat, in quam pæne omnes

omnes antiqui consentiunt : qui Martio men-
se Christum esse passum existimant. Reliquam
vitæ Christi διακονῶν, & harmoniam tuam excu-
tere, & nimis longum est, & minimè neces-
sarium. Hanc eâ parte castiges censeo, quâ
priori illi ἱεροῦσιν de anno passionis inni-
titur.

De Carthusiensis ordinis primordio, deque horribili spectro rediuiui, ac diuino iudicio damnati Canonici nihil alterutram in partem pronuntiaui: sed ea tantum referre satis habui, quæ ab historicis tradita, vel omiſſa compere-
ram. Quare non eſt quod mihi quiſquam eo nomine ſuccenſeat. Te velim mei eſſe memo-
rem in tuis apud communem Dominum pre-
cibus, ac ſacrificiis, & à me reuerendis Patribus
D. Priori ac D. Vicario ſalutem dicere. Lute-
tiæ Pariſiorum Prid. Cal. Maias c1610cxxxiv.

EPISTOLA XIII.

MIRUM esse tibi visum scribis me in libris de Doctrina Temporum Dekerij nostri sententiam de annis vitæ Christi, hoc est natali ipsius anno tenuisse; & hoc mihi esse concessum, quod olim negatum illi fuit, eam ut publicè posset expromere. Negandi porro causam hanc fuisse quod à Baronij opinione dissentiret.

Ego verò, vt ad capita singula respondeam,
valdè miſor, qui hanc ad aures tuas querelam

detulerunt, non eos attentius animaduertisse, quis meus hac de re sensus esset, ac quid illis in libris super ea quæstione scripsissem. Non enim Dekeriana illic à me propugnata sententia est; neque communis ac Baroniana destituta ratio; ac ne certa quidem à me proposita est, quam præcipuè defenderem, sed, vt in ambigua, & incipiti controuersia, ita sum versatus, vt eius statum constituerem, ac quid vtrunque disputari soleret, afferrem in medium: ego neutri parti fautor apertè, ac suffragator accederem.

Communis annorum Christi computus, quo vulgò nos vtimur, cuiusque nunc nonus ac vicesimus annus supra millesimum & sexcentissimum agitur, cœpit ineunte anno Iulianæ editionis quadragesimo sexto, Olympiadis exciv anno quarto labente, quo Consules fuerunt Augustus xiv, & L. Æmilius Paulus. Ita Christus natus fuerit antecedente anno desinente, Cornelio Lentulo, & Calpurnio Pisone Coss. Hoc extra controuersiam esse debet, quod & nouissimè Salianus noster Annalium tomo ultimo ἀποδείκνυσι ostendit. Hoc vnum de anno Christi natali in meis libris asseueranter posui: cetera neutram in partem definita sunt. Primus hoc sæculo Dekerius annis quatuor antequam vulgaris ista ratio sumit ortum esse, sub alieno nomine defendisse dicitur: alij biennio; alij quinque, sex etiam alij annis anteuertuerunt. Ego, ne cui opinioni præiudicarem, ita sum complexus omnes, vt quid cuique con-

sequens esset exponerem : nullam, vt dixi, peculiarem sequeretur ipse. Mea itaque ratio hæc fuit, quam in fine disputationis totius capite vñ libri duodecimi pag. 415, explicavi ; si Iosephi, ac Dionis auctoritatem admittimus abire non posse, quin aliquot annis vulgarem Christi natalem verus antecesserit : sepositis verò ambobus illis, ac neglectis, communem Christi annorum computum vnica ratione posse defendi ; quam plenius eo, quem indicaui, loco perscripsi. Denum verò ita conclusi : *Aut igitur Historicis illis abroganda fides erit : aut quæ ex eorum narratione concluduntur, pro veris minimèque dubiis amplectenda.* Hæc est assensum ac iudicium inhibentis, non affirmantis oratio. Cui consentaneum est Chronicon nostrum. Ibi pag. 661 ad annum Iulianum xlii adscriptum est : ex calculo Iosephi, & Dionis Christum natum videri anno illo. tum Baronianam, aliàsque suis quamque temporibus adnotaui. Quod meum consilium non solum reprehensionis expers, sed etiam necessarium fuit. Nam qui id mihi operis sumpserat, vt Chronologicas quæstiones quàm possem accuratissimè pertractarem, nihil omnino, quod in vnoquoque capite anceps, & impeditum foret, omittere debui : maiore autem quàm in hac re factum esse dixi, vt æquitare non potui. Ac si quem nostra de Iosepho, ac Dione cunctatio non delectat, vtrumque contemnat, si lubet : & ad communem de natali Christi *περίληψις* meam quoque sententiam adiungat. Quan-

quam illa ipsa Baronianis à calculis, atque à vulgari computo dissidens, & Christi natalem annis aliquot anteuertens opinio, vt inuidiam habuit, cùm est audita primùm: sic hodie nullo periculo, palam ac liberè propugnari posse viderut: postquam eam Romanorum doctorum, ac Magistri sacri palatij subscriptio, atque auctoritas approbavit.

Etenim anno millesimo sexcentesimo vicesimo-quinto, cùm in hanc urbem Illustr. Card. Franc. Barberinus Legatus venisset, allatus est Româ, & eo iubente hîc apud nos editus liber Marci Antonij Cappelli Franciscani Conuentualis, De cœna Christi suprema, deque præcipuis vitæ eius capitibus. Quo in libro non solum Dekerianæ illi sententiæ patrocinator auctor, vt ante quatuor annos quàm vulgo putatur, natus ab illo Christus ponatur: sed duos etiam, quod hætenus inauditum erat, adiungit: sex, inquam, totis annis citiùs natum esse Dominum asserit, vt qui cùm scribebat, vulgò numerabatur millesimus sexcentismus ac vicesimus quintus, eundem tricesimum primum supra sexcentos ac mille putare non dubitet. Hoc vnicum pæne est Dissertationis illius argumentum, hic scopus, vt communem, ac Baronianam euertat æram; nouam autem illam, & Dekeriana longè capitaliorem altruat.

Habes igitur quod querulis illis opponas. Nam neque anticipatrix illa natalis Dominici coniectura, Catholicæ, aut Romanæ fidei de-

cretis contraria est; immo ad amissum cum ea cōsentiens, vt Romanis ipsis approbatoribus placeret: neque nos tamen hanc qualemcumque, tueri, ac sequi voluimus. Quorum alterutrum ad purgandum opus meum satis esse poterat: vtrumque verò nullum in posterum vel obtrectandi exteris, ac maleuolis, vel nostris mecum exostulandi locum debet relinquere.

Te ad extremum precor, vt me meaque omnia sic amare, tuerique pergas, vicissim te vt colī à nobis, amarique confidas. Vale.

EPISTOLA XIV.

Gottifredo Vendelino V. Gl.

Louanium.

FREQVENS mihi de te sermo (CL. VENDELIN) cum Heriberto Rosweydo nostro per litteras fuit; cū te is hominem Mathematicarum artium, & imprimis Astrologiæ scientia præstantem esse diceret: idēque cū ex aliorum fama didicissem; tum ex nupera tua lucubratione doctissima specimen aliquod ipse cepissem. Quæ res amorem in me primū excitauit tui; tum notitiæ, consuetudinisque tecum ineundæ desiderium accendit. De quo cū ad Rosweydam nostrum semel, iterūque scripsissem; illius se conciliandæ sequerem, atque interpretem fore pollicitus est:

ac nuperrimè id vt aggredi auderem, non hortatus est solùm; sed eam rem tibi gratissimam fore significauit. Neque verò genus illud mutæ scriptiōis persequor, quod nihil admodum, præter simplicem, & inanem beneuolentiæ, ac voluntatis ostensionem continet; cuiusmodi ferè quotidianarum epistolarum argumenta esse solent: sed actuosum, ac necessariis de rebus, præsertim quæ ad doctrinarum studia pertinent, susceptum. Id aded verum vt esse cognoscas, certis de Astrologia quæstionibus initium à me huic litterario commercio dabitur: de quibus veterem mihi à te scrupulum, immo inscitiam, eximi valdè cupiam.

Harum prima sit illa de Lunæ diametris apparentibus: quarum in coniunctionibus & oppositionibus parem esse magnitudinem, omnes ante Tychonem Astrologi crediderunt, princeps omnium Tycho maiores in oppositionibus esse, quàm in coniunctionibus animaduertit. Quæ res in defectionum Solarium æstimanda quantitate magnam varietatem affert. Etenim ex Tychonis hypothesi nunquam Lunæ interuentu totus Sol obduci poterit. quod tamen secus interdum accidit. Nam & Sol totus aliquando defecit: & eiusmodi à se visum in Lusitania deliquium, Clavius anno Christi MDLX memoriæ prodidit; vt in libro de Optica Astronomica, capite viii Keplerus affirmat. Taceo non pauca similium exempla deliquiorum, quæ in Annalibus, & historiis non semel occurrunt. Quorum omnium damnare fidem te-

merarij hominis sit ; ne dicam impudentis. His de caussis Keplerus ille, quem dixi, Mathematicus hac ætate celebris, Tychonicæ opinioni tot sæculorum, scriptorúmque testimonia, imprimisque Clauij, non dubitauit anteferre. Verùm vt Tychonis auctoritate spretâ, τὸ ἥν διαμέτρων διαμετρὸν sequamur ; non minor quæstio, ac difficultas orietur. Nam plerasque constat Solis defectiones non *totales*, vt vocant, fuisse ; quas integras vetus illa methodus exhibebit. Ne longè exempla repetantur. Anno ecce Christi MDLXXI, Maij xx ex Gregoriana recensione, Sol defecit ; non vtique totus. Nam & Lutetiæ, sub octauam horam (quo tempore maxima fuit obscuratio) etsi Solis aspectum turbidus, ac nebulosus aër interceperit : non tamen caligo tanta exitit, vt integrum sidus defecisse crederes. Qui autem Gergobinæ ad Elauerem. (Id oppidum est, quod Molinas hodie vocant, quódque ab Auarico Biturigum bidui fere distat.) tum Fixæ Andegauorum deficientem Solem viderunt, bessem circiter, aut, ad summum, dodrantem obscuratum fuisse, testati sunt.

At anno illo Christi MDLX, quem designauit Clauius, Tychonicæ diametri decem ferè digitorum eclipsin referunt. Equidem si ex voto meo res agatur, ac per Astrologiam vestram liceat, priscam illam ἥν διαμέτρων διαμετρὸν Tychonis regulis libenter anteposuerim. Est enim rationibus nostris, & historicis obseruationibus consentanea magis. Cuius rei insigne ha-

bes exemplum in illa Solis defectione; quam tum accidisse refert Herodotus, cum Cyaxares cum Alyatte pugnabat: quam hæcenus ab astrorum, temporumque consultis diu ac frustra quæsitam nos in annum Per. Jul. 4117; in eunte quarto Olymp. XLV, coniecimus: ut est in lib. x. de Doct. Temp. cap. 1. Hæc ipsa verò, si Tychonis abaco utimur, paulo plus do-drante colligit. sin diametrorum æquabilitatem retines, longè maior existeret.

Caput est alterum inquisitionis nostræ, super æquatione temporis, quæ ad compensandam dierum inæqualitatem assumitur. Nam Christianus Longomontanus Tychonis discipulus lib. 1 Theor. cap. 11, pag. 42, vnicam causam inæqualitatis illius retinuit; quæ ex obliquitate arcuum eclipticæ nascitur: eiusque tabulam ad Solares etiam motus accommodatam præbuit cap. 111. pag. 59; damnatis reliquis, & ea maximè, quæ ex Solaris motus inæqualitate, & distantia ab apogeo petitur. Quod etsi naturæ ipsi, *ἀποδείξει* repugnare videtur: nos tamen ut tirones nostros tricarum istiusmodi molestia liberaremus, simplicem illam & *παρὰ τὴν* Longomontani methodum in tabulis Parisiis usurpauimus. Tu velim quid ea de re sentias, nobis explices.

Tertium, quod abs te sciscitari libet, in eodem opere de Doctrina Temporum libro VIII, cap. V IIII proposuimus p. 726, & 727. Vbi de Prosthaphæretico tempore non levis dubitatio animis nostris infederat: ecquid ad illius puta-

tionem verus horarius motus (quod hætenus Astronomi omnes fecerant) an medius (quod solus Mullerius præstitit) adhibendus videatur. Tu velim, locum illum consulas, & expendas. vbi tamen in paradiymate p. 727 error irrepsit in calculo latitudinis Lunæ. Nam pro 10, 19, 36', 21"; scribendum, 5 23, 33', 36".

Hæc sunt, cruditissime Vendeline, de quibus consulendum te modò putavi: ad quæ velim, quod tuo commodò fiat, pro tua humanitate, prudentiâque respondeas.

Nos Diatribam de Diluvio tuam in dies expectamus. De quodam Ciceronis loco Rosweydu nescio quid indicavit. Ego verò de huius loci sententia non valdè tibi repugnem: de Olympiadum verò tempore nouæ illi, quam contra scripsimus, opinionem nullo modo concesserim: & nisi fallor, ἀποδείξῃ, cuiusmodi in istiusmodi esse potest, communem sententiam adstruximus. Vale, mèque tuis apud communem Dominum precibus, sanctisq; sacrificiis commendatum habe. Lutet. Parisiorum. Octobris xxii. A. MDCXXVII.

EPISTOLA XV.

Gottifredo Vendelino V. Cl.

Antuerpiam.

SATIS longam epistolam tuam perbreuem fecerunt tot illa condimenta primùm do-

Ætrinæ multiplicis, ac reconditæ; tum æquitatis, ac φιλαληθείας: cuius cùm in ceteris partibus, tum in ea præsertim, quæ de tempestate Olympiadum erat, iucundissimam significationem dedisti. Ibi enim, etsi contrà, atque ego, sentires, sic opinionem affirmasti tuam, nostræ vt nihilominus rationem haberes: & conciliatorem te partis vtriusque, quàm alterius oppugnatorem esse malles. Ego verò, cùm in altero vinci abs te me patiar: alterum certè imitando consequar; pari vt æquitatis in disputando, ac veritatis tibi amore respondeam. Quod ipsum eâdem ab illâ, quam postremam in epistolâ tuâ posuisti, Olympiadum quæstione ὕστερον πρῶτον aggrediar.

Scribis de Olympici ludicri καὶ ἑὸ dissensionem nostram ita posse componi si id constituitur; Iphiti sæculo Solstitium æstium celebrandis iis ludis esse delectum: postea verò, paulatim prolabantibus neomeniis, sub ætatem Xerxis, solidis duobus mensibus pessum epocham isse, & ad Parthenonem à Carcinone migrasse. ibi, ne vlteriùs excurreret, Metonis enneadecaëteride, quasi iniecto freno, esse cohibitam. Hoc si ritè abs te probetur; viceris sanè: ego in tuam sententiam sponte discedam.

Duo sunt omninò, quibus illud efficere studes, argumenta: quorum alterum Herodoti, ac Thucydidis comparatis inter se testimoniis; alterum Philostrati auctoritate nititur. Herodotus imprimis libro septimo, per id tempus refert, quo Leonidas ceteri rrmrentis Spartanis,

ceterisque sociis ad Thermopylas occupandas profectus est, Lacedamonios, reliquas suas, sociorumque copias cogere in vnum statuisse celebratis Carniis, & Olympiis: quorum tempus amborum in hac negotia commodum inciderat. Rursus idem Herodotus octauo libro: Olympia iam, inquit, & Carnia præterierant, cum nunciata clade Leonidæ, Isthmi muro vallaretur. Igitur in vnum eundemque mensem Carneæ, & Olympia cadebant. Atqui Carneus mensis: quem vtrique sic appellabant, quod in eo Carnia peragebantur, extremus æstiuorum fuit, vt libro v. Thucydides docet. Ergo & Olympici agones in tempus exeuntis æstatis incubuerunt.

Alterum testimonium ex Philostrato sumitur, qui Apollonium scribit sub initium autumnii in Græciam nauigasse, atque ad Olympia venisse. Hæc sunt causæ tuæ firmamenta præcipuæ: quæ nos tamen de susceptâ sententiâ dimouere non possunt. Etenim primum illud de Carneis eam vim habet, opinor, non vt Olympia cum Carneis autumnii initio; sed vt Carneæ cum Olympiis per illud tempus æstate, hoc est, sub ipsum Solstitium, celebratæ fuerint. Nam quod Olympicus agôn septuagesimusquintus, in quem Xerxis expeditio conuenit, longè ante cardinem autumnalem, adeoque æstiuæ tempestate, commissus fuerit, testis est Herodotus. Scribit is octauo libro, nauale Persarum ad Artemisium certamen media æstiuæ tempestate contigisse. ἢ μὴ τῆς ἀπὸς μέσσης θέ-

ess. At subinde Olympica ludicra commissâ docet idem pag. 298. Quippe post Leonidæ, Spartanorumque cladem, navalis ad Artemisium pugna confertur. Secundum hanc Persica classis ab Artemisio in Histiaum appulit. Xerxes verò, cum ad Thermopylas viginti Persarum millia cecidissent, Græcorum quatuor millia; ne tantæ suorum stragis indicium extaret, ac terrore ceteros impleret; mille tantum relinqui; reliqua omnia cadavera humo iussit obrui. Inde socios classarios ad spectaculum exciuit: quibus longè pauciores Persas, quàm Græcos occubuisse vanissimo commento persuaderi voluit. Interim transfugæ ab Arcadia veniunt ad Persas. qui percontantibus quid rerum Græci tunc agerent, responderunt, illos Olympicis ludis intentos esse. Quocirca cum prælium ad Thermopylas paululum πένον το θέος antecesserit; quo tempore ferè ad Artemisium pugnatum esse dicit Herodotus: Olympia verò non multo postea celebrata sint; cum cæsorum cadavera adhuc insepulta iacerent: quis non videt mediam circiter æstatem Olympicos ludos occupasse?

Arenam Carneam eodem ferè tempore, quo Olympia, peracta sunt. Fateor. sed vel statione sua dimoueri mensis iste potuit, annali quæpiam, uti fit, interueniente labe: vel Carneæ conceptiua fuerint; ut apud Romanos Latinæ feriæ: vel cuiusmodi aliquid ignotum nobis acciderit, siue isto anno; siue altero, quem Thucydides designat. Ut ambiguum sit, æstiuum

tempus, an autumnale, propria, & naturalis Carnei mensis sedes fuerit, à quâ nonnunquam alienam in tempestatem seu lunaris calculi vitio, siue de industria migraverit. Nam quod ad ordinarium illius situm attinet; cùm Plutarchus in Nicia καρτερον μῆνα apud Syracusanos Attico Metagitnioni respondere dicat; videtur & apud Lacedæmonios idem illi tributus esse locus: à quô tamen interdum in anteriora, vel consequentia promoueri potuit.

De Philostrato, si attentè legeris, næ tu aliter senties. Non enim Apollonius Olympiadicorum certaminum tempore, aut ad eam celebritatem affuit, cùm ex Italia fugeret; vt interpretaris: sed in Olympiam, id est, locum ipsum peruenit, vbi agones illi committi solebant. Quibus cùm Græci perfuncti iam essent, & in patrias suas reuertissent; simulatque nunciatum est eò Apollonium ex Italiâ venisse: tam inusitatæ rei famâ concitati; tum illius videndi, audiendique studio permoti, frequentes accurrerunt. Itaque Philostr. lib. v i i i, c. v i non illum dicit εἰς Ολύμπια venisse, sed εἰς Ολυμπίαν. In quo Latinus interpres haud probè, qui identidem, *in Olympia* vertit: vel *ad Olympiadem*.

Sanè cùm capite v i i importunum iuuenem Domitiani fautorem ita compescit, πῖπαιτο Ολυμπίαν ἢ τὸν τούτων ἐρωτῆς, non minùs, Ολυμπίᾳ pro loco ipso, atque aded pro Ολυμπίᾳ, vsurpari censeo. Siquidem, vt eodem capite planus iste dicit, πανήγυρις non solùm πᾶσι τῶν αὐ-

ἡ αὖ τοῦτο, sed etiam locum ipsum significat.

Vnus est Ciceronis locus, qui opinioni tuæ fauere videtur. Hic enim lib. xvi epist. ad Att. epistolâ vii gratulatur se, cum vii Eid. Sext. à Leucopetra profectus esset in Græciam, Austro vehementi ad eandem Leucopetram reiectum, ne ad Olympia nauigasse putaretur. Hoc vt ad mentem tuam interpretemur, nempe in Augustum Olympia ceciderint. Hecatombræon Calippicus cœpit anno illo; qui Iulianus secundus, periodi Calippicæ quartæ quinquagesimus nonnis fuit; die xvi Iulij, feria v. Proinde Metagitnion Augusti xv. Exeunte ergo Sextili agones in Olympia celebrati sunt, si in Plenilunio id actum sit; non Boëdromione. sed de Ciceronis loco illo ampliùs cogitandum. Etsi probabile est, Olympicos ludos certis de causis, velut ob tempestates, aut pestilentiam, aut id genus alia, in vnum, vel etiam alterum mensem reiectos fuisse. Quippe qui in sequentem etiam annum dilati quandoque fuerint: quod Neronis tempore, eodem iubente accidit. Sed de Olympico ludicro nimium multa: nunc ad *μυστικώτερον* pergamus.

De semidiametris lunaribus pæne persuasus sum: præsertim si Tychonicis detrahatur aliquid. quas vno plerumque scrupulo longiores esse Longomontano videtur lib. i Theor. pag. 174. Poterit ad hanc controuersiam dirimendam operæpretium aliquod facere Solis illa defectio, quæ anno m dc xxx, Iulij x contingeret. Hanc enim integram æquilibrium se-

midiametrorum methodus exhibet. Tychonica
verò digitorum plus minùs xi, 20'.

De temporis peræquatione vereor vt ob-
tinere possis. Nam vt propter signiferi $\lambda\omicron\epsilon\gamma\acute{o}\tau\eta\tau\alpha$
dierum anomaliam incidere, vincit ratio : sic
ex inæqualitate Solaris sub ecliptica motus,
quam $\alpha\kappa\upsilon\gamma\epsilon\tau\eta\varsigma$ efficit, inæquales oriri dies,
non minùs illa persuadet. Esto enim, exem-
pli caussa, Sol verò situ in Arietis puncto ; sit-
que prosthaphæreus adicienda graduum 2,
2'. 0". Medium æquinoctium erit in gradu Pi-
scium 27, 58', 0". Gradus 2, 2', diurno motu mi-
nuta horaria postulant 8'. 8". quibus apparens
tempus medio maius est : atque idcirco de æ-
quabili tempore scrupula totidem auferenda
sunt, vti $\chi\epsilon\iota\rho\acute{o}\nu$, & apparens existat. Atenim
ex accuratissimis tuis obseruationibus superua-
caneum id esse genus æquationis asseris.

Verùm aut in tabulas tuas, aut in epocham,
siue radicem conferri culpa potest ; quarum al-
terutris plusculum attributum sit. Quiduis de-
nique potius affirmandum videatur, quàm vt
euidentiissimæ $\alpha\pi\omicron\delta\epsilon\acute{\iota}\xi\iota$ fidem abrogemus. Sed
de obseruationibus tuis paulò pòst. Antequam
à peræquandi temporis ratione discedam, v-
num abs te sciscitabor, quid de Ptolemaica,
ceterorùmque $\omega\epsilon\acute{\iota}\xi\iota$ hoc in negotio statuen-
dum putes : qui non minùs epochæ, siue radicis,
quàm propositi temporis, medios motus, &
ascensiones rectas colligi iubent, ac priores è
posterioribus subtrahi. Atqui radicis tempus,
cùm æquabile ferè sit, non $\phi\upsilon\sigma\iota\kappa\acute{o}\nu$, peræquatio-

nem nullam desiderat, quæ hac illi methodo tribuitur. Nonne breuius ac certiùs eòdem peruenire licet, si propositi tantummodo temporis mediij motus, ascensionésque rectæ inter se conferantur? Hoc tu mihi velim respondeas.

Vt ad obseruationes tuas modò veniam, valdè in iis multa sunt, quæ me mouent. Has enim ad Parisinas tabulas nostras diligenter exegi: de quibus tabulis pauca quædam commemoranda sunt. Cùm igitur ad has condendas modum lunaris anni Prutenicum cum eiusdem generis, hoc est Prutenicarum tabularum epochâ, siue radice tam epactarum, quàm anomalix lunaris assumpsissem: quarum illa Tychonicâ maior est scrupulis horariis 18', 39": hæc scrupulis ferè 12' gradus vnus, animaduerti postea satius esse Tychonicam utrobique epocham siue radicem adhibere. Quod ex postrema illa lunæ defectione potissimum didici, quæ Ianuarij xx hoc anno commissâ est. Hanc enim Parisinæ tabulæ citiùs reddunt, quàm reipsa deprehensa fuerit. Nam eius medium conferunt in horam 9, 0' post meridiem. initium hora 7, 5'. moræ initium hora 8, 12'. finem moræ hora 9, 48'. Duratio moræ hora 1, 36'. Toti eclipsi competunt horæ 3, 50'. Tychonicæ quoque tabulæ medium eiusdem hora 9, 6'. reddunt in meridiano Parisiensi: cetera itidem vt nostræ. Danicæ quoque tabulæ Longomontani eodem cum Tychonicis momento repræsentant. Alphonsinæ veræ syzygiæ mo-
men-

mentum hora nona , 11' , 16' . Atqui longè post illa tempora vera oppositio contigit. Sane intercurrentibus identidem nubibus , & lunæ , siderumque prospectum eripientibus , solum obscuracionis initium , ac moræ ; neutrius verò finis accuratè deprehendi potuit. Videtur itaque illius initium sub horam à meridie septimam , 30' incurrisse. Nam alius 7 , 27' ; alius 7 , 35' notauit. Est in hac vrbe peritissimus quidam obseruandi artifex , & affabrè factis , atque exquisitis instrumentis præditus ; qui *τηρησιν* suam nobiscum communicauit. In ipso puncto ingressionis in vmbra Caniculæ altitudinem obseruabat Gr. 28, 3' , 20' . initio moræ Gr. 36, 20' . Paulò post finem deliquij (nam moræ exitus prorsus animaduerti non potuit) altitudo erat Arcturi Gr. 9, 30' . Ex quibus initium eclipsidis congruere videtur in horam 7. 35 . Moræ initium hora 8 , 35' . Finis deliquij totius hora 11 , 7 . Quæ omnia non solum à Parisinarum ; sed etiam Ty-chonicarum , & Alphonsinarum tabularum *ἡμετέρας* nimium distant. Ob id Tychonīcam radicem Prutenicæ anteferendam censui. Ad hunc modum recensitis Parisinis tabulis , rursus deliquij istius epilogismum ad calculos reduximus. Est autem longitudo Parisiensis grad. circiter 24, 25' . Initium itaque defectionis sub horam cadit à meridie 7 , 23' , 11" . Moræ initium hora 8, 29' . finis moræ hora 10, 7' . finis eclipsidis hora 11, 13' . In illa descriptione , quam in calcem libri viii de Doct. Temporum coniecimus.

quædam per imprudentiam sunt notata præposterè. Cum enim prosthaphæreticum tempus subtrahendum esset horarum 5, 37'; idque de media syzygia, id est hora 2, 50' post mediam noctem eximendum esset; vti reliquæ fierent horæ 9, 24'. nos pro 9. horis, 8 scripsimus. quæ labes in cetera redundauit. Ita cum dimidiæ durationis scrupula sint 62', & motus horarius 32', ex quo scrupulis 62' competit hora 1, 56'. nos horam 1, 40' attribuimus. Hæc igitur castiganda sunt. Spero ad illum, quem dixi modum, conformatâ radice, omnium, quæ quidem extant hodie, Parisinas tabulas exquisitissimas fore. Ceterum ad recentiore illum epilogismum, vtramque temporis æquationem assumpsimus. Quod si alteram, quam cum Longomontano detrahis, abiudicasset, quæ 4' ferè scrup. colligit, enimuerò propiùs ad observationem ratio nostra perueniret. Age verò quemadmodum cum observationibus tuis tabulæ istæ consentiant, periculum faciamus. Tres sunt à te propositæ Lunæ defectiones: quarum prima anno MDCXVI Romæ, vt ais, inuenta fuit hora 3, 20' post mediam noctem. secunda Bethasis obseruata est anno MDCXXIV, Sept. xxvi; cuius medium incidit in horam 8, 20 à meridie. tertia denique anno MDCXXV eodem in loco deprehensa est hora 1, 32' à media nocte Martij xxiv. Ex iis Lunæ defectionibus, media cum abaco nostro admirabiliter conuenit: reliquæ duæ plurimum abhorrent; postrema maximè. Subijciam è Parisinis tabulis trium

illarum calculum : vt dere tota certius possit à te fieri iudicium.

Calculus plenilunij ecliptici, quod anno MDCXVI contigit Augusti xvii i.

Plenilunium medium incidit Lutetiæ hora 7, 37, 15" à media nocte diei 18 Aug. ad quod tempus ij motus conueniunt.

Longit. Solis

M. Sec.

5. 5. 52. i

Anom. Luna

M. Sec.

6. 10. 20. 54

Anom. Solis

M. Sec.

i. 29. 52. 32

Motus Latitud.

M. Sec.

ii. 26. 38. 16

Prosthaphæresis exactissima Solis est 1, 44, 1" S: Lunæ 0. 41. 27". A. Summa prosthaphærescon 2, 25, 28", quæ horas efficiunt 4, 46, 26' subtrahendas ; vt sit Plenilunium verum tempore communi. Lutetiæ commissum est hora 2, 50, 49" à media nocte. Romæ verò hora 3, 40, 49". Æquatio temporis est 40" S Plenilunium ergo hora 3, 40 præcisè.

Calculus Plenilunij ecliptici, quod anno MDCXXIV, Sept. xxvi, accidit

Media oppositiō cadit in Sept. xxvi i, hora 8, 43, 54" si radicem Prutenicam assumimus : ex Tychonicâ verò, hora 9, 2, 43, Lutetiæ Bethasiis, hora, vt opinor 9, 11, 13". Quamuis enim Bethasiorum tuorum longitudo minimè abs te concipitur, tamen ita ratiocinabar : quoniam tabulæ Prutenicæ Louaniensem meridianum horæ 1, 24' intervallo distantem faciunt

occidentem versus à Monte regio Borussia; meridiana porro Lutetia hora integra cum scrup. 31' occidentem versus ab eodem meridiano remotus est, consequens esse, uti 7' horariorum scrupulorum discrimen sit inter Louanensem & Parisiensem; si hic graduum in longit. 24. præcisè ponatur. quòd si graduum sit 24, 25', ut Longomontano placet, distabit scrup. circiter 5'. Quamobrem, cum Bethasij tui sex Brabantici leucis ad orientem distent Louanio: quæ horaria scrupula colligunt 1', 30" circiter, ex eo fit ut Lutetia distet à Bethasij meridiano, si grad. sit 24; hora 0, 8, 30". quibus ad horam 9, 2', 43" adiectis, efficitur oppositio media Bethasij hora 9, 11, 13". ad quod tempus hi sunt medij motus.

Longitudo Solis

M. Sec.

6. 6. 32 27

Anom. Luna

M. Sec.

8. 11. 49 5

Anom. Solis

M. Sec.

3. 0. 23 38

Motus Latitud.

M. Sec.

6. 3. 41 31.

Prosthaphæresis exacta Solis 2. 2' 42" S. Lunæ 4, 23', 32' A. Summa, 6. 36', 4" horæ 13 præcisè, subtrahendæ. Plenilunium verum Bethasij Sept. xxvi, hora 8, 11, 13" à meridie. Medius motus in longitudinem Solis tempore veræ syzygiæ est 6. 6. 0' 25". Verus 6. 3. 57, 43". Ascensio recta veri loci, 6. 3, 37". Differentia medij motus & ascensionis, grad. 2, 23'. quibus compentunt horaria scrup. 9', 32". Quoniam ascensio recta minor est medio motu, ideo adiicienda est

æquatio temporis ad commune tempus. Oppositio itaque vera physico tempore contigit Bethasis hora 8, 20', 45" à meridie. Motus latitudinis medius tempore veræ Oppositionis 5, 26, 31', 33". Verus autem 6, 1, 44', 55". Latitudo vera australis, 5', 40". Lunæ semidiameter est 16', 19". Vmbræ castigata, 45', 5". Summa semidiametrorum, 61', 24". Scrupula incidentiæ 61', 7". Scrupula moræ dimidiæ, 28', 2". Motus horarius verus 31', 24". Ergo dimidia duratio postulat horam 1, 51', 47". Dimidia mora hor. 0. 51', 47".

Initium eclipsis hora	6, 28', 58"
Moræ initium hora	7, 28, 58
Medium eclipsis hora	8, 20, 45
Finis moræ hora	9, 12, 32
Finis eclipsis hora	10, 12, 32
Tota duratio moræ hora	1, 43, 34
Tota defectio tenuit hor.	3, 43, 34

Ex tua delineatione.

6. 28' 0"	} Post meridiem Sept. 26
7. 30 0	
8. 20 0	
9. 10' 0"	
10. 12' 0"	
1. 40 0	
3. 44' 0"	

Calculus Plenilunij ecliptici, quod incurrit in annum MDCXXV, Martio mense.

Plenilunium medium Lutetiæ contigit Martij xxiii hora 13, 26', 51", à media nocte Bethasis hora 13, 35', 21".

*Longit. Solis**M. Sec.*

O. 1. 11. 52

*Anom. Lune**M. Sec.*

1. 16. 55. 5

*Anom. Solis**M. Sec.*

8. 25. 1. 33

*Motus Latitud.**M. Sec.*

O. 7. 42. 54

Prosthaph. exquisita $\left\{ \begin{array}{l} \odot 2, 2', 47'' \text{ A} \\ \oslash 3, 55', 24'' \text{ S.} \end{array} \right.$

Summa 5. 58', 11". Horæ 11, 45' A.

Oppositio vera contigit Bethasis hora 1, 20', 21" diei xxiv Martij. Motus medius Solis O. 1, 40', 41". Verus, O. 3, 43', 26". Ascensio recta veri loci gr. O. 3, 24'. maior est motu medio gr. 1. 43'. quibus competunt horaria scrup. 6', 52". S. Plenilunium physico tempore Bethasis acciderit hora 1, 13, 29". Motus Latitudinis medius O. 14, 11', 17". Verus, O. 10, 16', 9". Latitudo vera 53', 8". Summa semidiametrorum 59, 10". Ergo eclipsis fuit digitorum 2, 13. Scrupula incidentiæ 26', 2". Motus horarius 29, 52". Postulat igitur incidentia horam O. 52', 2".

Initium eclipsis Bethasis hora O. 21', 27"

Medium hora 1. 13, 29

Finis hora 2, 5, 31

Duravit horam 1. 44, 4.

At ex epilogo nostro

Initium hora 1 4

Medium hora 1 32

Finis hora 2 0

Duravit horam 0 56

 $\left. \begin{array}{l} \text{à med. nocte diei} \\ 24 \text{ Martij} \end{array} \right\}$

Ex his Pleniluniis secundum cum observatione tua paria facit; prorsus ut admiranda sit tam

exacta concordia: primum, & tertium magno-
perè discrepant. Illud scrup. 20'. istud initio
scrup. 42' 33". in medio scrup. 18'. 31", in fine
scrup. 5'. 31". Quamobrem dubia mihi est ob-
servatio: vel in litteris tuis erroris aliquid irre-
psit. Primum quia verisimile non est tantulo
tempore transactam fuisse, vt horam non ex-
pleuerit. Deinde quia Tychonicæ tabulæ lon-
gius etiam ab observatione quàm Parisinæ, re-
cedunt. Nam oppositionem veram conferunt
in horam 1,0', 35". Vnde initium cadet in horam
0, 8', 33". Discrimen huius & observationis,
scrup. 55'. 27" quod immane est. Vide sis igitur,
amabo te, ecquid te aduersaria tuâ sefellerint.
ac, si ita videtur, summam της ὁψως, id est alti-
tudines stellarum aliquot abs te per illud tem-
pus notatas adscribito: tum medios ipsos mo-
tus ex tabulis tuis expromptos. quæ quidem
cuiusmodi sint scire admodum cupiam. Mirum
enim est, quod tu scribis, citra æquationem die-
rum, accuratissimè momentum observationis
ex illis esse confectum. Velim & eclipses no-
uissimæ hoc anno conspectæ modum, ac ratio-
nem perscribas. Neque enim acerrimos oculos
tuos etiam tenebris obducta Cynthia latere
potuit.

Ad extremum de Gemino quod perconta-
ris; scito me initio cùm Opus illud de Tempo-
rum Doctrina meditarer Chronicon nullum,
hoc est τὸ τῆς τέχνης ἀποτέλεσμα, conficere, atque
adiungere voluisse. Sed Appendicem Scripto-
rum aliquot maximè Græcorum, qui de Com-

putistica methodo , & istiusmodi argumento dignum aliquid edidissent : quorum penes me copiam nonnullam habebam. Inter hos Geminus locum suum destinaueram ; cuius tum liber ad manum erat ex bibliotheca Thuana. Nam alterum exemplum nullo pretio comparare possis. Neque enim Luteriæ , quod equidem sciam, extat aliud. Verùm Typographi rationes consilium meum omne disturbarunt. Hic enim Chronologicum à me specimen improbè flagitauit : quod in calcem operis coniectum cum maiorem in molem posteriorem tomum exaggerasset , visum est prius illud in aliud tempus reici oportere. Est autem , quoniam & hoc scire voluisti , Geminus Græcè , Latineque Lugduni Batauorum editus anno 1603. quam editionem secundam oportet esse : nam ab Scaligero diu ante hoc tempus laudabatur Geminus. Auctor est eximius, & à me diligentissimè perlectus : cuius , ut dixi, nouam ἐκδοσιν non despero. Tu de Hipparcho tuo sedulò fac cogites : de cuius versione nihil comperi. Vellem & Theonis εἰς τὸν πρῶτον χεῖρος καὶ ὄναρ liceret adiungere. qui Ἰνποροείας omnem Solis ac Lunæ complectitur, & in plerisque bibliothecis cum blattis, tineisque confligit. Sed à typographis agrè illud exprimas : qui in librorum editione non bonitatem , sed compendium æstimant. Gaudeo tamen te Hipparchicum tuum φιλοπόνημα reperisse cui tandem induceres. Nihil abs te prodibit, nisi te, tuâque quam vnice veneror, & exosculor, scientia, & eruditione dignum.

Vale. Dominus te litium, ac forensium tricarum laqueis expeditum quàm diutissimè saluum, & incolumem nobis, ac communibus litteris conseruet. Ego id abs te vicissim, postremoque petam, vti mei sanctissimis tuis in precibus sacrísque memineris. Lutetiæ Parisiorum VI. Cal. Martias A. CIOIOCCXXVIII.

EPISTOLA XVI.

*Gottifredo Vendelino V. Cl.
Bruxellas.*

PAULO postquàm posteriores tuas accepi, allatus est mihi ex Hispania liber, contra ea, quæ de anno Græco, & aliis quibusdam primo de Doctrina temporum libro disputaue-ram, editus à Iuriconsulto nescio quo: qui laureolam sibi ex hoc mustaceo quæsiuit. De quo quid sentiam, non est huius loci dicere. Cuius autem gratiâ ista retuli; conicere potes, quàm cupidè quicquid erat libri deuorarim. Itaque sepositis tantisper curis ceteris, in id intentus vnum, pæne sum tuatum litterarum oblitus. Accessit & commotiuncula quædam ex ποδολ-γία, quæ me dies aliquot primùm lectulo; deinde cubiculo affixit. Inter has moras exciderunt mihi litteræ tuæ: quas vt reperirem, excussi scrinia omnia, omnes forulos, & chartas. Nec is tamen laboris successus mihi, qui Euan-

gelicæ viduæ amissam drachmam requirenti, fuit. Quare quod à me litteris istis petieras: (nam petisse te nescio quid memini) hoc, quia cuiusmodi sit nescio, perficere modò nequeo. Posthac verò, si eas litteras nactus fuero, aut si eadem denuò rescripseris, effectum dabo. Tametsi litteris istis minimè expectationi responderas meæ. Dederam enim antea longissimas: quibus & ad ea, quæ in prioribus tuis posueras, accuratissimè respondebam: & alia præterea percontabar: de quibus miror te mentionem fecisse nullam. Nam illas ad te peruenisse certis auctoribus comperi. Vnum est, quo querelam nostram paululum sustines; quòd postremas, quas amisi, properanter exarasti. Hoc enim illis recordor fuisse. Quam tu quoque cessationis meæ causam ad superiores adscribas licet. Nam & pleniorum à te litterarum expectatio pigriorem me fecit. cui tu, quando voles, facies satis. Voles autem, si nos & litteras nostras amas, quàm primum erit commodum. Rodolphinæ tabulæ à Keplero editæ ex Tychonis doctrina prodierunt. De his quod tuum sit iudicium aucto scire. Vale interim, meque, vt cœpisti, & amare, & communi Domino commendare perge.



EPISTOLA XVII.

*Gottifredo Vendelino V. Cl.
Bruxellas.*

MOVEBAR aliquantulum cessatione tua, quòd cùm longiores ad te litteras dedissem, variisque de rebus percontatus essem, nihil abs te vicissim exiret, præter perbreues illas; quibus, quasi meas nondum vidisses, quas tamen datas tibi constabat; alia omnia perferpseras. Sed extra culpam fuisse te, allatæ postremò pleniores litteræ tuæ fidem fecerunt: quas Maio mense abs te datas Septembri excurrente circiter accepi. Id quemadmodum, ac cuius culpâ contigerit, melius de eo cognosces, cui perferendas ad nos tradideras; quàm ego ab ignoto homine scire potui, qui mihi nescio quòd properanti obiter eas in manum dedit.

Verùm quo diutiùs expectatæ sunt, eo desideratiores, ac iucundiores tarditate ipsâ fuerunt. Itaque non eas solùm cupidè legi: sed legendas etiam obtuli doctis hominibus, qui hîc sunt, in eo scientiæ genere, cuius tu hodie principatum tenes, cum primis eruditi. quibus vehementer illa tua in observando fides, & industria probatur. Ac sunt alij, qui earum sibi copiam à me fieri magnoperè cupiunt: quod eò distuli, ut illas relegens ipse, ac coràm intuens,

ad ea, quæ scribis, responsionem nostram accommodare possem. Ac cum duo sint illarum capita; alterum de Olympiacorum certaminum tempore; alterum de obseruationibus, & eclipsibus; posterius hîc quidem omittetur à nobis; quod nec ad inquirenda ista satis otij nunc habemus; neque propter eius festinationem, cui hæc committimus, longiores esse possumus.

Tua itaque ratio est; Olympicos agones videri autumno potius, quàm æstate commissos esse. Quod ex Polybij primùm auctoritate confici putas. Hic enim libro v, pag. 378 edit. Græcolat. professus est, se ab Olympiade cxi historiam ordiri suam. tum lib. v pag. 330, peracta æstate Olympiadis istius annum primum exisse dicit eo tempore, quo Saguntum Hannibal expugnauit. Id autem autumno contigit. Quare annus 1^{us} Olympiadis autumno desinit. Hoc tuum est argumentū. Mihi verò nihil inde concludi videtur aliud, quàm Polybium ab autumno annorum suorum initia cepisse. quod vltro concedimus. Atqui de ludis ipsis agipius, non de ciuitatum popularibus annis, quos earum pleræque, post Macedonum, vt opinor, dominatum, ab autumno repetierunt: sic vt anno tetraëteridis illarum desinente quarto, ludi in Elide peracti sint: primus post confectos agones processerit. Hanc rationem putandorum annorum adhibitam à Polybio persuadet illud, quod Saguntinum excidium, & Hannibalis in hiberna profectio incidit in φθινόπωρον

eius anni Iuliani, quo ab æstiuis diebus annus Olympiadis cXL secundus inierat. In quo dignum illud est obseruatione, quod ex eodem Polybio collegisse mihi videor; Achæos, cùm à verno tempore, vel ineunte æstate, hoc est ortu Vergiliarum, annos hætenus auspicari essent: paulo ante Polybij tempus, instituisse ab autumno numerare. Etenim Polybius, cùm de Achæorum popularis anni principio, vel fine loquitur, particulam τότε adiicit; vel per tempus illud ita computatos annos fuisse significat. Sic initio libri v. τὸ μὲν ἔν μὲν πρὶν Ἀράτε τοῦ νεωτέρου στρατηγίαν ἔτος ἐτύγχανε διελθῆναι πρὶν τῆς Πλειάδος ὀπιτολήν. ἔτιω γὰρ ἦγε τὸς χρόνους τὸν δὲ Ἀχαιῶν ἔθνος. Circa Vergiliarum ortum annos tunc inchoabant Achæi. quod Maio circiter exeunte sæculo isto fiebat, initio Geminorum, Item libro v, pag. 305 loco illo, quem affers, bis aduerbium τότε posuit. Nam de Arati magistratu loquens, ὁ δὲ χρόνος, ait, αὐτῷ τῆς ἀρχῆς μάλιστα ΤΟΤΕ πως διήρητο. ταῖς γὰρ ἀρχαιοτάταις Αἰτωλοῖσι μὲν ἐποίκων μὲν τὴν φθινοπωρινὴν ἰσημερίαν ἀθίνας. Αχαιοὶ δὲ ΤΟΤΕ πρὶν τῆς Πλειάδος ὀπιτολήν. Μοχ, πρὶν δὲ τῆς θερίας ἐνισταμένης, καὶ μεταληφότος Ἀράτε τοῦ νεωτέρου τὴν στρατηγίαν, ἅμα πάντα τὰ πρὸς γυμνασίαις καὶ ἐπιβολαῖς ἐλάμβανεν, καὶ ταῖς ἀρχαῖς. Tunc ait Achæos ab ortu Vergiliarum annum incepisse, θερίας ἀρχομένης; messis ineunte tempore, hoc est æstate. quod miror à te redditum, *peracta æstate*. Cùm igitur τότε ab ortu Pleiadis annum exorsos esse populares suos dicat; satis ostendit, aliud cùm ista scriberet, anni principium vsurpasse. idque

adeo circa Vergiliarum occasum ; quomodo Ætolos ex antiquo fecisse testis est non vno loco Polybius. Ita verum erit vtrumque, tam Polybium annos historiæ suæ ab autumno cœpisse, quàm Olympicos ludos in æstatem mediam incidisse.

De Halicarnassensi, & mensibus illis quatuor residuis ad explendum annum illum, quo reges Vrbe pulsi sunt, mihi cum Onufrio conuenit. de quo habes libro x de Doctrina temporum, cap. xxi.

Quod ad Marcelli, & Crispini Consulatum attinet, digna sanè res est quam diligentius perscrutemur. Incidit is in annum vrbis Varronianum DCXLVI, quo Olympias cXLIII celebrata est in Græcia. Liuius, & ex eo Onufrius, aliique, per id tempus ineundo Consulatu solemnem diem fuisse produnt Eidus Martias. Ianuarius porrò sub idem tempus in Septembrem, vel Octobrem Iulianum cadēbat ; vt in libro ii de Doct. temp. cap. LXXVII demonstrauimus. Quare Nouembrem, vel Decembrem occupabat Martius, eoque tempore Crispinus obiit ex vulnere. Nam Liuius lib. xxvii, *Exitu*, inquit, *huius anni, T. Quintius Cos. Dictatore comitiūrum, ludorūque faciendorū causa dicto T. Manlio Torquato, ex vulnere moritur.* Non igitur æstiuo tempore, vti coniecis, sed hieme potius creati sunt noui Consules, & æstate insequente Olympia celebrata sunt. Quæ res vt argumentationem tuam euerit ; sic admirationem habet, quòd ex eo con-

sequens sit, Marcelli, & Crispini Consulatum anno ferè solido eum ipsum antequertisse, qui in fastis vulgo tribuitur. Nam vt in. isse magistratum velimus illos Decembri Iuliano anni Per. Iul. 4505, à Palilibus annus V. C. Varro- nianus 1011v initium habuit, insequens æstas anni Per. Iul. 4506 ludos illos exhibuit, laben- te adhuc istorum Consulatu. Atqui Liuius exi- tu anni, vtique Romani, mortuum esse Crispi- num ait, & à Dictatore comitia celebrata, cum æstate proxima, nempe anno Per. Iul. 4507, instarent Olympici ludi. Hic igitur hæreo; ac nescio an Liuius hallucinatus sit, qui exitu an- ni facta ista dixerit, quæ ineunte æstate conti- gerunt. Dignus omninò est hic te vindice no- dus, hoc est homine docto pariter, & acuto.

Thucydidis ille locus, quem ex libro v, pag. 379 edit. Vechel. profers, non id suadet, O- lympia anno illo, saltem Augusto celebrata. Nam Panathenæa maiora Hecatombæone fie- bant, eiusque xxiii die, vt author est Proclus lib. i Comment. in Timæum Platonis. At Hecatombæon sæpe in Iunium incurrebat, æta- te illa maximè, in qua lunaris annus Atticus plerumque fluctuabat. Neque tamen, vt ne in Augustum Olympia ceciderint, valdè repu- gnem; immo verò tardiùs etiam aliquando. quod superioribus litteris fastus eram, Cice- ronis illo ex epistolis ad Atticum testimonio commotus. Verùm id legitimum tempus non fuit; sed casu aliquo incidit; quemadmodum Neronis iussu aliq, quàm mos ferebat, anno

eadem illa ludicra peracta meminimus Nos de solemnibus, & ordinario tempore inter nos quaerimus; quod ego median aetatem arbitror fuisse; tu in autumnum relegas.

Ex hoc porro Thucydidis loco Scaligeri nouus error animaduerti potest: qui pag. 86 Animad. Euseb. ad annum cccccxii notat, quocumque demum tempore instituta sint Panathenaea, certum esse anno tertio Olympiadis instituta fuisse. Ex quo confirmari putat ea, quae de methodo Atticae, & Olympicae periodi libro I de Emend. temp. & in Isag. Canon. praescripsit; uti nimirum ad methodum Atticae, de Olympica detrahatur annus xxxviii. Quod commentum libro I de Doct. temp. euertimus. Hoc verò de Panathenaeis quod scribit, falsum esse Thucydides ostendit, qui eodem anno, & Olympia, & Panathenaea maiora celebrata refert.

De Nemeis, quod postremum obiiis, scito haec duplicia fuisse, alia aestiua, alia hiberna: ut libro I de Doct. temp. cap. xxxiii docuimus. Quibus adde scholia Pindari, quae Nemea tradunt Panemi xii celebrari. Is Iunio, vel Iulio nostro respondebat. Ergo ex *Nemeis Olympia* rectè dixit Aristoteles. Nam illa proximè, ut vides, Olympia praecesserunt.

Postquam ea, quae de Olympiadum tempore disputasti, penitus explicata sunt; libet aliqua ex parte abs te sciscitari, quae me per hosce dies plurimum exercuerunt. Fortè enim accidit, ut de Ortus, & occasu stellarum tam vero, quàm apparenti commentarer aliquid. Ad id
scri-

scriptorum veterum loca varia conquirenti, & examinanti mihi, Agatharchidæ apud Photium Cod. ccl, col. edit. Græcolat. 1375, perdifficilis occurrit, de quo quid sentias scire à te perue-
lim. Scribit ille felicem Arabiam inter cetera mirificum hoc habere. ἀπὸ γὰρ Μαμακτηριῶνος ὅς ἄγεται παρὰ τοῖς Ἀθηναίοις, ὡς δὲ ἀστὴρ ὅς ἐν τῇ φαίνεται μετὰ φυλακῆς πρώτης ἐν δὲ Ποσειδεῶνι, μέχρι δὲ τέρας ἐν δὲ τοῖς ἰξῆς ὅς μηνῶν, κατὰ λόγον. Fac Mæmafterionem Octobri, vel Nouembri re-
spondere. Ergone septem stellæ Cynosuræ in Arabia occidunt? Nam de Cynosura loqui videtur. Sinest vt maiorem, id est Helicen in-
telligat; doce, amabo te, quænam, & vbi se-
ptem illæ sint. Nam xxii circiter in illa notan-
tur. tum quemadmodum Mæmafterione, ante primam vigiliam noctis, illarum nulla compa-
reat; Posideone verò, ante secundam vigiliam;
& ita deinceps. Magno me tibi beneficio de-
uinxeris, si de ea re quod iudicium tuum sit,
accuratè perscripseris. Ecce autem ἀπερὶν aliud.
Plinius lib. xviii, cap. xxvi, Vergilias oriri di-
cit vi Eid. Maias. at libro ii, cap. xlvii, die-
bus post æquinoctiū autumnale xlv occidere.
Libro verò xviii, c. xxv, ex Euctemonis senten-
tiâ occidere die xlviii post æquinoctium autū-
nale. totidem & Varro l. i. de re Rust. c. xxviii
post vernal æquinoctium ortui præfinit; &
Columella lib. ix, cap. xiv. Occidere porro
Vergilias post æquinoctium autumnal die xxx
Varro scribit; Columella die xl. Plinius lib.
xviii, cap. xxv scribit. Hesiodum statuiffe ma-

tutinum occasum Vergiliarum in æquinoctio autumnali: Thaletem xxv die ab æquinoctio: Anaximandrum, xxix: Euctemonem, xlviii. Apud Ptolemæum quoque libro de inerrantium significationibus, insignis est varietas. Ego verò Pleiadum ortus, occasusque varios per triangula sphaerica diligentissimè subducens, longè ab iis diuersa reperi. Nam cùm longitudo Pleiadum anno Christi cidioc à Tychone constituta sit in gradu γ 24, 24': si, vt Longomontano placet, octaua sphaera in consequentia gradum vnum promouet annis LXXII, consequens est anno primo Iuliano longitudinem illarum fuisse in γ 1, 24'; At Thaletis Milesij sæculo, id est anno Per. Iul. 4113, in gradu γ 23, 14'. Metonis autem, & Euctemonis, id est anno Per. Iul. 4283, in gradu γ 26, 12'. Hesiodi porrò, si quidem is vixerit, vti nos coniecimus, anno Per. Iul. 3713, post $\alpha\lambda\omega\sigma\eta$ Troianam, circiter annis clxx; longitudo Pleiadum erat in γ 17, 34'. Quibus animaduersis, omnium illorum temporum ortus, occasusque computaui. quorum indiculum subiiciam.

Anno Per. Iul. 3713

A. Per. Iul. 4113

Occasus heliacus	γ 2. 51'	γ 9. 46'
Ortus cosmicus	γ 9. 0	γ 16. 0
Occasus acronychus	γ 17. 0	γ 24. 40'
Ortus heliacus	γ 13. 42'	γ 15. 53'
Ortus acronychus	δ 9. 0	δ 16. 0
Occasus cosmicus	δ 17. 0	δ 24. 40'

*Anno Per. Iul. 4283**Anno Per. Iul.
4669, qui est
Iulianus 1*

Occasus heliacus	Υ 12. 42'	Υ 17. 46'
Ortus cosmicus	Υ 19. 0'	Υ 22. 8'
Occasus acronychus	Υ 27. 44'	Υ 3. 17'
Ortus heliacus	Υ 18. 46'	Υ 29. 33'
Ortus acronychus	Ω 19. 0'	Ω 22. 8'
Occasus cosmicus	Ω 27. 44'	Ω 3. 17'

Conferantur ea modò cum illis quæ ex Plinio, Columella, & ceteris adduximus. Occasus cosmicus anno 1 Iuliano cecidit in eum diem, quo Sol in gradu 3, 17. Scorpij versabatur: qui dies Octobris circiter xxviii erat, ab æquinoctio Cæsaris, xxxv. Idem & in ceteris dissidium ab observationibus antiquorum. Verùm cùm occasus cosmicus, siue matutinus, tunc fieri dicatur, cùm stella è diametro Solem obiecta respicit: non potest eo momento conspici, quòd splendore Solis obducatur. Itaque dies aliquot emetiendi sunt ad occasum vsque *φασγίν*. quæ fortasse causa veteribus fuit, vti longius intervallum matutino stellarum occasui tribuerent. Tu velim ad ea mentem, & industriam aduertastuam, atque id explices nobis, quantum ab occasu cosmico putes interesse dierum ad apparentem stellæ *φασγίν*, & aspectum; vtrum id ex crepusculorum ratione pendeat; tum proclimatum differentia, & crepusculorum, quantum ab occasu Solis tempus intercedat. Ad hæc intersitne multum, è montis vertice, an è patenti planitie stella conspiciatur.

De Sirij ortu, & occasu non minùs perplexa mihi quæstio nascebatur: propterea quòd ori-
 ri Leonem ingrediente sole, tam in Ægypto,
 quàm in Græcia, & Italia, plerique veterum af-
 firmant: quod secus habere eàdem illa triangu-
 lorum methodo deprehendisse videor. Rursus
 Plinius libro XVIII, cap. XXIX, scribit IV Cal.
 Maias occidere Canem, *cui præoccidere canicu-
 lam necesse sit.* Ibi Caniculam vocat τὴν ἀγκύρα.
 At hic vt oritur ante Sirium, ita post eum oc-
 cidit. Itaque præoccidere Caniculam interpre-
 tabar de canario sacrificio, de quo Festus in
Rutile canes. etsi duriusculum id loquendi ge-
 nus videtur. Censorinus XIII Cal. Aug. exor-
 riri dicit in Ægypto caniculam. Atqui canicu-
 la anno primo Iuliano exortum heliacum facie-
 bat in Ægypto in ☿ 16,56", Iulij x. Quamobrem
 omnibus retrò sæculis ante hunc diem orieba-
 tur: quippe cùm in consequentia stellatus orbis
 perpetuò moueatur. Quinam ergo verum po-
 test esse, quod Firmicus, & Solinus cap. XXXIV
 prodiderunt, Ægyptios veteres, qui ab ortu
 Sothios annum suum maiorem inchoabant,
 eum ipsum statuisse in XIII Cal. Augusti?

Postremum ἀπόρρητα sit, quid esse causæ cen-
 seas, cur Plinius, Columella, Ptolemæus ille
 libro de inerrantium signific. cùm æquinoctia,
 & solstitia fieri velint in 8 signorum parte, in-
 gressum tamen in arietem c. c. constituent in
 Martij XVIII; ingressum quoque Solis in ☿ Iu-
 nij XVIII, & ita deinceps. quod perspicuè fal-
 sum est: vt lib. IV de Doct. temp. cap. XXVII of-
 fensum est.

Erant & alia quædam, de quibustripodem
uum consulere decreueram, sed ne in immen-
sum exeat epistola, quæ iam iusto longiùs ex-
creuit; tum vt iis, quas postea scribemus,
proprij aliquid argumenti referuetur, hîc finem
faciemus. Sed primùm exorandus nobis es, vt
neque lunares tuas tabulas, ac solares; neque
Diluuium, quorum omnium gustum nobis
præbuiisti, diutius expectari sinas; tum vt ama-
renos pergas, & apud communem Dominum
sedulò in sanctissimis tuis sacrificiis, precibús-
que commendatos habeas: quod ego vicissim
à me tibi polliceor. Vale Vir eruditissime, ac
Puteanum meo nomine resaluta. Lutetiæ Pa-
risiorum Gal. Nouemb. ciciocxxviii.

EPISTOLA XVIII.

*Heriberto Rosveydo Societatis Iesu;
Antuerpiam.*

VT habeas quo diurnam interpretandî
molestiam subleues, ac defatigatum ani-
mum oblectamento aliquo reuoces, tertium
iam Mastigophorum mitto; quo superbissimi,
insolentissimique Grammatici fastus retundi-
tur. Triplex ille lorarius vni illius libro est
obiectus. Quod quibus de causis factum sit,
ex Epistolis, quæ singulis præfixæ sunt, cog-
nosces. Quæ sit homunçionis illius facultas,

& eruditio, tametsi aliis ex eiusdem lucubrationibus scire iam potueris, plenius ac manifestius tres illi Mastigophori demonstrant. sed esset capitis istius inscitia tolerabilis, si bonæ mentis, aut communis sensus particulam haberet aliquam: quod posterius aliquanto minus, quàm illud prius, in eo cernitur. Cum hoc Calvinistici gregis alumno feruida momento rixa nobis exarsit, quam adeo ludibundi, ac velut aliud agentes hætenus tolerauimus. Apparet id hominis à Scaligeriani nominis fautoribus, ac semichristianis conductum, quibus iampridem ægrè est, numen illud suum à nobis despici, eiusque Chronologicis in rebus imperitiam traduci. Etenim vix credibile est, quantum se commouerint, ex quo tam multa illius à nobis errata detecta sunt, tum verò longè plura, & stupidiore palam esse facturos ostendimus. Quæ cum ne intelligere quidem ipsi propter rerum illarum inscitiam possint, scæneum istum Grammaticum, & audaculum obiecerunt, qui nos ab grauiorum contentione studiorum ad triças illas, & vocabulorum conflictus, atque ineptias reflecteret. Sed in dies nihilominus alter ille procedit labor; qui quidem vbi prodierit, quas turbas excitabit! Non dubito quin Batani omnes & Germani, ac nostrates Calvinistæ ὡς εἰς σπῆκας κακάντρωμένοι, in nos inuolent. Verùm insaniant ac dirumpantur licet: vincet aliquando veritas; & Thra-sonis illius fucus diluetur.

Quæ de Solis Lunæque deliquiis vir ille do-

et us adnotauit, neque mihi probantur, & sunt à mente Dionysij, nisi fallor, aliena. Quo anno dicéque passus est Christus, duplex incidisse deliquium ait, alterum *παρὰ φύσιν*, & prodigiosum, nempe solare; alterum ordinarium, & Lunare. Vtriusque porrò mentionem in illa S. Dionysij epistola fieri. Verba Dionysij. *Ἀμφοτέρω γὰρ τότε καὶ Ἡλιόπολιν ἄμα παρόντε τε, καὶ σωεσώτε παρὰ φύσιν τῷ ἡλίῳ ὃ σιλήτην ἐμπέπυσαν ἐωρῶμεν· ὃ γὰρ σωόδω χερσὶς αὐθὶς τε αὐτὴν ἀπὸ τῆς ἐνάτης ὥρας ἄρχει τῆς ἑσπέρας εἰς τὸ αὖτε ἡλίου διάμετρον ὑπερβύως ἀντικαταστῆσαι.* *Ambo enim tunc Heliopoli cum unà essemus, Lunam in Solem admirabiliter incurrentem aspiciebamus. Non enim Synodi tempus erat. ac rursus eandem ab hora nona ad vesperam in oppositam Soli è diametro partem restitui.* Hæc de Solari deliquio interpretatur. Pergit Dionysius: *Ἀνάμνησιν δέ τι καὶ ἔτερον αὐτόν. οἶδε γὰρ ὅτι καὶ τὴν ἐμπέπυσαν αὐτὴν ἐξ ἀνατολῶν ἐωρῶμεν ἀρξάμεθ' ἐξ ἀνατολῶν καὶ μέχρι τῆς ἡλιακῆς πέρατος ἐλθοῦσαν. εἴτα ἀναποδίσσασαν καὶ αὐθὶς καὶ ἐν τῇ αὐτῇ καὶ τῇ ἐμπέπυσιν, καὶ τῇ ἀντικαταστῆσιν, ἀλλ' ἐν τῷ καὶ διαμέτρον ἐναντίω γενημένην.* *Quin & alterum illi in memoriam reuocā. Scit enim nos incidentiam ipsam ab Oriente cœptam animaduertisse; atque ad solarem usque terminum esse progressam. exinde verò repedasse: nec eâdem parte incidentiam, & emersionem; sed ex diametro opposita contigisse.* Hæc verba ex illius disputatione non ad priorem, ac solarem; sed lunarem eclipsin referuntur. qui & illa, *μέχρι τῆς ἡλιακῆς πέρατος*, ad finem usque solis, siue crepusculi vespertini, esse

dicit. quo tempore defuit eclipsis Lunæ.

Ego verò dum attentè Dionysij locum illum expendo, nullum ibi vestigium coniecturæ istius agnosco : quod eruditi viri pace dictum velim : atque adeo tam alienam esse iudico, nihil ut magis excogitari possit. Primum ἐμπώσις illa, quam ab Oriente cœptam asserit Dionysius, non potest ad Lunæ defectionem transferri, quæ anno communis æræ xxxiii, Aprilis tertio commissæ est. Huius enim ἐμπώσις Heliopoli conspecta non est. Plenilunium enim ἀκρίβις ex nostris tabulis contigit Heliopoli hora 4, 40', 14" à meridie. Initium defectionis hora 3 ferè. Finis hora 6. 21'. Incidentiæ, & emersionis duratio fuit horæ 1, 40'. Totius duratio horæ 3, 20'. Cùm igitur incidentiæ tempus omne occasum Solis hora 1, 20' circiter antecesserit, videri prorsus Heliopoli non potuit. At Dionysius ἐμπώσιν illam ἀρχαυδύνιν *ineuntem* prospexit. Non est igitur Lunaris ἐμπώσις.

Secundò ἐμπώσις illa non alia potest esse, quàm cuius antea meminit his verbis, παρὰ δόξιν ἢ σελήνην ἐμπίπτουσαν ἐν ἡλίου. Atqui hæc ipsa non in umbram, sed in solem incurso facta dicitur.

Tertiò, post ἐμπώσιν scribit Dionysius Lunam denuò repedasse. post Lunarem verò ἐμπώσιν in umbram nullus ἀναποδοσιμὸς Lunæ fuit : sed deinceps rectum, & naturalem cursum tenuit.

Quartò, Dionysius refert non eadem ex parte, Lunæ incidentiam, & emersionem accidisse.

se. At in Lunari eclipsi, vtraque ab eadem parte cœpit.

Denique nihil apertius est, quàm Dionysium posterioribus illis verbis, ἐμπόσιος & ἀναρξέστερος, quas paulò antè proposuerat, modum ac rationem explicasse, proindèque Solaris, non Lunaris eclipsis. Hæc enim nulla prorsus eo die commissa est, quo passus est Christus, hoc est æræ communis anno xxxi quem in lib. xii de Doctrina temporum adstruximus.

Plurimum me sacris tuis precibusque commendo: sed & P. Andreæ Schotti, quem ego salutatum à me cupio. Vale. Lutet. Paris. 2. Apr. An. 1623.

EPISTOLA XIX.

*Heriberto Rosuveydo Societ. Iesu ;
Antuerpiam.*

QVÆ de Frontonis nostri obitu renunciata tibi esse scribis, nimium vera sunt. Mortuus est Septembri mense iam affecto; neque maius nobis, qui illum vnicè dileximus, quàm exteris omnibus, qui quidem ipsum vel fama nouerunt, sui desiderium reliquit. Causam mortis attulit vegrandis calculus, qui in eius vesica post obitum repertus est, vnciarum quinque pondo. Inter hos cruciatus post longam cum morte luctationem, Sacramentis omni-

bus ritè perceptis, ad Christum euolauit. Nos
ei mœrentes solita pompa parentauimus.

De Dionysio Areopagita tibi citra vllam du-
bitationem assentior: nèque quicquam strenui
illi patroni hæctenus proferunt, ὁ, πῶς ἄρρητον
ἀμείνον. Itaque frustra Parisiensis ille cum Athe-
nienfi confunditur. Æsopi fabulæ, fabulæ non
sunt, præ commento illo Parisiensis Areopagi-
tæ. Ita & ὁ μαγεύτης Fronto sentiebat, & hodie
Sirmondus noster, & quicumque reconditio-
res paulo litteras attigit. Qui aliter sapiunt,
ὅγαιντο ἢ ἐιδελοπίσαι. Sauaronis posthumum opus
nullum ad hanc diem prodiit: sed neque pro-
diturum putat vllum Sirmondus. Dextri Chro-
nicōn, hominis est imperitissimi ἀτοκν, & ἀλλό-
ποτον κύνμα: & omninò ψευδὲς πύχαρον, ab Hispa-
no aliquo nebulone confictum. Quis lucumo-
nis istius confidentiam non miretur, qui se eru-
dito huic sæculo fucum facere hisce quisquiliis
putauerit? Si quid causâ tuâ deinceps potero,
faciam vt Frontonis operam minus hac in par-
te desideres. Vale mi Pater, & pro nobis com-
munem Dominum precare. Lutetiæ Parisio-
rum Decemb. xii. An. mdcxxiv.



EPISTOLA XX.

*Heriberto Rosveydo Societatis Jesu,
Antuerpiam.*

C R E D O iam postremas meas ad te allatas
esse; quas nondum, cùm nouissimè scri-
beres, eò peruenisse, iis ipsis ex litteris intelle-
xi. Scripseram in illis de Ioanne Eleemone,
cuius in historia *παρρηγοριου* meum suspectum
te habere dicebas. Ego verò rectissimè id ani-
maduersum puto, quod ad Nicephori Breuiar-
ium, & in lib. xi de Doctrina Temporum
ostendi; mortem incomparabilis illius viri in
annum Heraclij vi, Christi iocxvi incurrere,
paulo antequam Saës à Chosroë missus Ale-
xandriam occuparet. quod eodem illo anno
contigisse, Theophanes, aliique testantur.
Nam quod in Notis ad Vitas Patrum, subitam
illam Persarum irruptionem fuisse dicis, tor-
rentis instar exundantium, ac subinde, relictâ,
quam obtinuerant, Alexandria, Ægyptoque,
domum reuersorum; id ex eo conuincitur,
quod iidem illi Persæ victoriam persecuti Afsi-
cam expugnarint, ac Carthaginem obsede-
rint, & cùm eam capere non potuissent, ad il-
lius oppugnationem parte copiarum relictâ, in
Persidem abierint. Hoc enim argumento est,
neque possessione illos Ægypti cecidisse; sine qua

stolidè admodum in Carthaginis obsidione perseverassent : & , quòd vastata Ægypto , occupatâque , discessisse narrantur , non sic intelligendum , nulli ut in illa remanserint : sed ut impositis præfidiis , ceteri in Persidem sese receperint. Hæc nostra , & , ut opinor , verissima ratio : quæ & Sirmondo nostro probatur. Vitarum Patrum novam editionem nondum accepimus. Scripsi ad Vendelinum copiosè satis de quibusdam Astronomicis quæstionibus. Quod ad illum verò Ciceronis locum attinet , non diffiteor , quin & de ludis Scenicis explicari possit. itaque ad Vendelinum ipsum scripsimus. Sed de Olympiadum tempore , puto ἀποδεικτικῶς rem confectam in calce Operis nostri. Ac fieri sanè aliquando potuit , uti solito tardiùs Olympiaci illi agones instaurarentur. Sed de legitima , & ordinaria tempestate sermo nobis ac disputatio fuit : quam in mediam ætatem incubuisse certissimum habeo. De libro illo cuius titulum edidisti , nihil comperi. Extat non absimilis argumenti ante annos circiter 9 à quodam Remensi editus de Romanorum viis. Quem si nondum habes , propediem mittendum curabimus.

Nonnum Heinſij necdum penitus evolui. Videtur in plerisque μικρολεγειν , & κίχχας ἀποβόλιν. Non tamen deest eruditio. Nos in Iuliano subseciuvâ operâ ludimus. Et iam propè ad exitum peruenit. Geneuenses Scaligerianum Opus de Emend. temporum excudunt. Crédesne illòs ipsos sequestrem me , ad emerenda

dum priuilegium, quod à Marilliaco Procellario impetrare se posse diffidebant, interponere voluisse? Sanè virum ad me doctum familiarem meum allegarunt, cui iustis id de causis negauimus.

Expecto quid illi ipsi noua in editione, vel Germani, aut Bataui pariant. Vale. Lutetiae Parisiorum Nouemb. xix, c1616cxxvii.

EPISTOLA XXI.

Auberto Miræo V. Cl. Antuerpiani.

EXCELLENTEM in omni litterarum genere doctrinam tuam, cùm ex vetere de te fama; tum ex libris tuis cognoueram, (VIR CLARISS.) candorem humanitatẽque, quod nihil commercij tecum habueram, nondum perspexeram. Huius mihi fidem litteræ tuæ fecerunt, quas ad me suauissimas, iucundissimásque Rubenius attulit, qualem scribis, perbreui illo, quo mecum vnà fuit, tempore cognitus adolescens, hoc est eruditus, ac probus, & antiquitatis peritus. Quem quidem & tua commendatione, & merito illius facio plurimi, & quibus officiis potero complectar. Sed is ad me non plus semel adiit; & quidem opportunè: cùm eodem tempore Sirmondus noster, & Andreas Quercetanus apud nos essent, quibus ille quas habebat abs te litteras obtulit. De Rationario nostro quod tam aman-

ter, ac beneuolè prædicas, laus est ista facilitatis, ac bonitatis tuæ, non ingenij, ac facultatis nostræ, quam in Opere illo medio-rem explicauimus. Verùm eo ipso magis placere mihi cœpit, quod tanti illud facere te dicis, vir antiquitatis omnis, historiæque peritissimus. Sanè incredibili hac in vrbe studio hominum hic liber exceptus est: adeò vt paucis mensibus exemplaria omnia distracta sint; & iam de altera editione cogitemus: quam sic institui à me plerique cupiunt, meram vt rerum historiam ab Chronologicis probationibus diuellam, eamque primam in partem conferam; altera, quæ sunt *παρα*, & *ἀποδείκνυσι* contineat. Aiunt enim complures, quos vnius historiæ studium allicit, quæstionum iisce tricis, ac minutiis absterreri, quas iisdem cum rerum narratione capitibus inclusi- mus. In anno natali Christi, quem cum Dec-kerio constitui, suffragatores vos esse gaudeo, te inquam & Bucherium nostrum. Huius verò Victorianum Canonem videre gestio: quem si ex folijs Sirmondi schedis expressit, vereor vt germanum approbare possit. Nani multa illic aliter, ac Victorinus instituit, ordinata memini: prorsus vt interpolatum esse crederem. Alioquin in Appendice Operis de Doctr. Temp. vnà cum reliquis, quæ ex iisdem Sirmondianis schedis excerpimus, suum etiam illi Canoni locum dare decreueram. Opus de viis militaribus per Belgicam, cuius spem facis, eo cupidiùs expectamus, quod id tale fore con-

fidimus, qualia tua esse solent, docta, accurata, & recondita. Vale. 1632.

EPISTOLA XXII.

*Petro Crugero Dantiscana Reip.
Mathematico.*

ET si sui quisque nimius est fautor, & scriptorum suorum acerrimus æstimator, ac sæpe immodicus: nunquam equidem mea tanti ipse feci; tibi ut, ceterisque similibus tui, hoc est eruditissimis viris, tam vehementer probatum iri considerem. Nam ut in illis fidem, ac diligentiam adhibitam esse, mihi sum conscius; ita nihil esse fateor, quo tu doctior ab eorum tractatione possis recedere, vir, ut cetera taceam, Mathematicis studiis tam luculenter excultus; quæ res vnà cū admirationem doctrinæ istius; tum verò desperationem imperitis solet afferre. Verùm utcumque res cecidit; siue tu nonnihil labore nostro proficere potuisti: quod tuis litteris testatus es; siue id alliciendæ beneuolentiæ nostræ causâ, comiter, ut mos est, magis quàm seriò iecisti; est quod meis libris gratuler, qui mihi tantum boni pepererunt; te ut præstanti doctrina virum & amantem mei redderent, & amicitia nostræ, ac consuetudinis appetentem. Cuius equidem deinceps tibi quàm voles, liberalem copiam faciam: ac si

quid est, in quo mea tibi opera desiderari posse videatur, de eo vti scribas hortor, immo etiam obsecro. Nihil enim grātius ea re potest accidere.

Ad annum Græcum quod attinet, in quo tibi plenè satisfactum à me esse negas, in libro IV Dissertationum variarum, quas sub Vranologiæ titulo nuper edidimus, ita multa disputauimus, nihil vt pæne reliqui de hoc argumento mihi fecerim. Sed videlicet expectandæ erunt litteræ tuæ, quibus & hoc, & cetera expones omnia, de quibus consuli me oportere duxeris. Vale.

EPISTOLA XXIII.

Petro Crugeto V. Cl. Dantiscum.

PROBARI tibi quod in nostra Temporum Doctrina præcipuum, ac veluti caput est, valde id me quidem delectat, CRUGERE vir doctissime. Non enim aliter facere possum, quin gaudeam, cum te præstantem his artibus virum, ac longo earum vsu detritum habere me fautorem sentiam: vt si qui in posterum à me dissideant, aut etiam oppugnent, facile eos omnes vnus tui fretus auctoritate contemnam. Quod verò pauca quædam sunt, nec illa *reiecit*, in quibus à mea sententiâ discedis, fero non molestè: dum, quod tu scribis, salua sit in primis illis, & præcipuis iudiciorum nostro-
rum

rum consensio. Quanquam illa ipsa, de quibus vel existimare aliter, atque ego faciam; vel quemadmodum intelligam, dubitare visus es, eiusmodi sunt, ut, si ad ea quæ dicam aduerte-
ris, nihil concordia illi nostræ offutura con-
fidam.

Horum primum est; quod in 11 de Doct. Temp. cap. vii dixi, octaëteridem Græcorum, qualis à Gemino descripta est. cap. vi, p. 35 editi nostræ, sic initio constitutam, ut esset illius modus dierum $2923\frac{1}{4}$, non 2922 præcisè, ut Scaligero videtur. Hæc mea ratio duplici ab te argumento refellitur. Primum, quod disertè Geminus asserit dierum 2922 principiò fuisse Græcorum octaëteridem. Secundò, quod si tam exactè cum Lunari cursu vetus illa perio-
dus adæquata foret, non esset tanta in anno civili perturbatio consecuta, quantam Aristophanes demonstrat. Verùm ad illa facilè respondebo tibi. Nam quod de Gemini sententia quæritur, qualis ea sit, meliùs ex ipso quàm ex oratione mea cognoscet. Scribit ille octaëteridem diebus 2922 definitam esse: sed ita tamen, ut alterna quaque octaëteride, hoc est post singulas hecædecaëterides, triduum adiceretur; ut cum Luna paria faceret annus civilis. Hoc qui dicit, cum necesse est hecædecaëteridem, dierum facere 5847. Eam summam si bifariam partiare, nimirum cuilibet octaëteridi dies imputabis $2923\frac{1}{4}$. Ergo in hunc modum sese res habuit. Propositum fuit anti-

quis illis temporum artificibus, ciuilem annum cum Sole pariter, ac Luna conciliare. Id verò *αὐτὸν ἀπὸ τοῦ ἡλίου*, hoc est adiectione dierum, & eorundem detractiōe identidem repetita faciebant. Quocirca dies attribuerunt octaëteridi 2922; vt Solis motui satisfacerent qui in annis 8 rotidem colligit. Rursus quoniam ab Lunari ratiuncula modus ille deficiebat; eo quod die $1\frac{1}{2}$ amplius octaëteris Lunæ continet, quàm Solaris; iccirco post alteram expletam octaëteridem triduum addebant. Verùm, quòd hac ratione ciuilis annus, dum Lunæ vestigia persequitur, ab Sole defleat; & triduum superfluum acquiritur in qualibet hecædecaëteride; adeoque 30 dies in decem hecædecaëteridibus; hinc post hecædecaëteridas 10, qui sunt anni 160, mensis integer tricenarius expungi solebat. Hæc Geminus in illo capite. Ex quibus euident est, conditorem octaëteridis id in animo habuisse, quod dixi, vt esset modus octaëteridis dierum 2923 $\frac{1}{2}$ tametsi primam nonnisi 2922 diebus explicaret. Quod adeo anni nostri Lunaris exemplo declarari potest. Si quis enim interroget, quem illius modum Paschalis nostræ auctor methodi finierit, nemo dubitabit, quin diebus 354, 3, 44, &c. taxauerit. Atqui plerique anni non ampliùs diebus habent 354 præcisè. Verùm quoniam horarum, & scrupulorum *ἐπιπλέον* certis annis furtim, & latenter insinuantur, cùm integrum diem perfecerint; ideo cùm de anni conditione, & quantitate

quæritur, superfluatorum istorum dierum habenda ratio est, de quæ iis sua cuique attribuenda portio.

Nam quod ad labem illam ciuilem anni pertinet; quæ Aristophanis sæculo tanta non fuisset; si ad Lunæ cursum tam propè octaëteris accederet: primum ad hoc non tam mea quam Gemini ipsius debet esse responsio: cuius à me sententia præstari debet; non sententiæ veritas, & constantia. Deinde perfacilis mihi coniectura videtur, quid Athenis acciderit; vnde in Lunares neomenias istud vitij redundarit. Est enim credibile, intercalationem istam tridui in vna alteraue hecædecaëteride prætermisam esse; quod satis fuit, vt ea, quam obliuiscis, perturbatio neomeniarum ciuilium existeret.

In prima Metonis neomenia, anni Per. Iul. 4282, fugit me ratio. Nam calculis accuratiùs subductis, inuenio ex Parisinis tabulis nouilunium verum in Atheniensi meridiano Iulij 15, hora 19, 43 post mediam noctem. Nihil procliuus est, quam hallucinari in numeris istis, ac summis ponendis. quod mihi tunc euenisse fateor. Cuiusmodi erratis nulli iniquiores sunt, quam imperiti, & harum litterarum expertes. Quo minus de te laboro, viro docto, & in isto genere artium imprimis exercitato.

Tertium caput superest percontationis tuæ: de quo paullo longior instituendus est sermo. Habet enim præclaram *émisatir*; quæ, vt spero, eruditione tua non erit indigna.

Mirum tibi videri scribis, quid sit, cur in *de Doct. Temp. cap. xiii* dixerim, neomeniam

primam anni Græci, non semper solstitij cardine posteriorem fuisse; sed eum interdum antecessisse diebus 14, vel 15: adeò vt neomeniæ primæ canon plenilunium fuerit; quod nunquam solstitium antevertere debuerit; non autem nouilunium. De anno verò Metonis ita statui, neomenias illius eundem solstitij præcessisse cardinem: non tamen diebus 14 vel 15 anteriores illas posui. vt ex diagraphmate constat, quod ex Gemini præscripto p. 122 delineatum est. Sed de anno Græco vetustiore; qualis in octaëteride descriptus erat, nihil præter opinionem habemus, & ἀναλογίαν vsus insequentium temporum. In Metonicæ periodi descriptione methodus nostra demonstratione nititur. Quod igitur sciscitaris; cur anno 1 Periodi Metonicæ, qui fuit Per. Iul. 4282, cùm solstitium 27, Iunij contigerit, Neomenia prima à me collocata fuerit Iulij 16, diebus post idem solstitium 19, non Iunij 16. qui duodecimus fuit ante solstitium: si quidem neomenia etiam 14 vel 15 diebus solstitio anterior esse potuit; huic vt respondeam, paullo altiùs repetenda disputatio est.

Græci, vt auctor est Geminus, octaëteridas vsurpabant initio: in quibus embolimæ anni fuerunt 1, 5, 8. Postea Euctemon, siue vt alij, Meton, enneadecaëteridem inuenit; in qua embolimæ aptiùs ordinati sunt. Horum proinde situs fuisse videtur in annis 3, 6, 8, 11, 14, 17, 19. Hoc et si Geminus expressè non significet; tamen ex iis quæ dicentur paulò post fiet consequens. Secundùm hæc Calippus Metonicam

emendauit Periodum; in qua nihil omnino mutauit in embolimorum situ, quod testatur Geminus. Quocirca non absurda est coniectura nostra lib. ii de Doct. Temp. cap. xix, Calippum id vnum spectasse, vt labantem Metonis periodum fulciret; adeoque in suo paraëgmate non nouum periodo suæ caput, & initium præfixisse; secundum quod diuersa embolimæorum annorum progressio fieret: sed ab 8 anno Cycli Metonici castigare orsum, reliquos eiusdem cycli decemnouennalis annos, ac tres deinde cyclos integros; tum 7 annos de quarto proposuisse; vt summam compleret annorum 76. in quibus embolimæi erant iidem, qui à Metone constituti fuerant. Quare cum 8 Metonicus embolimæus esset, primus Calippicus, quem octanum fuisse Metonicum diximus, embolimæus itidem fuerit oportet. ac deinceps eiusdem Calippicæ periodi 4, 7, 10, & 12, qui erant Metonici 11, 14, 17, & 19. In sequentibus deinceps enneadecaëteridibus, eadem embolimæorum series repetitur. Quod autem Calippi primus annus octauus Metonici cycli fuerit, ex eo colligitur. Nam Metonis annus primus incurrit in annum Per. Iul. 4282. Calippi verò, in annum 4384. Hic centesimus tertius est ab illo. Porro si 103 per 19 diuidas; fient integræ periodi 5, & anni 8 de sexta. Igitur primus annus Calippicæ 1 periodi fuit octauus sexti cycli Metonici. Vtriusque Periodi initium ab Hecatombæone solstitiali mense ductum est, quod in ii de Doct. Temp. probauimus. Sed nihilominus

intercalaris mensis fuit Posideon, qui circa solstitium hibernum extitit. Quod argumento est; olim anni Attici cardinem fuisse brumale, non æstiuum solstitium. His animaduersis ad vtriusque Periodi structuram moliendam vide quibus rationibus inducti simus, & vt nihil ex sola opinacione; sed euidenti freti auctoritate de ea re statuerimus.

Apud Ptolemæum lib. iv extant exempla quatuor obseruationum astronomicarum, in quibus certi anni Calippicæ periodi notantur, ex quibus diagramma confecimus in lib. vi dissert. ad Vranolog. cap. ii: annorum Calippicæ periodi 36, 37, 47, & 48 qui sunt Metonici cycli, vt ex superioribus liquet, 5, 6, 16, & 17. Ex his duo embolimæi fuerunt 37, & 48 Calippi; Metonis 6, & 17; reliqui embolismo caruerunt. quod ἀποδείκνυσθαι ex eodem Ptolemæo colligimus lib. vi Dissert. ad Vranol. cap. ii, p. 227. quem librum quia penes te esse video, non hîc argumenta repetam, quibus illud approbauimus. Constat ergo annos 6, & 17 in Metonico cyclo intercalares fuisse; non fuisse 5 & 16. Ex qua reliqui colliguntur: nimirum 3, 8, 11, 14, & 19. Porro cùm cyclus, siue periodus in orbem continuò redeat, ac prioris fini posterioris succedat initium: primus annus Metonis, ante quem nondum erat instituta periodus, qui est in Iuliana periodo 4282, sic à nobis cogirandus est, quasi intercalari anno, hoc est decimo nono cycli alicuius anterioris proleptici proximè successerit. vt si Metonis

cycli iam dudum antè cœpissent, annus ille qui ab æstate anni 4281 in æstatem anni 4282 propagatus fuisset decimus nonus, idémque intercalaris esse debuerit. Anno 4282 nouilunium tam Iunij 16, quàm Iulij 16 obsedit diem. Non potuit Meto Iunij 16 neomeniam primam cycli sui constituere. Id enim si fecisset, primo ipso cycli anno intercalare debuisset, quod hypothese fin evertit. Alioqui sequenti anno neomenia Hecatombæonis in 6 incidisset Iunij, nimiumque distaret ab epocha solstitiali. Primus itaque Metonis Hecatombæon ἀποδευτικῶς, vt initio polliciti sumus, ostenditur Iulij 16 contigisse. Ex hoc vero principio ceterorum deinceps annorum neomeniæ pertexuntur; ac necessariam habent dierum certorum seriem; quam in Metonici cycli diagrammate in 2 de Doct. Temp. c, 8 descripsimus. Tertius enim exempli causa, neomeniam habuit 25 Iunij: de quo miror dubitasse te, cur non 14 Iunij cœperit: quasi nos alibi, quàm 25 Iunij in laterculo collocemus. Hic porro embolimæus esse debuit; atque idè sequentis neomenia incurret in 13 Iulij. Iam octauus annus neomeniam exhibet Iunij 29. Est autem embolimæus, vt suprà demonstraui. Proinde neomenia sequentis anni diffundetur in 18 Iulij. Nam si 18 Iunij cœpisset, non esset id, quod ratio postulat, intercalaris annus octauus. Ac velim istud obserues; ex primo anno, & eius Hecatombæone, pendere cycli totius contextum, in quo id vnum obtinetur, vt ne primi mensis plenilunium solstitij cardinem an-

teuertat. Quòd autem eiusdem primi mēsis neomenia longius vltra cardinem excurrit; tū quòd vltimi plenilunium cardine ipso sit interdum posterius : non hæc valde mouere nos debent. Hoc enim vitari non potest. ac ne ipse quidem effugit Scaliger; neque ceteri, qui neomeniam primi mensis nunquam solstitij metas antecessisse putant. Nam apud Scaligerum tam in Metonis, quàm in Calippi cyclo, Hecatombæonis neomenia nonnunquam in Iulij 24, 25, & 27 relegantur; cū tamen solstitij cardinem in 8 Iulij ille ipse constituat. Quocirca meritò idem à nobis vsurpatum est in vera & ἀποδεικτικῇ διασπορῇ vtriusque Periodi, quod in postulatitia & temerè conficta sibi ille sumpserat. Id enim necessariò faciendum esse, embolimæorum annorum ἀκολουθία persuadet.

Nam quod Metonem existimas ad octauam Cæcri partem respectum habuisse, mihi quidem non probas. Siue enim octauam partem appellas eam, quæ octauo die post solstitium Metonicum incidit, Iulij 4: siue in ipsum octauum Iulij diem conferas, propter antiquum situm solstitij in Calendis Iuliis; quem obseruatum deinceps ariolatus est Scaliger: neutrum potest consistere; & vtroque modo, vulgato in errore versari videris. Inueterauit enim hæc opinio; veteres non in ipsa æquinoctialis, ac Zodiaci sectione æquinoctialem posuisse cardinem: neque solstitium in eclipticæ ac solstitialis circuli tactione: sed octauo post ambas gradu ac die, quod præ ceteris obnixè defendit Scaliger; &

nobis ipsis aliquando persuasit. Verùm acriùs
perspectare, lib. 2. Var. Dissert. ad Vranol. c. 4 &
seq. tũ l. 3. c. 2 falsum istud esse, primi, vt opinor,
deprehendimus. Ibi enim euidenter ostensum
est, veteres illos, qui in octauis partibus equino-
ctia, solstitiãve fieri censuerunt, has ipsas octa-
uas partes non posteriores sectionibus circulo-
rum, & ractionibus instituisse: sed signorum
cardinalium initia totidem gradibus anteuerfisse:
adeo vt octauæ illorum partes in mutuas
circularum *mutuas* inciderent. Quocirca pars
octaua Cancrì secundùm Metonem, si quidem
eam rationem tenuit, non in diem cadit octa-
uum ab 27 Iunij, quem solstitio præfixit. sed isto
ipso die 27 Iunij octaua Cancrì pars existit: prin-
cipium verò Cancrì Iunij 20. Verum hoc es-
se comprobant fasti veteres quos Ouidius, Co-
lumella, Plinius aliique secuti sunt. Sed ni-
hil facis, nisi ea legis quæ de hoc argumento
copiosè differimus in Vranologio. In quo a-
stronomorum veterum, & imprimis Hippar-
chi errata grauissima ignota vulgo patefecimus:
qui dodecatemoria signorum cum asterismis
confudit; & Eudoxum, Aratum, aliósque præ-
ter meritum sæpe castigat. Quæ si tuo aliorum-
que doctorum iudicio probata esse cognoue-
ro, non iniucundum laboris mei fructum ca-
piam; præsertim si te, ac reliquos ætatis huius
doctos Mathematicos ad illustrandam vete-
rem astronomiam, ac pleraque perficienda,
quæ in hac parte adhuc intelligo deesse, exem-
plo meo incitare potuero.

Ad extremum de obseruatione illa subeuntis sub Solem Veneris anno superiore sic habeto : audiisse me de nonnullis , qui se eam *ἐπιτηδεύοντες* & eclipsin Solis animaduertisse dicerent ; eiúsque bessem obscuratum fuisse : quod in chartula telescopio subiecta deprehenderint. Sed quòd nec isti valde ab astronomia, & istiusmodi peritia parati sunt ; & nonnulli eius intelligentiores cùm eodem tempore in id incumberent, nihil omnino viderunt ; suspecta mihi est obseruationis illius fides : præsertim quæ *ὀλογερὴς* ; immo incredibilis sit. Quis enim bessem solaris disci ab Venere obscurari posse sibi persuadeat ? Itaque nolo fidem adhibeas. Vale vir eruditissime & nostris laboribus fauere perge. Deum vicissim precor, vt tibi gratiâ suâ aspirare velit ; ac te incolumem conseruet.

EPISTOLA XXIV.

Petro Crugero V. Cl. Dantiscum.

OLIM me ad te scribere cunctantem verberant sæpius, & officij admonent partim populares tui, qui identidem huc veniunt : partim me verò cessationis huius meæ suppunder. Sed is es, & eo genere ad me scribis epistolarum, vt neque paruo tempore, neque non diu, ac longè meditato mihi sit opus, quî tibi respondeam. Quod dum accuratè facere cogiro, & vacuum tempus expecto ad illa recolenda studia, è quibus quæstiones tuæ ducun-

tur ; quòd ista iamdudum tractare desij : longior imprudenti mihi dies obrepfit. Sed compensabo tarditatem hanc diligentia responsionis huius ; atque vnà cum sorte multiplicatum fenus tibi persoluam.

Igitur ad ea , quæ penultimis tuis proposuisti , singillatim , ordinèque rescribam.

Ex iis fuit illud primum , quod iam inter nos agitari cœptum erat , de Græca octaëteride ; quam Geminum docui ab initio dierum factam putasse 2923 $\frac{1}{2}$. tu primùm 2922 ; postea correctam , & ad illum modum redactam. Vter veriùs sentiat , non aliunde , quàm ex Gemino ipso cognoscitur. Enimuerò , si quis hunc attentè legat , non dubitabit , quin hoc ipsum , quod dixi , planissimè doceat. Scribit pag. 34 editionis meæ , antiquos eum quæsisse circuitum annorum , qui Solis , Lunæque numeros imple-ret , ad idque quadruplicem ab iis tentatam esse Periodum. Prima fuit dieteris , in qua menses omnes tricenarij erant. Sed huius vitium statim esse deprehensum ait. Itaque ad octaëteridem secundò transierunt , in qua duo illa dicit esse quæsitæ : alterum , vt cum Solis motu orbis ille congrueret : alterum vt & Lunæ responderet. Horum prius affecuti sunt descriptione mensium 96 , qui alternis pleni essent , & caui ; & intercalarium trium ac tricenariorum , vt in totum essent menses 99 ; dies 2922 , quor anni octo Iuliani continent. Tum ita pergit : cùm iidem intelligerent , ista quidem ratione Solis se cursum affecutos , ab Luna verò deficere ,

quoniam mensis ἀκριβὴς supra dies $29\frac{1}{2}$, habet insuper diei partem tricesimam tertiam: octo verò Lunares anni pleni, diebus constant $2923\frac{1}{2}$ hoc est vno die, & $\frac{1}{2}$ amplius, quàm prior habet descriptio; ideo alternis octaëteridibus triduū adieciſſe; in octaëteridibus verò 20, qui sunt anni 160, mensem integrum exemiſſe. Hæc Geminus vno & eodem instituto facta memorat. Nam ad vtrumque genus octaëteridis eundem ſolaris anni modum accommodat, qui est 369 dierum & $\frac{1}{4}$ ex quo contextus ille simplex octaëteridis ortum habuit, dierum 2922. Idemque & in posteriore forma continuatur, vt ſcribit pag. 36. Ex quo ſic argumentari licet. Quoniam id ab initio quaſierunt octaëteridis Græcæ conditores, vt periodum haberent, quæ Solis pariter ac Lunæ rationes exhauriret; qualiſcumque tum ab illis fabricata eſt, cuiſmodi eſſe proſectò debuit, vt rationes peræquaret vtriuſque ſideris. Atqui ſolem iam tum ſciebant diebus moueri $365\frac{1}{4}$, vt ibidem docet Geminus. Ex quo & octaëteridis modum illum profluxiſſe dicit, qui dies colligebat præciſè 2922.

Ego & in poſteriori genere octaëteridis, ſi quidem diuerſi, vt vis, & inſtituti fuit & temporis, idem ſpectare illos oportuit: ac proinde numerus ille dierum $2923\frac{1}{2}$, perinde iuſtis è ſolariſus ſpatiis, ac Lunaribus ex eorum opinione conſtare debuit. Quorſum enim octaëteridem

constituerent, nisi ut Solis ac Lunæ numeros omnes exhaurirent? Quod non fieret, nisi dies $2923\frac{1}{2}$ vti plenos nouem & nonaginta Lunæ circuitus; ita octo solis annos implerent. Quare qui diuersam huius posterioris Octaëteridis institutionem esse velit; necesse est idem Solaris anni mensuram perinde diuersam faciat: hoc est, dierum 365. hor. 10. 30'.

Atqui Geminus vnā, & eandem vtroque Solaris anni quantitatem fuisse vult. Non igitur nouā, ac diuersā octaëteridis ordinationem hanc esse credidit, sed vnius generis, in qua 96 menses alternis pleni cūque dies colligunt 2832, & additis intercalariis tribus, hoc est diebus 90, conflunt dies 2922. Sed in fine octaëteridis secundæ triduum additur. Ideo ordinarius quidem modus dierum est 2922, verus autem & exactus, $2923\frac{1}{2}$. Quemadmodum annus noster dies ordinarios habet 365 re ipsa $365\frac{1}{4}$ hoc est quartus quisque 366. Sanè Geminus in hac tota descriptione octaëteridis, continenti oratione utitur; & eosdem significat triduum in fine octaëteridis addidisse; quos paullo antè dixerat alternasse plenas, cūque, atque embolimos ternos indidisse. Neque animaduerso prioris octaëteridis vitio transitum ad alteram esse factum indicat. Vide enim amabo te, quæ sit orationis illius series. Primū dixit Græcos initio quæsisse Periodum ali-
P. 34. A.

ciuiles singuli lunares essent; tota verò Perio-
dus in annos solares partita nihil residui face-
ret. Ita enim interpretandus hic locus est, non
vt annos ipsos singulos ciuilitè vsurpatos ad
solem descriptos velit; menses verò singulos,
ad Lunam. quod anni genus ne fingi quidem
cogitatione potest. Ergo vt hoc assequerentur,
imprimis octaëteridem amplexi sunt: in qua
menses alternis plenos, caubsque constitue-
runt, vti suprà dixi, 96, & tres insuper em-
bolimos erogarunt, vt esset octaëteris dierum
2922, quæ in octo æquales annos partita, singu-
lis dies attribuit 365 $\frac{1}{4}$ qui solaris anni modus

P. 35. A. iā tum ab illis agnitus est, vt * eodē loco docet.
Ita quod primum erat è duobus, adepti sunt, vt
annicorum cū Sole concordessent: restabat al-
terū, vt & cum Luna mēses ac dies congruerent.
Hoc vt efficerent, mensis lunaris dies 29 $\frac{1}{2}$ & $\frac{1}{11}$
multiplicarunt in 99, vt existerent dies in tota
octaëteride 2923 $\frac{2}{11}$ ἐπολιπτασάων, inquit, τὰς 7
μηνὸς ἑμῆας, &c. Quinam? nempe illi de qui-
bus locutus est: qui octaëteridem ratione Solis
absolutam; ratione Lunæ, mancā, & affe-
ctam instituerant. Illi, inquam, qui Solis an-
num diebus metiebantur 365 $\frac{1}{4}$, vt ibidem me-
morat. Iidem illi & dies adiecerunt per singu-
las hecædecaëteridas, tres, & post decem
hecædecaëterides vnum mensem eximebant.
Hæc anni prima & integra fuit ordinatio: quæ
veteris Græciæ proposito sola respondere posset

fer, quod eiusmodi fuisse docuit, vt per omnes annorum periodos non Solis duntaxat, aut Lunæ, sed vtriusque curriculum explerent.

Finge enim duas ac diuerfas octaëteridas & institutiones fuisse primùm dierum 2922; deinde 2923 $\frac{1}{4}$. Ergo consequens est, vtrâque Periodum Soli non minus respondisse, quàm Lunæ. Quare posterior per 8 Solis annos diuisa, dabit anni solaris modum ex illorum opinione, dierum 365, horarum 10, 30'. quam Geminus tradidit, annum vtroque dierum habitum 365 $\frac{1}{4}$. Porro cùm ab octaëteride transit ad enneade-caëteridem, vide vt loquitur, *ἐν τῇ 9ῇ*, inquit, *περίοδῳ συνίστηναι*, cùm prioris vitiumprehendissent. tum Solis annus in ea non, vt antè dierum constitutus est 365 $\frac{1}{4}$, sed 365 $\frac{1}{19}$, hoc est 365, 6, 18'. 56". 50''' . 31'''' $\frac{11}{19}$. Ad summam, inuictum argumentum habeo ex anni Solarismodo, quem in vtrâque forma octaëteridis, eundem statuit Geminus.

At enim contra me est Aristophanes, qui neomenias ciuiles ætate aberrasse sua significat: quod neutiquam euenisset, si iam tum adeo exactæ syzygiæ in vsu fuissent, vt vix in annis 160 vno die peccarent. Ita mihi obiiciebat in epistola tua priore. Cui sic à me satisfactum est: videri triduum illud *ἡμερῶν*, interdum ab Herophantis quorum erat anni procuratio, neglectum fuisse. vt in simili re Pontifices Romæ fecerunt, qui Merkedini intercalationem pro

arbitrio suo prætermittebant, aut alieno repræsentabant tempore, ex quo anni consecuta perturbatio est. Tu verò coniecturam hanc reprehendis, & *festinanti excidisse calamo* scribis; *quippe*, inquis, *lumen Luna præfulgidum erat vesperi, ut postpositione peccarit neomenia civilis non anticipatione*. Sed amabo te nonne magis ista rescribenti *festinanti calamus tuus*? Nam ut aliud nihil dicam, certè in idem recidisti, quod pro absurdo mihi obiicis. Etenim si erravi propterea quod de annis totius hecædecaëteridis 5847 dies tres expunxi, hoc est octaëterides duas dierum constitui 5844; tu in eadem es caussa, qui octaëteridem vnam dierum fuisse tum pugnas 2922: hoc est, duas dierum 5844. Quare non est à veri regione auia coniectura nostra, de triduo, aut etiam pluribus diebus plerumque neglectis ac suppressis. cui tu frustra Aristophanem opponis. Hic enim in Νεφέλαις, Lunam id solùm conquerentem inducit, quod non rite dies Athenis ordinarent.

καὶ ἔχειν τὰς ἡμέρας

Οὐδὲν ὀρθῶς, ἀλλ' αἶω τι, καὶ χάτω κυδιστοῦ
quod, inquam, fuisque deque dies haberent: adeo ut festa Deorum neutiquam suis temporibus occurrerent. Vbi neque *σεσημασμένης*, neque *μετρημένης* vlla significatio est. Ac de octaëteride Græcorum vetere, satis multa.

Caput est alterum epistolæ tuæ de anno, ac Periodo Metonis, cuius descriptionem in secundo de Doct. Temp. à me conditam, probas tu quidem, neque aliter institui oportere statuis:

tuis: sed illud inquiris, cur cùm novilunium anno primo Periodi illius tam in 16 Iunij, quàm 16 Iulij ceciderit; in hoc posteriore Metro primam suam neomeniam fixerit potius, quàm in priore. Huius tu causam prioribus litteris hanc reddideras, quòd popolare solstitium in octauo tum Cancrì, hoc est Iulij 4 collocatum fuerit, quem limitem enneadecaëteridi suæ Metro posuerit: ita vt plenilunium nullum cardinem illum anteuerterit.

Sed contra hanc coniecturam multa disputauimus in secundo Variarum ad Vranologion, capite v. quæ nunc quoque vera putamus. Itaque non potest nobis illa ratio probari. Sed instas, & meliorem à nobis exigis, cuius nullam in nostris libris significationem esse dicis. Etsi id minimè est necesse, tamen nonnulla ex eo capi potest, quod in primo, cap. 8, p. 20, & secundo, cap. 9, pag. 112, docuimus, quam hoc loco breuiter exponam. Metro enneadecaëteridem suam sic instituit, vt ad civilem annum castigandum eius vsum referret. Erat autem civilis hic annus per octaëteridas digestus. proinde ad octaëteridas emendandas methodum suam accommodare studuit. Scribit Diodorus lib. xii, Metonem enneadecaëteridem suam edidisse, initio ducto à die 13 Scirrhophorionis. Hoc Diodori dictum quàm absurdè Scaliger acceperit, non necesse est hinc reperere: satis enim id illo in loco fecimus, atque etiam verè sic interpretati sumus: Metonem cùm annum suum publicaret non præfractè pristini an-

ni, & octaëteridis intercidisse cursum : sed
 vltimi mensis reliquos dies in Parapegmate de-
 scripsisse, puta Scirrhophorionis octaëterici
 diem 13, 14, 15, &c. Lababat tunc octaëteris
 Attica, & diebus aliquot pessum ire cœperat, vt
 ex Aristophane tute ipse colligebas. Itaque Scir-
 rhophorionis veteris dies illos 13, 14 &c. sic ad-
 notauit, vt ad eosdē castigatos dies adscriberet.
 Vt si triduo, vel quatrduo *καὶ μὲν πέντε* pec-
 casse velis Lunarem syzygiam : ita vt 13 civilis
 dies, esset accuratæ, ac cælestis 16 vel 17; ad
 Scirrhophorionis popularis, & deprauati, 13
 diem; adscripsit lunaris, & deinceps noni Scir-
 rhophorionis diem 16, vel 17, ac deinceps syzy-
 gias reliquas ea serie continuari iussit. Ex quo
 ratio illa, quam dixi peti potest, cur neome-
 niam primam in 16 Iulij potiùs, quàm 17 Iunij
 Meto collocarit, (fuit enim Scirrhophorion ex
 ordine cauus, vt ab 17 profectus Iunij in 15
 Iulij desierit) Nimirum, quòd octaëtericus
 vitiosusque Scirrhophorion, idémque postre-
 mus, ab solstitialibus metis longè summotus
 illum locum occuparet; è quo sollicitandum
 esse Meto non censuit, sed ad exactiores lunæ
 calculos reuocandum. Volo & illud animad-
 uertas, quod in eodem opere demonstraui-
 mus; tametsi initium anni Græci & Attici ab æstate
 repeteretur, ac primus esset mensium Hecatom-
 bæon, nihilominus consueuisse Atticos inter-
 calarem mensem in hibernum tempus coniice-
 re, eiusque mensem qui Posideon dictus est.
 Quare quod ad epocham anni civilis spectat;

maior ducta ratio est solstitij brumalis, quàm æstiuæ. Tum verò, quod caput est, scire debes, non illud curasse Græci anni conditores, ac Metonem ipsum, vt singulorum annorum capita propiùs ad solstitium accederent, sed hoc in primo duntaxat Periodi anno tenuisse. Quo constituto, ceteros deinde propter embolismorum descriptionem longiùs euagari necesse est, qui quasi catena quadam è superiorum serie nectuntur. Ergo anno primo Periodi Metonicæ, in laterculo nostro neomenia Gamelionis 10 Ianuarij diem obsidet, qui propiùs abest à solstitio hiberno. Vt hac ratione canon epochæ neomenia potiùs esset, quàm plenilunium, de quo in 1 libro p. 29, & 30. dubitauimus. Sed ea cautio in anno, vti dixi, primo Periodi duntaxat est adhibita, ceteris impunitas est data longiùs à metis excurrédi. Sed eò reuertor, quod paullo antè docui, eamque te causam notare cupio, de qua percontatus eras, cur anno primo Metonis, Hecatombæonis neomenia Iulij potiùs 16, quàm Iunij 17 adiudicata sit. Nam probabilis ea maximè videtur, quòd tum oſtaëtericus, & popularis annus cui fulciendo præsidium noua ex periodo Meton accersuerat, longiùs ab legitimo cardine descuiſſet.

Quod verò admones de distantia Solis & Lunæ, tempore mediæ oppositionis, vel oppositionis, per motum verum horarium putanda: scito me consulto medium motum adhibuisse cum Mullerio; cuius causam reddidi pag. 726,

& 727 To. 1. de Doctrina Temp. Vide locum actute ipse periculum facito; & nodum illum expedi. Experieris autem iis in exemplis, in quibus prosthaphæreticum discrimen magnum est. Namin minoribus non valde id apparet.

Cardinem solstitij Metonici medium videri, non exactum, ac verum, scripsi in Variarum Dissert. p. 247. quod te minus delectat. Et tamen in idem recurris postea; immo calidiori facinore, nihil verum inter, ac medium distinxisse tam illum, quàm ceteros statuis: quod sanè incredibilius est, quàm quod scripseram. Sed nolo pugnare.

De Hipparcheo anno, vel periodo, non multum à mea tua ratio discrepat. Fateris enim, quod planè demonstrasse videor, Hipparchum ex obseruationibus anni Solaris modum constituisse. De antiquioribus astronomis faciliè remitto. Nam & Geminus, quod tu notasti, solarem Metonis annum ex enneadecaëteride dierum 6940 colligit. De Hipparcho puto aliter sentiendum. Huius annus Lunarum dierum est 354, 8, 48', 40'', cuiusmodi anni 304 cum embolimis mensibus 112 dies numerant 11035, 0. 48', 53'', 20''. Discrimen horum, & Iulianorum totidem, dies 0, horæ 23, 11', 6'', 40''. Non igitur annis 304 iusta fit vnus diei ~~excessus~~ ^{defectus}. Neque præcisè dies habet 11035 annus ille magnus Hipparchi, vt cum Censorinus appellat. Vnde ex eius diuisione modus anni Solaris definiri non potuit; vt trecentis annis vnum expungendum diem scisceret, quia

propè abest hic numerus à 304. quod ita demum vsurpari posset; si in annis 304 iusta peræquatio fieret. At non fit: Nam præterpropter anni 312 requiruntur, vt solidus dies perimatur. Non igitur 300 anni iccirco præfiniti sunt, quia propiùs accedunt ad eum numerum, quo præcisa fit vnus diei *μεγίστην*. Non enim 12 anni vel eo plures, exiguus, & insuper habendus numerus videri potuit accurato homini, & astronomiæ principi. Sed de hac re nimium multa. Te velim perpetuò mei esse memorem, & eodem in me animo, quo cœpisti: cuius mihi fidem postremæ tuæ litteræ fecerunt. quas qui huc attulit Ioannes Rosenbergius præclarus iuuenis, pessimè habitum se à piratis nostratibus questus est. Quod mihi vel eius, vel tuâ, vel nostrâ etiam causâ plurimum dolet.

Vtinam bellicis iis tumultibus pax aliquando succedat, quæ & Christianis regnis, & Ecclesiæ ipsi tranquillitatem, atque otium afferat. Ita enim fiet, vt & litteræ nostræ, & litteratorum commercia reflorescant. Misi ad te Disfeteatiunculam quandam de Concilio Sirmien- si, & damnatione Photini; in qua haud vulgaria nisi fallor, pauca sunt; ignota certè hætenus, & ab nemine comperta. Nunc Rationarij editionis postremæ tomos duos adieci, grati erga te animi pignus, & diuturnæ cessationis meæ compensationem.

EPISTOLA XXV.

Iosepho Mariæ Suaresio V. Cl. Romam.

Is postea Episcopus Vasionensis fuit.

PETO abs te primum (VIR ERVDIT.) tarditati vt ignoscas meæ, quòd cruditissimis, suauissimisque litteris tuis tanto interuallo respondeam. Tum verò tibi, ac per te, si id nimium arrogans non est, fautoribus illis meis gratiã habeo, quantam capere maximã possum: etsi pluris amborum animum in me, quàm iudicium de me (si is sum, qui esse volo) facere debeo. Equidem quantumcumque inest in me facultatis, & ingenij, totum id Sanctissimo D. N. & secundùm hunc Eminentiss. Cardinali Barberino deuotum, & addictum esse iam dudum cupiebam: postquam verò tantopere iis intellexi probatum esse studium, atque officium meum; maioribus ad id incitamenti, & aculeis vrgeri me sentio.

Ad te porro quod attinet: quòdque te amicitiam nostrã dicis expetere; facit hoc abundantia benignitatis tuæ; vt quod ambire, ac postulare debueram prior, id occupares, & exemplo tuo præire velles. In quo vt à te victum me esse fateor, sic obsequio, cultuque consuetudinis illius inferiorem me esse te deinceps non pa-

tiar. Ex eâdem profectum humanitate etiam illud interpreter, quòd te lucubrationibus meis tam valde affici prædicas. Quo ego fructu, si quid in istis humani spectare vellem, maiorem, iucundiorémque capere non possem. Sed prodesse me malo, quàm commendari lectoribus meis: tametsi vtrumque est optandum. Sed in te prius iccirco locum non habet, quòd nulla re à me potes abire doctior; itaque posteriore sum contentus.

Postquam amoris tuo prouocationique satis feci; nunc respondebo quæstionibus tuis. Eæ sunt de Iuliani editione nostra omnino duæ. Primùm enim molestum id tibi euenisse scribis, quòd cùm Galli ad Iulianum epistolam ex Vaticana bibliotheca ad me missam inter reliquas ederem, Nicolai Alemanni qui eam Latinè interpretatus erat, nomen omiserim. Simul illud inquiris, quid causæ sit, cur eidem huic epistolæ obelum impresserim, spuriamque iudicarem.

Ad hæc nobis longo sermone opus non erit. Primum enim de Alemanno interprete diuinare quâ potui: cuius nomē ab Holstenio positum esse non memini. Mihi verò cum Nicolao Alemanno, quoad vixit, vsus & consuetudo litterarum fuit: & mortui, propter singularem doctrinam & humanitatem, viuit apud me recordatio. quem ego tâtullo hoc honore non fraudassem; si illum auctorem esse scissem Latinæ huius interpretationis; tametsi non magnam ex ea laudis accessionem eius habere fama potuisset.

Eandem porro esse confictam ab otioso Græculo, & supposititiā epistolam, ex eo coniectura fit, quod imperitè admodum Gallus in ea Cæsar Iulianum fratrem alloquens dicat ipsum, quantum quidem ferebat rumor, ἀποστῆναι τὴν περὶ τῆς θεολογίας τὴν ἐν περὶ τῶν ἀνθρώπων παρὰ διδασκίαν : hoc est, vt Alemannus noster reddidit : abdicasse primam religionem, quam à maioribus acceperat. Πέργοντες sunt, vt ex Platone vertit Cicero, generatores : vt sunt aui, proauis, atauis. Itaque Gallus Iulianum ait ab auis & proauis suis Christianam accepisse fidem. Quo quid fingi potest obtusius? Galli, & Iuliani pater fuit Constantius Constantini Magni frater ex Theodora Maximiani Herculij priuigna. Vterque ille Constantio Chloro genitus est, cuius origo ad Claudium Imperatorem à nonnullis refertur. Neutra verò de stirpe πέργοντες Christianam religionem ad Gallum, Iulianumque transmise: cùm omnes gentiles, & à Christo alieni fuerint: persecutores etiam nonnulli Christianorum. Quare planus ille tanquam ὁντι παρὰ κύνων se ipse prodidit. Mitto de Iuliano id dicere, quod ex Historico cōstat, etsi iam olim profanis superstitionibus occupatus à Christianis sacris abhorreret, nunquam tamen superstitie Constantio, saltem ante Galli obitum, id præ se tulisse: sed diligenter occultasse. Vnde verisimile non est, famam eiusmodi, qualem impostor ille describit, ad Gallum peruasisse. Sed hoc minus ad coniecturam est efficax. Illud validum & ἀνὰ τὴν ῥῆτον. quod mihi quidem; credo et

iam & tibi, viro docto, & perspicaci, persuadebit, non inanem fuisse suspicionem meam. Vale, méque vt instituisti & amare, & in tuis numerare perge.

EPISTOLA XXVI.

*Casimiro Sarbieuio Societatis Iesu,
Romam.*

QVAM multa nobis eodem tempore negotia sint; hoc est doctrinarum tractanda genera (neque enim aliis rebus occupamur) tametsi prædicare ipsum fortasse putidum est, tacere tamen penitus non oportet. Credo enim mirari te, ac subirasce mihi, quòd tamdiu iam acceptis litteris tuis nihil ad te scripserim, sic quasi contemnam, aut officio illo tuo, ac tam prolixa voluntatis erga me tuæ, amicitiaque significatione non valdè mouear. Tu verò neutrum vt de nobis suspicere, pro communi caritatis lege, próque singulari de te iudicio meo, maiorem in modum abs te peto. Nam nec eum esse te, quem parui facere debeam, vel ex eorum litteris, quibus cum viuis quotidie, vel ex tuis ipse cognouit; & quod ultro tu notitiam, ac familiaritatem nostram expetis, non potest non esse gratissimum. Primùm quoniam id, nisi iam nos amares, non faceres. Est autem cum amari per se iucundum ipsum: tum si ab altero prouoceris, redamare necesse est, ac mu-

tuum referre αὐτῷ τῷ μένῳ , καὶ λαΐον , ὡς καὶ δουλεύει. Deinde tanta cum humanitate , ac modestia primum illum ad amicitiam nostram aditum tibi parasti; vt nimius etiam hoc in genere fuisse , & plus aliquanto , quàm necesse fuerit , voluntati erga nostræ indulgisse viderere. Quare prius illud magis me tuis in litteris delectabat. Nam quod inuidiosis me laudibus præter veritatem , præterque meritum onerasti , adeò neque placuit , neque placere debuit ; vt nisi alterius , quod mihi suauissimum esse dixi , iacturam vereretur facere , aut nihil omnino , aut seuerius ad te scriberem. Quamobrem istam etiam causam tarditatis in scribendo meæ ad superiorem illam occupationum , studiorumque nostrorum debes adiungere. Quamquam hæc sanè præcipua fuit , quòd eodem tempore tam multa tamque diuersa molientem ceterarum pæne rerum obliuio capiebat , aut vt earum aliquando recordarer , quod de rescribendi hoc officio negare non possum , identidem aliud in tempus otiumque differrem. Sed cuiusmodi nostræ illæ occupationes fuerint , insequens annus ostendet. De acumine nimis tu quidem subtiliter & acutè : vix vt ipse satis intelligam quæ tu fortasse breuius attigisti , quàm vt nos humi repentes assequi possemus. Ego de acuto quatenus in oratione dictis que cernitur , (nam in ceteris infinitè patet) ita sentiebam : id ita vocari , quod & præter communem vsum expectationemque sit , & cum re , qua de agitur maximè coniunctum. Ita fit vt ad genus ἁπλ.

αἰ; *π* pertinere videatur, ac tam dissentanea, quàm consentanea ambitu suo contineat. Hanc acuti descriptionem exempla illa persuadent, quæ in epistola tua posuisti, quæque aliunde colligi innumerabilia possunt. Quæ si diligenter animaduерteris, duo quædam inesse videbis, propter quæ tum acura nominantur; tum audientis animum admirabilitate, aut etiam iucunditate percutiunt: nimirum quod & *παρὰ τὸν λόγον* accidunt; & mirificè ad rem attinent. Quæ enim sunt eiusmodi, altius penetrant, & insignius sui vestigium animis imprimunt. Hoc verò est *τὸ οὐκ ἐπὶ τὸν λόγον*, id est acutorum proprium. Mea hæc est de acumine acutòque sententia, quantum celeri mentis agitatione, subitòque impetu consequi potui.

Tu cùm Opus de Acumine quod polliceris elucubrabis, non dubito, quin plenius & acutius tibi ipse respondeas. Vale interim, & nos amare perge.

EPISTOLA XXVII.

Rolando Maresio U. Cl.

IT A prorsus est, vt scribis, erudite MARESI, Ineque valde mirari attinet, perpaucos ætatis huius homines in vtroque doctrinæ genere esse præstantes, tum eo, quod elegantibus, ac politis artibus constat; velut Grammaticâ, quam Criticem Polybius appellat; & variarum

linguarum scientiâ : tum nobiliore altero, cuius regnum Philosophia , & Theologia inter se partitum obtinent. Atqui summa est , inquis , amborum consensus, & usu secum, ac consuetudine copulantur ; vt à se mutuo diuelli , ac dissociari neutrius intersit. Verè id quidem à te commemoratum arbitror : sed cur mirum videri non debeat , causæ sunt admodum multæ : è quibus vulgares, & obuiæ sunt istæ ; amplitudo singularum, & propemodum infinitas ; breue spatium ætatis ; necessarij ad otium subsidij, reique familiaris angustia ; corporis imbecillitas ; turbulenta tempora , & studiis inimica pacis ; complura id genus alia, quæ ingenij retundunt, & hebetant aciem, ardoremque restinguunt. Sed est vna reconditior adhuc, & solis alumnis nota Christianæ sapientiæ ; quæ ex summi, & hominum amantissimi creatoris prouidentia petitur : quæ quidem similiter ac terrarum per diuersas regiones indolem , & vbertatem ; sic animorum procliuitatem , captumque mirabili varietate dispensat : vt non promiscuam omnibus omnium copiam indulgeat. De huiusmodi dissimilitudine locorum præclarè hoc alicubi Chrysostomus ; Deum certarum rerum prouentum quibusdam dedisse terris, negasse ceterarum ; ac vicissim quod his detraxit, aliis attribuisse : ne contenta suis opibus, & nullius egens aliqua, exterorum contemptum incolis suis afferret : atque vt alterna illa copiarum egestas, & compensatio, omnes inter se conciliatos, & pacatos haberet : ex quo

longinquæ peregrinationes , commeationesque gentium , & commercia terrâ marique negotiantium : quibus mutua generis humani caritas , & societas alitur. Licet istud ipsum ad ingenuo dignas homine disciplinas transferre. Nam alios præstare aliis artibus, & inuentis voluit Deus ; nec ab vno tanquam communi fonte , quæ scire cuperent, haurire singulos : ne se ille arrogantiùs efferret , atque inter homines cuiusdam principatum diuinitatis assumeret. Vide amabo te , quàm multi sint , in vna quapiam etiam inferiorum artium , qui quòd multis anteferri se vident, infra se positos omnes despiciunt, pròque nihilo ducunt. Est in historiis fuisse medicum nescio quem : Menecratem opinor vocabant : qui cum ex professione hac & ad quæstum , & ad nominis gloriam profecisset , amore, opinionèque sui miserè perditus , Deum se appellauit ipse , & appellari ab omnibus voluit : credo quòd vitæ, necisque, itidem vt Deus est, arbiter haberi cuperet. Quid in reliquis studiis ? Duo epistola tua commemorauit , vnum Grammaticorum siue Criticorum : alterum Philosophorum. Nam de Theologis *ὁ σομά μοι κείδω*. Ergo vt vtrosque paucis perstringam : scis priorum postremis his sæculis duobus quanta vilitas fuerit : in plerisque verò quæ animorum feritas , & immanitas : quanta in eorum libris libido rixandi ; quanta stili petulantia : quàm sæpe paruis de rebus , de litterulis , ac voculis interuicina orta sint odia , & certamina : tanquam de

salute patriæ, deque capite suo, & ciuium omnium agatur.

De Philosophis nihil ad hoc testimonium addi potest, quod in ea, quæ est ad Romanos epistola, grauiissimum, ac verissimum dixit Apostolus: vbi postquam illos in omni doctrinarum genere perfectos extitisse docuit, eoque peruenisse, vt ex intima rerum creaturarum contemplatione ad creatoris se cognitionem attollerent; tandem ipsis refert suam fuisse fraudi excellentem, & propè diuinam scientiam: quâ elati, & inflati in horrendam cæcitatem prolapsi sunt. *Quoniam cum cognouissent Deum, non sicut Deum glorificauerunt, aut gratias egerunt: sed euauerunt in cogitationibus suis, & obscuratum est insipiens cor eorum. Dicentes se esse sapientes, stulti facti sunt.*

Verùm ne longiùs in istis eruditorum persequendis ruinis sermonem protraham, & vt eò me reuocem, vnde sum ad illa delapsus: non alia mihi visa causa verisimilior est, propter quam Deus, cuius vnus nutu infima quæque, præsertim humana gubernantur, terminis quibusdam definiri voluit ingeniorum modulum atque captum: vt aliorum egentes operâ, vicissim & ipsi de sua libenter accommodent: nec se solos *αὐτάρκεις*, & fortunatos existiment.

Atque hæc quidem bene perspecta, & considerata ratio id quidem potest, ac debet efficere, vt litterarum cupidi in omnibus disciplinis excellere se posse diffidant; nec huius rei

gratiâ nimium doleant : non autem vt certo delecto genere, in quo habitent, & præstare studeant, non ex ceteris, illius, quam arripuerunt, adiumenta, vel ornamenta conquirant. Scitum illud est apud Xenophontem Socratis; non omnes omnibus perfectè discendas, & exhaustiendas esse artes: sed tantum de singulis capiendum, quantum necesse videbitur. Quod si fieret, plus esset eruditionis in plerisque, ac perturbationis, & molestiæ minus. Hoc igitur sequantur, qui bene docti esse cupiunt, & vnam de cunctis amplectantur scientiam; in qua sedulam, & præcipuam operam collocent: ex aliis verò, &, quoad fieri potest vniuersis, tantum degustent, ac deriuent, quantum satis sit ad excolendam, illustrandamque primariam. Ita fieri poterit, vti compos omnium sit vnus; qui quidem sobriè tanquam vino, sic illarum cognitione vti velit ad salubritatem, non ad ingenij ostentationem, & iactantiam. Tum illa verò epistolæ tuæ querela præcidetur; quæ arctissimo inter se nexu colligatas, & fœderatas artes distrahi non æquo fert animo; & ad pristinum orbem reuocari iubet; vti mutuo sibi emolumento, & splendori esse pergant. Tunc & boni Philosophi, non mali Grammatici; & hi vicissim, si id curent, Philosophi probabiles esse poterunt: quales & olim fuisse tibi assentior, & hoc tempore, si me audierint, non despero fore. Nec de Philosophia duntaxat ita sentio; sed etiam de peruagata in scholis diuinarum rerum scientia: cui

& ipsi plurimum ex humanitatis studiorum commercio adiumenti comparare licet; præsertim ex Grammatica: saltem ut in rebus suis explicandis detergâ barbarie, conditam nitore aliquo sermonis orationem afferat. Quanquam non is ego sum, qui inconcinnè, & subrusticè loquentem theologiam, deridendam, vel damnamam omnino censeam: quod nonnulli fastidiosi, ac delicati stomachi faciunt. Et quoniam meum tractandæ illius institutum commendabat epistola tua, idque placere sibi significabat, quod in theologicis exponendis dogmatibus, sermonis offensionem vitare studuissem, paullulum hîc immorari volo, ac tibi illos excusare munditiæ in loquendo negligentes, & eorum apud te causam agere.

Ac Latinitatis quidem in scribendo puræ, elegantisque copia quàm non paratu facilis sit, nemo te meliùs existimare potest: qui & in eo multum elaborasti, & laboris fructum hac ætate singularem es assequutus. Illud verò cum per sese, & in omni genere argumenti spissum, operosumque sit: tum multo difficilius est, cum obscuris, nec politæ antiquitati cognitis in rebus disputandis adhibetur. Quod equidem duabus de causis euenire arbitror. Altera est, quod eodem tempore in duo, & quidem genere dissimilia, scribentis animum diuidi necesse est: cum & rerum subtilissimarum intricatas notiones euoluere, & quibus eas verbis ornet, ac vestiât, cogitare interim oporteat. Altera est causa inferioris ætatis, & nostræ propria; quod
spinosa

spinosa, ac perplexa commentationes illa, in quibus enodandis defuisse nostris Latina cultum dictionis docti homines queruntur, noua sunt, & priscis illis Romanae concinnitatis auctoribus inusitata; ac propterea nullo ab iis ornatu sermonis expolita. Ita fit, vt cum viuere iamdudum Quiritium lingua defierit; nec aliunde, quam ex illorum monumentis, exquisitarum vocum, & locutionum copia suppetat: hoc destituta praesidio nostrorum industria, nihil dignum vetere opulentia possit expromere. Quo minus irasci conuenit acutis illis, & sollertibus viris; qui cum philosophicas, & theologicas quaestiones enucleare instituissent, ita se penitus in earum contemplationem infixerunt, vt omni cura elocutionis abiecta parum Latine sint locuri. Quos enim in talibus edifferendis adhibere magistros ex erudita antiquitate potuerunt? aut quibus tandem vocibus illa declararent, quorum nullum istorum in libris vestigium relictum cernerent? Itaque necessitatem verterunt in legem, & inuenta, cogitataque sua rudi, & incompósito stilo sic insueuere proloqui: vt iam philosophorum, & scholasticorum more sermocinari, sit idem, quod barbarè, opicèque dicere. Atqui fuit aliquando tempus, cum Scholastici nomen, & quod ab eo deflexum est, Scholasticè loqui, in praecipua docti, & elegantis sermonis laude poneretur. Nam & Scholasticum appellare mos fuit eruditum, & in bonarum artium disciplinis exercitatum hominem: & Scholasticè dicere, vel scri-

bere, id ipsum erat, quod ex arte, præceptisque rhetorum affabrè factam orationem contexere. Nunc mutata sunt tempora; cùmque his, vsus & consuetudo loquendi. Quod arbitror moderate ferendum vobis esse leporis, & vrbانيتatis amatoribus, ac cum Latinæ facultatis inopia compensandam tot acutè inuentorum sollicitiam. Quamquam non ad omnes generis istius, & sectæ theologos querela vestra pertinet. Nam aliqui inter eos extiterunt, si minus, quàm vos, facundi, & ornat; non tamen putidi, ac satis commodè, bonisque verbis, diuinis de rebus explicantes. Quis autem ampliùs aliquid ab illis requirat? nisi fortè dicendi vneres, & oratorios calamistros disciplinæ vtriusque natura desiderat.

Verùm de hoc argumento non est propositum hîc agere: quod in prolegomenis tomi primi theologicorum dogmatum cumulatè præstiti: vbi illud exposui, quodnam sit theologicis quæstionibus tradendis accommodatum dictionis genus: & cuiusmodi in illis conscribendis sim ipse persecutus. Cuius ad extremum summa hæc est confecta; neque turpiter, ac non Latinè loquentem decere esse theologum: vt de philosopho modò taceam: neque tamen oratorio illo fuco, & pigmentis pueriliter excultum. Quod decori, & ad vsu congruentis sermonis temperamentum cùm essem meis illis in dogmatibus exprimere conatus, inuentus est tamen ex illa fæce Armacanorum theologorum, cui nostra hæc in Latinè scriben-

do cautio, ingenua, vt opinor, & necessaria displiceret; ac mihi quòd nimis disertus, & vt interpretabatur, Ciceronianus esse malle, quàm trito, inueteratòque more inamœnus, & incomptus, probro verteret. Adeo difficile est satisfacere omnibus, & infectum, inolitumque non minùs animis, immo multo his magis, quàm corporibus, morbum, & vitium eluere. Ego verò aspernari leuissimos homines, & eorum conuitiis nihil moueri quotidie condisco: præsertim in illis, quæ tu cùm tanti facias, & ab ea, quam morosus iste vituperauit, parte commendes: ineptus sim, si priori illi meo, subscriptione corroborato tua, obscuri & ignoti theriacopolæ iudicium anteponam. Vale, mèque, vti facere instituisti, amare perge.

EPISTOLA XXVIII.

VALDE me delectat impetus ille animi tui, quo te in litterarum studia ferri video. Nec minùs illud afficit: quòd ad eum ardorem iudicium affers & prudentiam. Id adeo ex illa tua postulatione intellexisse videor, quâ methodum & ordinem quendam à me elicere cupis, quo tu deinceps in illo cursu progredi possis. Faciam ergo quod iubes, nec tui tantùm causâ, sed etiam aliorum quos idoneos iudicaueris, certam quandam rationem explicabo, non illam quidem reconditam, sed eius-

modi quam tibi & aliis, qui perinde ac tu cursum hunc litterarium auspicantur, certissimam & expeditissimam fore confido.

Qui igitur in ipso docendi tirocinio, priuatim consulere sibi, ac suorum studiorum habere rationem instituunt: tria potissimum persequi, & in iis elaborare oportet. Primum est orationis vtriusque stilus, hoc est solutæ numeris, ac deuinctæ; alterum Græcæ linguæ peritia; tertium varietas eruditionis, & Latinorum, Græcorumque scriptorum vsus & consuetudo. In his præcipuè tribus illorum occupandus est labor. Sed hoc imprimis admonendi sunt, vnum aut alterum annum duabus in primis exercitationibus, hoc est procudendo Latino stilo, ac Græca eruditione collocandum esse, tertium vsu iam ac disciplina maturioribus paulatim adeundum.

Matutinum ferè tempus in recolendis primùm Rhetoricæ præceptis, Cicerone legendo, ac scriptione transigant. Præcepta per id tempus non aliunde quàm à Soaris elementis, ac technicis Ciceronis libris, haurienda sunt. Igitur primos omnium oratorios euoluat, tres inquam quæ de oratore sunt inscripti; tum oratorem ad Brutum, qui ad artificium illud, quod vocant oratorium, ac nitorem orationis, & cultum, singularia adiumenta suppeditat. Adiungat & recentiores aliquos qui de figuris ac numeris breuiter, accuratèque scripserint, cuiusmodi nunc Strebæus occurrit. Quamquam vt è Cicerone præsertim, & Quintiliano, lepos iste di-

scendus orationis est, ab illo etiam vsus ornamentorum omnium, atque exempla comparantur.

Primum & secundum ferè mensem in sola præceptorum lectione, ac Ciceronis tractatione, sine vlla saltem seria scribendi exercitatione, consumat. At particulas interim orationis aliquas, velut exordia, communes locos, scriptitare nil prohibet, tanquam periclitandi sui, vel eius quod legerit, imitandi gratia. Caveat ne Ciceronem cùm in manus sumpserit in seligendis ac describendis loquendi formulis, ac figuris, & id genus ceteris, abutatur otio. Quin paucissima per id tempus annotet, ne contentio ipsa legendi, quæ singularem in nobis eloquentiæ formam potest exprimere, toties interpelletur. Exacto ad summum altero mense, scribere deinceps aliquid incipiat, & quod legerit imitando consequi. Scriptiones porrò in omni causarum genere versentur, ac nonnunquam etiam epistolæ ad exemplar Ciceronianum elaborandæ sunt.

Primis mensibus poëticam ne attingat omnino, donec Ciceronianam elegantiam penitus animo ac stilo combiberit: reliquis deinde bis terve per hebdomadam, Latinum carmen meditari poterit; ad idque priùs Virgilij se tractatione perpoliat, quem vnum in heroicis admirari æmularique convenit, Statio, Claudiano, ac reliquis tantisper omissis, donec Virgiliano characteri sic assueuerit, nihil ut ex deteriore allini atque adhærescere posse

confidat. Nam in omni, quæ quidem seriò suscipitur, exercitatione scribendi, conſectandum illud eſt, vti certum propriumque genus exprimat, non ex variorum ac diſſimilium ſcriptorum imitatione, mixtum atque conſuſum. Errat autem, qui aut Ciceroni ſoluta in oratione; aut in carmine, Virgilio auctorem anteponit vllum.

Multum verò Latinæ ad orationis facultatem pertinet, præter Ciceronem adhibere certos interdum è recentioribus, qui ſe Ciceronianos fuiſſe ſtuduerint, cuiuſmodi eſt Perpinianus, Muretus, Manutius, Sadoletus, Longolius, & Itali quidam ſuperioris ſæculi. Nam & illorum conſuetudine, nescio quomodo paulatim ad Ciceronis imitationem aſſurgimus, & ea tractant argumenta quæ ſunt vſui noſtro, & ſcholis accommodatiora; cùm alioqui Ciceronis orationes in forenſibus controverſiis, à quibus alienæ ſunt exercitationes noſtræ, pæne conſiſtant vniuerſæ. Sed illi rariùs, & curſim adeundi ſunt, in vno verò Cicerone commorandum, in eiùſque lectione propemodum habitandum: vt iſ ſe plurimum profeciſſe ſciat cui, vt ait Quintilianus, Cicero valdè placebit. De ſtilo dixi: proximum eſt, vt de Græcæ linguæ diſciplina præſcribam.

Tametiſi primis, vt dictum eſt, menſibus, perpoliendi ſtili Latini primaria eſſe cura debeat: eodem nihilominus tempore, vt ne ſimilitudine occupationum fatigetur animus, ſed

nonnulla varietate recreetur, certæ Græcis horæ seponendæ sunt, maximè pomeridianæ. Principio Grammaticæ præceptiones reuocandæ in memoriam erunt, atque vsu continuo, & mutua quoque contentione, penitus in animo defigendæ; tum auctores tentandi initio faciliores, quales sunt Æsopi fabellæ, Plutarchi apophthegmata; Aphthonij progymnasmata, cum fabulis; vitæ Plutarchi, Xenophontis opera, Lucianus, Herodianus, Isocrates, Heliodorus, Demosthenes, Plato, Themistius. Inter legendum non nimis sunt enucleanda, & ad vinum ressecanda singula, sed mediocri vocabulorum & orationis luce contenti quamplurima percurrant, intelligantque nulla alia ratione Græcæ linguæ copiam, quàm multa, & constanti veterum lectione comparari. Quoties aliqua vox occurrerit, cuius significationem nesciunt, eam in pugillari notent, quem libelli in morem secum habeant, & collectas voculas identidem recognoscant, mandentque memoriæ.

Biennio confecto, superiores quidem exercitationes, quoad licet, retinendæ sunt: sed de temporis in exercendo stilo diuturnitate deducendum, deque Græcis aliquid, quod in eruditionis variæque doctrinæ studio collocetur. Ea ex veteribus maximè retinenda, quæ quidem historiæ, antiquitatis Romanæ, Græcæque, & vtriusque scriptorum vsu continentur. Sed antequam in historiam sese penitus immergant, duo comparata debent es-

se præsidia ; alterum Cosmographiæ , vel Geographiæ ; Chronologiæ alterum ; vtraque tamen in initio , sed hæc posterior maximè , leuiter adumbranda erit , non accuratè penitusque perscrutanda : postea si vsus & voluntas erit , maior adhiberi diligentia poterit.

Historiarum ab Romanis repetendum est principium , in quibus Liuium cum Dionysio Halicarnassensi componet ; ad eosque , duces applicabit Sigonij Fastos , idque aded studebit Romanæ vt antiquitatis , & historiæ sit apprime peritus. Quam in rem Sigonij , Onuphriique libros omnes , qui de Romanis antiquitatibus moribusque disputant , attentè perlegat. Ab ea porro parte , quæ de Magistratibus agit , ordiatur : cuius , vt & partium reliquarum , ab Rosino rudimenta petuntur.

Criticos recentiores , vt Lipsium , Turnebum acceteros , subseciuis horis , ac certis per hebdomadam temporibus leget , & eorum ipsemet exemplo quæ inter legendum castigatone , obseruationeque digna iudicauerit , de iis coniecturas suas in commentariolum redigat.

Locos communes deinceps studiosè conficiat : quorum qui contemnit vsum , nihil vquam iis in studiis insigne consequetur. Sed ea tantum seligat quæ minùs trita vulgò , aut ad vsum certè quotidianum necessaria cognorit : quæ verò iam aliorum lucubrationibus occupata sunt , & commentariis librisque comprehensa , ea summatim delibet , & ad fontes ipsos digi-

tam intendat. Ob id communes instituere locos non antè expedit, quàm sit paululum vsu librorum, iudiciòque maturior.

Temporis partitionem vtpote iam doctrina corroborati sibi præscribent ipsi: quæ pro ætate cuiusque ac profectu, tum schola cui præficiuntur, non vniusmodi præscribi potest.

Ad hæc omnia genera priuatarum exercitationum, adiungendum est diligenter studium Latini sermonis, non eius solum, qui maiore otio, & labore, in meditatibus, & affabrè quodammodo factis orationibus expromitur, sed quotidiani, & familiaris. Is est duplex: nam alter in priuatis colloquiis, alter in scholis, enarrandis auctoribus assumitur. Ac cum sit vtrumque dicendi genus ab oratorio diuersum; quod eo minùs limatum, & ad Ciceronis archetypum incuriosius exactum esse debeat: posterius tamen, quod in prælectiones insumitur, maiorem vt ornatum, & copiam, sic operam, & contentionem requirit. Quocirca formandi sunt ad vtramque palæstram domesticis assiduisque commentationibus præceptores nostri: atque in familiari quidem sermone multum adiuuat, proprias rerum omnium appellationes, partim obseruatione Latinorum veterum, partim recentiorum quorundam lectione condiscere: qualis est nomenclator Hadriani Iunij, prædium rusticum Caroli Stephani: ex antiquis autem Columella, Plinius, alique similes, qui in magna rerum, ac verborum vbertate versantur. Cauendum est autem, ne

in pedestri illo sermone, longiores, ac numeros circuitus, & proprias oratorum dicendi formulas immisceant, quod paucissimi hodie deuitant. Fatendum est enim plures hac ætate reperiri qui copiosè, & disertè, quàm qui Latine loquantur: cuius rei causa hæc est, quòd Latinam linguam non aliunde quàm ex libris, ac lectione comparamus. ita fit vt cùm libri numerofo illo verborum, ac sententiarum ambitu conclusam orationem præbeant, idem dicendi genus imprudentes, etiam ad vsitata colloquia transferamus: quod esse vitiosum sermonis vernaculi similitudo demonstrat. Si quis enim itidem loquatur vt scribi solet, is non hominum more confabulari, sed nugari, aut insanire putetur.

Ad orationis perpetuæ facultatem, quam scholasticam sanè nominemus, magnopere conducet priuatim sibi prospicere quemque: si id minus in commune fieri possit: crebròque secùm, vel cum aliquo de collegis suis, Latine conferre sermonem, tum fabulas & historias, primum meditandò, pòst interdum ex tempore dicere, aliàs de iis quæ apud auctores legerit, prælectionis in modum, quasi ad discipulos verba facere: quæ quo libentiùs susceperit, eo ad docendum paratior, & instructior accedet. Nam ex omnibus scholarum officiis id esse difficillimum constat, Latine dicere: sic vt expeditè, non tractim ac titubanter id facias, tum verò eleganter & ornatè.

Hæc habui quæ de studiorum ordine, pau-

cis, & quoad poteram accuratè, perscriberem. Tu nisi quid melius his habes, iis vtare censeo, ac meam causam apud communem Dominum agere pergas. Nihil hoc mihi gratius facere potes. Vale.

EPISTOLA XXIX.

NVPER his contractioribus noctibus, cum insomniâ laborarem, subiit animum hæc recordatio: clarissimos quosdam viros in pari causâ Persij prologum Græcè vertisse. Quos vt imitarer, temperare mihi non potui, quin & ego quid hac in re possem experirer, ac tecum communicarem, vt somnij perinde ac vigiliæ fructus tibi aliquis extaret. Sic igitur Latinos illos scæzantas Græcis totidem expressi.

Οὐτ' αὖτ' ἐγὼ χεῖρ' ἐκ πίω κρήνη.

Οὐτ' ὅτ' ἀκρῆσιν ἐν διφύεσι Παρνασσῷ

Εἶδον, ποιεῖς ὡς περὶ τοῦτον φῶσαι.

Ελικωνίδης, καὶ ὠχρεῖσθα Πιερίην

Κείνοις ἀφείδω, ὅν κατ' ἐκόντας σέψας

Κιπὸς διέρπει. ἀλλ' ἐς ἰσθμὸν πίπτων

Ἡμιπολίτης τῦμόν ἐς ἔπος πέμπω.

Τίς ψηλάκοις ἤθροισι τὸ σπείων χεῖρες;

Κίπας τε τίς δίδωκεν αὐδαικὴν φωνήν;

Τίχης καθηκμῶν, νόον τι δώτισα

Γαστήρ, παρὰ φύσιν φθίγματ' ἐκμαθὴν δαίμν.

Εἰ δ' αὖτε δουρὲς νεμμέν' φάνοιτ' ἐλπίς,

Κόρακας ποιεῖς, καὶ ποιεῖς κίπας

Λατὴν δοκούσας Πηγασιόλῳ ὀδῶν.

EPISTOLA XXX.

Iosepho de Voisin V. Cl.

LIBRE tui specimen, quod ad me recensendum, castigandūque misisti, VIRE CLARIS'SIME, reliquit me ex censore, ac magistro, rediens ad te, admiratorem suum. Adeo multa in eo legi præclara, & scitu digna. Sed imprimis argumento ipso placuit: quod amplum per se ac magnificum, tractatione ipsa splendidius illustriusque fecisti. Quid autem Christiano Theologo iucundius atque opatius esse debet, quàm quod illuc agitur, ut fidei dogmata ex ipsorum, qui implacabiles sunt illius hostes, Hebræorum placitis, & decretis adstruantur? Sed inest præterea illo tuo in opere non vulgaris iste fructus, quod inueteratus ex eo conuincetur error non minùs bonis artibus, quàm Christianæ rei perniciosus. Nam sunt plerique nec obscuri, nec contemnendi ceteroquin homines, quibus Hebraismi studium, vel omninò displicet: vel tantùm in eo collocari operæ, minùs profectò placet. Quod ipsum duabus de causis sentire illos animaduerti. Primùm quod inde præsidia subministrari putant nouitatis in religione plus æ quo cupidis hominibus, quibus ad Catholicæ simplicitatis, auctoritatísque contemptum illorum

acuitur, & armatur audacia. Deinde quòd ita persuasum habent, nihil in reconditiore Rabbiorum supellectili, præter commentitias res, & aniles, ac ludicras contineri fabulas: quos quidem accuratiùs explorare, vti nihil obstit (quod tamen difficile sit credere) certè nihil ad veram, solidamque scientiam admodum interfit. Hæc igitur duo quæ Hebraicarum litterarum alioquin appetentes, abstertere solent, tuo illo ex opere depelli, ac refutari magnopere gaudeo. Nam & discent qui hoc legere volent, quanto ad rem catholicam tuendam, & ornandam adiumento disciplina ista esse queat, si non minùs prudenter, quàm eruditè tractata fuerit: & non pauca inesse istic intelligent, quorum ne graues quidem, & apprimè pios, Theologos pœnitere debeat.

Atque vt desint cetera, quãti tandem illud æstimandum est, quod ex tuo armamentario in promptu nobis ea sunt, quibus recentiorum ex illa fæce Iudaismi frangi, ac reuinci contumacia poterit? Quæ hominum natio etsi plumbea sit, & communem cum vera pietate sensum, ac rationem amiserit; tamen dum se maiorum suorum sententiis, quorum proxima est apud illos ab sacris libris, immo par æqualisque dignatio, tam perspicuè refelli viderint, non poterunt, nisi dedoceri, ac resipiscere velint, sine pudore aliquo, & æquiore in nos animo discedere. Non est autem in censu, & apparatu Christiani Doctòris ac Theologi, postremo numeranda loco vis, & facultas illa Iudaicæ co-

arguendæ perfidiæ : vt à quo populo lucis , & salutis per Christum in nos primordia deriuata sunt , nos in illum vicissim eadem ista , per quæ salui sumus , fidei & Christianæ veritatis beneficia conferamus. Mihi quidem , vt de me profitear , non parua videtur futura hæc accessio ad Theologicorum nostrorum dogmatum commentationem : in qua me scis occupatissimo nunc animo otioque versari. Tum verò impensius hortor , vt in eo , quod feliciter instituisti , quoad tuo , publicoque commodo poteris , gnauiter & impigrè perseueres : itaque prorsus habeas ; primâ istâ lucubratione tuâ non perfunctam & absolutam apud nos fidem & industriam tuam ; sed ad vberiora posthac iisdem ex Hebræorum , & ingenij tui fontibus proferenda , deuinctam , & oppigneratam teneri.

Verùm hæc adhuc speranda scilicet , & post modum opera , studioque tuo fruenda succedent. Quod autem moliris in præsens , & cuius mihi gustum ac specimen repræsentasti , si iis quæ legi , cetera , vti confido , responderint , magno mihi tum ad illam , qua sum erga te vsus , hortationem incitamento sunt : tum ad communem exorandum Dominum , tibi vt ad exequenda reliqua , corporis animique vires superpetant : & illius , quod iam edideris , fructus ex communi vtilitate , & proborum ac doctorum approbatione constet. Vale , vir eruditissime , & me vti facis , amare perge.





DIONYSII
 PETAVII
 AVRELIANENSIS
 E SOCIET. IESV
 EPISTOLARVM LIB. III.
 OFFICIOSÆ.

EPISTOLA -I.

Vrbano VIII. Pont. Max.



DIFFICILE est bonis in rebus,
 ac prosperis modum tenere:
 (SANCTISSIME PATER)
 & quos secunda quædam fauor-
 is aura prouexit; ij longiùs,
 quàm initio putabant, aut quàm prudentes de-
 cet, nonnunquam feruntur. Id adeo in me sum
 expertus ipse: qui nuper honorifico S. T. iudicio,

& Apostolicis ornatus litteris, contineri non potui; quo minus ad eum me benignitatis portum, quem mihi semel patefactum videram, eâdem spe rursus, ac fiducia referrem. Hoc verò eatenus maiore, quàm dudum, audacia nunc institui facere, quòd te non solùm publicè appellare sum ausus cum eius generis munusculo, quo mihi ad gratiam tuam aditum paraueram: sed has etiam priuatas adieci litteras, parum fortasse verecundè, pænèque familiariter. Verùm vt hoc susciperem, cùm tua pristina in me benignitate, tum quodam insuper religionis ac pietatis officio sum adductus. Cuius officij ratio etsi est à me versibus iis exposita; quibus Latinum, Græcùmque poëma nomini tuo consecraui; eandem tamen solutis, ac dilucidioribus verbis iterari hoc loco patieris.

Colitur hac in vrbe incredibili populi veneratione B. Genouefa: quam multis, maximisque miraculis illustrè, imprimis verò curatione morborum, Parisienses sibi olim patronam adoptarunt: estque illius nomini dicatum cum æde sacra Cœnobium; cuius Abbas est hodie Eminent. Franc. Cardin. Rupifucaldus, virtutum vir omnium laudibus excellens. Huius ego iussu, & hortatu ante annos vndeuginti Officium vt vocant, Ecclesiasticum Sanctæ illius Virginis de integro scripsi; quod Romam ille misit, ad sacrorum Rituum Congregationem; vt eius decreto probatum manaret in publicum, & vsui omnibus esse posset. Ac decretum quidem
de

de illo iamdudum sacra Congregatio fecit: sed ab scrinij magistro istud impetrari non potuit. Quocirca ab S. T. enixè peto, vt quòd sacra illa Congregatio sanxit, ratum esse iubeat, nobis-que Decreti illius copiam facere dignetur. Est illa quidem perexigua postulatio, nec tantæ maiestatis auribus fortasse digna; sed pro meo erga sanctissimam patronam amore, ac studio, id in magni beneficii loco numerabo, siámque ad preces pro tua incolumitate fundendas alacrior, vt Sanctitatem tuam, (quod à Deo simplex optare soleo) his affixam Ecclesiæ gubernaculis, ac pro voto omnia gubernantem, quàm diutissimè conseruet, Vale:

EPISTOLA II.

Vrbano VIII. Pont. Max.

VERRISSIMVM illud est, BEATISSIMÉ PATER, quòd de Romana vrbe vetetum quispiam dixit, longiùs eam Christianâ religione ac pace, quàm armis fines imperij protulisse. Cuius rei fidem antea nos ex annalium repetere memoria soliti eramus: nunc oculis ipsis quotidie vsûque nostro, iis in locis populisque aspicimus, ad quos propagandi causâ Euangelij iamdudum sumus profecti. Nam cum hos in extremis sitos Mundi partibus, & ab orbe nostro Romanique communione nominis, non tam vastissimo terræ ac maris inter-

iectu, quàm immanitate ac barbarie disiectos; ad oblatam lucem accurrere tam cupidè ardenterque cernimus, atque ignotum cum Christo, sedis Apostolicæ nomen & principatum admittere: neque de eo, quod dixi, dubitare possumus; & illi ipsi tanti auctori boni Christo, ac tibi huius vicario gratulandi finem nullum facimus. Hunc nos gratulationis officiique sensum, quandiu intra modum constitit, ac coërceri se passus est, tacitum inter nos habuimus; neque ad tantæ maiestatis notitiam per nos ipsi propagare ausi fuimus. Sed vbi quotidianis auctus successibus maiorem efferbuit in modum; vicit pudorem omnem ac verecundiam, meque simul obscuritatis oblitum meæ coëgit priuatim de iis ad Sanctitatem tuam litteras dare. Itaque dabis hanc audaciæ meæ veniam, si pro officij mei munere, ac rei magnitudine, id mihi sumo, vt de rebus nostris nouæque Ecclesiæ quæ hîc sub auspiciis Sanctitatis tuæ coaluit, ea perscribam, quæ tibi non ingrata nec iniucunda confido fore.

Regionem incolimus, quæ in Americæ parte Septentrionali sita, noua vulgò Francia dicitur. Ea secundùm sancti Laurentij flumen extenditur: quod longè latèque exporrectum, magni instar maris habet. Huius ripas Francorum aliquot familiæ obtinent; quibus sacra ministrant societatis nostræ homines: summæque inter se pace ac tranquillitate viuunt omnes, sub eius ductu ac tutela, qui Regis nomine hanc prouinciã administrat. Is eques est

Melitenſis, D. Montemagnius, rarâ vir pietate ac prudentiâ : cuius exemplo & auctoritate plurimum inter Gallos virtutis ſtudia promouentur.

Iam barbarorum & indigenarum vagi alij ſunt, nullâ certâ ſede ac domicilio; alij per pagos habitant: omnes partim venatu, ac piſcatione; partim Indico frumento, pauciſque terræ fructibus, miſeram atque inopem vitam ægrè tolerant. Bella inter eos pæne continua ſunt; ac prælio captorum hoſtium, itidem vt per totam Americam fieri ſolet, carnibus veſcuntur. Horum tamen complures longâ noſtrorum patientiâ obſequiôque deliniti, paulatim manſueſcere cœperunt, ac feritate poſitâ ad Chriſti ſe fidem applicarunt. Nam & ædículas ſacras, quas illic extruximus, non infrequentes adeunt, & doctrinæ Chriſtianæ faciles attentâſque aures accommodant, & baptiſmum ardentè petunt. Quibus autem id conceſſum eſt, ſacramenta & ſæpius, & magnò ſenſu pietatis uſurpant. Horum etiam nonnulli noſtris conſiliis ac precibus adducti vagari deſierunt, ac fixis ſedibus iuxta nos habitant. Quæ vnica ſummeque neceſſaria eſt ratio, quâ Chriſtianam ad fidem transferri, & in ea contineri poſſint. Nam ſi certas habere domos, & in commune degere, agrôſque colere inſtituerint: ſpes eſt totam hanc propediem barbariem Chriſtianam fore, ac nouam illic inſtituendam Eccleſiam, quæ non minima ad Sanctitatis tuæ decus ac paſtoralem ſolicitudinem futura ſit ac-

cessio. Quam in rem dum totis viribus incumbimus, Sanctitatis tuæ pedibus affusi petimus, vti conatus nostros Apostolicâ benedictione ac gratiâ prosequi, & nascenti huic Ecclesiæ eadem, quæ Indis pridem attributa sunt, beneficia impertiri digneris.

EPISTOLA III.

Ad S. D. N. Urbanum VIII.

*Nomine Religiosorum ordinum totius
Franciae.*

IAMVDVM Beatitudini tuæ cognitum esse confidimus, Beatiss. Pater, quantæ identidem hîc turbæ fieri soleât, super religiosis ordinibus, eorûmque priuilegiis, quæ ad iuuandam operâ suâ Christianam rem sedis vestræ beneficio sunt adepti. Quos contentionum tumultus cum per hos dies instaurari Christianissimus Rex animaduerteteret, dignum pietate sua, & prouidentia putauit, maturè opis aliquid afferre; ne ad publicæ quietis perniciem discordia illa pertineret. Itaque de consilij sententia nuperrimè decreuit, nihil Religiosis negotij ob hanc rem facessere quenquam oportere: neque prohibendos esse, quo minùs iure vti suo, priuilegiisque omnibus possint: quod si qua de his, aut eorum vsu lis & controuersia esset orta, eam S. T. cognitioni, & iudicio permitti voluit. Præ-

clarè ille quidem, & vt Rege Christianissimo, ac primario Ecclesiæ filio dignum erat, vt de Ecclesiasticis causis communem ad parentem, atque Ecclesiæ principem referret; neque sacris disceptandis controuersis ciuilem auctoritatem interponeret. Quamobrem & illius nos regij decreti, & temporum nostrorum necessitas hortata est, vt supplices ad S. T. pedes accideremus; indèque necessaria præsidia peteremus pacis, & otij; quibus constitutis, tum Ecclesiæ Gallicanæ; tum S. T. & episcopis omnibus commodare alacrius nostrâ operâ possumus. Quòd si priuata tantummodo nostra res ageretur, B. P. minùs laboraremus. Nunc id præcipuè nos mouet, quòd hæc omnis causa verbo nostra est; re autem vera, sedis Apostolicæ, Ecclesiæque totius. Caput enim hoc iurgiorum omnium est, atque id vnum crimen, & hæc accusationis summæ prætenditur; quòd Religiosos, Pontifices Romani certis priuilegiis honestatos, & ab Episcoporum iure exceptos esse voluerint: quòdque functionum aliquot extra ordinem iis potestatem fecerint. Atqui si quod inest in eo crimen, beneficij aliquid ab Romana sede capere; totum est eorum, qui dederint; eorum, qui acceperint, nullum. Sed illa, cuiusquemodi sunt, renunciare, iisque sponte cedere, neque sine flagitio possumus; neque cum damno, ac periculo volumus; primùm animarum: quibus nisi hic utilis visus esset Religiosorum labor, nunquam ad id eos Romani Antistites adhibuissent; nec eorum potestatem tot

edictis, privilegiisque munissent : deinde sedis ipsius Apostolicæ, cuius auctoritas in contemptum venit reprehensione illius actorum ; si aut ista iudicatum erit non potuisse, quibus vellet, aut non debuisset conferre. Nam & ea formula diplomatum ferè omnium est, quibus illa Religiosis beneficia tribuuntur, vti *motu proprio* edita dicantur. Quæ vox hanc habet vim, vt nec eblanditum precibus, nec ambitiosè quæsitum : nec importunitate, quod datur, expressum appareat ; sed vltro delatum, ac certo iudicio, & voluntate concessum. In plerisque verò nominatim causæ continentur, quibus iuducti Romano Pontifices hæc illis danda esse iudicarunt. Quamobrem quæ potest Apostolicæ auctoritati sedis iniici plaga maior, quàm si tot eius consultis ac decretis impunè derogare licet ? Nostra verò quàm erit illa vehemens culpa, si hæc ipsa supremæ iura maiestatis, commissa fidei nostræ, & quasi in sinum coniecta, dilabi, ac deperire patimur ? Tum enim iusta de privilegiis istis inimicorum querela videri possit, si vel commisisse nos constet, cur indigni iis habeamur : vel præstitutum ab S. T. finem, ac modum excessisse. Quin igitur tale, si possunt, in nos quippiam proferant ; eoque crimine apud S. T. reos faciant ? Tantum abest vt hoc iniquo animo laturi simus ; vt etiam gratiæ loco simus habituri, & id ipsum emendaturi, quidquid erit, in quo iure illos offensos esse S. T. decreuerit. Quandiu quidem nullum ab iis facinus nostrum, ac nulla publica, pri-

uatâque fraus, sed vnum priuilegij, & immunitatis nomen obicitur: fortiter illorum petitioni resistimus; nec de ea statione, in qua nos collocasti, iniussu tuo decedimus. Hanc nos iudicij, totius, actionisque formulam, quæ vna iustissima videtur, eo magis hoc tempore præscribimus, quod quidam ex episcopis nostratibus dicitur ad S. T. litteras dedisse, quibus id ait laborare se, vt quod ius, atque æquum est, obtineat.

Cui tam iusta, & honesta postulanti non modò nihil contradicimus, sed etiam vltro fauemus; & id ipsum, ne iure vinci nos putet, ab S. T. enixè petimus, vti de hac omni causa prius accuratissimè cognoscat; & quid pro se quisque iuris habeat, intelligat: tum suis ponderibus æstimatâ re, quasi sub summi, ac virendi iudicis oculis, cuius in terris vices gerit, sententiam ferat.

Hoc si impetramus modò, quod in præsens vnum agimus, taciti cetera feremus, vel alteri potius tempori reseruabimus, quæ hîc ab nonnullis indigna quotidie patimur: nec de assiduis vnus præsertim hominis iniuriis expostulabimus, qui vetere in Religiosos omnes instinctus odio, aduersus vniuersum illorum ordinem stili sui impetum, aciemque conuertit. Neque hætenus, vt eorum, si qua sunt, cuiusmodi profectò nonnulla sunt, vitia reprehenderet: quod quidam etiam catholici, vt minùs consideratè, cùm id neque priuatim fit, neque necessariò; ita tolerabiliter faciunt: sed vt illo-

rum vitæ statum, ac professionem in crimen adduceret: Religiosos inquam generatim omnes, propter paucorum odium, nullo suo præcipuo dedecore, sed solo vitæ instituto notatos probris, & conuiciis, aculeatis dictis & facetiis ad populorum contemptum & ludibrium vocauit. quo suo facto hæreticos, qui hîc sunt, adeo delectat vt in horum conuenticulis, hominis istius aduersus Catholicos & Religiosos scripta incredibili clamore ac plausu recitentur. Quæ iam magna ex parte scire te arbitramur, ac Nunciorum tuorum litteris certiorum esse redditum: ac tum libros etiam ad te missos esse; tum grauißimorum integerrimorumque partim præsulum, partim doctorem de illis iudicia, ex A. D. 1x Feb. an. 1634. Ex quibz omnibus intelliges non magis ab homine illo contra nos, quàm contra Catholicas partes implacabile odium esse susceptum. Quodd nisi Christianissimi Regis diuina mens ac prudentia vigilasset; etsi non plura & atrociora, quàm nihilominus facit; minùs tamen dissimulanter occultéque scriberet: tum armati impunitate & auctoritate publica, hoc est diplomate Regio libri, palam vi ad nocendum maiore volitarent; quod nunc quidem utcunque fieri desit, postquam & rei per se indignitate motus, & nostris adductus precibus benignissimus princeps effrenatos hominis impetus, paululum consilij sui auctoritate repressit. Quod eatenus egerunt, vt hoc vnum statuerent, nullos nisi à Theologis recognitos publicéque probatos libros excudi licet;

re: ac qui secus Typographus fecisset ei multam irrogarent. De hoc verò quem significamus Episcopó, ac de lite illa quæ ceteris nobiscum est orta, rem integram S. T. iudicio reseruarunt. Quo maiore animo sumus ac fiducia, B. P. eoque nos ipso fortunatos ducimus, quod eum nobis quem optabamus litis arbitrum diuina pariter & humana suffragia dederunt. Ergo illud postremum rogamus, quod exoratum iri facile credimus, ne nos S. T. pendere diutius in hac caussa velit. Sed quod ex æquo bonoque esse videbitur, nihilo tardius, ac tantæ rei periculum hortatur pro potestate constituat: vt ex aduersariorum importunitate, velut longa iactatione recreati, in sinu Apostolicæ Sedis acquiescamus, tanquam portu quodam tranquillitatis ac pacis; vbi metu omni curaque perfuncti, ardentiores nos ad ea quæ nunquam intermisimus, Christianæ rei augendæ studia, & obsequia in Romanam Ecclesiam, & pro incolumitate S. T. ac salute vota, referamus. Vale.

EPISTOLA IV.

Francisco Cardinali Barberino.

IVLIANVM nostrum tam abs te vehementer expeti (EMIN. CARD.) quàm mihi ex tuis litteris ostendit Emin, Card. Ba-

gnius, dupliciter gauisus sum. Nam & tanto Principi curæ esse qualemcumque lucubrationem nostram, per se iucundissimum fuit : & habet ea res non obscuram significationem amoris in litteras, earumque cultores tui ; quales esse nos, si non facultas earum, & eruditio ; at ætas ipsa probat, quam in illarum studio pæne vniuersam transmisiimus.

Quamobrem vt de priore illo, mea quod interest priuatim gratulari debeo, quod nisi idem, quem cum hîc esses mihi es testatus, tuus in me maneret animus, mea tam amanter non requireres : ita de altero nec habendæ tibi gratiæ ; neque gaudendi, ac bene in posterum sperandi præcipuæ meæ sunt partes, sed doctorum omnium, doctrinarumque potius ipsarum, quæ à plerisque istius ordinis destitutæ, idoneum iam te sibi patronum destinant, cuius præsidio ac tutela solitudinem suam orbitatémque defendant. Quod tu quidem (E M I N. C A R D.) à patruo tuo S. D. N. velut propinquitatis iure proprium habes ac domesticum decus : qui quantus sit, non solum summis illis, & præstantissimis in studiis, sed in politis etiam & communibus istis, poëtica illa scripta declarant omni leporis & elegantiae flore depicta, quibus principatum antè Musarum, quam Christiani orbis, communi suffragio est adeptus.

Huius dum tu exempla, & vestigia persequeris, facis quod te facere cupimus omnes, & vt perpetuò velis, hortamur : vt autem quàm

diutissimè, felicissimèque possis, maximis à Deo precibus optamus. Hæc mihi benignitas & humanitas tua (Emin. Card.) fiduciam dedit, ut non solùm , quem flagitavas, Iulianum ad te nostrum mittere; sed & scribere in super aude-rem, peterèque ut me meaque in Emin. tuæ clientelam recipias. Adieci porrò Iuliano comitem lucubrationem alteram; epinicion carmen, quod anno ineunte superiore, in Rupel- lam, ac Christ. Regis triumphum Græcè, Latinè-que cecini. quod ut per sese recens adhuc offer- re tibi sum veritus: sic alterius modo desiderati abs te muneris haud ingratam hanc accessio- nem fore decreui. Tu hanc audaciam no- stram, conceptamque de te spem, ratam solita tua humanitate facias velim; atque hoc mu- nusculo velut oppigneratam in perpetuum obseruantiam meam ac deuotionem tibi esse confidas. Vale.

EPISTOLA V.

Francisco Cardinali Barberino.

VT qui Solem intueri cupiunt (CARDIN. EMIN.) cùm in eum oculos intendere propter imbecillitatem nequeant, speciem il- lius in aqua, vel in nube contemplari solent: sic cùm Romanus adeundus mihi Pontifex esset; neque tantæ splendorem maiestatis sustinerem, ad te viam, & expressam non tam generis

propinquitate, quàm indole, ingenio, ac virtute, illius imaginem respexi. In quo si vel parum pudenter egisse, vel importunum esse me quispiam putet (Possunt enim id alij de meo facto iudicare, quod pro tua singulari bonitate minimè abs te vercor) non illud ipsum temeritati vlli meæ, sed tuæ benignitati, ac facilitati tribuere debebit. Quam cùm incredibilem in te iamdudum homines prædicent, præsertim studiis doctrinæ dediti: ego verò maiorem opinione fuerim expertus; primùm hac in vrbe coràm, cùm te salutandi, ac colloquendi gratia conuenissem: tum absens postea: cùm tibi litteris meis, ac litterariis munusculis semel, & iterùm obstrepere sum ausus: putavi ne nunc quidem improbè facturum me esse; si ad eandem mihi tam perspectam humanitatem confugerem, atque hoc impetrare stude-rem, vt qui in Sanctissimi D. N. patrui tui nomine diuulgatus liber ad Urbem mittitur, hunc offerre per te ipse velles, ac fauore tuo, & patrocinio commendatiorem reddere: Quod eo maiore de tua voluntate spe facio; quòd illius, cui inscriptus est, iussu & hortatu in lucem prodiit. Qui cùm à me, vt Latinos antea; ita Græcos versus exegisset, & ego quos in promptu habebam, eo genere confectos Psalmos aliquot misissem, non gratum habuit modò, quod dederam; sed ad eius id quod reliquum erat absoluendum, auctor & incitator fuit. Inter hæc incidit ægrotudo illa; quæ non minùs Christianos omnes hoc di-

gnos nomine, quàm vos illius propinquos, mæstos, ac sollicitos habuit: qui id intelligerent, in vno capite, præsertim temporibus istis, periclitari communem Ecclesiæ tranquillitatem, ac salutem. Eam res suspensum aliquandiu tenuit, & cunctari coëgit; ne intempestiuam tanto in luctu Musicam ostenderem. Sed postquam discusso hoc periculo, lætior nos de illius salute rumor afflauit; tum ita sum animo concitatus, uti mora mihi omnis, quo minùs inceptum perficerem, grauis ac molesta videretur.

Affuit tandem optatis meis diuina bonitas, ut quanta .poteram industria elaboratum hoc opus ad exitum perducerem. Quod etsi per se leuius est, quàm ut sub tantæ maiestatis nomine apparere, & in eius conspectum venire debeat, tamen non dubito, quin illud libenter sit accepturus: vel quia delectatur iis studiis, ex quibus profectum illud est; vel quia impulse hortatoréque ipso prodiit: vel quia gratia, commendatióque tua multum ei pretij ac dignationis adiunget. Peto igitur: ut ex duobus quæ misi, illius exemplaribus, alterum SS. D. N. à me offeras, tibi alterum habeas; & hanc meam siue audaciam, siue fiduciam, bonam in partem accipias. Ego verò Deum vicissim precor, ut quam patruo tuo Summo Pontifici sospitatem; tibi communem cum bonis omnibus lætitiâ indulsit: eam quàm maximè constantem, ac diuturnam esse velit. Vale.

EPISTOLA VI.

Francisco Cardinali Barberino.

MAXIMUM è nostris litteris fructum reportasse videor iudicij vestri (CARD. EMIN.) quod de me ambo fecistis, tu, & patruus tuus S.D.N. qui Græca, Latinæque mea carmina tam impensè probastis, mihi ut in ipso Parnassi culmine præstantes inter poëtas locum daretis. Ego verò graue mihi ex hoc, onus impositum esse sentio, tuendæ vestræ de me existimationis; ne quàm proclive fuit vestra in me concitare studia: tam non sit ea deinceps retinere, iisque respondere facile. Quamobrem omnis à me adhibenda diligentia est, ac nouo ingenij, industriæque prouentu in dies elaborandum, ut vos nunquam amoris in me tanti, ac voluntatis pœniteat. Quod à me quidem pro virili parte perpetuò deinceps curabitur. Et nunc illius utcumque remunerandæ in me bonitatis; grati certè animi significandi gratia, specimen offero recens, Græcum itidem, Latinumque carmen; quod in S. Virginis Genouefæ, patronæ veteris commendationem edidi. Cui quantus hac in vrbe honos habeatur: cum hâc legatione fungerè, coràm videre potuisti. Priuatim verò quantum illi debeam, tum mihi ipse sum conscius; tum id publicè sum testatus ante annos circiter viginti; partim eodem, ac modò, versuum genere; partim

notuo edito illius Officio; quod Romæ est in
 scrinio Congregationis sacrorum Rituum.
 Nunc ut meum hoc munusculum, quod ad
 prospera anni incuntis auspicia sub S. D. N. no-
 mine apparere volui, ei gratum, acceptumque
 sit, tua mihi benevolentia, & humanitate est
 opus; quam superiore anno simili in re sum
 expertus. Peto igitur ut hoc illi carmen à me
 offerre, commendationeque tua prosequi ne
 grauêris. Simul illud precor, quod in Ode
 nuncupatoria posui, Officium ut Ecclesiasti-
 cum sanctæ illius Virginis, quod apud sacro-
 rum Rituum Congregationem extare dixi, ra-
 tum, ac probatum illius decreto ad nos redire
 iubeas. Vale.

EPISTOLA VII.

Francisco Cardinali Barberino.

NE quod damnosi patres-familias solent,
 ut in acquirenda re, quàm in conseruanda
 diligentiores sint: idem in S. D. N. patruui tui
 tuâque fouenda gratia & benevolentia com-
 mittam, operam à me omnem adhibendam ef-
 se duxi (CARD. EMIN.) Itaque quibus illa
 modis est initio parata; iisdem ut eam reti-
 neam amplificemque, si possim, identidem
 ago, nouis ingenij industriæque offerendis fœ-
 ribus. Cuiusmodi paucos ante menses ad te
 mittendum curauì, libellum quendam disser-

tationum Ecclesiasticarum, in quo tum Episcoporum omnium nomen ac dignitatem : tum Episcoporum Principis S. D. N. decus & auctoritatem propugnaui, contra impudentis cuiusdam non minùs quàm indocti hæretici obtreffationem & calūniam. Quem quia pergratum tibi accepi fuisse : non dubitavi quin è vestigio alterum adiungerem, molliori elaboratum genere ac stilo, & ad oblectandam S. D. N. senectutem, magis accommodato : qui quibus iste liber efflorescit ex artibus, eas & amavit semper, & in iis principem inter ætatis huius eruditos locum est adeptus. Eæ sunt Græcarum litterarum facultas, & poëtica. Nam Salomonis Ecclesiastem elegiacis versibus Græcis redditum eius inscripti nomini; & ad te, confusus humanitate tuâ misi, vt per te Concionatori nostro aditus ad Sanctitatem illius faciliior, & receptus vti peregrino certior pateret. Facies igitur pro solita tua benignitate, & in me præsertim voluntate, vt i. S. D. N. munusculum illud, quod alioqui non ingratum confidebam fore, sit etiam tantæ commendationis accessione iucundum. Vale.

EPISTOLA VIII.

Francisco Cardinali Barberino.

QUOD postremis litteris meis eram pollicitus eo nunc defungor (CARD. EMIN.)

ac Theologicorum dogmatum ad te mitto priores Tomos tres : quod opus fauotis, ac gratiæ tuæ fiducia, hortatūque fretus in lucem edidi. cū me tu quidem tempora verentem iniqua melioribus studiis, ac propterea cunctātem auctoritate confirmasti tua, bonoque esse animo iussisti. Quam singularem, mihi que perspectam fidem tuam appellare iam posse videor, & ad tuam clientelam, ac patrocinium me meaque studia conferre. Quod eo diligentius, ac spe maiore facio, quod cū hæres propemodum omnes, quæ hoc tempore infestam habent Ecclesiam, illo in opere sim infectatus, offendi non paucos, acres homines, & ad scribendum impigros; qui iam aliquid meditari contra me dicuntur. * * * * *

EPISTOLA IX.

Francisco Cardinali Barberino.

LÆTVM & incolumem istic agere te, ubique es, incredibiliter gaudeo, & ut deinceps in eo pergas, quibus possum à Deo precibus contendo. Quod autem ne in ista quidem peregrinatione, litterarum curam, ac litteratorum patrocinium intermittis: facis quæ & te digna sunt, & ei animo ac proposito consentanea, quod iam pridem suscepisti, tuendi amplificandique res honestas & præclaras, ac præferrim doctrinarum studia, quibus im-

pensè iccirco faues , ac delectaris , quòd ap-
primè iis excultus , & eruditus , eas quasi pe-
culiaries ac domesticas habes. Nam quòd mei
quoque rationem ducere te hoc ipso nomi-
nè profiteris , vellem idem in re esset quod in
iudicio , & existimatione de me est tua. Sed
nec molestè fero falli te hoc in genere , vt
quoquo modo tanti mihi viri amorem ac be-
neuolentiam adiungam; & quod facultati deest,
obsequendi studio , & voluntate alacriùs sup-
pleam. Quod vt facere in re hac incipiam ,
de quā ad me scripsisti , enitar quantum in me
erit , si quid tamen in eo præstare possum. De
quo quid in præsens habeam , exponam tibi
breuiter.

Mihi cum Hugone Grotio (vellem τοῦ μακα-
ρίου dicere possem) vsus aliquis intercessit com-
munionē partus istarum artium; & quòd, vt be-
ne nosti , spes interim illius iuuandi nonnulla
in me sita videbatur. Cum illo itaque, vt sæpe
ipsum inuisebam , & vicissim ille me , frequen-
tes de litteris sermones habui. Ac memini
me de illo frequenter audisse, cūm diceret;
consilium sibi esse Suecicos Annales conscribere:
idque se iamdiu commentari. Vtrūm verò
Opus illud absoluerit, an in Aduersariis tan-
tūm apparatus illius extet, certi nihil habeo.
Eliciam tamen & expiscabor si quid potero;
postquam eius vxor , quæ nunc Lutetiæ ha-
bitat, & rusticandi causa vnum iam mensem ab-
est , ad urbem reuerterit. De lucubrationi-
bus reliquis , quarum mentionem facit Hol-

Steinius, nunc primùm audire cœpi, nec ille quidquam mihi significauit. Quare & ista post feminæ rēditum curanda nobis erunt: dedique iam negotium tui obseruantissimo Cramosio, vt exploret quonam hīc tempore futura sit, & pro virili parte si quid potest odoretur. Hoc velim persuasum habeas, nihil mihi gratius ac iocundius accidere posse, quàm aliquā re studio tuo & voluntati mōrem gerere.

Qua ex precatione scribendæ huius epistolæ initium feci, in eandem desinam, ac Deum enixè rogabo, vt te perpetuū saluum ac beatum velit. Vale.

EPISTOLA X.

Francisco Cardinali Barberino.

ET si te peregrinantem in Gallia, & hac vrbe, nuper libentissimè videbam: quòd humanitate tua, ac suauissima consuetudine propiùs vti licebat; multo tamen lætor magis ibi vbi maximè vis, Romæ te esse, ac tuis rationibus posteriorem animi fructum habeo, quem ex vsu colloquioque tuo capere solebam. Sic enim interpretor te ad illam velut arcem tum Ecclesiæ, tum doctrinæ reuocatum, maiori vtrique quàm alibi vspiam præsidio, & emolumento fore; quod & maior domi, quàm peregrè, copia præsto tibi ad com-

modandum est affutura: & ex arduo, eminentique loco circumiectis in omnes partes oculis, quod vsui sit poteris melius prospicere. Non enim dubito, quin eodem semper in honestarum rerum studia, & eorum cultores, animo sis, quo fuisti haecenus, & quo fore te perpetuò in omni, qui tibi mecum fuit, sermone prae te tulisti. Quo magis, restitutum te esse patriae, ac librariae tuae suppellectili gratulor iterum, ac gaudeo: eamque meam tum lætitiā, tum futuri spem non mediocriter confirmauit, curae illius, & humanitatis specimen, tu quod in me breui postquam istuc reuersus es spatio temporis edidisti. Accepi enim primum Iuliani epistolam illam ἀνένδοτον, quam ad me iussu tuo misit Lucas Holstenius. tum Synesij varias lectiones: & utroque nomine ingentes tibi gratias ago. Ego verò, uti vicissim tibi cepti mei ratio constet, quod ipsum curae ut sit tibi summa tua benignitas & prolixa in me voluntas facit: libros hoc anno duos in lucem emisi; alterum Apologeticum aduersus Fromondum Louanensem Theologum; alterum de lege & gratia: quos te accepisse iam arbitror. Certè ut quamprimum ad te mitterentur, Sebastiano Cramosio diligenter manderam.

Nunc quartus Dogmatum Theologicorum Tomus est sub praelo, cuiusque folia iam excussa sunt octodecim: ac ne iusto voluminis moles grandior sit, fortassis in partes duas diuidendus erit. De Epiphanio quoque recogno-

fecendi ab nostris Bibliopolis iniecta mihi cogitatio est, quòd nulla penes illos exempla reliqua sint. Vellem cum Vaticanis MSS. conferendi mihi facultas esset.

De Maximi Operibus quòd plurimum studes, vt idoneus existat aliquis qui Latinam illorum interpretationem, ac deinde quòd consequens est, editionem suscipiat: meritò quidem id optas. Magni enim interest Theologiæ nostræ, vt eruditissimus ille scriptor Latinè Græcèque loquens edatur in lucem.

Deum rogo vt te in omnes amplificandæ rei Catholicæ ac litterariæ rationes incumbentem perpetua sua gratia & prouidentia dignetur. Vale.



EPISTOLA XI.

*Andreae Schotto, Societatis Jesu,
Antuerpiam.*

DATIS ad te superiore anno litteris, primum hunc oblatum mihi ad familiaritatem tuam aditum esse gratulabar : cùm eodem tempore Iulianum nostrum mitterem ; cuius nondum editas aliquot Orationes publicam in lucem extuleram. Sed siue casu aliquo interceptæ illæ litteræ sunt, siue dignæ non fuerunt, ad quas rescriberes, doleo meam in hunc vsque diem expectationem vacuam, atque inanem fuisse. Equidem malo id eorum, in quos inciderint, vel negligentia, vel maleuolentia, culpâ denique factum arbitrari, quàm secus aliquid de tua in me voluntate statuere : quem ad hominum commendationem atque famam non minùs humanitatis, ac facilitatis audio, quàm doctrinæ, atque scientiæ attulisse. Vtunque verò contigerit, nouo hoc periculo tentandum mihi esse decreui : cùm se noui itidem muneris, ac libri occasio dedisset. Quem quidem ex hoc Henticeo Gymnasio publicatû atque emissum : utroque nomine, quòd & meum est, & ab eo loco profectum, tibi fore iucundissimum duxi. Sed ne gratis hoc qualecunque à nobis acceperis : primùm scito non vnis tibi litteris com-

pensandum esse : tum si qua in re conatus his in litteris nostros adiuuare possis, vel molestum me exactorem, atque assiduum futurum. Atque ut iam nunc gustum aliquem nostræ importunitatis præbeam: velim mihi, si quid ex Ammiani Marcellini, vel Epiphaniij de hæresibus, vel Siluarum Statij M. S. in excerptis habeas, ad me vicissim transmittas. Nam de Epiphanio iamdudum, Gretseri nostri hortatu, cogitabam. Quod ego sine veterum librorum ope aggredi nullo modo possum. In aliis, quos plerunque lego, peræquè esse multa video, quæ emendatione, & castigatione opus habeant; quam præstare nemo sanus sine eorundem Archetyporum auctoritate debeat. Quamobrem si quid in ea re potes, subleuari à te, ac iuuari magnopere cupio. Quod certè potes, tuis ut me precibus, ac sacris commendatum habeas, hoc verò impensè à te, tuisque flagito. Fixæ Andeg. Id. Dec. MDCXIV.

EPISTOLA XII.

*Andrea Schotto, Societatis Iesu,
Antuerpiam.*

CV M in eo essem, uti prioribus tuis litteris responderem, quas v Kal. Ian. ad me dederas, novas ecce me absente Belga quidam mercator attulit; qui ad annum vrbis huius

f. iij

mercatum, opinor, venit. Ad vtrasque igitur compendio sic habeto. N. noster quæcepit indole ad pietatem, ac religionem quotidianos progressus facit. Ei, ut commodè sit hac in vrbe, quoad poterimus, ego & Sirmondus operam dabimus. Morellus Typographus domum illi suam, ac mensam obtulit: sed ea lege, uti filioli sui studiis præsit. Verùm honestiore illum aliquanto esse loco studemus, quod quidem ipsius merito facimus. Isidorum tuum Sirmondus accepit; de cuius editione cum eodem Morello diligenter egi, neque is abhorre-re visus est. Holsteinius quoque noster suam ad id operam Sirmondo detulit. Venit enim ad nos antedies circiter octo, cum eoque Hugo Grotius, quem ego iamdudum & mea sponte, & hortatu tuo conuenire, & alloqui cupiebam. Factum vtriusque voto ac desiderio satis illo die. Nam per diu valdeque familiariter vnà fuimus. Homo est, quantum iudicare possum, probus ac candidus; nec ab Holsteini-j exemplo, quod & speras, alienus. Nos nihil prætermitemus, quod quidem præstari à nobis possit, ut hominem Christo Domino, ac saluti conciliemus.

Scriptis ad me nuper ex Hispania Petrus Castellarnauus Societatis nostræ Sacerdos, Petri Alexandrini Martyris Opusculum de Cyclo penes se esse Græcum, idque, si vellem, ad me esse missurum, ita enim se à te meo nomine rogatum; ut si quid in operis illius, quod mo-

lior editionem posset, benignè conferret. Plurimum verò Bartholomæum Morlanezium Cæsaraugustanum apud me commendavit, ad eumque uti ne grauarer scribere, enixè petiit. Hoc igitur agamus. Opus nostrum de Doctrina Temporum sub prælum propediem exhibit. Quo minus iam inchoatum sit, chalcotyporum tarditas fecit, qui æncos typos (novis enim ad id opus est) lentè nimis excudunt. Vale.

EPISTOLA XIII.

*Andreae Schotto Societatis Iesu,
Antuerpiam.*

TAM multa mihi eodem tempore curanda sunt, ut pæne tuarum me litterarum obliuio ceperit. Sed earum tandem refricauit memoriam Antuerpiensis ille iuuenis, qui sibi datum negotium à Scholarum vestrarum Præfeto dixit, libellos ut aliquot Græcos emeret, quos mihi recognoscendos, ac probandos attulit. Qui cum mihi salutem abs te nunciasset vnà, & se propediem hinc abiturum esse dixisset, digna mihi deprecandæ cessationis illius occasio visa est, quam sine meis ad te litteris elabi non sinerem; & ut superiorem tarditatem hac saltem officij mei particulâ compensarem. Lusitanorum patrum aduentus in hanc urbem, & collegium nostrum, periucundus

nobis omnibus accidit. Mea verò priuatim illis opera necessaria non fuit. Nam in professorum ædibus habitarunt, quandiu istic morati sunt: & apud nos semel tantum prandio sunt excepti. Lucas Holsteinius sæpe ad Sirmondum venit. Is & animo, & corpore bellè se habet: & est sanè tuo studio, ac beneuolentia dignus. Penes hunc, Athanasij schedæ illæ sunt, de quibus scribis, & in earum, vt opinor, editionem intentus est. Nam Athanasij Opera Græcè ac Latine superiore iam anno pròdierunt. Vidi & Libanij Tomum alterum publicè proscriptum, quem nondum legi. Operis de Doctrina Temporum editio sic nos occupatos habet, vt alia de re ferè nulla hoc tempore cogitemus. Quo mihi vos æquiores oportet esse, si in scribendo tardiùs vestro voto respondeam. Vale.

EPISTOLA XIV.

*Andrea Schotto, Societatis Iesu,
Antuerpiam.*

EGo verò & Marianæ opuscula legi diligenter, quæ de anno Dominicæ Passionis, deque Arabum annis edidit, neque quicquam in illis admodum inueni, quod non tralatitium sit: in eo verò, quod est de Passione Dominica, etiam falsa multa, & pugnantia reperi. quod pacè tanti viri dictum velim. Tibi porro quan-

tas possum gratias ago, qui me, litterasque meas nouis in dies caritatis officiis tibi demereri studes. Vellé aliquid teponere possem tam proluxa in me beneuolentia non indignum. Quod vnum in præsentia possum, Deum precor, vti te mea vice remuneretur. Quæ ad Sirmondum mandaras, exhausti diligenter: ille iam se plenè de omnibus ad te scripsisse dixit; putaréque litteras ad vos suas peruenisse. Itaque nihil hîc ea de re significari opus est. Holsteinium, & Grotium dudum non vidi. Opus nostrum de temporum doctrina suum cursum tenet. Quattuor iam sub prælo liber est. Scripseram abhinc mensibus aliquot ad Castellarnauum, qui ad me Cæsaraugustâ litteras dederat, vnâque & ad Morlanezum: ac Græcum Andreæ Cretenfis Computum, quod erat ille pollicitus, hortabat vt mitteret. Nihil ad hanc diem respondi illi nichabui. S. Maximi Græcum Computum penes me habeo, quod Romæ exscribendum curauit. Sed tam multæ, tam amplæ in eo Tabulæ, circulique sunt, vt vix typis exprimi posse vniuersa confidam. Vale.

EPISTOLA XV.

*Andreæ Schotto Societatis Iesu,
Antuerpiam.*

TRIDVVM vix intercesserat postquam ego ad te scripseram, cum domi nostræ Lu-

cam nostrum Holsteinium offendi: quem & meo & tuo nomine complexus, quas ad me nouissimè dederas ostendi, & uti cùm reipsa tum litteris ad te suis satisfaceret, & has ipsas ad me mitteret hortatus sum. Cùm in se vtrumque recepisset, neutrum hactenus quod sciam, præstitit. Nunc Romam, ut audio profecturus est cum Cardinali Spadano olim hac in vrbe Rom. Pont. Apocrisiario, cuius in familiam, comitatúmque ab Antissiodorensis episcopi conuictu, contuberniòque transiit. Quod illi bene vertat. Nam iuueni & erudito, & humanissimò fauemus. Spes est illum in aliquam curationis Vaticanæ Bibliothecæ partem venire posse. Id si euenerit, non minùs tibi quàm nobis iucundum erit, ac commodum. Operis nostri de Doctrina temporum editionem tandem superiori mense ad exitum perduximus. Huius exemplar vnum mitto, quod tibi & Heriberto Rosuueydo commune esse cupio.

M. DC. XXVIII

EPISTOLA XVI.

*Heriberto Rosuueydo Societatis Iesu,
Antuerpiam.*

THOMAM Kempisium popularem vestrum; ac solidæ pietatis magistrum & accepi libens, & quod illustrissimo viro Ma-

rillaco offerendum illius exemplum dedisti, curavi ut ad eum in comitatum perferretur: quod tum Sebastianus Cramosius Typographus noster aut ipse proficisci, aut certum hominem allegare statuerat.

Quod si in Vrbe ille tunc fuisset: tamen si pro amplissima quam sustinet dignitate, multis grauiissimisque negotiis occupatus est, ad eum nihilominus adissem, coramque munus illud commendassem. Id si erit postea commodum, fortasse faciam. Vendelinianum Opusculum, cuius specimen ad me misisti, non tam doctrinæ temporum refert, quàm astronomicæ illius meræ, quæ minima quæque momenta subtiliter accuratèque persequitur. Nam cuiusque modi sit Solis ab Æquatore λόξωσις ac declinatio; tanta esse non potest, ut *ἀνίστητον* discrimen faciat: quod ego ipse in condendis Tabulis sum expertus. Nouas enim Operi nostro de Doctrina temporum intexui, quas Parisinas inscripsi. in quibus certa à nobis Solarium motuum, & epilogismorum inita ratio est longè simplicissima, & quod caput est, omnium quæ prodierunt hæctenus, exactissima. Quorum omnium fidem innumeris exemplis munimus. Nam inter alia, Solis ac Lunæ defectiones propemodum omnes, quæ quidem ab antiquis, & idoneis auctoribus memoriæ proditæ sunt, ex abaco nostro scrupulosè delineauimus: in quo diligētia cum difficultate certat. ut præ hoc vno, Scaligeri conatus omnis, pæne ludus fuerit. Nunc Chronologia, quam & typographi, & a-

micorum preces expreſſerunt vt in calcem operis cōferrem, moram affert editioni noſtræ. Arnobij MS. codex, id quod de Rigaltio perſæpe cognoui, ab Vrbe transferti non poteſt. Verùm ille variantes ſe lectiones, & quicquid ſcitu dignum erit, adnotaturum recipit. Quam in rem operam & ipſe meam tibi polliceor : ſi quibus de locis conſulendum priùs ad me perſcribas. Sirmondo, & Machaldo ſalutem abs te dixi, qui viciffim ambo reſalûtant : hic etiam litteras dedit. Vale.

EPISTOLA XVII.

*Heriberto Roſuueydo Societatis Jeſu,
Antuerpiam.*

VELLEM quod à me tam aſſiduè tamque ſtudioſè flagitas, ratione aliqua perficere poſſem, vt Arnobij codicem ipſum è regia Bibliotheca mitterem. Sed neque per eius curatores id licet : neque conſilij, præſertim hoc tempore videtur, tantillis de rebus principibus viris obſtrepere, ne aut iſti minùs ſe quàm velint, poſſe in hac re conſcienda ſentiant : cōque ſubirati eſſe nobis incipiant : aut illi vel tentatum à nobis iſtud inuitis ſe ac repugnantibus ægrè ferant, & alieniore deinde ſint à nobis animo : nos ab vtriſque nihil præter offenſionem, & inuidiam colliga-

mus. De Vendelini opusculo habeo gratiam. Al-
latus est ad me sub idem tempus Errici Puteani
Louaniensis professoris libellus de Olympiadi-
bus. Quis cum miserit ignoro: in eo verò no-
ua iis de ludis coniectura disputatur; sed
inanis & ludicra; cui refutandæ paginas ali-
quot, Operis in fine, seposuimus. Hoc verò iam
ad exitum propè peruenit. reliquum est enim
præter Indicem nihil, cui ad summum octo dies
imputamus. Ita biennium solidum totidem ex-
cudendis tomis impensum erit; ac longissimi &
molestissimi laboris fructus existet. Sirmon-
dus tibi salutem dicit, & grande satis volumen,
sed idiomate scriptum nostro, Bibliothecæ ve-
stræ destinat, è duobus alterum quæ partim à
Typographo, partim ab auctore nobis oblata
sunt. Argumentum operis est de familia Ver-
gicensi, quæ in Sequanis hodie principem lo-
cum tenet. Id si erit opportunum, negotiato-
ri illi dabimus: cui ad hæc litteras accipiendas
in perendinum condixi. Sin nullus inter illius
sarcinas locus est, Sebastiano Cramosio com-
mendabitur. Vale.

EPISTOLA XVIII.

*Heriberto Rosuueydo Societatis Iesu.
Antuerpiam.*

CVM ad te & Andream Schottum litteras
paulo antè dedissem: nouas ecce mihi abs

te popularis quidam vester attulit, cum Kempiſij libello, quem recentibus, & elegantibus typis nuper edidiſti: cuiuſmodi & alios hîc compingendos, ad vósque mittendos Typographus noſter accepit. Ego verò cùm de tuo conſtanti erga me ſtudio, ac voluntate, plurimum gaudeo; tum de munuſculo iſto gratiam non habeo modò: verùm etiam refero. Mitto enim operis de Doctrina temporum noſtri Tomos duos, quos tandem ſuperiori menſe feliciter abſoluimus, & Illuſtriſſimo Cardinali Ricolocio dicauiſus. Cui cùm illos offerremus, peramanter ac benignè nos habuit; ſibiſque id eſſe gratiſſimum officiij genus oſtendit. Quod ſit operis illius inſtitutum; quòdve doctrinæ genus, ac ſcientiæ polliceatur; cùm ipſum per ſe loquetur, tum in Prolegomenis vtriuſque partis, ſed prioris maxime declarauimus. quorum acrem diligentemque comprehensionem lectioni librorum noſtrorum anteuerti cupimus. Scaligerianum de E-mendatione Temp. opus Geneuæ Allobrogum tertid iam recudi certiſſimè cognoui. quod mihi optatiſſimum accidit. Nam eo vendibiliores erunt noſtri, quo huius, quem contra ſcribimus, parabiliores erunt libri; qui hoc tempore inuentu rariſſimi ſunt. Tametiſi vt eorum interim deſiderium tolerabilius eſſet, opere in noſtro perfecimus, in quo ſinguliſ pæne capitibus Scaligerianæ doctrinæ ſummam breuiùs, & quàm ab ipſo factum eſt planiùs, ac dilucidiùs explicamus. Scripſimus & aduerſus Chronologi-

gicas quorundam Dissertationes, sed eorum ferè tacitis nominibus, idque vel sparsim toto in Opere, vel separatim in calce libri XII, à pag. 486. & in Paralipom. pag. 850, vbi capitibus aliquot falsam absurdamque popularis cuiusdam vestri coniecturam refellimus. de quo superioribus litteris ad te scripseram. Id quam ille in partem accepturus sit nescio: existimationis quidem ipsius, vt & Catholicorum ceterorum, contra quos necessariò disputamus, sic à nobis habita ratio est, vt veritatis ac fidei aliquanto plus haberetur. De hoc, vt de reliquis quæ eodem pertinebunt, certiores nos facies. M. Antonij Cappelli Dissertationem de anno natali, & Passionis Christi, ante biennium hinc ad vos misimus. Huius in doctrinam capitibus aliquot inquisuimus. Hæc eo scilicet designaui, ad eaque digitem intendo, vt te ad eorum lectionem impellerem. Vale.

EPISTOLA XIX.

*Heriberto Rosuueydo. Societatis Iesu,
Antuerpiam.*

OLIM ad vos libros illos peruenisse puto, quos tibi curauerat: tum ex Sirmondi litteris. certio rem te his de rebus esse factum, de quibus ad me postremis tuis scripseras. quas cum

Sirmondo legendas dedissem, is se cumulatè omnibus perfunctum esse proximè datis ad vos litteris dixit. Quare nihil hîc attinet eadem iteratò perscribere. Ad illos porro quinque libellos, quos nouissimè postulasti, sextum addi volui, qui est M. Antonij Cappelli-Franciscani de cœna Christi suprema, contra Vecchiettum Italum quendam, qui se Ægyptium ab Ægyptiaca legatione, sic quasi Africanum, aut Asiaticum appellauit. Is Augustæ Vindelicorum habitat: ibique vegrandem Chronologiam edidit: vbi multa nouè, absurdèque docuit; quæ Romani Censoris animaduersione notata sunt, & à Cappello confutata, breui libello, quem ad te mittendum curaui. Ego verò & immane illud opus Vecchietti, & hunc alterum Cappelli non legi modò, sed etiam diligenter excussi: & quod meum de vtroque, sed de isto potissimum, iudicium esset, tibi aliàs exponam, tum cùm scilicet alterutrum legeris.

Opus de Doctrina temporum in dies proœdit. Vix est tamen vt infra vertentem ab hinc annum possit absolui. Hæc me cura modò reuocat, & vltrà producere hanc epistolam vetat. Vale.



EPISTOLA XX.

*Heriberto Rosnueydo Societatis Iesu,
Antuerpiam.*

BINAS à te litteras accepi: priores, v Cal. Iunias; posteriores, vi Eid. Iul. datas. quanquam istæ non tam epistolæ, quàm memorialis libelli speciem habebant. Eas mihi veredarius Antuerpiensis vir honestus, ac probus obtulit; vnâque florenos centum numeravit, quos tibi ad librorum emptionem seponi, asseruarique iussit. Dabo equidem operam, ut in hac re neque fides nostra, neque diligentia requiratur. Sed duo mihi significari clariùs velim: alterum, ecquid veredario, siue cursus publici magistro commendandi libri illi sint, quos deinceps curabimus; vereor enim ne maioris id impendij futurum sit: an parabilior, & damnosa minùs opportunitas identidem quærenda. Alterum, de genere librorum. Nimis enim est infinitum, quod mihi præscripsisti, uti in eos libros insumerem, qui studiorum tuorum intersint. Ac de M. Antonij Capelli Opusculo statim Cramosium nostrum admonui. Spero me illud veredario vestro datum: sin minùs, certè propediem mittetur. De altero, qui est de Viis militaribus Romanorum, ex eodem nostro Typographo quæ-

ram; cui in hodiernum condixi. Notitiam episcopatum Galliarum à Roberto editam puto iam te habere. Salmasij in Solinum, siue potius in Plinium, immanis & odiosus commentarius in dies expectatur. Simul atque prodierit, rectè ad vos illicd. Iulianum Augustum prælo subiecimus. Iam plagulæ duæ vel tres expressæ sunt. Menses aliquot hic nobis labor extundet. Libri nostri de Doctrina temporum passim hîc leguntur. Et apparet quosdam valde esse commotos: quorum pæne quotidianas in nos cõitiones feruere didicimus. Tum ab Germania, vel vicinis vestris, hoc est è nidulo quondam ἀπαγωγῆς nostri, nescio quid minarunt. Contra hæc animum obfirmabimus.

De Vendelino, si is tibi familiaris est, quædam περὶ de Solis, Lunæque diametris sciscitari peruelim. sed non est satis otij modò. Symondus noster tibi, vt & Andreæ Schotto salutem dicit: quam & ipsi in eo quoque nomine impertias velim, mæque in sacrificiis & precibus commendatum habeas. Lutetiæ Parisiorum xiii Cal. Aug. MDCXXVII.

EPISTOLA XXI.

*Heriberto Rosuueydo Societatis Iesu,
Antuerpiam.*

COMMODOVM asceticam hebdomadem cinibam, cùm ad nos postremæ tuæ litteræ

peruenerunt. Itaque seriùs datæ mihi sunt; neque tabellarium vidi. Quod autem Cappelli Diatribam nondum miserim, fecit magnitudo pretij. Libellus est trium & viginti foliorum à Claudio Morello τῷ μακροεῖτη editus. Huius vidua tam cari illum æstimat, non minoris vt florenis tribus emere liceat. Quæ res & mihi, & Cramosio nostro meritò stomachum mouet: mihi verò præsertim; qui, quanti liber ille sit, meliùs intelligo. Est enim imperitiæ, inscitiaeque plenissimus. Quare tanti non est, vt in eum sumptus iste faciendus sit. Sed si tu nihilominus vel iniqua illa conditione curari tibi velis; dabo operam vt propediem accipias. ac fortasse ne mandatum quidem tuum expectabo: sed Cramosio negotium hoc ipso die committam. De Cappello pleniùs habes in vtroque Tomo de Doctrina Temporum. Penes Sirmondum nostrum Theodoreti scripta sunt; à μακροεῖτη Frontone nostro prælo destinata; vt & Cyrilli; & Nicephori historia. quæ suo tempore in lucem exhibunt. De Ioanne Eleemosynario quæ scripsi, vera puto. Nam à nobis est annorum ratio, quam ad Nicephori Breuiarium ante annos xiv, & in Tomo 2 de Doct. Temp. disputamus. Quæ tu ad Vitas Patrum super hac quæstione scripsisti, nondum legi: neque verò orium adhuc est. Nam ad iter accingor, quod in mensem vnum Rothomagum, & in alia quædam oppida vestro citeriora suscepi. Vbi domum rediero; tum & hoc tibi, & cetera mandata curabimus. Vale.

EPISTOLA XXII.

*Heriberto Rosuueydo Societatis Iesu ,
Antuerpiam.*

LONGINQA demum ex profectione salui & incolumes domum reuertimus. Hoc eo scire tuâ interfuit, vt si quid curatum istic de more velles, ad nos scriberes. De Cappelli Diatriba olim quid velis expecto. Nam iniquum illius pretium à Typographo exigi vel Cramosius noster existimabat. cui tamen vt quoquo ære partum ad te mitteret, discedens mandaueram. Sed ab eo neglectam rem video. quâ integrâ, rursus quid tibi placeat inquiri. Absoluta nuper est Eusebianæ *ἡτοιμασμένης*, & ἀπεδείχτης, editio Græcolatina. Huius interpretes est antiquus, ac seorsim iam editus. *ἡτοιμασθέντων* verò Franciscus Vigerus Rhetoricam hoc in Gymnasio iamdudum professus, de non optima Græca Latinam fecit elegantem. Vtrumque, si permiseris, opus pecuniâ illâ, quam penes me habeo, comparabitur; solutum autem, an compactum malis, id etiam præscribes. Litteras à Cathio nostro, Ruremundensi Rectore, absente me huc perlatas reperi. Scribo igitur ad illum; & vt nostras Ruremundam curare velis, id abs te postulo. Salutatus à Sirmondo, vicissim vt Schottum, Ven-

delinum, & Gueuartium meo nomine compelles etiam atque etiam rogo. Lutetiae Parisiorum prid. Eid. Oct. MDCXXVII.

EPISTOLA XXIII.

*Heriberto Rosuueydo Societatis Jesu,
Antuerpiam.*

QUOD prioribus tuis litteris respondi nihil reddiderim, non vel officij negligentia, vel obliuione meâ factum: sed negotiatoris illius, qui litteras ad nos tuas pertulit, singulari quadam incogitantia dicam, an incuria. qui cum me absente domum illas attulisset, neque visus est vsquam, & insciis omnibus nobis insalutatisque discessit. Huic igitur vni, non mihi, non Typographis nostris succensere debes. Nam nisi iste nos vana spe ludificasset, olim libros illos, quos mitti tibi postulaueras, peruehendo curassem. Iam enim paratos illos habemus, quos quidem nancisci hac in vrbe potuimus. Sunt autem hi Bibliotheca PP. Græcorum Tomi duo, quos tuo nomine à Typographis expressimus. tum alter * * *

Ceteri porro, quos & prioribus in litteris, & in memoriali schedio, quod Antuerpiensis iste iuuenis nobis ostendit, notaras, reperiri non possunt. Quanquam nihil à me diligentia prætermisum est. Sed & aliquantulo etiam

postea diligentius inquirentur. De iuvene isto, quem dixi, vellem tibi gratificari possem. Sed difficile est hac in vrbe, peregrinum præsertim & ignarum linguæ hominem ad puerulorum institutionem obtrudere. Nihil tamen, quod in me situm erit, omittetur. Vale.

EPISTOLA XXIV.

*Heriberto Rosuueydo Societatis Jesu,
Antuerpiam.*

INDICVLVM librorum aliquot, quem ad me miseras, Claudio Sonnio, vti mandatum erat, quamprimùm dedi. Cuius rei dum exitum expecto, longior mihi paulo dies abiit. Etsi ne scribi quidem ad te ea de re necesse fuit à nobis: cùm id Typographus noster Sebastianus Cramosius olīm, & quidem non semel significasse se dicat, libros illos hīc reperiri minime posse. Quare velim aliò, quod reliquum est de ratiuncula tua, transferas. Sunt autem triceni circiter floreni residui de centum. Prodiit hīc nuperrimè liber de Officiis Palatinæ domus à Iacobo Gutherio editus: quem puto iam ad vos peruenisse.

De Vitris PP. quas tandem accepimus, habeo gratiam. Spero me propediem Iulianum, & aliud nescio quid missurum, quod in Hispanum quendam IC. meditamur, qui nonnulla

de anno Græco, peculiari Diatribâ vexat, quam barbaries illi & inscitia dictasse videntur. Sed cuiusquemodi est, non sine responsione præterire debet: quod & PP. nostri Madritenses mihi persuadent. Ad extremum nostri te in sacrificiis precibûsque memorem valere plurimum cupio.

EPISTOLA XXV.

*Heriberto Rosuueydo Societatis Iesu,
Antuerpiam.*

ACCIPICENTENOS illos florenos à veredorum magistro; quos cùm prioris summæ reliquo, vti mandaueris, expendam. Nonnihil enim de vetere ratiunculâ superest. Biduum iam hîc Cramosium expecto; quem ad me cum breuiario nominum adesse rogaueram, vti ea dispungerem. Simul admonui, libros vt omnes ex indiculo tuo curaret: quod propediem fore confido. Scripsit ad me honestus ille vir popularis vester, adolescentulique illius pater, quem nuper ad me misistis, sed Flandricè scripsit; cuius ego linguæ, iuxtà atque ille Gallicæ, sum ignarus. Credo nec ipsum Latinè scire: alioqui hac ad me potiùs lingua scriberet. Quo minùs ad eum scribere necesse habeo.

Ceterum quid de eius filio statutum à nobis esset, postremis meis tibi significavi, non sine

leui facti vestri castigatione , quòd vernaculi nostri sermonis rudem omninò, contra interdictum nostrum, hunc miseritis. Itaque tantisper in calligraphi cuiusdam viri optimi conubernium sepositus est, vt Gallicè condiscat. Annua pensio est florenorum ducentorum quadraginta. Dabis operam vt pecunia suppetat. Nam ego fidem pro illo meam oppigneraui. Statim atque commodum erit, ad mercatorem perducetur. De Seleniaco exercitatore ἐὺδύμῳ. Non enim perpetuò melius illi fuerit ἐμὲ ἢ ὧντος, ἢ ἐμὲ ἢ τοῦ δεξιόχρου : immo Christo Domino, cuius ille seruos proteruè pulsar. Vale. Lutetiæ Parisiorum Iulij XVIII. MDCXXIX.

EPISTOLA XXVI.

*Heriberto Rosuueydo Societatis Iesu,
Antuerpiam.*

MVLTVM ad immutandam indolem valent Mediomatrici vestri. Magnetium ego antehac noueram miti hominem ingenio, ac placido, pacisq̃ue magis quàm belli artibus deditum. At is simulatque pedem illuc posuit, Martium nescio quid perstrepere cœpit, ac velut classico nos ad arma pugnâmq̃ue prouocat. Maeste noua virtute. Hac ego verò me ad hanc militiam, vt satis animatum, & impigrum esse puto: ita dandis præceptis,

aut instruendis vobis minimè idoneum iudico. Ac si quantum & me iudicio tuo, ac laudibus extulisti, & te, doctrinamque tuam præter ius fasque summisisti, tantum in utroque vice versa contentionis explicem; faciam id quidem haud paulo, quam tu iustius. Sed vereor ne ambitiosè magis eniri, quam officio certare videar. Itaque genus hoc certaminis omittam, tibi que de tam ardentis, ac diuinitus incitato in Reip. ac religionis hostes animo gratulabor, cuius explicandi opportunitas ibi ubi es deesse non potest, ac Deum opt. max. precor, ut tanto tuo desiderio, piisque conatibus parem fructum ac prouentum indulgeat. De Temporum Doctrina, quam meis commentariis nuper illustravi haud scio quam gaudere me; vos amicos meos gratificari mihi oporteat. Nam metuo ne magnum mihi malum dederint. quod & vobis adeo ipsis molestum fore non dubito.

Ac vellem equidem minore, quam est, approbatione multorum Opus illud esset exceptum. Nunc me vrit ille splendor, & pernitere litterarum istarum propemodum facit. Mira res, inquires: fateor, & cuiusmodi sit breuiter expono. Peruenisse ad vos famam arbitror Madritensis Academiæ, quam Catholicus rex in urbe regia nuper instituit, & Societati nostræ commisit. In hac doctrinarum omnium professores collocare statuit, meque ipsum à R. P. N. Generali nominatim expetiit; tanto, ut ipse ad me scribit, ardore, ac studio; ut ad Christianissimum regem ea de re, si ne-

cesse sit, litteras se daturum dixerit. Quam illius voluntatem ita mihi R. P. Generalis exposuit, ut nisi insuperabilis quædam difficultas esset, eò me proficisci æquum esse censuerit, ac propemodum imperarit. Sed antè tamen, causæ si quid esset, quo minùs id possem, ut ad se scriberem iussit. Quod cum nuperrimè fecerim, suspensus adhuc rei totius expectatione sum, eròque tamdiu; dum ex meis litteris de me pronunciarit. Hoc & nostris plerisque, & tibi præ ceteris doliturum esse, pro vetere amicitia nostra, facilè sentio. At ego ita sum animo paratus, ut, postquam causas meas omnes ac rationes exposui, quicquid imperatum erit, fortiter perferam, & in illius potestate sum. Sed hæc eo retuli, ut intelligeres non esse, quòd mea mihi Temporum doctrina valdè placeret: quam ego infectam, ineditamque malletm. Verùm

Τούτου μένου γὰρ καὶ θεῶς στείονταί
 Ἀγγέλῳ πείν' ἕως αὖτ' ἡ γέφυρά.

Tu hac in re, quia me consilio non potes, precibus certè ac sacrificiis sedulè adiuvā. Edideram ante menses fermè tres, Latinos, Græcòsque versus de Rupellana expugnatione: qui cū aliis nostrorum Latinis, Gallicisq̃ue publicati sunt. Horum quod vnum habebam reliquum, tibi destinaram. Sed R. P. N. Rector interuenit, ac nescio cui priùs obtulit. Tametsi peruenisse iam ad vos librum illum arbitror. è quo præter Oden dedicatorem, priores duo Panegyrici, Græci autem versus omnes mei sunt. Hæc meæ

significatio instar eius erit, quod facere decreueram, vti separatim ad te versuum meorum libellum mitterem. Nam in eo, quem profectò vos habetis, quæ mea præcipua sint agnoscas. Vale mi Pater, ac pro me communem Dominum precare. Vale.

EPISTOLA XXVII.

*Francisco Vauassori Societatis Iesu,
Alenconi.*

ITA multis eodem tempore variorum hominum litteris, ac negotiis obsessus eram, penèque obrutus; vt si hîc adesses, coràmque cerneret; iustam tibi de mea tarditate conquerendi causam non fuisse, vel tu ipse faterère. Tametsi quorsum expositulatio tua spectet, non satis video. Nam, cum ad me recensendum illud Dramatis initium misisti, id vt meo commodo, ac quàm solutissimo animo facerem, spontè es hortatus. Quare nihil esse putaueram, cur tantoperè festinarem. Nunc posterioribus tuis excitatus, intermissis omnibus, ad illa tua tractanda, & vt rogabas, castiganda me totum contuli. Quàm id porrò diligenter, accuratèque præstiterim, ex notis illis intelliges, quas ad oram adscripsi. nec de iis plura.

Quod ea spectat de quibus sciscitaris; sic habetò. Iecinoris caput in extis summa est hepatis

fibra, quæ interdum coctura tabida, & cuanida, in religionem, oménque trahebatur. Contrà verò cùm extaret, & insigniter appareret, prosperum rei promittebat exitum.

De sortibus longum est omnia persequi. Hæc percontationi tuæ pauca sufficient. Sortes tales, siue tesseræ, erant lignæ, notis aut litteris inscriptæ, quibus ambigua futuris de rebus responsa continebantur. de quibus Ciceronem omnino consule, libro de Diuinat. secundo. Huius ex verbis facilè, quid sit tolli sortes, æquarique, pòtes cognoscere. Scribit enim, cùm perfracto saxo sortes erupissent, haruspicum iussu ex olea arcam esse factam, eaque conditas sortes. Quæ quidem detractæ manu, ait ille, miscentur atque ducuntur. Hic ego miscere sortes idem arbitror esse quod æquare. Vti cùm tesseræ in fritillo, vel pyrgo, aut manu concutuntur, ac miscentur, quò incertior iactus sit, adeoque ludentium æqua fors, & par alea: nec improbi & exercitati veteratores, quos velint bolos iaciant. Denique sortes vniuersè pro oraculis accipiuntur: credo, quòd antiquissima responsorum illa ratio fuerit. Habes ad ea quæ in percontatione tua posuisti. De haruspicinâ porrò & sortibus extant quorundam commentarij, præsertim Bulengeri, quos si adhibueris, nihil erit quod longinqua responsa sollicites. Vale, & pro me communem Dominum precare. VII Cal. Ian. MDCXXVII.

EPISTOLA XXVIII.

*Francisco Vanassori Societatis Jesu,
Alenconi.*

MIRVM te coniectorem Arubij tui, fecerunt (sic enim Alenconios à Ptolemæo nominari quibusdam placet, & eorum oppidum Vagoritum) qui & me, vt illa quondam *ἑσπέρην* agnoueris, & otiosorem esse, quàm dudum ex eo sis interpretatus, quod ad quædam minuta descenderim. Sed si me videas, & quibus vndique litteris circumfessus tenear, vt alia modò operosiora taceam, nã tu de otio aliter censeas. Nunquam me scito, quàm hoc tempore sum, occupatiorem fuisse. Magnam enim litterarum annonam, & quantam hætenus non videram, hic mihi annus attulit. Scribo hæc sub matutini temporis exitum: quod totum in isto genere consumpsi: ac cùm in pomeridianum plurimum supersit, cùm hoc accesserit, quartâ vix pensi mei parte perfundus ero. Neque tamen propterea minùs tibi libenter in scribendo gratificabimur, si id cordi tantopere tibi est: & legendis quæ ad me miseris, operam dabimus, quod me tibi vadimonium, antequam hinc abires, promittere coëgisti. Sed, heus tu! quosnam mihi, quæso, versus nominas? Nam nullos me scio præter eos vidisse,

quos recenſeri à me volueras; ego verò ita vt iuſ-
feras, notatos caſtigatòſque miſi. Præter hos
nihil admodum hûc venit. Aut igitur in via de
tabellarij mâtica dilapſi ſunt; aut tu nescio quid
in bicipiti Parnaffo de verſibus ſomniaſti. quod
à me præſtari modò vigilans iubes. Gratulor
vel tibi, vel Alenconiis tuis, prorogata tibi
docendi illîc functionem eſſe. Hominem te
quantiuis oportet eſſe, cuius induſtria carère
ciuitas illa nequeat. Itaque tantum abeſt, id vt
moleſtè ferre debeas, vt etiam admonendus ſis,
ne te plus ea re deinceps ames, nòſque contem-
nas. Nam quod librorum paucitatem accuſas,
eſt id quidem non ægrè ferre difficile. Sed, vt
in malis, hoc habet commodi, vt ſedulitatem
& gnauitatem acuat, quam librorum plerum-
que copia, & varietas obtundit. Vt ſtomachus,
cùm vniuſmodi cibo paſcitur, in eo totus oc-
cupatur, ac faciliùs concoquit: ſic animus,
quem varia, & multiplex lectio diſſipat, in vno
genere collectus, totum explicat ſeſe, & ad id
quod ſemel arripuit, firmiùs adhæreſcit. Ac
nos per diu in iſdem librariis anguſtiis fuimus,
nec antequam Lutetiam veniremus, ex iis emer-
ſimus. Quò te maiore eſſe animo decet, & in
eorum, quos habes, lectione ingenium exer-
cere tuum: antiquorum verò maximè; quos,
qui initio magna in librorum copia ſunt, ferè
faſtidire ſolent, dum & varia, & vt plurimùm
noua perſequuntur. quod cåpitale ſtudenti
genus caue vnquam imitèris. Nulla certior eſt
litterarum pernicies, quàm cùm tale tiroci-
nium

nium instituitur. Meam tibi operam, si qua re necessariam putas, itidem ut antea, nunc quoque polliceri pergo. Sed ita ut ne assiduus sis, ac severus exactor: nec statim atque scripseris, sic quasi creditam pecuniam repræsentari iubeas. Vale, ac pro me communem Dominum precare. Lutetiæ Parisiorum 111 Eid. August. 1628.

EPISTOLA XXIX.

*Francisco Vauassori Societatis Iesu,
Alenconium.*

QUOD de mea vel admiratione, vel etiam stomacho coniicere te scribis, neutrum scito te assecutum: nec minùs infelicem *μαίτην* fuisse, quàm in triumpho regio nuper; cùm tu tibi, meum quid istic esset, indicari voluisti. Atqui non illepidè ἐκ τῆς βοσφύχων, ut illa fratrem, hoc est, nescio quibus ex calamistris præfationis auctorem à te deprehensum aiebas. Id verè, an secus, nihil dico. Tamen intererat existimationis tuæ, ne hac in re quidem Criticum rudem videri. Sed ut eò reuertar; neque mirari me factum tuum oportuit, quem aliter facturum non esse scirem: neque succensere tibi, qui id vereretur potius, ne te alieniorem à me mea illa cunctatio redderet. Sed percommodè cecidit, ut qui *ἰλασθεῖα* quædam ad expiandam hanc no-

xam comparare mihi studebam, tibi vltro placandus, & conciliandus viderer. Id adeo humanitas tua facit: quam non minùs, quàm ingenium amplector tuum, quod se quotidie nouis indiciis effert. Vel oratio illa tua, quantam ~~negam~~ iis in studiis habet. De qua quod sit meum iudicium, accuratiùs, ac per partes, vti rogaras, explicare nihil attinet. Hoc vnum habebis vniuersè: magnam rem facturum esse te, si de ὕψος, & grandiloquentia, quæ sparsim eminet, nonnihil remittas, réque ad Ciceronianum nitorem, & inimitabilem illam simplicitatem accommodare studeas. Vale. Lutetia Parisiorum 1v Cal. April. 1629.

EPISTOLA XXX.

*Francisco Vanassori Societatis Iesu,
Auaricum Biturigum.*

NON pessimi debitoris est, cunctari in soluendo, dum se alieno ære, quantonis intervallo, liberare studeat: etsi is commodior est, qui ad fidem, temporis etiam addit opportunitatem. Ego verò priori me ex genere esse fateor: idque, quia bene tibi sum hac ex parte cognitus, non apud te excusabo pluribus, neque propter eam irasci te mihi arbitrabor, aut officij pœnitere te tui, tanquam indigno, ingratoque feneraueris. Et verò fuit aliquid in epistola tua, quod

mihi hanc qualemcumque culpam, & tarditatem iniecit; quòd eo nitore, & sermonis elegantia scripta est, vt huic è vestigio respondere difficile mihi visum sit, ac vel vadimonium deferendum, vel spatij ad rescribendum, & otij sumendum aliquid fuerit. Sed minimè committam, vt hoc ipsum agam, quo nihil mihi opus esse dixi, factum vt excusem meum. Illud potiùs attingam, quod erat in tuis litteris, quòdque mihi magnæ voluptati fuit; te in Biturigibus hoc assecutum, quod iam dudum optabas, animi æquitatem, & quietem. Ostendis enim te maiore, quàm aliàs vnquam, in tranquillitate, ibi, vbi es, ac pace viuere. Id adeo Dei benignitate factum interpretor, qui tibi compensationem hanc pristini laboris & operæ concessit: vt detergis molestiis, curisque omnibus, totum te honestis officiis, ac vel publicis, vel priuatis studiis addiceres. Cum hoc tam iocundo, tamque optabili statu, non est quod tu, non dico superiorem illum (quid est enim eo laboriosius?) sed vel maximè florentem, & omnibus refertum prosperis eiusdem generis commutare cupias, aut secùs ac tum sperabas, cecidisse res tuas doleas. Ita enim significare visa est epistola tua, & obductam iam cicatricem, præteritorum memoriâ refricare. Quod vt desinas facere, & omnem illius temporis recordationem obteras, non hortor solùm, sed etiam obsecro. Non te pluribus admonebo, hominem non doctrinis tantùm, sed & su quoque similium rerum eruditum; quo ex vtroque genere petere me-

dicamenta potes morborum istorum animi, & cum tute ipse tibi, tum aliis opem, ac præsidium afferre. Me, quoniam id nosse tuâ interesse putasti, scito commoda satis uti valetudines nisi commotiunculis interdum afficerer, quas in morbi reliquiis numero: ut & illud ipsum, de quo nominatim percontatus es, quod ædipus esse perseuero. Scis unde hoc nomen adeptus iste sit. Meliùs tamen, quàm dudum, ac longiùs adeoque in villam vsque ambulo. Ceterum Romanæ profectiois mentio iam refrixit; immo est extincta penitus, nihil certè noui hæcenus audio. Ea spe confirmatus totum me ad pristina studia & instituta retuli; ex quibus aliquid, ut spero, propediem existet: quod ut maturius, & pro eo, atque tua, ceterorumque spes est, fructu, & emolumento maiore accadat, tuis me precibus, ac sacrificiis etiam atque etiam commendo; nec non Patrum, fratrumque, qui illi sunt, quibus à me salutem dicas velim. Vale, & pro me communem Dominum deprecare. Lutetiæ Parisiorum; Eid. Dec. ciorocxxxix.

Iam istas R. P. Rectori obsignandas dederam, cum postridie, alteræ mihi à te redditæ sunt vnà cum meis, ut si quid ad recentiores tuas noui esset quod scriberem, id possem addere. Mihi verò nihil admodum occurrat, quod ad superiores adiiciam, nisi illud de poemate nostro, quod nudiustertius pronuntiatum est in frequentissimo cœtu, ab Philosophiæ quodam auditore, iuvene docto; qui tam aptè, ac

decenter, tantâque cum dignitate dixit, nihil
vt ne tu quidem desiderare ipse posses, quem
in talibus morosi ac delicati fastidij esse vidi.
Itaque non malis fortasse versibus multum
gratiæ, ac commendationis attulit. Sed hæc
omnia, vti & cetera quæ sub sole fiunt, ad Ec-
clesiasticis *κνείαν δόξαν* exigenda sunt. Cuius li-
bri duo iam capita priora, aliud agens, vti mor-
ris esse mei scis, & vt in Psalmis factitavi,
Græcis versibus reddidi. Horum tibi capi-
tum primum descripsi: tum vt contemnen-
dis rebus infimis omnibus assuescas; tum vt
gustum Græcitatæ, quem tibi asperferam,
non penitus obtundas. Atque hoc habebis
mantissæ, vel fenoris loco, ne de vnīs meis
ad tuas binas conqueri possis. Volo autem,
si quem illūc habes *μουσικάτακτον*, & Græca-
rum elegantiarum non omnino rudem, cum
eo specimen istud communices: etiā - ne
illi, qui meum nomen in libris suis traduxit?
Etiam; si ita opus esse iudicabis, & operæ-
pretium in eo esse videbitur. Vale iterum, &
à N. salutatus, & hunc etiam postremum,
præter suprâ memoratos alios, saluere à me
iubeto.



EPISTOLA XXXI.

*Francisco Vauassori Societatis Iesu ,
Auaricum Biturigum.*

QUAM non vacuo sim ab negotiis animo, ex eo potes existimare, quòd semel iterumque laceslitus, nihil tibi responderim. Ita sese res habet, mi Pater, vt nec vnquam maiore ad quenquam voluntate scripserim, quàm ad te cupiebam: neque ad id agendum, vel recodationis, vel idonei spatij satis habuerim. Non enim clam te esse arbitror, ex quo hinc Auaricum auolasti, quàm variis, quàmque negotiosis rebus occupatum id mihi tempus omne præterierit. quod ne nunc quidem liberius, ac solutius est, quàm antea. Sed fremitum tuum vltra sustinere non poteram: præsertim iis lectis versibus, qui torporis in me siquid esset, excutere possent, & afflatu illo calefacere, quo sunt à te scripti. Et habent ad nos excitandos argumentum non inutile, quòd aquæ, frigidi scilicet elementi, minimè que actiuosi, conuersionem in vinum exhibent, rem vtique vegetam, & ad languorem discutiendum aptissimam. Hinc ideo cepi initium respondendi tibi, quòd ea me res in postremis tuis singulariter delectauit. Sed heus tu! nōne carminum, ac ludicrorum satis est? Quousque verò? At

contineo me. Video enim te hoc idem ob-
iicere posse mihi: quem tu scire debes hoc an-
no Græca, Latinâque carmina bene multa fecis-
se. Græcè primùm Ecclesiastæ metaphrasim
integram, imparibus, vt institueram, versi-
bus: Latinè autem poemata duo, alterum de
expiata in Templo; alterum de salutata ab An-
gelo Virgine: quæ duo post paullo, in utroque
sodalitio pronunciabuntur. Tertium in mani-
bus habeo de concepta eadem Dei matre; cu-
ius centenos iam versus absolui. Verùm ne ti-
bi nimium exemplo nostro placeas: scis profe-
ctò, quantum à tua seiuncta causâ mea sit. Pri-
mùm tu ceteroqui piger es, & cùm animo, in-
dustriâque plus me valeas, laboris improbitate
vinceris. Tum tu in minuta ista totum immer-
gere te soles, & *πάρεργον* facis *ἔργον*. Adeo res
te prima quæque capit, & affixum tenet. Ego
nullam in istis serij temporis particulam collo-
co: sed cundo, redeundo, ambulando per vr-
bem, per ædes, inter cœnandum, noctu, reli-
quis subseciuis horarum momentis, raptim illa
meditari soleo. Hoc si ita facis, nihil vltra ver-
borum addo, quin tu facere pergas: sed si ali-
ter, ac more illo tuo quem vidi, agis istud;
valde reprehendendum puto. Habes in quo
ingenium tuum, & otium fructuosius ponas;
occupationem te dignam, & elegantem, scri-
pturæ interpretandæ professionem: quæ tibi,
si sapis, delicias istas excutiet, ac mollitiem: &
verò morbum, quem *μάλας* Græci, malaciam
Latini Græco etiam vocabulo nominant. Quin

tu, mihi si credis, Hebraïcis litteris studij aliquid imperties: vt ad enarrandas litteras sacras eo fidentior, ac paratior accedas. Profectò operæpretium feceris, si ista cures, dum mens, & ætas, & tempus sinunt. Ego me, si quâ re possum (possum autem in Hebræis aliqua) totum vt debeo, tibi offero. Vale, mi Pater, ac mei diligenter fac memineras in precibus, ac sacrificiis tuis. Salutem à me dicas velim R. P. Rectori, quem spes est hîc propediem fore: tum NN. ac ceteris, quos mihi notos scies. Lutetiæ Parisiorum anno ineunte c1810cxli, quem tibi ac reliquis omnibus auspicatum precor, Ianuarij 3.

EPISTOLA XXXII.

*Francisco Vanassori Societatis Iesu,
Auaricum Biturigum.*

NO L I deinceps de lentitudine meâ, vel litterarum raritate conqueri, vides ἐπὶ πολλὰς epistolas: quarum postremam incomitatam ne dimitterem; adieci ad eam librum Græcorum carminum nuperrimè excusum, quem summo Pontifici dicaui. Et interim dum Latina properantur, quibus ille ἐν προδίκηις μέρει annexendus est; secreui aliquot exemplaria, quæ in amicos distribuerem. Heri Nicolaû Borbonium adij, vt illi offerrem vnum. Is multa de te cùm

amanter, tum honorificè. Hebræa sunt in illo Græco volumine quædam: quæ si non intelligis, habes ad manum qui ea tibi explicet, N. Hunc enim illius linguæ bene peritum oportet esse, qui Romæ publicè est delectus, ut coram legatis, aut principibus viris inter prandendum Hebræicè declamaret. Eo igitur utaris interprete censeo. Aut si minimè is placet: at tu te ipse per te quantum potes enitere. potes enim, *אם תנער הצנך*, hoc est, *ἐὰν τὸν βεβήκοι* *τά σ' ἐκπνέξῃς*. *Ἀρχὴ Εβραϊστῆς μόνον, ὃ γὰρ, ἀρχὸ μύσους*. Breui senties non me vanum monitorem fuisse: nec te operæ pigebit. Vale mi Pater, meique in tuis sacrificiis, & precibus memento. Saluere à me iubebis R. P. Rectorem, *ὃ* *ἡγετημένον* N. IV. Cal. Sept. *ϞϞϞϞϞϞϞ*.

EPISTOLA XXXIII.

*Francisco Vanassori Societatis Iesu,
Auaricum Biturigum.*

SI hoc præsertim tēpore, in quo tanta cuique est expediendæ rei suæ difficultas, tam acres, & assidui sint ad exigenda nomina creditores, quàm tu es in appellando me: cū multi aliòqui sint, plures adhuc essent, qui non bonis rebus suis citati, foro cederent. Quid enim? Ignorare scilicet hoc potes, ego quibus districtus sim, irretitūsq; negotiis, ac pæne

obrutus ? cùm eodem tempore plura in manibus habeam, quâ de integro scribenda, quâ in lucem edenda iam scripta. Et tu tamen, quasi otiosus hîc sedeam, vrges, instas, obiurgas, si minùs ad tempus respondeam : cùm eo vir bonus contentus esse debeat, si id aliquando quod debeo, quamlibet serò persoluam. In quo quàm sis iniquus animaduertes, si fabellam legeris, quam elegantiarum pater Horatius in epistola secunda libri secundi, Atticis, immo Romanis veneribus condidit. Cuius, quia est paullò longior, clausulam hîc tibi solam exhibebo.

Prudens emisisti vitiosum. dicta tibi est lex.

Insequeris tamen hunc, & lite moraris iniqua.

Dixi me pigrum proficiscenti tibi: dixi

Talibus officiis prope mancum: ne mea saeuus

Iurgares ad te quod epistola nulla veniret.

Quid tum profeci, mecum facientia iura

Si tamen attentas?

Hæc ego sum præfatus, vt te adducerem, si possem, ab hac inclementia: & vt per te mihi interdum negligenti esse liceat. Sed vt tandem serò tecum (ista enim iocando scilicet adspersi) vehementer gaudeo, quòd resipuisti denique: réque ab deliciis istis, hoc est, poëticis studiis, sic quasi puerilibus auocamentis, ad solida, & virilia transdidisti. Nam quòd meum mihi factum obiicis: primùm quis te exemplo meo, periculo autem tuo, peccare cogit? Deinde quæ sit mea caussa, paullulum attenderes, & quàm dissimilis tuæ: de qua iam postremis in

meis habuisti. Hæc dixi, vt te ab imitando me dehortarer : quem scire debes adeo non pœnitere pristini delicti, vt in eo adhuc perseuerem. Etenim non solum Ecclesiasten Græcis elegiacis verti, quem pæne iam expeditum à prælo nunc habeo, & breui ad te mittam, Græco instructum comitatu ceterorum versuum, quos palantes in vnum contuli : & cum epistola noua Græca, Urbano inscripsi Pontifici summo. Sed Threnos insuper Ieremiæ Iambicis trimetris Græcis nuper institui reddere. At ista quemadmodum tractem, quo tempore, quàm non importunè, iam, vt dixi, postremis tibi litteris meis exposui. Nunc quod ad consultationem tuam attinet; Scripturæ sacræ studium ab Hebræis ordiare censeo. Id enim apprimè ad eam rem est vsui; adeo vt qui illius linguæ sit rudis, rudem eundem esse consequens sit sacrarum litterarum : quantumuis multis, ac bene amplis commentariis armatus ad id sese conferat. Hoc eò magis consilium probo, quòd studium istud non te totum sibi vendicabit; sed cum eo coniunges & alia, quæ itidem necessaria videri tibi significasti; Conciliorum, ac veterum Patrum, & antiquitatis omnis Ecclesiasticæ scientiam. Patres quo ordine peruoluas, non multùm ad summam refert. Potes tamen ab antiquioribus legèdis initium facere. Historiam Ecclesiasticam ab Annalibus Baronianis reperes. In qua etsi nonnulla peccata sunt : tamen vbi te vsu corroboraueris, paulatim ea recognosces, & corriges. Nam Con-

ciliorum legendorum ordo se ipse prodit: cùm à primis quibusque progressus ad posteriora faciendus sit. Habes ad omnia, pauca illa quidem: sed si iis vteris, plus satis. Sin minus adhibes; quid hijs plura requiras, caussæ nihil video. De Patre τὸ τοῦ ε. *μεγέστην* ita planè est, vt scribis: & ego coràm, atque vsu ipso, aspectûque didici. Quiduis potiùs tolerandum, quàm hæc iniuria capienda fuit. Sed multa improuisò, ac præter opinionem incidunt: quæ magis facta damnamus; quàm ne euenirent prouidere potuimus. Μετὰ τὴν τὸν τοῦ γινέσθω. Theologia nostra cursum suum tenet. Iam enim tomus vnus absolutus est: alter multùm processit. Tuis mihi precibus opus est, cùm maximè, vt quod institui, feliciter ad exitum perducam. Eas igitur implorare pergo: vti mei in sacrificiis tuis memineris. R. P. Rectori salutem à me plurimam dicito. simul illud; Luculli hospites, quibus quotannis operam dedimus, hoc primum anno cessasse. Augusti 4. 1641.

EPISTOLA XXXIV.

*Francisco Vauassori Societatis Iesu,
Auaricum Biturigum.*

CV M plurimæ in te sint artes eleganti ingenio dignæ, nondum tu tamen coniector esse didicisti. Vel illa tua nupera diuinationo de

Luculli hospitibus, quàm non *ἔσχατος* & ad rem fuit ! Tu Gallinas nescio quas somniabas. Sed videsis, quid apud Plinium libro 15, capite 25, Lucullus in Italiam inuenerit, ad stipulante Ter- tulliano Apologetici capite vndecimo. Hos ubi legeris, tum is faciliè, qui cum communicandum dixeram, ænigma tibi illud explicabit. Puto ad te perlatum fuisse volumen Latinorum nostrorum carminum, quocum & Græcorum sub eodem sittybo compactum est alterum. etsi hoc separatum iam ad te miseram. Sed *δὲς τὰ κελὰ*, vt me apud te ipse prædicem. Habebis hîc multa noua cum veteribus : & inter illa, Panegyricos B. Virginis, qui singillatim in sodalitiij exhedra dicti sunt. Sed quod incuriosius emendationi illius libri præfui, tædio fractus tot correcturarum, quædam sanè fœda interim irreperunt. Velut p. 140. ver. 12. leg. *Purpureo lauit amne*. P. 206, ver. 15. *Triste gubernaculum*. P. 228, ver. 4. *Hunc & sorte olim superet*. P. 236. *Erebóque poscor*. Tu & hæc in tuo codice, & per te alij in suis emendabunt. Te enim auctore, ac fideiussore distrahi illîc mercem oportet istam. Ac me quoque, si quid præter illa inter legendum occurrerit, certiolem facies. Putabis callidè id à me tibi oneris imponi, vt te ad legendum adigam : nec te faller suspicio. Velim ita quidem legas, vt & castiges, ac censoriâ notâ configas, si quid ad *κρίτικόν* tuum acumen offenderit. Sed hoc serid te nolim agere: verùm quibus & vacabis horis, & per metamorphoses tuas licebit : quas iam prælo de-

stinatas audiebam: & lactenus quidem. Nam nihil harum vidi, præter specimen illud, quod dudum ad me misisti, quod mihi lubentiùs omnibus Gratiis, ac Musis expressum videbatur. Sed an non abundè versuum est: nec iam hoc commentandi genere satur es, quod ab aliis te grauioribus, magisq; necessariis auocat; quidquid ex aduerso causere. Verumtamen frui iudicio tuo, si ita lubet, neque meum tibi consilium placet, quod de Hebræis ex animo complectendis, penitusque combibendis salubre dederam. Et tamen is vir es, qui tibi frigidè; ac malignè consuli à me querare, nihilque præter vulgaria & quotidiana præcepta suggeri: cùm tu recondita, & vsu illo digna, quem diuturnum in illis habemus, expectaueris. Atqui si tu communia ista, & tamen, vt fieri debes, necessaria fastidis, ac neglectim obis, quid arcessitis illis, & exquisitioribus opus est? Aggredere modò: quod iam fortassè fecisti; ac circa minuta illa, & *σεμειωδῶς* animum exerce. Nam ad maiora contendenti prima quæque arripienda sunt, & in promptu posita. Et errant qui compendij spe, transcurtis mediis, ad extrema properant. Opus nostrum plenis iam passibus procedit in dies: cuius editionem præfens, vti spero, annus absoluet. Interim toto illo in procurando negotio opinione maiorem capio laborèm. cuius molestiam leuat expectatus operæ fructus. Quem tibi aliorumque, qui istic sunt, nostrorum precibus Deo acceptum, & Ecclesiæ fructuosum confido fore. Velim ex

omnibus nominatim à me salutes R. P. Rectorem, qui tibi ænigmatis ædipuserit: collegas tuos, & si quos nosti memores mei. Quibus omnibus vicissim fausta, & secunda quæque comprecor. Vale. Febr. 21. 1642.

EPISTOLA XXXV.

*Francisco Vauassori Societatis Iesu,
Avaricum Biturigum.*

PER illud mirum mihi accidit, quod ex postremis tuis litteris didici, nondum ad te perlata esse Latina mea poëmata, quæ tanto antè miseram. Cuius moræ causas inquirenti mihi responsum ab illo est, qui hoc in se receperat, fratre Sebastiani Cramosij; se tabellariis, ac veredariis librum illum noluisse dare, ne vetura cariùs constaret. Quod igitur in rem tuam, tuique collegij factum est, id bonam in partem debes accipere, neque duriùs interpretari, & ἀνάντων ἀντιάδου. De gripho nostro αἰνιγματωδέστερæ sunt quæ scribis. Et tamen succenses, quòd te nondum intelligere dixi. quod profectò verum est. Nam ad Gallinas nescio quas redis, de quibus ne cogitaram quidem. Vidi ante aliquot dies Borbonium virum optimum, & apprimè tui studiosum. Is se anno superiore longam epistolam aiebat ad te misisse: nec quid ea factum sit, hætenus scisse; sus-

picati autem, tibi non esse redditam, quodd nihil
responsi dederis. Idem vt suo te nomine salu-
tarem, multum rogauit. Tertius iam operis
nostri tomus sub prælum ire cœpit; quo abso-
luto paululum interquiescam, vel, vt erudi-
tius loquar, interiungam. Id quod ego iamdu-
dum cupio.

Commodum ista scripseram, cum alter ad
me fasciculus tuus allatus est: in quo erat me-
tamorphosis vnade tuis, quas olim commen-
tari te mihi significaueras. Eius aliquot è vesti-
gio paginas deuorauit. Cetera subinde perle-
gam. Visa mihi sunt, quæ raptim obire potui,
poëtico lepore condita, & imprimis Latina.
Vale. 6. Iun. 1642.

EPISTOLA XXXVI.

*Francisco Vanassori Societatis Iesu,
Auaricum Biturigum.*

ET breuiorem tibi, & minus limatam epi-
stolam rependam pro tua illa castigata &
imprimis polita, quam ad me pridie Non Octo-
bres misisti. Cur quàm & soleo, & forsitan ex-
pectas, scribam modò breuius, caussam dedit
nec opinata faciendi huius occasio, quæ se mihi
commodum obtulit. Misit enim ad me famulum
suum Parisiensis Senator Ponticarreus, qui
cum vnâ pransi ambo sumus aliquando; roga-
tum

tum vt commendatitiam epistolam ad Patres nostros Bituricenses scriberem, quò sororis suæ filios studiorum gratiâ mitteret. Eam sum rescribendi tibi ansam libenter amplexus; tum vt ne te longiùs differrem: tum vt excusationis aliquid caperem ex illa festinatione, si minùs tuarum litterarum elegantiam assequi possem. Sed mitto quod non solùm longioris, sed etiam iustæ instar epistolæ esse debet, carmen tibi, quod iubente P. Rectore nuper effudi, in templum S. Francisci Xauerij in suburbio S. Germani à Francisco Subleto Noierio à fundamentis extructum. Ad quod ingenij tui, ac iudicij limam adiouere te volo. Simul illud rogo; vt pueros istos, de quibus initio scripsi, quàm commendatissimos & habeas ipse, & aliis facias. Vale, ac Deum pro me precare. 1 v. Non. Dec. 1642. ipso die B. Francisco Xauerio sacro.

Iniunxerat P. Rector vnicuique nostrum in templi partes singulas Epigrammata scribere: Ego tholum sortitus eram. de quo illud habeto.

*Dona pijs: fortes hostis monimenta subacti
Suspendunt medio bellica signa tholo.
Tu neutrum, Sublete, facis: sed munus utroque
Grandius, hac per te condita templa voues.
Nec mirum est: pietas hoc maior, opumque cupido
Vista tibi quouis fortior hoste, parit.*

EPISTOLA XXXVII.

*Francisco Vauassori Societatis Iesu,
Auaricum Biturigum.*

NON potuit alieniori tempore tuus ad me liber venire. Ita sum negotiis & variis & necessariis non vallatus modò, sed præne obrutus. Maximè verò in tomorum trium conficiendis indicibus crux mihi certissima constituta est. Nam tres in vnumquemque destinaui, hoc est vniuersè nouem. Non potui tamen, quin tibi morem gererem, ac versus tuos percurrerem: tum etiam quibusdam nostrorum, eruditi ac limati iudicij legendos traderem. Quorum omnium mecum consentiens iudicium fuit: quod tibi, quoniam ita vis, & hortaris, paucis, & ingenuè perscribam. Imprimis conuenit, omnes illos cum primis Latinos esse; hoc est, dictionem habere castigatam, ac puram, & ad nitorem antiquitatis exactam; cuiusmodi est Catulli, Lucretij: quem tu in plerisque adamare, & imitari videris: tum Horatij, & si quæ sunt aliæ Latini floris vneres, delicæque. Verùm illud de titulo & inscriptione libri; scito nec mihi, nec illis quos adhibui in consilium, probari μεταμορφώσεως dici opus tuum. Quod tu quidem præfatione tua purgare voluisti. Sed minimè persuades. Nam

nihil minus habent pleraque, quàm quod vocabulo isti respondeat. exceptâ vnâ vel alterâ historiâ. Quid autem attinet *μεταμορφώσεως* vocare transitus à morbo ad sanitatem? Nimiùm, mihi crede, laxa est, & ampla nominis vsurpation, quam vercor vt satis tueri possis. Etenim de Ouidio quod scribis, habet ille quidem *ἐπισποδίων* plurima, & aduentitia. Sed quæ non ex instituto, neque *περηγυμένως*: verùm alterius gratiâ; & ad nexum, ac velut commissuram fabellarum, quæ propriè dictas habent *μεταμορφώσεως*, illigari sentias. Tua ratio non est eadem. quippe nullam admodum attingis historiam, quæ propriè nomen illud mereatur; præter vnâ, vt dixi, vel alteram. Hæc de opere tuo, quoniam sic iubes, putavi tibi scribenda. Ac nonnulla etiam ad marginem adnotaui, quæ parua commutatione meliora posse fieri crederem. Tu vtrumque bonam in partem accipies, & idem in meis versibus, ceterisque scriptis, non me solùm æquo animo ferente, verùm etiam laudante, & hortante, fas tibi esse confides. Vale. Scripsi hæc vno prope modum impetu; properans scilicet; & ad ea, quæ sunt præ manibus, animo gestiens. Deum precor, vt te incolumem, ac fortunatum velit.

VIII. Cal. April. ciccxcxliii.



EPISTOLA XXXVIII.

*Francisco Vauassori Societatis Iesu,
Auaricum Biturigum.*

PRIORIBVS tuis litteris respondere meditantem genus alterum responsionis auocauit, quod multo vrgebat magis, & defugere nullâ excusatione poteram. Id quale sit, neque tu ignoras, & iam, opinor, vidisti. Altera cunctandi caussa fuit, quòd te propediem huc esse venturum intelligerem; ac coràm, te de meis, méque de tuis rebus cogniturum. Itaque statueram nihil ad te litterarum dare. Sed expugnauit pigritiam meam posterior epistola tua, quâ te de profectiõne monitum, neque nolente id me facturum esse significasti. Non is sum qui meam operam tibi venditem, & ostentem. Tantùm illud dicam, optatissimum omnibus, qui hîc sunt aduentum tuum, mihi verò longè iucundissimum futurum. Quamobrem te hortor, vt quàm citissimè potes, ad nos aduoles. potes autem ineunte hebdomade sancta. Quod in tempus expectari te à me scito. Interim quid post Paschales ferias prælegere in scholis commodo tuo debeas, apud te constitues. Licet autem ex Nouo Testamento quidquid voles capere, præter vnâ ad Romanos epistolam, quæ hoc semestri priore à nobis est

exposita. De Hebraïcis studiis iterum appello te; & vt in ea gnauiter incumbas, moneo acriter, & insisto. Et si iam te spero in litteris istis luculenter esse progressum. Quippe ita iam pridem suaferam, & te non aliter facturum receperas. Viue, vale, ac pro me communem deprecare Dominum: meoque nomine cum primis R. P. Rectorem saluta, ac de Luelli hospitibus in memoriam illi reuoca: sitamen scis quid istæ sint. tum Patres, fratresque ceteros: maximè NN. quorum ego me precibus, ac sacrificiis commendo iv. Non. Mart. CXCXLIV.

EPISTOLA XXXIX.

*Nicolao Borbonio V. Cl. Andoma-
tunum Lingonum.*

GRATISSIMA mihi tua recordatio est veteris amicitiae nostrae, quam sibi te saepe esse testatum scripsit ad me Nicolaus Oudæus qui Lingonensi familiae nostrae praest. Is te quoties domum conuenit, toties de me exortum abs te sermonem esse dicit cum praecipua significatione pristinae in me tuae voluntatis, & honorifica commendatione nominis mei. Quod vtrumque quia nullo meo merito, sed abundantia quadam bonitatis & humanitatis facis; eò pertinere debet non vt tanti me faciam, quā-

time esse vis; sed ut quoquo modo carum me
esse tibi vehementer gaudeam. Ego verò ne-
que amare te vnquam desij (Vir Clarissime)
& ea perpetuò prædicaui, quæ in te esse sin-
gularia perspexi, summam ingenij eruditionis-
que vim cum pari animi candore, & *àmpla*.
Quorum alterum commune habes fortasse cum
paucis; in utroque verò superiorem, ut opinor,
neminem. Quocirca libenter ea sum usus occa-
sione, ut quod iamdudum cupiebam, ad te
scriberem, mutuamque consuetudinem nostram
longo interuallo reuocarem. Quod meum stu-
dium, si tibi non ingratum esse cognouero,
repetam illud quam voles sæpe, quantumque
tua illa tot modis infirmæ valetudo patietur.
Nunc ne gratis hoc quodcumque est mutæ
scriptionis officium occupasse videar, peto
imprimis abs te; me, quod hætenus fecisti,
constanter ut ames, teque vicissim amari con-
fidas: tum ut Patres nostros, qui illic apud
vos degunt, eodem illo amore ac beneuo-
lencia complectare, & quibus potes aucto-
ritatis tuæ præfidiis tegas, atque confir-
mes. Scribit ad me ille ipse, quem paullo an-
tè nominaui, Nicolaus, omnia abs te, quæ
quidem optari ab ordinis istius homine pos-
sunt, extare in se hætenus amici animi, & be-
neuoli signa; tibi que ut eo nomine gratias age-
rem litteris suis hortatus est. Id non solum fa-
cio quantum possum, sed etiam oro obsecroque
ut ad hunc amorem in illos tuum, amorisque si-
gnificationem nonnulla meâ causâ fiat acces-

ſio. Ego ſi quid viciffim tuâ gratiâ poſſum, et ſi debitum iampridem tibi eſſe ſentio, dabo operam vt libentiùs, quàm vnquam antea, & cumulatiùs à me perſoluatur. Vale.

EPISTOLA XL.

*Nicolao Borbonio V. Cl. Andomata-
num Lingonum.*

NVPER ad me cùm ſcriberes (Vir Cla-
riff.) vereti te dicebàs nescio quam meam
Latinæ linguæ facultatem, quo minore ad me
fiduciâ, quàm ad mortuum Ciceronem Petrar-
cha quondam, litteras dares. Hoc, niſi te pe-
nitus noſſem, iocandi, & illudendi mei gratiâ
dictum interpretarer. Nunc vel amori erga me
tuo; vel ſingulari animi de ſe nimium puſil-
lè, de aliis magnificè ſentientis modèſtiæ malo
tribuere. Ego verò, quod vndecumque po-
tiùs, quàm ex rei veritate proſectum de me iu-
dicium intelligo, multo id in hoc meo factò de
te iuſtiùs uſurpare mihi poſſe videor. Nā cùm
ad te ceterarum quidem humanitatis artium,
ſed poëtices imprimis laude florentem; quædā
hoc in genere à me nuper elucubrata mittam;
vereri abs te mihi multo debeo magis, atque
ingenio meo, facultatiquè diſſidere. Quod
equidem facerem; niſi excellentem illam vim
tuam, ac præſtantiam ſumma conditam hu-

manitate, & amore in nos, ac beneuolentia cognoscerem. Pro qua id mihi tribui abs te peto, Latinos vt istos Græcósque versus non patienter modò legas, sed etiam iucundè. Quod si nihil aliud, certè argumenti genus ipsum impetrare potest: quod etiam, vt ad illos scribendos tanto me interuallo referrem, persuadere mihi potuit. Scis enim quàm pridem, ab hisce musicis studiis animum meum atque operam abduxi, alióque transtulerim. Quòd me identidem & ex interuallo referre minùs pœnitebit: si optimo hac ætate iudice te, operæpretium vllum in his quæ tibi offero fecisse videor. Vale.

EPISTOLA XLI.

*Sichardo Gachiacensi Abbati
Perigniacensi.*

FRATRIS tui dignam æternitate memoriam, quam non longo elogio sum complexus, mitto ad te, Reuerendissime Pater, vel amoris erga illum & obseruantix testimonium, vel virtutis illo ordine dignæ formam & exemplar, cuiusmodi in vita sua, & moribus expressit: De quo elogio profiteri hoc vnum possum, nihil in eo vel ambitiosè confictum, vel supra rei veritatem auctum & amplificatum esse. Cuius rei cùm ipse mihi sum testis, tum ceteros

omnes confcios habeo, téque præsertim, qui
omnium illum optimè nosti.

*Galliardi Cornaci Abbatis Villalupani
ad Angeuerum in Turonibus ,
memoria sacrum.*

QVI Tolosa Senatorio genere ortus, maiorum
claritudinem animo ac virtute supergressus est. Se-
ptennis Luteriam Parisiorum, lingua & ingenij for-
mandi caussâ missus, ibidem excellentibus magi-
stris Turnebo, ac Maldonato operam dedit. Tolo-
sam rediens Ioanne Corrasio celebri Iurisconsulto
doctore tantum profecit, ut vix duodeviginti natus
annos, quod didicerat, magno concursu, & appro-
batione professus sit. Postea in Senatum allcctus,
inde ab Ill. Cardinali Borbonio in contubernium
adsciscitur, quem ita sibi demeruit, ut is in eius
amore, & obsequiis acquiesceret; consilio verò pene
in omnibus uteretur. Nec ille præpotentis amicitia
premia ambitiosè sibi usurpare instituit: sed ad
aliorum rationes, & humanitatis officia translu-
lit. Multa & fructuosa sacerdotia ultrò sibi dela-
ta, maiora quàm pro meritis suis cassatus, in
alienos sæpe deriuauit. In magna spe rerum am-
plissimarum, cum & purpureus iam ei galerus
ostenderetur, mortuo patrono, cui ut in secundis,
sic in aduersis fidem præstitit, quadriennali & eo
amplius, custodia maceratus, sese mox ad Carolum
Lotharenum Mainensem principem applicauit.
Huic summis & difficillimis in negotiis, crebrisque

legationibus industriam probauit suam. Eo quippe, & Ianino velut fœcialibus & interpretibus, pax inter Henricum M. & fœderatas partes coaluit. cuius ut apud Clementem VIII. Pont. Max. rationes exponeret, legatus Romam profectus, adeo se cùm ceteris, per quos iter habebat, Italia regulis, tum illi ipsi Pontif. commendauit, ut ad familiam suam vltro eum inuitalit: recusantiem honestissimo ad Mainensem principem elogio prosecutus sit. Roma quoad fuit, Gallicani regni commodis, & Henrico M. quod tum agebatur, cum Pont. Max. conciliando sedulam, atque vtilem nauauit operam. quod ipsum Cardinalis Dossatus litteris suis testatus est. Reuersum in Galliam, & in Villalupano cœnobio pietati, ac litteris deditum Mainensis principis obitus interpellauit. à quo testamenti executor factus est: cùm in supremis mandatis id præcipuè filio mandasset, ut ex Abbatis Villalupani consilio penderet. quod illi salutare deinceps fuit. In magna fortuna varietate, ac ciuilibus bellis, irretitum factionibus principem aut continuit auctoritate sua, aut ad officium denique reuocauit. Ad eundem Aquitania deinde præfectum regis litteris velut consiliorum moderator ire iussus, tam utrique, quàm prouincia satisfecit adeo secundâ famâ, ut ad eum rex suapte manu scribens, sacri Consistorij comitiuam representarit, Episcopum verò primo quoque tempore destinarit.

Secundùm hæc, Mainensem principem nouis ciuiliū armorum turbinibus abreptum, ac post ceteros cunctantem, iterum regis ad potestatem, & obsequium adiunxit. Eidem postea Aquitaniâ totâ

legitima contra perduelles, & hæreticos arma circumferenti consilio & auctoritate præsto fuit. Eo mortuo, pristinam se ad quietem, pacisque studia convertit. In Villalupano itaque secessu quod reliquum fuit ætatis per Catholica pietatis officia, & honestarum cultum artium exegit. Grecis, ac Latinis litteris apprime doctus utroque genere pereleganter dictabat. Nullam non disciplinarum partem à pueritia persecutus; tum memoria ad ingrauescentem ætatem usque firma, ac præsentem semper extitit. Veteres, ac recentes, peregrinas, & vernaculas omnes historias quàm fidelissimè, iucundissimèque reddere solitus: nihil ut eius conuictu, ac colloquio suavius putares. Ad continuum orandi, celestiaque tractandi studium cum virtutes ceteras, tum in egenos prolixum, ac liberalem adiecit animum. Præter usitatas, & continuas stipes, quas prætereuntibus adsperserat; quinquaginta senibus certam quotidie pecuniam suapte nonnunquam manu distribuit. In summa verò annona caritate, octingentis circiter diurnam sportulam erogavit; in eoque sumptus ad alienum grande confluxit. Super legitima Quadragesima, ac reliquorum temporum ieiunia, quæ ne septuagenario quidem maior omisit unquam, bina sibi hebdomadis singulis indixit. Vicinorum circumquaque lites, & simultates pari auctoritate, ac prudentia composuit. His aliisque Christiano dignis homine studiis intentus, saluberrima hætenus valetudine, nec ullis ætatis incommodis affecta, Sacramentis omnibus rirè perfusus, inter religiosorum virorum complexus, quos Augustini exemplo poenitentia Psalmos identidem

*recitantes audiebat, placidum, ac fiducia plenum
spiritum Domino commendauit III Eid. Dec. ann.
Christi MDCCXXVI.*

EPISTOLA XLII.

*Francisco Brauo nobili Hispano,
Antuerpiam.*

N IHI L abste consultius fieri potuit, quàm quod fecisse te scribis, vt ab armorum bellique strepitu, ad otium te litterarum, ac pacis studia transferres. Nam, vt tuâ quod priuatim refert, omittam modò; illæ ipsæ, quarum ad consuetudinem redisti, litteræ iacturam maximam facturæ videntur; nec nisi ægerrimè, ferre posse, vt ea nobilitate, ea ad omnes disciplinas indole, ac spe iuuenis, hunc sibi iam desponsum ætatis, & ingenij florem à se abiceret, aliòque transfunderet. Quod autem huius me tui consilij fautorem habere studuisti, eumque tibi mutuam ad consuetudinem nostram aditum fore putasti; in altero quàm non sis spe tua falsus, meum de tuo facto quod exposui iudicium ostendit: de altero vereor ne quem nimium opinione tua finxisti, perpusillum ex hoc usu nostro, amicitiaque fructum minorem certè fama, expectationeque tua capias. De me enim qualiscumque concitatus est hominum rumor, non potest non esse merito

meo maior. quanto sit verò; vt alij non sentiant, ego certè ignorare non possum, cui quo familiarior est, eo magis est imbecillitas inscitiæque mea, quàm illis falsa quædam quæ in me apparet species nota doctrinæ. Sed vt de me loqui desinam; ad teque reuertar; magnopere hîc scito laudari studium tuum, quod in eruendis è Laurentiana bibliotheca veteribus libris ponere te dicis. De quo plura Sirmondus noster ad te scribet. Hic enim Catalogi tui, quam vtrique mandasti, curam in se recepit omnem, hætenus quidem, vt super singulis quæ tu rogaras adscriberet. Nam vt inuestigari, expediri que istud ipsum, quod ad te scriberetur posset, communis cum illo sollicitudo mea fuit. Ex eius ergo litteris ea cognosces, quæ de libris istis ab vtroque scire voluisti. Postremò quod mihi ex celebri illa Laurentiana bibliotheca, facis quæ velim oprandi copiam, accipio magni ac liberalis, & in me supra meritum prolixi animi specimen; cuius vt te nunquam pœniteat, quibus potero vicissim officiis operam dabo. Deum interim precor; vt tam eximia indole, tantæque virtute, & humanitate, quæ est in te, dignos fructus propediem existere, & in multos annos propagari patiatur. Vale.



EPISTOLA XLIII.

*Vincentio Marinerio V. Cl.
Valentiam.*

IUSTISSIMA est querela de me tua (Eru-
ditissime MARINERI) neque caus-
sæ quicquam est, quin & meritò tu mihi suc-
censeas, & ego quam voles pœnam commise-
rim. Nam nescio quâ meâ vel incuriâ, vel obli-
uione accidit, vt cû aliquot ad me litteras de-
deris, ego nullas ad hunc diem reponerem. Id
adeo non contemptu factum tui velim inter-
pretare. Neque enim is es, qui contemni de-
beas: neque vt præter meritum tuum possis, à
me id certè metuendum est tibi. Ac ne solus
hanc inuidiam totam officij neglecti sustineam;
scito temporibus ipsis, ac momentis, quibus
ad me tuæ perlatae sunt, quiddam esse tribuen-
dum. Nam partim peregrè degenti mihi, par-
tim necessarias in res intento, & occupatissi-
mo datae fuerunt. Itaque dum identidem quod
præmanibusest responsioni præuertitur, lon-
gius, quàm par erat, extracta res est. Tuæ
hoc æquitatis, & humanitatis erit, quamlibet
grauem hanc condonare culpam, ac nihil pro-
pterea de amore in nos tuo remittere: quod
vti scribis, ita facere te confido, vehementer-
que lætor. De libris tuis, quos huc misisse te

scribis, nihilequidem accepi. Neque si edantur in lucem, meum iis nomen inscribi velim; immo verò id ne fiat magnopere postulo. Nam neque me tali honore dignor; & tu alios invenire potes, apud quos eam gratiam fructuosius, honestiùsque colloces. Vale.

EPISTOLA XLIV.

*Eusebio Nierembergio Societatis Jesu,
Madritum.*

ET iucunda mihi tua de me sollicitudo fuit, & quid faciendum esset admonentis, prudentiæ plena, & auctoritatis oratio. Ego verò extitisse aliquem, qui me contra scriberet neque miror, neque molestè fero: tantâ autem incitiâ, ac cùm stili, tum ingenij barbarie præditum hominem id instituisse; partim miror; partim etiam non meâ id quidem, sed communium litterarum causâ dolendum puto. Etsi magnam partem admirationis huius litteræ tuæ sustulerunt, quibus ita graphicè expressus homo iste est: minimè ut mirum sit ab tam vasta, & agresti indole tam sacrum & horribilem fœtum editum fuisse. De hoc mihi quid factò sit opus, nondum statui. Nam cùm ad librum ipsum, auctoremque Alphonsum Caranzam respicio, planè scribendi consilium abjicio. est enim yterque misericordia,

vel, vt feneriffimi fimus, contemptu, quàm odio & infectatione dignior. Cùm autem fubit animum meum faftus hominis, ex imperiterum iudicio collectus: is ne impunitate longius ferpat, reprimendus, atque absterrendus videtur. Itaque nondum, vt dixi, deliberatum mihi eft, quid potiffimum fequar. Vt autem prius illud amplectar, expectandum nihilominus erit, dum alter nescio quis illius liber ad nos venerit, cuius antambulonem eſſe Diatribam fuam ſignificat: & ad quem nobis pæne ſingulis verſibus digitum intendit. Hunc nos hætenus expectamus. Interim de hoc in me caritatis officio gratiam tibi habeo maximam, quam, ſi qua re poſſum, remetiri cupio; tantisper dum plenam ab communi Domino mercedem eo nomine capias; quam tibi ſempiternam, & vberiffimam cupio. Vale.

EPISTOLA XLV.

*Petro Castellarnauio Societatis Ieſu,
Barcinonem.*

GRATA mihi prouocatio tua mutui inter nos officij, ac familiaritatis fuit: nec iucunda minùs bene de me merendi voluntas primum è Schotti noſtri; tum ex tuis litteris perſpecta. Scripſerat ille mihi iamdudum, ſequi-

quicquid istiusmodi scriptorum, quo me in genere versari modò sciret, ex Hispania, locisque ceteris corrogare posset, diligenter esse curaturum. Adiecit amplis, ut solet, egregiisque promissis facta etiam verbis ampliora. Ac cum illi plurimum eo nomine debeam, quòd tuam mihi notitiam, amicitiamque operâ suâ patefecit; tum non minores tibi grates habeo, quod apud Bartholomæum Morlanezium, quem mirificè prædicas, eiusdem te conciliatorem rei fore polliceeris. Nihil est quod eiusmodi hominum, qualem hunc esse litteris tuis significasti, amicitiae anteponendum censeam. Feci itaque quòd rogabas, & ad ignotum alioqui virum, sed tua mihi commendatione probatum, litteras dedi. Quem quidem valde gaudeo antiquitatis omnis, ac doctrinarum istarum esse studiosum. Ei tu verò litteras velim meas offeras, cum proluxa voluntatis in illum meæ testificatione. De B. Petri Alexandrini Martyris Opusculo gratissimum est quod scribis. præsertim cum sit perbreue. Nunc enim in eo sum; ut Opus meum edatur in lucem, quo Doctrinam Temporum, & à Scaligerianis repurgatam fabulis ac nugis, & ad normam veritatis exactam copiosè sum complexus. Ad hoc Appendicis instar accedent selecta quædam Græcorum ac Latinorum veterum Opuscula, quibus Computistica methodus traditur. Cuiusmodi si quid in scriniis vestris latet, id ego magni beneficii loco à vobis accipiam. Habemus hîc typographos

duos fratres, quibus cum Madritensibus librariis institoribus commercium est. Iis ego has litteras ad vos mittendas dedi, simulque rogaui, ut si quid istinc ad me mitteretur, tutò perferendum curarent. quod illi prolixè receperunt. Itaque nisi quid commodius ac brevius extrices, vti illorum opera ne granere. Vale.

EPISTOLA XLVI.

*Bartholomæo Morlanezio V. Cl.
Barcinonem.*

IN CENSUS sum Castellarnauij nostri litteris, & egregia commendatione cùm virtutis, eruditionisque tuæ, tum amoris in Societatem nostram, ac laudum denique ceterarum, tibi ut notus, & amicus esse valde cuperem. Ad hoc ille verò mihi perfacilem adiutorem ab humanitate tua pollicebatur, si prior ad te litteras voluntatis meæ, desideriique testes, & obsides darem. Quod ille mihi, cui te par est maximè esse cognitum, faciendum censuit, id ne insolens, ac tua dignitate alienum esset, vereri non debui. Vetus est præterea dictum

Αὐτοματὶ ἀγαθοὶ ἀγαθῶν ἐπὶ δούλῳ γένται.

quod ad bonorum conuiuia bonos admonet

sponte nec inuitatos accedere. Quanto magis ad bonorum, & illustrium, hoc est tui similitum virorum vsum ac notitiam, nobis qui quidem boni esse studemus, fas est etiam non vocatos perrumpere? Sed hanc meam, siue quis audaciam interpretetur, siue intempestiuam cupiditatem ac nimiam, si æquitati tuæ probare possum; aut si meus ille sequester & interpretes fidem præstiterit, non modò non pœnitendam mihi, sed & gloriandam in omni esse vita ducam. Ac si multum ad animorum conciliationem valet eorundem studiorum societas & coniunctio: te illarum doctrinarum, quibus ab ineunte sum ætate deditus, vehementi quodam amore flagitare, & in earum scientia longè principem esse, idem, qui tui mihi salutandi auctor est, Castellarnanius confirmat. Quo minus dubitare certè debeo, quin tibi iucundum hoc officium meum, tua verò mihi humanitas ac benignitas in promptu sit futura. Opus habeo præ manibus, ac propediem in lucem proditurum, quod de Doctrina temporum inscripsi. In eo verò cùm populares multarum gentium annos accuratè disputo; tum Ecclesiastici Paschalisque compati veteris rationem ac methodum. Quare quod ab eruditis tuisque similibus postulare soleo, id à te etiam atque etiam flagito, vt si cuius Græci Latinive scriptoris super hoc argumento lucubratio apud te exstet, eius mihi copiam facere non graueris. Id ego magno in beneficio, ac singulari reponam, & eo meno-

mine in sempiternum tibi deuinctum puta-
bo. Vale.

EPISTOLA XLVII.

Hieronymo Aleandro V. Cl.
Romam.

AMOR erga te meus (Hieronyme vir cla-
rissime) doctrinæ tuæ primùm famâ con-
citatus ; postea etiam humanitatis opinione
plurimum auctus , postremò vehementer in-
flammatus est , cùm me abs te amari certis ex
indiciis , atque ex Sirmondi nostri sermo-
ne cognoui. Quæ res eo mihi iucundior acci-
dit , quòd neque vllis meis meritis à te sum
amore laceffitus , & idipsum , quod ego magna
mihi mercede comparandum putarem , tibi vt
amicus essem , tute ipse sponte tua detulisti.
Quare cùm eo nomine maiorem me tibi in mo-
dum deuinxisti , tum audaciam fecisti ; vt quod
abs te impetrare studerem , apertè planèque
perferberem. Epiphaniij , quem ego Latine
sum interpretatus , nouam & accuratissimam
editionem iamdudum molior. Quam in rem
pluribus mihi adiumentis opus esse non igno-
ras , ac veterum præsertim Manuscriptorum
copia : quam hîc nullam aux perexiguam ha-
bemus. Nam qui vnus in Bibliotheca Regia
codex est , is mendosus est , & ad cûsum.

exemplar expressus potest videri , adeo cum Basileensi illa vetere , ac deprauata geminus est. Quanquam nonnulla ex eo , nec pœnitenda in operam nostram contulimus : plura ex Schotti Antuerpiensis schedulis , qui ad Vaticanum Codicem Basileensem illam editionem olim exegerat : sed minùs opinor diligenter , & ad vnum duntaxat exemplar , nec vltra paginam 171. hoc est tertiam ferè Epiphaniij partem. In cæteris solâ coniecturâ nitimur.

Quare ni tibi id molestum est , hanc à me gratiam ineas velim , vt si quod in Vaticana Bibliotheca Manuscriptum est , & eo quo Schottus vsus est plenius atque integrius , cum eo Epiphaniij saltem reliqua conferri cures. Duo ad id video esse necessaria. Alterum , Codicem aliquem Basileensem excusum ; cuius ad oram variæ lectiones adnotentur. Alterum , quod fortasse difficilius est , hominem aliquem qui id peritè possit ac velit facere. Quorum neutrum imponi tibi à me est æquum, *ἡ δὲ οὐκ ἔστιν* *δὲ τοῖς φίλοις, ἐκ ἀπὸ ἡδου*, sed vtrique certa hac ratione prouideri potest. Primùm vt Basileensem illum alicunde mutuo accipias , fidemque facias , pro eo me recentis nostræ editionis exemplum aliud esse redditurum. Deinde , vt idoneum hominem vel mercedis interposita pactione quæras , cui hunc laborem possis iniungere. Ego quicquid meo nomine sponderis , diligenter præstabo. Et quoniam Florentiæ in Magni Etruriæ Ducis Bibliotheca vetustissimum Epiphaniij exemplar

esse didici, vellem id per amicos, si illis tibi sint, efficere posses, ut cum illo Basiliensis Codex conferatur. Quod hoc modo confici potest, si dum Epiphaniij reliqua illa quæ in Schotti schedulis desiderantur, cum Vaticano comparantur, prior interim Basileensis pars Florentiam mittatur, quæ eodem tempore ad Florentinum castigetur, dum cetera cum Vaticano collata Florentiam mittas. Feci fortassis impudenter, qui tibi homini & grauissimo, & aliis in rebus occupato tantum oneris indixerim: sed nimirum quid à te, tuoque commodo vellem, liberè ingenuèque præ me tuli. Tu si minùs id præstare, ac si facturum te omnino negaueris, non modò non irascat; sed deprecabor etiam culpam, atque alterum certè quod negare non potes, me ut ames nihilominus, meaque ipse opera vtare, magno abs te opere postulabo. Vale.

EPISTOLA XLVIII.

Luca Holsteinio V. Cl.

Romam.

CV M præter officinam Sebast. Cramosij nuperrimè transirem; paullulum is memoratus à te litteras ostendit, in quibus erat, uti tuo mihi nomine salutem diceret. Longo abs te interuallo repetitam mentionem mei.

recordationemque veteris amicitiae nostrae gauisus sum: quam ne te priorem reuocare occupasse putes, scire debes antè me Rationarij Temporum, cuius secundam editionem instituimus, exemplar ad te misisse; idque illi ipsi Typographo nostro mandasse, ut inter sarcinas reponeret, quas Romam destinabat. Quas quia longo post tempore, quàm hinc deuectæ sunt, ad Urbem peruenire constabat, tandiu ad te scribere distuli, dum suspicari possem, librum illum ad tuas manus venisse. Hunc velim diligenter euoluas, & κριτικώτερον omne tuum acumen in eum explices; ut si quid ibi peccatum à me deprehenderis, de co me certiores facias; neque verecundia te vlla, aut amicitia nostra deterreat; quin à me hanc gratiam ineas. qua nulla potest à te esse certior, mihi que iucundior. Scripsi ad Eminentissim. Patronum tuum Franciscum Cardinalem Barberinum litterarum hac ætate perinde ac purpurati Collegij columnen, cui tu velim quidquid istud est libri commendes. Vale. 1633.



EPISTOLA XLIX.

*Mutio Vitellesco Societatis Iesu
Præposito Generali, Romam.*

AGNOSCO tuam in me verè paternam indulgentiam : dum quod iure tuo imperare poteras, id à me impetrare maluisti : ac tam ardenti Catholici Regis studio non cedendum putasti antea, quàm me certiolem faceres, meàmque de totare sententiam ac voluntatem cognosceres. Quod consilium de me tuum cùm est per sese mihi iucundum, tum eo gratius est, quod illud ipsum, quod sponte quisque in suapte causa faceret, id mihi mandasti ultro, ut si quod ad eam rem impedimentum haberem, id ingenuè profiterer, ac liberè. Ego verò, cùm duo sint, quæ in eam deliberationem incidere possunt, quorum alterum publicè, hoc est vel Prouinciæ nostræ, vel totius Gallicanæ Societatis interest; alterum priuatim ad me pertinet : prius illud, ne vel inuidiosè aliquid de meipso dicere, vel de societatis in Gallia rebus timidè nimis augurari videar, omittam in præsens, ac superiorum nostrorum litteris ac prudentiæ reseruabo: alterum, quod modò agitur, ac nominatim requiris, quàm potero breuissimè, ac verissimè perscribam.

Scribis expeti me ab Catholico Rege, ut in

constitutis ab eo nuper Madriti scholis, publicè doceam. Magnifica res, & illustris, & quam plerique dissimili ac nos instituto vitæ, ac genere, non admittant modò libenter, sed ultro etiam arcessant. Mea verò, cur eam provinciam defugiam ac detrectem, ratio est eiusmodi: quòd neque ab ingenio satis; & à corporis viribus nullo modo paratus sim, ut vel tam infinitæ de me expectationi satisfacere, vel peregrinationi isti, commorationique tolerandæ idoneus esse possim. Corporis valetudo, quàm alioquin imbecilla mihi sit, testem habeo P. St. Charletum Assistentem: qui me Fixâ Lutetiam ad instaurandas scholas accitum, semel iterumque grauissimo, ac lethali morbo propè consumptum meminit: ac biennio deinde toto lentâ & quotidianâ febriculâ iactatum, quæ me non antè dimisit, quàm in patriam de medicorum consilio profectus, paulatim me natui, ac genitalis aëris haustu perfunderem. Quo ex tempore longè grauior quàm ex nephritide, quàm ex vesicæ calculo morbus accessit. atque hic imprimis: qui mihi persæpe non insuauem modò librorum, ac litterarum vsum; sed vitam etiam molestam, & eius optabilem terminum facit. Hic enim me demum exitus maner, & animo meo obuersatur in dies; ut vel acerbissimo cruciatu finienda propediem vita ista sit; cuiusmodi paucos ante annos Fronro Ducæus extinctus est: vel nihilo tolerabilior sectorum, chirurgorumque carnificina subeunda. Hæc me assidua cogitatione versantem; hæc metuentem

in dies, horum curâ, & animi atque corporis ægritudine confectum, quos tandem animos ad istam scholarum Hispaniensium pompam allaturum esse confidis? In quo nec illud omit- tam quod xx propemodum annorum experien- tiâ didici: mihi, quamlibet incolumi ac vege- to corpore, non vltra semi horam ad perpetuam orationem vires vnquam, & latera suffecisse. Atqui publica in illa professione legitimum ho- ræ vnus tempus esse solet. quod me nulla ra- tione explere posse, sanctissimè tibi prædico, ac denuncio. Accedit per frequens ex bile lan- guor, qui æstibus potissimum, & caloribus ir- ritatur, cuiusmodi in Hispania, mihi quidem ingrauescente præsertim ætate prorsus intole- rabiles existunt. Inde enim accidit, vt neque extra consuetam cæli temperiem sine morbo, ac vitæ periculo, diu perseuerare possim, & quoties paulo longius iter pedibus facio: nam equorum, vehiculorúmque iactationem pro- pter calculi molestiam perferre nequeo: conti- nua febricula conflîcter. Hæc, vt alia minutio- ra præteream, quæ coram eloqui satius sit, quàm in litteris istis ponere, me ab Hispaniensi illa profectio- ne vehementiùs absterrent; quæ cuiusmodi sint, Paternitati tuæ statuendum re- linquo. Ego quidquid de me decreueris, tan- quam diuinitus editum oraculum libenti a- nimo promptoque suscipiam, & impigre co- nabor exequi. Vale.

EPISTOLA L.

*Mutio Vitellesco Societatis Iesu
Præposito Generali, Romam.*

GEMINVM Paternitati tuæ huius anni
fœctum offero ; libros à me editos duos,
quorum alter Operis de Doct. Temp. reliquias
continet ; hoc est scriptores aliquot Græcos
maiori ex parte iam in lucem editos, quorum le-
ctione ac testimonio multum in commentan-
dis libris de Doct. Temp. fueram adiutus, quos-
que tum vnà edidissem, nisi maiorem in molem
ne opus illud excrefceret, veritus fuifsem, ac fa-
tius ideo putafsem in aliud differre tēpus. quod
mihi peropportunū incidit, cūm aduerfus His-
pani cuiusdam IC. Diatribam, de qua ad te fcri-
pſimus, quædam generis eiufdem & argumenti
publicaui. Alter non à me quidem editus neque
nomine meo inſcriptus; ſed ex variis ac diſſipa-
tis partibus collectus Iuliani Cæſaris opera
complectitur. Cuius ſcriptoris orationes varias
partim ab aliis, partim à meipſo ante plures an-
nos in vulgus emiſſas auctore me Typogra-
phus in vnum redegit, atque vt hoc facerem,
quod ante tredecim annos deſtinafſe me audie-
rat, Eminentiff. Card. Barberinus non ſemel
eſt hortatus, idque per Emin. Card. D. Ba-
gnium à me petiit. cūm prius Iuliani ipſius epi-

stolam adiungendam reliquis ad me misisset. Qua voluntatis, humanitatísque suæ significatione cùm meipsum insigniter; tum librum sibi meum oppigneravit. Itaque recentem à prælo statim Cardinali Bagnio (sic enim hic fieri voluit) ad illum perferendum dedi, cum litteris, quibus ei gratias egi. Quod meum munus, si commendatio tua, vbi erit commodum, accesserit, longè illi fiet acceptius. Est in Eminentissimi Cardinalis Bagnij comitatu vir quidam optimus, & humanissimus; illi à secretis, cui à Turri nomen est. Is duobus illis libris, quos ad te mitto, inter sarcinas suas locum dedit, seque tibi coram daturum recipit. quæ res mihi & iucundissima fuit, & magnam sollicitudinem exemit. Quod reliquum est, neque enim pluribus interpellare opus habeo, enixè te rogo, me meaque vti favore tuo, & apud communem Dominum, precibus tuis, & in sacrificiis mentione aliqua prosequi digneris. Vale.

EPISTOLA LI.

*Mutio Vitellesco Societatis Iesû
Præposito Generali, Romam.*

LIBROS Paternitati tuæ misi nuper admodum duos, quorum alter reliquias Operis de Doctrina Temporum persequitur, & au-

ctores aliquos continet, quibus in illo commẽ-
tando sumus adiuti, quorum editionem, quia
moles operis nimium iam excreuerat, proro-
gandam putaui, deque eo lectorem admonui.
Alter Iulianus est Imperator, cuius scripta spar-
sim à nobis, vel ab aliis antea vulgata, quædam
etiam hæctenus non edita, in vnum conieci
corpus: idque hortante, ac propemodum iu-
bente Eminentiss. Cardinali Barberino tan-
dem effeci, cum xv fere totos annos distulif-
sem. Spero vtrumque tibi non ingratum fore
munus, vtile id quidem publicè confido fore.
Hoc verò ab Auenionensi quodam iuvene acci-
pies, qui Eminentiss. Card. Bagnio Apostolicæ
sedis apud Regem Christ. paulo antè Nuncio
à secretis est, & vltro ad id operam mihi suam
detulit. Sed eos libros seriùs arbitror ad te esse
venturos; quòd illorum iter moræ plurimum
habiturum video. Interim alterum mitto mu-
nus, natum anni huius initio; carmen scilicet,
quod in laudem Poëticorum Operum Sanct.
D.N. Urbani Pontif. scribere à te sum iussus. Ve-
lim probari vobis industriam meam. animum
certè quidem & obsequendi voluntatem, quæ
me ad id genus lucubrationis sola perpulit, alie-
num ætate nostra, institutisque studiis, quæ ad
diuinam scripturam, sanctosque Patres, ac
Theologiam vniuersam transtuli. De quibus
studiis occupationibusque nostris habeo quod
Paternitati tuæ significem, & ad æquitatem
tuam, humanitatèque confugiam. Ego post-
quam humaniores litteras profiteri desij, sacras

litteras cupidè sum amplexus, in quibus decimum hunc annum Lutetiæ ita versor, vt ad illarum tractationem, sanctorum quoque Patrum vsum, ac studium adiungere soleam: quæ me magnopere res oblectat. Sed habet hæc professio offensionis istud, quodd infrequentiores, & passim contemptæ istæ scholæ sunt, omniumque animos contetiosa ac rixosa Theologia ad sese rapiat. Quæ res docentis infringit animum, & quantumuis inuito & obnitenti tædium solet afferre. Huic incommodo, si quâ viâ posset occurrì cùm per diu apud me cogitassem, id vnum visum est aptissimum, vt qui mos in Lugdunensi prouincia iam dudum tenetur explicandæ scripturæ, in hac vrbe, aut etiam prouincia seruetur: nimirum vti moralis Theologia, siue Conscientiæ casus, vt vocant, & Scriptura sacra alternis scholis explicentur; & ad vtramque societatis nostræ omnium annorum auditores conueniant. Ita enim Præceptorum fastidium, & ista quam dixi solitudo leuabitur. Neque graue id erit auditoribus, immo verò iucundius; & ad eas artes admitendas, quarum maiore affici tædio solent; moralis inquam Theologiæ, & scripturæ, multo vetere illo instituto commodius. Si quidem alternis vicibus distinctæ rerum illarum disputationes: vti fatigationis, ac molestiæ minus habitæ sunt, sic ad eorum animos faciliùs adhærescent, quos ex interuallo repetita magis, quàm assiduè inculcata delectant. Equidem si id nouum inusitatûque esset alibi, quod à te

postulo, dum è re esse communi & istorum vsu studiorum probare possem, impetratum iri non diffiderem. Non enim quicquid nouum, id quia nouum est repudiari iccirco debet: cum ne vetus quidem esset aliquid, nisi nouum antea fuisset. Cum verò & in aliis prouinciis olim receptum sit; & illis ipsis, quibus maximè consuli oportet, studiis vtile; & ab eorum professoribus optandum, immo necessarium sit: spero te & illorum omnium, quæ hæcenus exposui, & mei quoque priuatim rationem aliquam esse ducturum. Vale.

EPISTOLA LII.

*Mutio Vitellesco Societatis Iesu
Præposito Generali, Romam.*

NOVVM ante menses aliquot exemplar mihi Rationarij Temporum; quod hîc à prælo recens exierat; non modò recognitum diligentiore cura; sed auctum etiam, & alio, quàm dudum, ordine confectum. Id quia tardius peruenturum esse Romam, tum superiorum annorum experienciâ didiceram; tum Typographus noster aiebat, cuius inter sarcinas reponi iusseram: minus tempestiuè has dedi litteras, quas quia commendando illi muneri destinabam, sic quasi comites, ac pedisequas, priùs ad vos aduentare nolui. Nunc cum instare iam

tempus coniiciam, quo librum illum accipias, hanc epistolam scripsi, partim commendatricem vt dixi, munusculi nostri; partim studij erga te obsequiique mei testem; partim denique promerendam apud Dominum precum tuarum, & sacrificiorum conciliatricem, ac sequestrem. Vale.

EPISTOLA LIII.

*Mutio Vitellesco Societatis Iesu
Præposito Generali, Romam.*

NI H I L humanius fieri potuit litteris istis, quas nuper ad me P. T. dedit: quibus me Romam vt ad se venirem, & id quàm maximè meo commodofacerem, est hortata. quorum alterum in magni beneficij loco à plerisque numerari solet, Romam vt omninò aspirare liceat: alterum singularis in me cuiusdam voluntatis habet, indulgentiæque non vulgare testimonium. Cui tam proluxæ in me beneuolentiæ, nisi quanta possum vicissitudine amoris, ac grati animi respondeam: non illa solùm indignum me esse, sed ne vita ipsa quidem me esse dignum existimem. Sed quo proluxiori, ac liberaliori in me es animo: eo cauere diligentius debeo, ne quid eiusmodi accadat culpâ dissimulationeque meâ, cuius gratiâ tum te consilij postea tui; tum me meæ profectionis pœniteat.

teat. Quamobrem statim atque litteras tuas accepi, P. Prouincialem conueni, de que eo quaesivi nunquid de me ad illū scripsisses. Quod cum negasset, coniecturam ex eo cepimus, non eam mihi profectiōē precisē absolutēque à te mandatam esse: sed deliberandi mihi, ac si quid aliter iudicarem, significandi copiam esse factam. Itaque de communi sententia placuit, vt sacrificiis, ac precibus commendata re Domino prius; quidquid in mentem veniret, de quo te admonendum putarem, id impigre, & audacter exponerem. Mihi verò sedulo in eam curam, ac cogitationem incumbēti tum difficilis, tum plena periculi visa illa profectio est; quòd neque pedibus tantum itineris peragrarē possum: & vehiculi perinde atque equitactionem meritò pertimesco. Quod enim aliàs ad te scripseram, cum de adeunda Hispania mecum ageres, haud obscura signa habeo latentis, & ad vesicam agglutinati calculi. qui quādiu stipatus istūc hāret, mediocrem habet molestiam: idem si agitatione crebra, & succussatione reuulsus fuerit, intolerabilem afferet dolorem, ac planè mortiferū. Hoc ipsum metuens, equitacione, ac vectatione præsertim longiore vti desij.

Accedit ad hanc causam etiam altera non minùs grauis studiorum meorum. Nam Opus quoddam in manibus habeo Theologicorum dogmatum: in quo Theologicæ quaestiones omnes ex Scripturæ, veterūque Patrum, & Conciliorum decretis, ac sententiis disputantur. Cuius iam primus Tomus affectus est,

& ad edendum propemodum paratus. Huius verò quod superest, neque Romæ perficere, neque alibi, quàm ibi, vbi cœptus est, nisi incredibili cum labore possum. propterea quodd scedæ omnes meæ, in quibus scriptorum locos adnotaui, certis Bibliothecæ nostræ libris, ac librorum paginis respondent, partim excusis, partim calamo exaratis, qui iidem, aut similis formæ, editionisve reperiri vix vsquam omnes poterunt. Ita de integro elucubrandi eius, quod iam confectum est, resumendus erit labor. Hæc habui, quæ super hac profectioe mea tibi proponerem. Quæ si minùs probauero, ac si priore in sententiâ perseueres, in tua ero potestate; ac manibus, pedibûsque reptabo potius, quàm vt spem tuam fallam, quam de me in epistolæ tuæ initio posuisti, cùm te scire dixisti apud me minoris esse cetera præ obedientiæ studio. Expectabo igitur, dum nouis litteris, tum mihi, tum P. Prouinciali, quid ab utroque fieri velis, explices: quod vt propediem facere digneris, etiam atque etiam precor. Vale.

EPISTOLA LIV.

*Mutio Valesco Societatis Iesu
Præposito Generali, Romam.*

PRIMVM ego felicem tibi huius, quem inimus, anni cursum à Domino precor. Tum, vt inos est eodem tempore, quos caros habe-

mus, eos pro viribus, donis ac munusculis prosequi, idem apud te officium usurpo; litterarumque munus offero, Theologicorum meorum dogmatum Tomos tres à prælo recentes: in quibus Theologiæ partem illam complexus sum, quæ de Deo, deque Angelis, & Opificio mundi disputat. Quam quidem Diuinarum rerum tractationem, non vetere illa, & scholarum usu trita via, sum ingressus: sed nouâ, & quod sine inuidia dictum sit, nullius adhuc vestigiis impressa. Non enim subtilem illam, & obscuris Philosophiæ tricis inuolutâ Theologiam institui: sed ingenuam, & amœnam, ac de limpidis & natiuis Scripturarum, Conciliorum, Patrumque veterum fontibus liquidiùs fluentem: eandemque non horridam, ac propè barbaram, sed cultu quodam humanitatis hilaratam atque conditam. Hoc si institutum probabis, animos mihi ad reliqua facies, quæ pari industriâ, & Diuini Numinis fiduciâ prosequi statui: ad idque P. T. preces & sacra solitò enixiùs imploro. Vale.

EPISTOLA LV.

*Francisco Piccolomineo Societatis Iesu
Præposito Generali, Romam.*

MAGNUM equidem ex R. P. Vincentij Carasæ obitu mœrorem ceperam, mihi-
que tecum, ac tota adeo Societate communem,

quodd & vir erat apprimè sanctus, & omnibus ad bene regendam Societatem necessariis præfidiis instructus. Quamobrem incredibilis de eo spes excitata in omniū erat animis, fore vt eo præside, societas nostra quàm optimo in statu constituta floreret. Verùm vbi de electa in eius locum P.T. ad nos fama peruenit, omnem illam animorum ægritudinem, velut nouæ lucis exortu, repentina hilaritas absterfit. Talem enim didicimus tanto viro subrogatum esse, qui nec dissimilibus virtutum ornatus esset insignibus: & iisdem persequendis vestigiis, quem nobis fructum ex eo pollicebamur, desiderari minimè pateretur. Faxit Deus, vt spem nostram, quæ est de te quanta potest esse maxima, non æquet res ipsa tantum, sed etiam superet: ac per tot acerbitates temporum, velut fluctuum agitationes, nauis acta societatis, in tutela præstantissimi gubernatoris acquiescat. Vale.

EPISTOLA LVI.

Gaspari Geuartio V. Cl. Antuerpiam.

SERIVS aliquanto, quàm aut pro officio nostro, aut expectatione fortasse tuâ, suauissimis, humanissimisque tuis litteris respondeo (Geuarti Vir Cl.) quod citra vllam tamen

iniuriam amicitiae nostrae factum esse, tute ipse
fatchere: cum, cur factum sit, didiceris. Nam
cum amici cuiusdam tui commendandi gratia
potissimum ad me scripsisses; ac tuas ille litteras,
neque mihi in manum dedisset ipse, neque cuius
ad me opera peruenissent, diuinare possem:
feci quod in eare quiuisset faceret, vt rescriben-
di tibi curam in hominis illius, si me aliquan-
do conueniret, aduentum & colloquium dif-
ferrem: vti si quid eius causa praestitissem,
quod a me tu & illius pater (is enim vnà tecum
ad me scripsit) magnopere flagitabatis; vtri-
que perscriberem. Verum nescio quo modo
contigit, vt & ad me haectenus ille non venerit;
& ego, dum huic spei, opportunitatique praes-
tolor in dies, longius processerim. Haec non
solum excusandi mei causa: sed vt illius etiam,
qui mihi abs te commendatus est, patrem cer-
tiores reddas, ad te scripsi. Nam ad illum
tunc denique proprias dabo, cum de eius filio,
quod vnicum litterarum ipsius argumentum
erat, aliquid extricauero.

Nunc ad epistolam tuam venio: in qua per-
mihi iucunda primum expectatio tua fuit ope-
ris nostri de Doctrina temporum, quod ante an-
nos facile quindecim susceptum, octodecim ab-
hinc mensibus sub praelum habetur. Id verò
propediem extabit. sed vereor vt expectatio-
nem illam vestram sustinere possit.

De Gottifredo Vendelino scripsit nuper ad
me Heribertus Rosuueydus noster, & libelli cu-
iusdam, qui etiamnum sub typis est, titulum

primamque plagulam misit *de obliquitate solis* : cetera pollicetur, ubi in lucem exierint. Sed mirifica est alterius, quod, uti narras, idem ille molitur, inscriptio : *Chaos temporum*, seu *vertigo opinionum de tempore orbis conditi*. tum alterum istud; *de Charactere Diluvij desinentis*. In his temporum cardinibus, propter & antiquitatem, & historię silentium, summa inest obscuritas : nec alibi diuinationum & coniecturarum impunitas maior. Sed quod illius institutum sit, tum sciemus denique, cum eius liber prodierit.

De *Antonini vita*, cuius recensioem meditaris, gratulor : & ut bene vertat, precor. Est hic iuuenis quidam Germanus, Hamburgensis, ex Lutherano Catholicus, vir litterarum istarum, quantum intelligere potui, apprime peritus : qui de eiusdem libri castigatione, & editione, iamdudum cogitare se dicit. Sed maturum id illi esse non puto. Locum illum verò Nicephori, ubi M. Aurelij Antonini meminit, exscripsit, mihi que dedit Sirmondus noster, qui tibi salutem plurimam dicit. Huius ego schedulam his litteris adtexui. Deum precor, ut te tuaque omnia fortunet. Vale V. C. meaque, si qua in re commodare potest, operâ utitor. Lutetiæ Parisiorum, Nonis Nouembris. *MDCCXXVI*. Andreæ Schotto, optimo & eruditissimo seni, salutem à me dicito.

EPISTOLA LVII.

Gaſp̃ari Geuartio V. Cl. Antuerp̃iam.

GRATVM tibi officium in te meum fore, ſperabamequidem, & vt eſſet, optabam: tam valde placiturum eſſe neque ſuſpicatus eram; & ita cecidiſſe magnopere gaudeo, atque iſtud ipſum abundantia quadam factum humanitatis interpretor, vt quod leue eſt ac prope modum nullum; id non ſolùm agendâ, ſed referendâ quoque gratiâ, magnum & illuſtre videri velles. At ego te viciffim de iſto munere quod ad nos miſiſti, amo plurimum, & gratias habeo. quod idem & Sirmondus facit. Vendelinum tanti à vobis fieri, neque miror; & illius cauſâ, valde me delectat. Scripſit ad me ſanè quàm copioſas & eruditas litteras, certis de rebus, de quibus partim ſciſcitatus eram; partim eæ controuerſæ inter nos erant, & dubiæ. Ad illas etiam vberiùs reſcripſi. Et eiufmodi vir eſt; vt ex eius amicitia, doctrinâque magnum iam fructum ceperim, & maiorem poſtea capturum me eſſe confidam. Vale, Vir eruditiffime, nôſque (vti facis) ama ſemper, ac tuis apud communem Dominum precibus commenda. Lutetiæ Pariſiorum vi. Kal. Mart. ciciocxxviii.

EPISTOLA LVIII.

Gaspari Genartio V. Cl. Antuerpian.

NON obliuione sepultam, aut languentem apud me recordationem tui, sed spirantem adhuc, maiorem in modum excitarunt litteræ tuæ, & ut lætarer effecerunt: natam mihi hanc occasionem longo ad te interuallo scribendi, quod iam pridem facere debueram. Sed scis quàm fœdum ac difficile sit vsitatas ac perennes studiorum curas, & commentationes incidere, ac minimè necessariis de rebus obstrepere homini, & in eodem priuatarum occupationum genere, & in publicis tractandis negotiis assiduè defixo: qualem te esse, coniecturam ex illo munere facio, quod in illustri ciuitate splendidum geris. Verùm quoniam ultro tu me hoc officio prouocasti, utar exemplo tuo, ac tibi vicissim incolumitatem ac salutem, & felicem, optatūque ineuntis anni cursum imprecabor.

Non melius erit illis, qui otium interpellare tnum, & hostili stilo lacessere te ac vellicare sunt ausi. Sed quod de nouo tuo antagonista quæris; scire te volo, hominem esse laicum, & coniugio implicatum, & alioqui probum ac pium. Quo fuit illius tota hac vrbe mirabilis & in-

opinatus factum, quando in N. leuiculâ de re, aded intemperanter acerbéque commotus est: quod profectò nemini, ne amicorum quidem suorum, probare potuit. Sed non te præterit, quàm sit non vatum solùm, vt ille dixit, verùm etiam Criticorum genus irritabile; & horum fortasse, quàm illorum, crebrius, ac vehementius. Mihi verò si credere vis, nolim qualecumque in te meritum illius est, impotentiùs in eum effferri te. qui si te nosset, morésque tuos, tecum aliter egisset, ac plus ille sibi, quàm tibi, publicam ad famam, commendationémque, detrimenti attulit. De tua erga se benéuolentia & Antitristani sui commendatione gratias agit tibi Iacobus Simon-
dus, téque cum primis salutat. Scis opinor, ante mensẽ circiter vnum decessisse veterem tuum patronum Memmium, breui interuallo post fratris sui Auauxij obitum, quorum interitu duo Galliæ nostræ lumina sunt extincta. Ea videlicet humanarum rerum conditio est, nihil vt in illis nisi mortale sit, & perpetuâ vicissitudine suspectum & anxium. Quo nos ar-
dentiùs par est ad immortalem gestire cum Christo vitam, & eò cogitata omnia & consilia referre. Ita te sentire, itaque facere confido, & vt perpetuò sentias ac facias opto: meique vicissim, apud communem Dominum, vt memineris, oro & obtestor. Vale. Lutetiæ Parisiorum
Prid. Eid. Ian. cixocti.

EPISTOLA LIX.

*Alberto Cicitio Societatis Iesu,
Dilingam.*

HERIME absente Mathematica tua Theoremata ad nos perlata sunt. Postridio conuenit me negotiator, ac si quid ad te vellem, quàm celerrimè maturare iussit: se enim eodem die profecturum. Itaque raptim hanc epistolam exaravi; vt hoc saltem tibi grati animi testimonium præberem. Ago itaque gratias, & si qua re potero referre, deinceps enitar. Habebat idem ille nuncius à Laimanno nostro mandati nonnihil de libris suis, quos hîc excusos audierat. De qua re nihil hactenus scio. Dabo verò quamprimum operam, vt si possim, quod à me petiit confectum reddam. Hunc interim à me plurimum saluta. Vale.

EPISTOLA LX.

*Stephano Menochio Societatis Iesu,
Romam.*

QUO QVO modo bene mereri de te licet, id ego pergratum habeo, & amplector

cupidè, permotus, & eruditione, quam singularem ex libris tuis comperi, & humanitate quam multis testibus, ac prædicatoribus, iamdudum perspexi. Itaque quantumuis leue fuit, quod mihi nomine tuo Bagotius noster iniunxit, pro viribus exequi studui, vt de Commentariorum Biblicorum noua editione, cum Typographis nostris agerè. Ac quid principio actum à me sit, cum primum rem suscepì; ex iis litteris quibus statim Bagotio respondi, cognosces. Quid deinde fecerim, ex me ipse breuiter exponam. Cum societatem inter se coiissent tres hac in vrbe librarij mercatores, de tuis aliorumque commentariis recudendis; litem illis mouit Berterius, quòd Tirini se habere scholia ab illo recognita, & aucta diceret, quæ grandi sibi ære pepererat: & à Franciæ Cancellario eorum edendorum priuilegium impetrarat. Ea res societati illi moras iniecit. Tandem inter illos conuenit, vt in eam societatem quartus adscriberetur Berterius. Id nunc opus vrgetur prælo duplici, vt duo simul volumina cudantur. Quare sciscitanti mihi, vellèntne tantisper cæpto supersedere operi, donec certiore te de eorum consilio facerem, negarunt id sibi integrum esse: quòd operas iam còductas haberent, quas si dimitterent vix recuperare postea possent. Itaque si quamprimum schedas tuas mitteres, se ex iis quod reliquum esset, planè vt velles persecuturos. Ex iis autem, quæ iam essent edita, quidquid noui adiectum foret, id se in vnum collectum, operis in fine posituros esse. Vale.

EPISTOLA LXI.

*Terentio Alciato Societatis Iesu ,
Romam.*

DVPLICITER me litteræ tuæ delecta-
runt (Eruditissime Alciate.) Nam &
plenæ sunt ingenuitatis cuiusdam, ac candoris
antiqui: & Christianâ modestiâ suffusum ani-
mum redolent, minimèque de se magna sen-
tientem. Ingenuitatis id primum est, quòd
contra quàm mos hodie est, fucò omni detra-
cto, rectà me ac nomine meo appellare institui-
sti, nec per ambages titulorum, ac circuitus Re-
uerentię ac similium exorsus es, quę à vobis Ita-
lis nos Galli didicimus: cùm simplex, probum,
ac Latinum sit, *tu, te, tuum*, dicere. Itaque te
hac de causâ pluris facio, consuetudinẽque
tuam, & quoniam ita vis, familiaritatem. Quod
mihi quidem amplum, & honorificum est: cùm
eâ sis inter tuos Romanos auctoritate & gratiâ;
vt non mediocri ornamento tua mihi sit amici-
tia futura. A me verò quid in te vicissim redun-
dare possit, quo accessio tibi fiat aliqua dignita-
tis, equidem nihil video: neque cur tanto pe-
pere id ambires, ac te adeo summitteres, caus-
sa tibi vlla foret; nisi, quod alterum mihi in tuis
litteris amabile visum esse dixi, tua te singula-
ris animi moderatio, & ab omni aliena fastu

benignitas ad id esset hortata; cuius id proprium est, bene sentire de omnibus, & in iudicando, ac laudando esse liberalem. Hæc cum dico, pudore te aliquo fortasse perfundo. Quod si facio; vicem tibi reddo laudationis illius, quàm te tuis in litteris nimis inuidiosè ac præter meritum decorasti. Quo vno illarum excepto capite, nihil iis mihi potuit esse iucundius. Neque verò me ut tibi conciliares sequestre vllò & interuentore opus habuisti. Vel ipsa leuissima voluntatis tuæ significatio, ad amorem tui, & quàm facillimam meū, mearumque rerum omnium copiam tibi faciendam inflammare potuisset. Itaque sic de me habeas velim: postquam intellexi tanti id abs te fieri, & in quodam lucro poni; quod vel minimè petenti vltro deferendum à me foret, id omne tibi promptum ac paratum esse; quod quidem præstari ab homine potest, re ipsa quidem minore, quàm est opinione tuâ: sed tamen & tui obseruantissimo, & officij amicitiaque cultore cum primis studioso. De Concilio Tridentino, gaudeo id tibi oneris impositum à maioribus fuisse. Non potuit, neque munus vllum dignius te, neque munere isto, quàm tu es, dignior adhiberi. Spero tibi laborem hunc ex voto successurum; idque ut pro eo ac spero, ita vertat, Deum enixè precor: ac te, ut idem meâ causâ facias, etiam atque etiam obtestor. Vale.

EPISTOLA LXII.

*Terentio Alciato Societatis Iesu ,
Romam.*

IAM DV DV M hîc rumor increbuerat, quatuor viros è sanctiori Cōsistorio delectos esse ab S. D. N. qui de famoso Arnaldi libro, eîusque placitis ac decretis cognoscerent, deque iis ad Consilium postea referrent. Intellexi autem ex litteris tuis, agi potissimum in præsentî de ealibri parte, in quâ de duobus Ecclesiæ capitibus disputatur. Quo de argumento, quod à me petis, dicam breuiter: falsos omnes, & partim inscitiâ, partim maleuolentiâ occæcatos esse, qui hoc scripto, vel sermone dissipant; assentiri me illorum opinioni, qui Petrum ac Paulum duo Ecclesiæ fuisse capita defendunt. Quam sententiam prorsus ineptam, absurdâque esse iudico. Nam etsi duos Romæ Episcopos vnus, quod sciam, illos Epiphanius appellat: non ex eo tamen consequens est, totidem Ecclesiæ totius capita fuisse. Etenim Apostoli omnes, totius Ecclesiæ Pastores, & Episcopi fuerunt; hoc est, nullius loci finibus determinatam, & circumscriptam potestatem, ac iurisdictionem habuerunt. Quod in libris de Hierarchia, post Bellarminum, ceterosque Catholicos, ostendimus. Veruntamen & horum omnium,

& totius Ecclesiæ caput fuit Apostolus Petrus. Quæ vox capitis, non Apostolicam solùm, & Episcopalem functionem significat, sed eminentem præterea supra reliquos auctoritatis excellentiam: quæ ex voluntate Christi in vnum est collata Petrum Apostolum, ab eoque propagata est in successores deinceps Romanæ Urbis Episcopos. Itaque capitis appellatio in vno Petro præter Apostolicam dignitatem, & Episcopalem, quam vtramque communem cum reliquis Apostolis obtinuit, præterque principatum Collegij Apostolici, quem ei nominatim Christus detulit, hoc insuper habuit, ut quasi ordinaria potestas esset: hoc est, ut in successores Petri Romanos Præsules, eo mortuo, propagaretur. Quâ quidem prærogatiuâ ceterorum Apostolatus caruit: quibus extinctis summa est illa, quam in Christianos omnes gerebant, sublata potestas. Insulsi ergo sunt, ac litis, nouitatisque cupidiores, quam veritatis, nuperi isti dogmatum consarcinatores, qui duorum capitû fabulam commenti sunt; in qua refutanda, non est constituendum operæpretium: quod & summi apud nos viri, ac doctissimi iam illud argumentum occuparunt: & ad illam refellendam, pauca illa, quæ attigi in præsentia sufficiunt. De me quidem, quod potissimum rogasti, sic habeant qui ex te scire volunt quid de ea quæstione sentiam: nunquam me duo Ecclesiæ capita vel per somnium esse credidisse: & ut paullo antè dixi, Episcopi nomen ab capitis vocabulo seiunxisse: quo-

rum alterum in Romana Ecclesia commune tribuit Epiphanius Apostolis duobus : quod ipsum nihil aliud interpretor , quàm auctores & fundatores ambos illius Ecclesiæ fuisse. Hanc meam de singulari Ecclesiæ capite veterem & constantem fuisse sententiam , tetrasticho teste confirmare possum : quod ante annos septem & viginti , cùm primæ Scholæ præessem hac in urbe , inter poëtica opera nostra typis edidi de SS. Apostolorum Petri & Pauli festo die , ac martyrio : quod epigramma , quia non inuitis Musis & Gratis excidisse mihi videtur , hîc tibi describam.

Cetera cùm similes fuerint , cur stipite fixus

Alier , at huic sauo tollitur ense caput ?

Nimirum caput ille orbis ; capite hic minor uno :

Nec duo , nec nullum debuit esse caput.

Vale.

EPISTOLA LXIII.

*Ioanni Bapt. Rossio Societatis Iesu ,
Romam.*

O L I M tibi debitor eram non pecuniæ , sed , quod amplius est , gratiæ : quod meâ causâ tantum elaborasses , quantum ab veteri amico , & multis ac magnis beneficiis mihi deuincto vix sperare poteram , homo nulla re tibi , nisi communi societatis nomine conciliatus , & cognitus. Accessit ad officij cumulum
nuper

nuper etiam pecuniæ debitio; quam pro me in Mediolanenses librarios dependisti, qui Themistianas orationes ex vetere exemplari iussu meo describunt. ita enim mihi Bernard. Bragelonijs suis litteris significavit: quas nouissimas affirmabat Roma dare se: quòd subinde ad nos in Galliam profecturus esset. Itaque monuit me, ne vllas Romam ad se ampliùs mitterem: sed ad te deinceps scriberem; quem quidem rogasset, vt illius quod reliquum est Mediolanensis negotij, exscriptionisque conficeret. Quoniam igitur hanc tibi curationem ex asse delegari passus es, pro tua caritate ac benignitate, feres me deinceps interpellatorem non minùs molestum: gratum quidem, ac tam prolixi in me studij, beneficiique memorem. Atque hæc, duorum, quæ initio commemoravi, nominum prioris est solutio. De posteriore, quod est pecuniæ, simul atque rescui ex eiusdem litteris, egi cum Sebastiano Cramosio Typographo nostro, qui se ad Hermannum, vestratam Bibliopolam, quicum ipsi negotium est, scripturum recepit, vti tibi quantum necesse est ad impensas eas, quæ iam factæ sunt, & quæ postea fient, pecuniæ suppeditet.

Scribit idem ad me Bragelonijs ægrè tulisse te, ac Mediolanensibus illis exscriptoribus succensuisse, tum ob immanitatem pretij, tum quòd Orationes aliquot iam à me editas ex veteri codice descripssent, contrà quàm inter nos conuenerat. atque ideo mandasse vt à scriben-

do supersederent, donec certius à nobis aliquid accepisses. Verùm peto abs te, vt ne intermitteri patiaris operas, neque sis de pecunia sollicitus : quæ abunde vobis meâ fide suppeditabitur. Sed de eo velim iterum admoneantur, vt ne orationes illas describant, quæ iam à me sunt editæ. Quanquam pauca admodum supersunt, ac non plures opinor tribus, aut quatuor. Velim autem, cùm schedas illas ad me mittes, fasciculo Cramosij nomen inscribas ; qui se & ad te, & ad eum, quem antè nominavi Hermannum, de suppeditanda pecunia scripturum esse mihi promisit. Vale.

EPISTOLA LXIV.

*Ioanni Bapt. Rossio Societatis Iesu,
Romam.*

PLVRIMVM tibi debere me sum professus sæpius : nec sentiam aliter vnquam, præque me feram. Nam non vulgarem operam nauasti mihi, vt quod ego maximè cupiebam, id effectum redderes ; ac Themistianas mihi curares orationes illas, quæ magno flagitio iacebant in tenebris, nec se publico commodabant. Harum nuper ego quod erat residuum accepi : quo nomine gratias tibi immortales ago. Vnum illud dolebat, quod tam spissè, ac malignè suppeditatæ sint vobis pecuniæ : de

quo egi cum Sebast. Cramosio ; vt quamprimùm Hermanno vestrati Bibliopolæ manderet , vti quod ex illa ratiuncula reliquum est totum dissolueret. Putaueram nihil deinceps defore , quo minùs ex asse vobis satisficeret. Sed lentum negotium est , præsertim vt sunt tempora , ab mercatoribus istis æs exprimere. Valebit illud ad augendam beneficij magnitudinem , quòd nonnullò incommodo , ac molestiâ tuâ , tuorùmque , ita meritis de me fueris. Et memorem me profectò semper habiturus es : ac si nihil aliud tuâ causâ vicissim queam ; tibi saltem officio non decro , vt remuneratorem allegem vice meâ D. Iesum ; à quo precibus , & quibus aliis potero modis , impetrare studebo , vt te suâ gratiâ , & sospitate perpetuò dignetur. Vale.

EPISTOLA LXV.

*Athanasio Kircherò Societatis Iesu,
Romam.*

QUEM ad me librum misisti , accepi primum ; non Prodromum illum , de quo inter nos actum est : sed alterum , in quo linguæ Copticæ Grammatica , & vocabularium continetur ; doctum opus , & laboriosum , & ingenio tuo ac eruditione dignum. Hunc vt primùm aperui librum , fortè in supplementum incidi , siue disputationes de anno & men-

sibus Copticis, & aliis eiusdemmodi. Quæ cum attentius legere statuissem, & cum iis, quæ de eodem argumento commemoratus olim fueram, conferre; quo accuratius meam de illis sententiam perscriberem, id quod cupere te mihi significaras: diem ex die protrahi longius siui, quàm destinaram. Adco multis inter hæc interpellantibus me curis ac negotiis, ab officij sum cursu reuocatus. Hoc à te peto imprimis, vt ignoscas: tum vt pro tanto munere, quàm amplissimas à me tibi gratias agi interim scias; dum haberi qualescunque occasione datâ poterunt: postremò, quod facturum me significavi, vt de anno Ægyptiaco & Sothiaco quædam adnotarem; id me per otium meditari, ac dudum intermissa recolere studia ista patiâris. Vale, mi Pater, méque in tuis numera, & communem pro me Dominum precare.

EPISTOLA LXVI.

N. Olyssiponem.

PURGAREM me apud te, quòd ignotus, tantòque locorum interuallo distractus, ad ignotum scriberem: nisi eam vim caritatis esse scirem, vt alienissimos inter se mutua quadam officiorum ac voluntatum coniunctione sociaret. Ac præterea, causâ mihi ad scribendum est eiusmodi, nulla vt alia vel inusitati consilij,

vel audaciz in interpellando meæ , excusatio possit esse iustior. Quam quidem ego tibi breuiter exponam. Aurelianensis cuiusdam ciuis, popularis mei filius , paucis abhinc annis Parisiensi mercatori , ac serici , vt opinor , institutori se in familiam dederat. Hic statim Olyssiponem , qua in vrbe negotiabatur , ad res suas procurandas iuuenem destinat. Qui cùm aliquot annos ita illic versatus esset , vt fidem industriamque suam vehementer probaret , postea nescio quid rumoris allatum est , agere interim res suas iuuenem , & in herili re tuenda & amplificanda , priuati quoque commodi rationem habuisse nonnullam. Quod verè an secus iactatum adeo mercatorem commouit , vt is in Lusitaniam pòst paullo profectus sit. Ibi quid egerit , neque reuersus ille cuiquam significauit , nec aliunde sciri hætenus potuit. Scriptæ quidem paucos ante menses ab adolescente sunt litteræ , quibus suos admonebat , ne qua in re mercatori illi fidem adhiberent , néve illi quicquam concederent ; ac se in reddendis rationibus ab illo esse circumuentum querebatur. Mercator interim Olyssipone reuersus , adolescentis parentibus vadium dicit , rémq; ad capitalem causam , & ad furti domestici crimen atque inuidiam trahit. Ex quo miræ hîc tragiæ concitatz sunt. Quamobrem cùm de adolescente certi nihil compertum foret ; oratum ad me parentes istius venerunt , sibi vt hac in re , quibus possem rationibus , opem afferrem.

Id se vnum in præsens optare, vt quas ad illum litteras scriberent tutò perferendas curarem: neque enim eiusmodi esse, cuius vt eas audent committere. Fecit hæc illorum sollicitudo, ac mea in te sociòsque nostros fiducia, vt iis etiam ampliora pollicerer. Quorum vt fidem liberem, peto abs te maiorem in modum, ac precor, vt de iuvene illo, cuius nomen, ac domicilium ex litterarum, quæ ad eum datæ sunt, inscriptione scire poteris, inquiri iubeas, eique ipsi tradi litteras, ac si qua in re potes, hortatu, consilio, auctoritate, omni ope denique peregrinum subleues; cum ea exceptione, quatenus id tuo commodo, atque ex Societatis more institutòque potest fieri. Quod si aut abest ille; aut nusquam comparet, litteras ad nos velim remittas. id enim à me parentes ipsi postularunt. Postremò quicquid iuveni vlla in re commodatum à vobis fuerit; id mihi præstitum arbitror.

Quoniam aliena in re, ac commendatione, parum me fortasse pudenter præbui: idem vt in meâ mihi causâ liceat, etiam abs te contendo: si meâ hoc tamen priuatim interest, quod ad publicum fructum iamdudum à me comparatur. Cùm enim Opus quoddam de Doctrina Temporum aduersus Iosephi Scaligeri commenta de Emendatione temporum, aliâque id genus, pridem susceperim, opus ad id fore mihi video, cùm alio rerum apparatu; tum variarum nationum Kalendariis ac Computis, Æthiopum præsertim, & Coptitarum,

tum Orientalium, vt Sinarum, Iaponum, Indorum, populorúmque ceterorum; quorum de annis magno ille conatu magnas nugas effutiit. Quas vt in reliquis facílè præstiti, sic in illis deprehendere, ac patefacere, sine priorum cuiusque Kalendariorum adminiculo, non possum. Quare peto illud insuper; vt si quid à vestratibus, qui per illas regiones dispersi sunt, curari obtinerique potest, id mihi per litteras significes. Summa autem hæc rei est, vt propriam cuiusque nationis, anni formam, ac mensium dierúmque descriptionem: necnon & epochas, siue annorum initia: tum intercalationes, ac cetera quæ eodem spectant, Latínè quam fidelissimè ab illis perscripta mittantur. Hoc si impetrauero, magno me à vobis beneficio deuinctum putabo. Ac si quid est vicissim, in quo meam híc operam desideres, strenuè id à me præstatum iri confide. Vale.

EPISTOLA LXVII.

PRIMVM hoc ad te scribo; à téque peto: quod & eo ipso maiori spe sum ad impetrandum. Hoc igitur postulo, vt quæ inter discipulos tuos habes N. nō is quidem multo quàm nunc est cōmendatior sit: satis enim te scio, ad id quod officij tui est sponte tua concitatum, monitore, vel suffragatore neutiquam habere opus: sed vt fidem de illo meam, & auctoritatem, quam

in me nonnullam, ad eam rem esse suspicari sunt, apud eius parentes liberes: præ téque feras, aliquid procuratione nostra esse perfectum. Nosti quàm sit hominum eiusmodi improba, & superuacanea plerumque sedulitas. Ea fecit, vt id à me, quod vel officio ipso debitum putant, magni beneficii loco peterent, ad te vt accuratissimè ea de re perscriberem. Dedi hoc non tam illorum precibus, non tam propinquitati ac sanguini, quàm sanctiori cuidam in Christo necessitati nostræ: vt quanto ea nos arctiùs, quàm natura ipsa copularet ex eo periculum facerent, quod postulatione mea impetratum viderent. Hoc vt reipsa ex votóque succedat, dabis, mi frater, operam, non tam acriori in illius profectu curando operâ ac sollicitudine, ad quam nihil fortasse potest adiici, quàm genere quodam significationis: quæ, cum infinitè pateat, nihil certi tibi petitione mea præscribo. Hoc vnum rogo, vt quantum secundùm Deum causâ meâ velis, hac vna in re demonstres. Vale.

EPISTOLA LXVIII.

QUAM te ratio tua fefellerit vides; qui vacationum tempus, quo ad me scriberes, elegisse te eo consilio scripsisti, vt otij plus ad respondendum haberem; quòd per reliqui temporis occupationes minùs id possem facere.

Atqui totum tibi spatium illud vacuum litteris meis abiit. non quo tui me tædium, aut obliuio ceperit; cuius amorem cum perpetua recordatione sanctissimum habeo: sed quod neque mēsis vllus vnquam impeditior mihi superiore isto fuit; & vixdum constitutâ tibi habitatiunculâ, paullisper differendam responsionem putarem; dum tu fixo in loco, ac velut certa statione constitisses. Quam quidem inter conuictores tibi contigisse; tum tuâ, tum illorum causâ gratulor. tuâ, quòd hanc assidui in Philosophia laboris, contentionisque non infructuosam intermissionem nactus es: illorum verò gratiâ; quòd vsu, institutioneque tuâ, haud paullo meliores fore confido; si tu is esse pergis, quem & fuisse cognoui hætenus; & futurum esse deinceps auguror. De N. quem tibi contubernalem esse gaudeo, omnia tibi polliceri potes; quæ & ab adolescente optimo; & ab tui peramante, & non imperito, expectari officia solent: quæ vt ab eo quàm in te maxima sint; commendatione mea perficiam. Vnum est, quod abs te. vicissim contendo, vt mei perpetuò sis memor, ac me tuis apud communem Dominum precibus quàm diligentissimè commendes. Vale.



EPISTOLA LXIX.

Francisco Hardiso Societatis Iesu,

SI c quasi ad Arcopagitam habendus mihi sermo, non ad te scribenda epistola sit, ita sine vlla exordij pompa, postulatis tuis quambrevissimè satisfaciam. De Ciceronis lectione p̄bo consilium tuum. Nihil vtilius persequi modò potes, quàm quod facis; vti stilum tuum illius suauitate elegantiaque condias; sic quasi oleo, vel vnguento, cutis tuæ scabritiem detergas ac lenias. Eodem & Elegiaci carminis studium pertinebit. Est enim molle ac tractabile genus & insitæ tibi grandiloquentiæ depascendæ istud, quàm tragicum illud, aptius. Ne te tamen nimium demittas atque ex Audaci, timidus, & χαυρις aliquando fias, παραδῆν funditus non veto: sed caue διβεβηκῶς inde aliquid ex consuetudine in orationem tuam deriuas. Laudo argumenta, quæ tu tibi selegisti. Ad Græca quod attinet, grammaticis te præceptis suffici antea cupio, atque ad obrussam nostram, cuius te oblitum non puto, penitus exigi: postea in legendis scriptoribus diu, multumque volutari. Neque tamen Græcæ scriptiōis v̄sum funditus omittes. Vtrumque igitur ita temperabis, plusculum vti lectioni, quàm scriptiōi tribuas; immo illud assiduè, hoc interdum adhibeas.

His à te quæstiunculis petitus, vicissim te vnâ,

& perbreui laceſſam. Me puero frequens erat in patria rumor, N. Miniſtelli patrem in NN. familia Monachum fuiſſe. Id cum ei à viris primariis obiectum ſit, acerrimè ille negat, & in nupero libro, quem cōtra Cardin. Perronij Opus edidit, falſum id eſſe quouis pignore contendit. Ego dum in eam rem attentius inquirerē, certis auctoribus comperi, proſus in N. Cœnobio, inter monachos, illius patrem meruiſſe. Tu velim rem ſubodorēre : ſed cunctanter atque è longinquo arceſſito ſermone, velut aliud agens iſtud exprimas. Tum ubi homines calefaceris, acrius deinde veſtiges, eoque perducas, vt, ſi fieri poſſeſt, priuatis è Cœnobij tabulis aliquid elicias. Hoc ſi ſtrenuè, nauitèrque perfecceſis, magno me tibi beneficio deuinctum putabo. Vale.

EPISTOLA LXX.

GRATISSIMA mihi fuit epiſtola tua ab ea parte, quam fortalſe vix ſuſpicēre. nam tu id alterius cauſſâ, & obiter inieciſti. Hoc enim ſcribis, conualuiſſe te penitus ex ea febricula, quæ plus aliquanto ſaſtidij habebat, quàm doloris, aut periculi. Ideo verò putas accidiſſe, quodd cælo iſtæ vtare ſalubri & commodo, mirificæque naturam ad tuam factò. Hæc pauca obiter, vt dixi, ex occasione iacta ampliùs me opinionione tua delectarunt. non ſolùm quia te amo, & bene tibi, atque ex animi tui ſententia

euenisse gaudeo ; sed etiam præterea cogitantem , quàm suauiter , vtiliterque consulat rebus nostris Diuina prouidentia , dum ad eius nutum , hoc est , maiorum arbitrium nos fingimus . quod vtrique nostrum documento esse potest ; nullam eo certius ad animi securitatem , & salutem iter esse , quàm quod tenere cœpisti ; vt illinc totus in omni tua vita pendear . Cætera epistola tua non minùs iocunda fuerunt . Vel stilus ipse , quantum habet nitoris & elegantia ! cuiusmodi te consecrari genus in dicendo , ac scribendo , maximè cupio , & vt volo , in spe iam esse , quia testes habeo litteras tuas , equidem gratulor . Neque verò pluribus hortandus mihi es ; neque quâ te viâ peruenire illuc oporteat , accuratiùs es docendus . Habes enim quæ id meâ vice faciat , illam methodum , quam ad gubernanda Nostrorum studia olim dictaueram : quam si ducem adhibeas , nâ tu litteris istius generis nostris ac præceptis carere potes . Quicquid autem in specimen ad me miseris , quod esse perbreue è re nostrum vtriusque sit (Nam neque te temporis in describendo placet iacturam facere ; & ego quo breuiora erunt , quæ ad me mittes , faciliùs , accuratiùsque recognoscam) id ego perlibenter videbo . Nam nemo viuit hodie , qui aut voluntate quàm ego , maiore sit ergate ; aut profectus in his litteris tui cupidior sit : aut eius ipsius vehementiorem spem , expectationemque ceperit . quæ ne nos aliquando fallat , cum est tibi omni studio laborandum : tum me quoque pro virili parte

iuvare te, nūquā convenit. Vale mi frater,
ac meo nomine Patres fratresque nostros
saluta.

EPISTOLA LXXI.

NISI bene noti invicem essemus, succen-
sere tē mihi, me apud te diligentius ex-
cusare par esset; quod nullas ad hanc diem lit-
teras, ne tuis quidem aliquot acceptis, ad te
scripserim. Verū tarditati huic facile veniam
dabis, neque cū de animo, ac voluntate, cer-
tō scias, de huius qualicumque significatione
tricari voles. Ego me iamdudum in ære tuo
esse video, nec ad nomen respondisse. Sed
profectō tam multa me officio isti præverte-
re oportuit, ut de die in diem protrudenda
illius recordatio fuerit. Ac quod ad te modō
perbreuem hanc epistolam exarem, victus pu-
dore feci, ut de necessario tempore particulam
aliquam suffurarer, quam tibi imputare pos-
sem, ne pleno, summōque mecum iure con-
tēderes. Venio ad te, quem passis velis in quæ
studia iampridem ingressus es, in iis cursum
tenere video, ac mirificē gratulor. Omnino
quod superest curriculi huius (Nam propē te
iam metas spectare puto) in Græcis consu-
mendū tibi censeo: ut quā-maximam il-
lius linguæ copiam in annos consequentes re-
positam habeas. Tametsi non multum vacui ti-
bi temporis ab scenico apparatu, & choragio

reliquum fore prouideo: quod te propediem occupatum tenebit. Sed enitere quantum potes, vt tibi ipse non desis, & vt temporis illius, sicquasi ex naufragio reliquias colligas. Plurimum interest, bene paratum ab illo comineatu in Theologicum te mare committere. Vale.

EPISTOLA LXXII.

*Ioanni Bollando Societatis Iesu,
Antuerpiam.*

MI R O R quid tibi nescio quo fasciculo velis, quem allatum ex Hispania, & à veredario receptum à me esse, postremis litteris scripsisti. Equidem ex Hispania nihil à quoquam accepi: neque quid istud rei sit prorsus intelligo. Enitar tamen, & si qua re poterò, tibi non deero. De officio nominis Iesu rem confeci, ac tria exempla misi. Cuiusmodi autem sit istud nescio: neque enim hætenus videram. Editæ sunt nuperrimè Samuelis Petiti Critica quædam Miscellanea: quæ nisi ad vos perlata crederem, aut si ea cupere te cognoscerem, eadem operâ misissem. Expectabo quid super hac re significes. Gratum est quod de remissa istâ persecutione subiicis. Utinam ex integro conquiescat; ac tam litteris, quàm Catholicæ religioni, sua pax & auctoritas constet.

Scripserat ad me nuperrimè N. de duobus

liberis mercatoris Antuerpiensis: de quibus quia dudum eos non videram, nihil tum certi potui rescribere. Nunc quid agant, & quo in statures illorum operâ meâ, & consilio constitutæ sint, meliùs ex illorum litteris, quas se daturos esse dixerunt, quàm ex meis, eorum parentes intelligent.

Cùm ad me litteras dabis, pretium integris litteris inscribe, quod tabellariis repræsentari solet. Nam ipsimet enorme scribunt, & exigunt. Ac, si me audis, per amicos potissimum mittes, quorum frequens vltro citròque profectio est. Ego me sacris & precibus tuis enixè commendō. Lut. Paris. vii. Cal. Maias c1616cxxx.

EPISTOLA LXXIII.

*Ioanni Bollandò Societatis Iesu,
Antuerpiam.*

DE rana vestrate nondum audiueram. neque me verò ad omnes omnium strepitus commoueri attinet. Sic enim breui *opulenta* in me totam concitauero. Ita facti sunt plerique, vt id etiam gloriæ sibi esse ducant, aliis negotium facere, vicissim vt habeant ipsi, & in aliquo esse numero videantur: quorum si latratus contempseris, plus tibi quietis, illis molestiæ pepereris. In horum grege Hispanus ille haberi debuit, cui in Vranologio nostro nuper

occurrimus. Sed eius tamen cur nonnulla istius ratio ducta sit, quarti illius Operis libri Præfatio docebit. Εἰ δὲ πᾶσι ἄξιον λόγου coxauerit ὁ ἴδιος vester, ἐμοὶ μάλιστα statim ac videre potuero. de quo Gramosium rogauimus. Delrium vestrum nuper strenuè vlti sumus, aduersus imperiti Grammatici proteruiam, qui in Solinianis commentariis illum sibi veluti scopum proposuerat conuiciorum, ac maledictorum omnium; quem, vti à nobis edoctus est, deinceps in aliis insectandis moderatiorem, ac sui minùs amantem confido fore. De Theodoro Studita nihil est quodd multum labores. Habet omnes, exceptis paucissimis, orationes illius Sirmondus noster, neque mihi ad ista animum adiicere otium est in præsentì. De Dionysio Areopagita memini me ad Rosuicydum aliàs scribere. neque sententiam muto. Valemi Pater, ac pro me Deum precare. Lutetiæ Parisiæ. XIII. Cal. Dec. ciciocxxx.

EPISTOLA LXXIV.

*Joanni Bollando Societatis Iesu,
Antuerpiam.*

SERIVS postremis tuis litteris respondeo; Quod tum, cùm eas accepi, nouum librum sub prælo adhuc habebam, quem meis litteris comitem adiungere cupiebam. Hunc ego Ra-
tiona-

tionarium temporum inscripsi: in quem sacras omnes, & profanas historias congeffi, Chronologicis munitas rationibus, & instructas; nihil vt ἀλόγως & ἀμοιρίτως vel à me dicatur; vel sciriab lectoribus putetur. Quod in Tursellini Epitome necesse est accidere. Itaque nihilo plus illa, quàm index aliquis, vel summarum rerum catalogus, historiæ studiosos adiuuat. Hoc igitur munusculum, & ξείνον à nobis accipies pro scitis illis imaginibus, quas ad me misisti. Reliqua, quæ erant in epistola tua, sedulò curavi: de quibus iam te certiolem factum esse confido. Id enim in se Cramosius receperat: qui & Rationarium ad te nostrum misisse se dicit. Vale. Lutetiæ Parisiorum 8. Cal. Mart. 1633.

EPISTOLA LXXV.

*Ioanni Bollandò Societatis Iesu,
Antuerpiam.*

NOt o putes me, deonerandi mei gratiâ, nescio quid de pecuniola vestra iecisse postremis meis litteris; tanquam eam à me curationem abiudicare voluerim. Ita enim suspicari te ex iis, quas ad se dederas, mihi Talbotius noster proximè significavit. Ego verò quidquid ea de re scripsi, feci ideò, quòd iamdudum otiosam illam haberem; neque, vt sole-

bb

bas, libros eâ comparari tibi ampliùs peteres. Quare oblitum illius esse credideram. Nunc, postquam secùs rem habere didici, nolo ea de causâ quenquam adhibeas alterum; quòd ne molesta mihi administratio ista sit, vereri te dicas. Nam non est: nec, si esset, non & hanc, & hac multo grauiorem etiam, tuâ causâ perferre cuperem. Pergam igitur, vti cœperam; nisi fortè aliter tuâ interesse iudicabis. Rationarium nostrum non iniucundum fuisse vobis, admodum gaudeo. Magnis itidem hîc, & in reliqua Gallia, studiis hominum exceptum est. Quare prima iam editio propè est exhausta: cùm non minus mille & quingentis vñierit: vt iam de secunda cogitemus. Quercetano, ac Talbotio litteras tuas dedi. Libellum de Vita Sancti illius, quem à me petiisti, mandauì Cramosio nostro, mihi vt diligenter conquireret. Eum simul accepero ad te mittâ. Quod ad illas Cenomanorum Antiquitates attinet, ab Ioanne Moreau perscriptas, nondum eæ sunt editæ: sed in schedis illas legerat, quisquis eas citauit. Vale, mi Pater, ac me sacris & precibus tuis commendatum habe. Bucherio à me salutem: cuius Cyclum; simul extabit, videre cupio. Synesium denuò typis commissum, ac luculentis accessionibus illustriorem redditum, tibi offero. Multa in Notas retuli, quæ ad Ecclesiasticas antiquitates pertinent, quorum non ingrati vobis lectionem confido fore. Lutetiæ Parisiorum
 III. Eid. Ap. ccccxxxiii.

EPISTOLA LXXVI.

*Joanni Bollando Societatis Iesu,
Antuerpiam.*

QUAS ad me litteras misisti, Colonia datas à Kinckio, iis quam-primum potui rescripti; acte precor, uti has ipsas Coloniam perferendas cures; nisi aliâ id viâ Cramosius noster, cui illas tradidi, fortè perfecerit. Optabat Rationarium nostrum meo permisso illic edere: de quo me prius ab eo monitum esse, quàm sumptus istos faceret, non tam meâ, quàm illius causâ gaudeo. Nos enim alteram editionem ante menses aliquot anteuertimus; quæ prope diem existet. Hoc eum latere nolui. Nam multo priore illa erit accuratior, & vberior. Accepit iam dudum à Miræo tabulam Itinerariâ: Bucherij Cyclum Victorinum hætenus non vidi; quem tamen proflare mercalem apud vos audio. Eum velim mihi compares, & ad Cramosium mittas, meo inscriptum nomine. Ego quidquid insumpseris, statim redhibebo. Sirmondus te resalutat, ac felicem eum, qui instat, annum vicissim apprecatur: quod ego, iuxta atque ille, facio; meque tuis sacris ac precibus commendo. Lut. Paris. iv. Cal. Ian. ciorcxxxiii.

EPISTOLA LXXVII.

*Ioanni Bollando Societatis Iesu,
Antuerpiam.*

LITTERAS tuas accepi cum munusculo ;
de quibus maximam habeo tibi gratiam.
Marcellus ille , cui , tanquam hîc esset , in-
scriptus erat fasciculus , iamdudum hinc abiit
estque modò Catalauni. Itaque , quoniam suc-
cidaneum ibi nomen erat meum , resignavi fa-
sciculum , & quò quæque mittebatur epistola ,
ed singulas allegaui. Sirmondus eodem , quo
ego , iure tibi gratias agit. Quercetanus , ad
quem scripsisti , litteras ad te dedit ; quas cum
his nostris accipies. Plurimum me tuis sacrifi-
ciis ac precibus commendatum esse cupio. Lut.
Parisi. 17. Cal. Febr. 1633.

EPISTOLA LXXVIII.

*Ioanni Bollando Societatis Iesu,
Antuerpiam.*

MIROR ad vos nondum peruenisse Sy-
nefium nostrum ; de quo cùm typogra-
phum , cui id dederam negotij , percontarer , il-

le se iamdudum misisse dixit. Nolim eandem esse fortunam Rationarij nostri; cuius exemplaria mitto duo: alterum tibi, Auberto Miræo alterum. Huius est editio noua prorsus, & multis partibus auctior, in qua quid mutatum sit, quibûsque de causis, rationem reddidi in Præfatione nostra. Bucherij Doctrina Temporum, quam is ad me misit, accepi, ad eûmque scripsi. Multa in eo libro sunt, de quibus aliter atque ille, sentio. Nam pleraque, quæ illîc attingit, à me pertractata fuerant in libris de Doctrina Temporum, & in Animaduersionibus ad Epiphanium. Tertullianum à se recognitum nuper hîc publicauit Rigaltius: quem si nondum habes, itaque iubes, ære illo, quod habeo penes me, comparabo, ad tèque mittam. Vossij liber de historia Pelagianorum, quem ante annos aliquot legi, reperiri hac in vrbe non potest. Hic si apud vos est; velim quoquo pretio redemptum ad me mittas. Vale, mi Pater, ac pro me communem Dominum precare. Lut. Paris. Maij 13. 1634.

EPISTOLA LXXIX.

*Ioanni Bollando Societatis Iesu,
Antuerpiam.*

SCRIPSIT ad me nuper V. Cl. Mænardus Andegauenfis, & quæ ab illo tuâ causâ
bb iij

sâ postulaueram, cumulatissimè perfecit. Nam & vitam S. Girardi Monachi, velut in specimen misit, & indiculum præterea vitarum quas 12. voluminibus comprehensas habet; vt ex illis seligas, quas exscribi cupias. Huic enim significauit, vti ne sumptibus parceret, atque vt quidquid pecuniæ opus esset, id à Procuratore Fixensis Collegij peteret. Accipies igitur schedas istas, & si quid ex illo Vitarum Catalogo describi tibi velis, ad me scribes. Petrasanctium nostrum hac iter habentem, vti rogaueras, quàm potui humanissimè suscepi; eique, quantum tuâ causâ vellem, indicare studui. De sex illis exemplaribus Exercitiorum, quæ mihi dono dedisti, habeo gratiam. Vellem & libri de Gestis Pelagianorum copiam alicunde posses habere, cùmque nullo tuo incommodo ad me mitteres. Nam nullum hîc venalem inuenire possum. Id eo scribo, non vt cuiquam molestus sim; sed vt, si fortè in eum librum incidas, emere ne graueris; ego quidquid erit pretij, rependi curabo. Rationarij nostri tertia iam adornatur editio, interim dum Colonenses nouam instituunt, quam in Francofurtensi Catalogo profitentur. Ego me tuis sacrificiis ac precibus enixè commendo. Lut. Paris. 6. Ian. 1635.



EPISTOLA LXXX.

*Joanni Bollando Societatis Iesu,
Antuerpiam.*

QVESTVS est nuper apud me Berterius, huius vrbis negotiator librarius, is quante biennium Antuerpiam profectus est, & te meo nomine salutauit, cum ibi esset, haud modicam se pecuniam cuidam viduæ numerasse, hortante, ac propè fideiubente te, vt pro illa libros ad se aliquos mitteret. Ex eo verò tempore nihil se ab illa vel pactarum mercium, vel responsi elicere potuisse: tametsi sæpius litteras ad eam miserit, quas certò sciat ab iis, quibus tradiderat, in manum illi datas fuisse. Quæ res profectò valde memouet, quòd fidem illic & auctoritatem tuam, quâ solâ adductus, cum muliere ista transegisse se dicit, periclitati videam. Quocirca plurimùm te rogo, vt hoc negotium, quàm celerrimè, & quàm minimo strepitu confici cures, ac feminam istam iuris officiique sui commoneas; atque vt pacificè potiùs, & saluâ concordiam decidi rem velit, quàm ad lites, ac tricas forenses deduci. De cetero scire te velim Opus nostrum Theologicum iam propè ad exitum peruenisse; ac propediem me ad vos esse missurum. De eo verò, quod iam pridem inchoasti, certialiquid expecto. Diu enim est, quòd inter nos mutux litteræ cessarunt. Vale,

mi Pater, & communem pro me Dominum
precare. Lut. Paris lun. 13. 1643.

EPISTOLA LXXXI.

*Ioanni Bellando Societatis Iesu,
Antuerpiam.*

ACCEPI nuper admodum libros duos, quos
ad me misisti à prælo recentes, sine ullis ta-
men litteris. Præclarum opus, & dignum eru-
ditione tua, & expectatione Catholici orbis,
ac spe illa, quam de eo pij ac docti omnes olim
conceperant. Equidem totum illud iam studio,
ac voluntate deuoravi; legamque, ubi otium
ero nactus, attentè. Nunc perfunctum me gra-
ui, ac diuturnâ operâ, aliæ super aliis occupa-
tiones exceperunt, de quibus scribam ad te
propediem. Interim mitto vicissim Tomos tres
Theologicorum dogmatum nostrorum. In his
multa contra Calvinianam hæresim, quam Ian-
senius nouissimè ab inferis excitauit: maximè
de Libero arbitrio. Spero hunc laborem no-
strum non ingratum fore Catholicis omnibus;
utilem quidem esse cupio. De eo quid vestrates
Iansenio nimium addicti iudicaturi sint, sciam
si certiorem me facere dignaberis: quod à te e-
nixè postulo, meque precibus tuis & sacrificiis
tuis commendo. Vale. Scripsi hæc noctu pro-
perans 12. Nouemb. 1643.

EPISTOLA LXXXII.

*Joanni Bollando Societatis Iesu,
Antuerpiam.*

DIUTURNVM inter nos litterarum hucusque silentium fuit : credo , quòd noui interim nihil accidit , de quo scribendum vterque putaremus. Id quia mihi contigit modò , prior ecce breui sermone silentia rumpo : ac salutem imprimis tibi dico plurimam. tum hoc enixè abs te postulo , vt adolescentem illum , à quo has nostras accipies , cùm ipsius merito , tum commendatione nostrâ , benignè & amanter excipias. Qui sit , quibûsve de causis eam ad vos profectionem instituerit : ex ipso meliùs intelliges. Pergratum mihi facies , si quibus poteris , officiis , quæ quidem minimè esse molesta velim , illum tibi complectendum meâ causâ fidèque sumpseris. De Vendelino nihil iamdudum audio. Quid eo factum sit , & vtrum Romam ierit , quo Cardinali Bagnio condixerat , scire aueo. Precibus ac sacrificiis tuis valde commendari cupio.



EPISTOLA LXXXIII.

*Ioanni Bollando Societatis Iesu ,
Antuerpiam.*

MA G N A M habeo tibi gratiam de tam prolixo in me studio , benéque merendi voluntate , quam repetita identidem officia testantur. Vel postremum hoc quàm mihi iucundum accidit ! quòd vltro me libro illo muneraſti , quem videre , ac legere meâ plurimum interſit. Hunc etſi nondum acceperim : tamen , quòd eum ad me miſiſti , pro accepto iam habeo , eòquetibi nomine debitorem me eſſe profiteor. Sed inquire obſecro , num Rhotomagum , quò deſtinatus erat , peruectus fuerit. Nimis enim magna interceſſiſſe mora videtur : niſi me auſcultas mea fallit , ſcire cupientem quid in mala cauſſa tuenda , contra veritatem , & Catholicam fidem , peruicacis , & contentioſi hominis induſtria valeat. Quem quidem auguror conuiciis , ac maledictis , quorum larga eſt Ianſenianorum natio , in me , ac Ricardum efferbuiſſe. Quod de Opusculis Baij ſcribis ; (Nam Fromondi , quæ percenſes , offerſque , penes me habeo) velim , ſi eſt eorum apud vos copia , mittas ad me. Iampridem enim legere cupio : nec parum intereſt , à me illa non ignorari , quod illic nouæ , ac peſtilentis ſectæ

iacta esse fundamenta , complures asserunt. Mitte autem, si id commodum est, per fidos, & amicos homines, ne in transuactione, ut sæpe euenit, intercidant. Mihi nunc præ manibus est Theologicorum Dogmatum Tomus quartus, de Incarnatione; & is maiori ex parte iam absolutus. Sunt & alia minuta Opuscula; quæ simul edita erunt, ad te mittam. Vale. Lutetiæ Parisiorum Iunij 15. 1647.

EPISTOLA LXXXIV.

*Ioanni Bollando Societatis Iesû,
Antuerpiam.*

AD HVC Vincentium Lenem expectamus; nec dum de eo certi aliquid accepimus. Id adeo negligentia factum est eorum, qui illum ad me per minimè idoneos homines miserunt. Deinceps itaque, si quid tuò ad me perferri velis, Mursio committe, qui id in sarcinas inculcet, quas ad Cramosium identidem destinat. Sic enim oportere fieri, mihi Cramosius ipse significauit. Quod autem postremis tuis ostendebas, te libros aliquot partim Iansenianorum, partim Baij, missurum esse, si ita euperem: respondi iam, de Iansenianis nihil oportere esse te sollicitum: penes nos enim illos omnes esse, quos in epistola tua percenses: at Baij opuscula nec vidisse me hætenus, nec

eorum hîc esse copiam. Quare magnopere illa legere, si fieri potest, expetam. Vbi Vincentium Lenem accepero, experiar quid tandem hominis sit, & quantum nomini suo respondeat. Equidem, vt est Iansenianæ istius nationis indoles, non puto lenem, ac ciuili in me animo fore: sed asperum, truculentum; conuiciorum, & inclementij in dictorum oppidò liberalem. Doctor Ricardus te resalutat, itidémque, vt ego, molestè fert, iacturam libri istius, quem magno redemptum velimus. Ego me sacrificijs ac precibus tuis apprimè commendo. Vale. Lutetiæ Parisiorum, Iunij 26. 1647.

EPISTOLA LXXXV.

*Ioanni Bollando Societatis Iesu,
Antuerpiam.*

ELENCHVM Theriacæ Vincentij Lenis, nouissimæ feturæ opus à me vulgatum ad te mitto. In quo spero id me consecutum, quod in eo elaborando spectaueram; vt & quàm poteram breuissimè, & accuratè tamen, ad ea responderem, quæ ab illo mihi obiecta fuerant pro Iprensi Armacano. Sic autem cum Doctore Ricardo operam partitus sum, vt ea duntaxat refellerem, quæ priuatim ad me pertinébant: quæ verò ad illum præcipuè attingent; ea ipsi confutanda relinquerem. Quod

ab eo strenuè factum esse, testis erit liber; quem opinor misisse illum tibi, paullo quidem meo crassiozem. Nam plura in Ricardum, quàm in me Theriaca continebat. Non erat sanè, quòd in tam insulso, & inficeto libro excutiendo temporis aliquanti iacturam facerem. Verùm tanti fuit primum in me Iansenianæ manus impetum factum fortiter excipere; & quid à me deinceps expectare deberent, in ea ptolesione specimen illis dare. Habeo iam affectum aliud Opusculum de Lege Mosàica, & gratia; in quo arcem peto factiosæ illius nouitatis; & multa de timore seruili, & attritione, pro dogmate Catholico contra illos disputo. Quartus dogmatum meorum Theologicorum tomus propediem sub prælum mittendus est, nihil ad istam contentionem spectans: præter pauca quædam, vbi de Christi libertate agitur. Sed quid illis Collectaneis factum est, quæ ad nos miseras de historia Michaëlis Baij? Plurimum intererit ea non supprimi à vobis; sed quamprimum in vulgus emitti: vti natæ ad perniciem fidei, & Ecclesiæ, nationis arcana propalantur. Deum oro, vti te ope sua, & gratia perpetuò dignetur: mèque sacris & precibus tuis impensius commendo. Lutetiæ Parisiorum Februarij 14. anno 1648.

EPISTOLA LXXXVI.

*Ioanni Bollandò Societatis Iesu,
Antuerpiam.*

MISI ad te tomos duos de Incarnatione Christi, nouissimè elucubratos, & à prælo recentes, quos vt quam-primùm perferendos curaret, typographo diligenter mandavi. Spero illos non inutiles, nec iniucundos fore Catholicæ parti: quam in plerisque controuersis capitibus aduersùs Lutheranos, Caluinistas, Socinianos, ceterasque pestes, ac potissimum Iansenistas illorum fraterculos, propugnare studui. Tertius decimus certè liber totus in hoc argumentum insumptus est. In quo tum Deum saluos omnes esse velle: tum verò Christum ad vniuersorum salutem, quantum in se erat, pertinere voluisse mortis, ac perfectionis suæ merita, accuratè demonstratum est. Addita est & Dissertatio quædam contra heterodoxum, cuius exemplar separatim editum, & auulsum iam, vt opinor, à me accepisti. Plurimi hîc Episcopi contra Iansenianam nouitatem commoueri cœperunt, & in huius damnationem incumbere. Romæ ab Inquisitoribus fidei damnatus est libellus quidam, ab ista secta nuper Gallicè scriptus & vulgatus sub hoc elogio, *Catechismus de gratia*, in quo

præcipua Iansenij venena collecta sunt. Galileo Academicos Duacenos vexillum sustulisse contra Louanienſes Armacanos, ac palam deſenſores ſe profiteri Catholici dogmatis: quod iſtorum aliqui vexare inſtituerant. Dominum precor, vt pacatis tumultibus, & diſſidiis, omnium animos, optato pacis, & concordia nexu, quàm arctiſſimè inter ſe deuinciat: & vt pari cum Chriſtiana pietate progreſſu litteræ noſtræ ſuum tenere curſum incipiant. Vale mi Pater; ac mei in ſacrificiis precibùſque tuis fac perpetuò memineris. Lutetiæ Pariſiorum Nouembris xi. 1650.

EPISTOLA LXXXVII.

MAGNA pridem conſtânſque de tua virtute, doctrinâque, & propenſo in litterarum cupidò ſtudio, ad nos fama peruenerat. Auxit hanc commendatione ſuâ, vir acerrimi iudiciij, ac ſingularis eruditionis Annatus, Aſſiſtens ſocietatis noſtræ: qui tum illa quæ de te memorauì non ſemel apud me prædicauit; tum hoc adiecit, neminem in bona tuenda cauſa, hoc eſt, Catholici dogmatis contra nouas ſectas, auctoritate propugnanda, firmiorem te Romæ hodie viuere. Quæ res tantum in me tui excitauit amorem, vt quæ prima ſe mihi occaſio dediffer, eâ vti decreuerim, ad ſingularem meam in te voluntatem, quod vnum poteram, litterarum aliquâ ſignificatione teſtandam.

Hoc vt facere possem, peropportunè mihi hoc tempore accidit, cùm Theologicorum dogmatum meorum Tomus quartus prodiret in lucem. Cognoui enim de Annato nostro, priores tres, quos ante octo circiter annos elucubrauius; pergratos tibi fuisse. Quo maiori spem incensus, non minùs probatum iri tibi consequentè hunc, qui est de Incarnatione, propter argumenti copiam, & vbertatem, diuisus in partes duas. Accipies igitur hunc à me, pignus & obsidem voluntatis erga te meæ: ac mihi auiam aliquam afflabis fauoris ac patrociniij tui, quo aduersus maleuolorum obrectationes, quorum copiosa temporibus istis annona prouenit, tutum me ac defensum esse patieris. Ego verò tibi hoc vicissim repromitto, nullo me vnquam loco, amplificando honori tuo, quoad in me situm erit, defuturum. Vale.

EPISTOLA LXXXVIII.

Isacio Haberto Episcopo Vabrensi.

EXPRESSIT à me nuper nouam lucubrationem Armacanorum insolentia: quæ scriptis & factis, Catholicam causam vexare non desinit. De factis puto iam auditum abs te, quid ab illis aduersus facultatem vestram moliti sint, tribus abhinc mensibus; quâsve turbas istic conciuerint: quibus ideo narrâdis supersedendum mihi puto, quod eorum famâ in longinqua

quinqua peruolasse, & ad vos vsque peruenisse mihi videtur. E libellis verò, quos doctrinæ suæ venenis respersos, frequentes in vulgus, eodem tempore, disseminarunt; vnus ille fuit, quem mihi refutandum sumpsi, scriptus ab Abbate anonymo : in quo Tridentini Concilij mentem ac sententiam de gratia, ex Augustini doctrina, atque libris, interpretandam esse contendit. Quod quàm subdolè, callidèque susceperit; non est obscurum. Non tam enim ex Augustini mète, quàm ex suâ dictorum eius expositione, Synodalia illius decreta ad hæresim suam accommodare studuit. Quod erat minimè tolerandum. Ideo resistendum illorum conatibus, & versutis eorum consiliis intercedendum esse decreui. Idque, libro de hoc argumento edito, pro virili parte facere sum aggressus. Quem librum, statim atque in lucem prodit, ad te mittere destinabam. Sed moram iniecit rumor quidam à Sebastiano Cramosio confirmatus mihi : te propediem in hanc urbem esse venturum. Itaque sustinui tantisper, dum aut coràm, quod optarem maximè, videre te, ac meum tibi velut aduentorium munusculum offerre possem : aut certi aliquid de aduentu tuo certiùs cognoscerem. Sed cùm nihil adhuc explorati de eo liquidè constaret, non potui differre diutiùs, quin officium meum re ipsa tibi probarem, atque inter negotiosissimas, sed Dei ac proximorum amore conditas, & vtilissimas occupationes tuas, illud laxamentum præberem; non iniucundum, vt at-

bitror tibi, mihi verò cùm ad obseruantie erga te meæ testificatione; tum ad mutuam in me tuam corroborandam & amplificandam beneuolentiam, non mediocrem momentum allaturum. Ac ne tarditati meæ nimium succenseas, adieci *παρρησια* nescio quid, è Latino Ciceronis Græcè redditum; quod vt in bonam partem accipias, meque vt fecisti hætenus, amare pergas, etiam atque etiam, Præsul Illustrissime, precor.

EPISTOLA LXXXIX.

NÆ tu gratus homo es, qui tam pusilla in te officia mea tanti æstimas, vt in iis commemorandis totam tuam epistolam consumpseris. Vellem dignius aliquod illius argumentum fecisses. Et si iucundius esse mihi nullum potest: non quòd tanta esse, quanta vis, merita in te mea iudicem, aut verò videri tibi cupiam: sed quòd tantilla ex re specimen & coniecturam animi tui capio. Intellego enim, quantum sis maioribus acceptis beneficiis officiosus ac memor futurus, qui in tam paruis remunerandis tam præter modum copiosus esse voluisti. Itaque vt i tuâ causâ plura velim, pluraque in dies enitar, tua me ista liberalitas admonet: sic tanquam agrum illum impendio maiore, ac studio colimus, qui commissa sibi semina abundantiore frugum copia, & vbertate compensat. Fac igitur sciam, qua tibi in re, tuisque rationibus commodare possim. Nam de Leonardo no-

Atro, cuius in Græcis operam præsto tibi esse cupis, certò potes confidere. De te enim diligenter ad eum scripsi: neque dubito, quin postulatis etiam nostris maiora sponte sit sua factururus. Vale, & quod agis, mei apud Deum memor, felix & incolumis viue.

EPISTOLA XC.

QUANTVM ex epistola tua voluptatis ceperim, is ita demum æstimare poterit, qui quanti te faciã, quantũque te amem, intellexerit. Amaui autem ex quo nosse te cœpi, nitidãque tuam & ingenuam indolem, atque ad virtutum, honestarũque rerum satus excipiendos apprimè factam. Quas quia colere pergis, & ad pietatis honestatĩsque studia, illa etiam doctrinarum, artiumque sic adiicis, pluris vt hæc tamen posteriora facias. (Ita enim te facere demõstras) valde id me quidem delectat, atque vt perpetuũ sic tu instituas, hortor plurimũ, & obtestor. Nam quòd mirificã, ex tuo illo docendi munere, iucunditate perfundi te significas: non minùs est hoc mihi, quàm tibi iucundum. Est autem hic fructus animi, non solũ obedientiæ præmium; quæ tota, hac suauitate perfunditur: sed etiam illecebra laborum ac studiorum istorum, ac vocantis & incitantis ad illa te Dei vox quædam & significatio. cui te parère, & ad ea accommodare te, vti facis, oportet. Quamobrem fac constanti & erecto animo sis; neque

te difficultates istæ frangant ac deiiciant, quibus obsideri solent magnarum omnium summæque expetendarum initia rerum. Ego, si quid ad vsum tuum, aut solatium conferre possum, volo id apertè palàmque à me postules: nihil enim, quod quidem in me situm erit, desiderari abs te patiar. Tu tantùm cura, vti animo, corporèque valeas. P. Rectori plurimam à me salutem dicito: & quod de Theologico me opere sciscitari voluit; hoc illi meo nomine respondeto, id in cursu esse, & in dies procedere. Vale.

EPISTOLA XCI.

EX voto tibi cessisse profectiorem hinc tuam; & cum Fixano te cælo paulatim in gratiam redire, valde gratulor. Sed expectanda est hiems: ea stomacho tuo decretoria tempestas erit. Quæ si molestior sit, quàm vt ferri debeat; tu verò & ad me, & vti iussu te ais, ad P. Prouincialem scribes. ego, quod sum pollicitus, curabo sedulò; nec te conflictari pristinis illis incommodis patiar. Quanquam maxima sum in spe, commodiùs te illi, quàm dudum, fore: cura modò vt valeas, ac diuinorum colloquiorum suauitate, beatòque illo orio sic frui, vt valetudinis rationem interim habeas; nec vltra corporis tui vires enitare. Plura itidem, vt facturum te minaris, ad te scribam postea. Nunc tam

multis respondendum mihi fuit, ut longiori esse non liceat. Tu velim fratres nostros, qui ex ouili hoc nostro in longinqua pascua nuper euolarunt, à me salutes; quibus omnibus, ut & tibi, læta omnia precor ac tranquilla. Vale.

EPISTOLA XCII.

IAM DV DV M in ære tuo me esse, non solum memini, quod quivis debitores faciunt: sed etiam præ me fero, quod non solent, nisi prohi & ad soluendum parati. Itaque tardum licet, certum tamen nomen hoc experire semper. Ac nisi tu me, ego te penitus nossem: hoc est, nisi ego te minimè querulum ac morosum exactorem esse scirem, & tu me in tui amore perseverantem & constantem consideres: tarditatem illam meam excusarem diligentius. Nunc pluribus nihil opus est. Ac tanta est mea de te fiducia, ut tanto intervallo rescribens, etiam perbreui epistolâ defungi satis habeam, neque offensionem ullam ex ea re metuam. Quòd igitur animo vales & corpore; & utroque, sed illo maximè, confirmaris in dies, & sis robustior, id quod ex tuis litteris intellexi; magnam mihi affert voluptatem: quia te amplurimum, ac tibi esse quàm optimè cupio. Erit autem si, quod hætenus facis, pietatis religiosæ cultum cum litterarum studiis ita temperes, ut plusculum priori illi potiorique parti tribuas; & utrumque tamen ex virium tua-

rum, ac corpusculi modulo & captum metiare ; ne idem, quod agris interdum, eueniat tibi; vt in vnum alterumque prouentum, quidquid in te est roboris ac succi profundas, atque consumas. Vale.

EPISTOLA XCIII.

NON concedam tibi, maiori vt voluptati tibi sit, quàm mihi, quòd insequente anno futuri vnà sumus. Hoc enim iamdudum, quod tu ipse scis, nò solùm optaueram, sed efficere conatus eram: quod suauissima & amantissima Dei prouidentia vtrique tandem ex voto tribuit; de quo immortales illi gratias ago. Equidem si mea ergate tibi dubia voluntas esset, ac nisi te certò confidere putarem, tuâ me causâ omnia cupere: longior essem in venditanda ac despondenda tibi opera mea. Sed quia nihil est, quod quidem in me situm sit, quod de me polliceri tibi non possis: hoc vnum dicam; quantacunque spei expectationique tuæ responsurum me esse, quibus possum officiis; ac te tuâque studia in me esse suscepturum. Vale.

EPISTOLA XCIV.

POSTREMÆ litteræ tuæ, etsi aliquantulum iis indormierim, haud penitus exciderunt animo meo. Iis si minùs tempestiue te-

scribo, ignoscere debetis occupationibus nostris; è quibus tamen euigilare quamlibet longointervallo, & expergisci soleo; vt amicis meis, officiòque satisfaciam. Tu cùm de pristino pietatis studio neque remittis quicquam, & nouis etiam auctibus cumulas; antiquum obtines: facisque quod te facere semper volui, & verò sum hortatus. Sed adiunges etiam, si me audis, amorem litterarum, contentionemque discendi; ne altero pede claudices, si vni tantùm insistas. Spero non defuturam tibi voluntatem: sed neque deest ingenium, cui tu nimium diffidere mihi videris, ac de te sentire demissiùs. Quæ tum laudanda moderatio est, si non ex angusto & pusillo animo prodeat; quem in te magnum & erectum esse cupio, atque vt terrena omnia contemnentem, sic de Diuina ope & gratia nihil non sperantem: quæ tuis conatibus sine dubio respondebit, & successum dabit spe etiam tua votòque maiorem. Vale.

EPISTOLA XCV.

QUOD morbi genus sit, quo tandiu conflictor ac maceior, peramanter ac beneuolè requiris. Ego, vt paucis tibi satisfaciam, scire te volo varium illud esse, nec vniusmodi. Sed præcipuus in eo capitis est dolor, quod dimidium atrociter, ac pene sine intermissione, dies me noctesque pungit ac lacerat. hoc græ-

Ci medici *ῥμύκρον* vocant; sed hoc inter-
 est quod plerumque temporarium esse so-
 let, nec sanè perpetuum: in me, vti dixi, pro-
 pemodum continuum est, & aduersus reme-
 dia contumax. Ad hoc leuandum cùm varia
 tentata sint, tum hoc tandem perleue nactus
 sum alleuamentum, Nicotianæ, quam vocant,
 vsum. Est id herbæ cuiusdam genus, oppidò
 vehementis: cuius folia mandere cùm cœpi,
 paululùm dolor interquiescit: sed ei succedit
 stupor quidam, ac velut torpor capitis, qui in
 totum corpus redundat. eam Græci *νάρκησιν* ap-
 pellant. Is vbi suas partes agere cœpit, tantus
 virium defectus ac deliquium oritur, vt pro-
 pemodum intermortuus iaceam. Sed qualis-
 cumque is est, tolerabilis mihi videtur, prævt
 est morsus ille ac laniena capitis, quam *ῥμύκρον*
 affert. Quocirca hæc me alternis, ac per vices,
 ægritudinis angit successio, vix vt respirandi lo-
 cus sit. Hoc in tanto cruciatu vnicum ac singu-
 lare remedium est, Christi Domini recordatio,
 qui summam Christianæ felicitatis in cruce con-
 stituit, id est, dolore perferendo tum animi tum
 corporis. Sed peruincēda, & superanda est, illius
 ope, ægritudo hæc, quæ quamlibet diuturna,
 perpetua certè esse non potest, nec vltra mortem
 extēditur. Cuius cùm vel ipsa memoria horro-
 ri esse soleat, mihi suauissima, & optatissima iam pri-
 dem esse cœpit. Hanc enim velut portū ac termi-
 num angorum omnium ex interuallo respicio,
 nō sine iucundissimo quodam sensu voluptatis.
 Idque non meritis adscribo meis, sed promissis

Domini Iesu , qui nobis certissimam spem æternæ vitæ, ac quietis, morte sua repræsentavit. Quam , ut ratam aliquando faciat , tuis ac piorum omnium precibus affecuturum me esse confido. Vale , ac meâ causâ , quod te facere non dubito , id ab illius clementia postulare perge.

EPISTOLA XCVI.

ΟΥΙΛΛΕΛΜΩ,

ΤΩ ΛΕΩΝΑΡΔΩ,

παρ' ὅκ τῆς εταιρείας Ἰησοῦ, εἰς

Ρωτόμαρν.

χαίρειν Πεπάσιος παρ' Λεωνάρδω λέγει.

Οὐκ ἔστιν , ὡ τῶν , ἡγερέχης ἡ δ' αἰτία
 Δι' ἡν ἐλπιῦσά μ' ὑποπλάτεις πέως.
 Οὐτ' αἰτηγράφαι μηδὲν οἷς φθάσας
 γράφων,

Ελλεινικῶς καὶ λαῶνα, καὶ κορυφοῖς μέτραις.

Ο δὲ ξυναμφοῖν , σῆς τ' ἐς ἡμαῖς ἐμ-
 φύπυ

Σποργῆς, Φρειῶν τε τῆς σοφῶν τέκμων
λαβὼν

Αἰνῶς ἰαίνεω. Ἄλλ' ἀμειβαίην ὁμῶς
Ες τιὸν πῦρουσιν, ὅκ' ἐπὶ σά πω χάρειν.
Τί δὴ παρθρα μ' εἰκὸς ὀκνήσαι ὅσον;
Μαθοῖς αὖ ἤδη. Νομάδος ὦν δὲ Σκύθου,
Ἡ καὶ πλαάντος Ἀραβος, ἐν τὰ νῦν βίον
Οἰκῶντα σαυτόν' ἢ, ὅπως σιμνῶς ἐρῶ
Μᾶλλον, μαθὴ τῆς βροταθέντος λόγου,
Αοικον, ἀσατουῖτα, μὴ πῆξαι γέλω.
Τῆδ' αὖ πάλιν, καὶ κείσε, φυξίμῳ πεδὶ
Χώρας ἀμείβην, καὶ πόλεις, ὡς αὖ τύχοις,
Δίκλῳ πετεινοῦ, εἴτ' ἀφάρκου πνύ-
ματος·

Οὐκοῦν ἐμῆς ἔτι πρὸς σὲ γραφάσης χερὸς
Οὐ φῆξιν εἴ). ποῦ γὰρ αὖ χωρὶ χροῖος
Τό μοι πονηρὸν γράμμα, καὶ ποῦ νιν φελῶ;
Νῦν δ' ὡς σάφ' εἰδὼς ποῦ σὺ γαίης εἰ
πνέων,

Θαυρῶν ἐπεμψα τῆθ', ὅ μοι χαίρων δέχου.
Κά μοι λιτῆσιν δὲ μὲν πρῶτον θεόν,
Τάξεαδ' ὁμοίων εἴξ' ἐμοῦ πεπφισμένος.

Εὐρύωσο, καὶ σὺν μοι παρόσθω' ὅπιστά τι.

Εν τῇ Λουτεκίᾳ τῇ καὶ Ἰουνίου.

ΕΠΙΣΤΟΛΑ ΧCⅤⅦ.

ΦΡΑΓΚΙΣΚΩ,

ΤΩ ΛΟΓΓΟΥΕΤΩ,

παῖ ἑκ τῆς ἐταιρείας Ἰησοῦ, εἰς

Ρωτόμαρον.

ΕΥΓΕ ὅτι χαίνοτο μεῖν ἐφθης πειοῦτόν
 τινα τὸν ὅ' ἐπιστολῆς ἔσπον, καὶ ἑλλη-
 νίζῃ ἐπεχείρησας, ὅκ ἐθὰς ὦν παρ' ἑτέρων
 τῶτο ποιῇ, οὔτε μὲν παρὲς ἐθάδα. Αἰα-
 μα μὲν οὖν σε τῆς φιλοκαλίας ἐκείνης,
 καὶ δέχμα πλὴν παρ' ἐκκλησιν, τοῖς τε ἴσοις,
 καὶ ὁμοίοις ἀνταμείβεσθαι σε βούλομαι ὅσον
 αὐ' ἐγχωρῇ. Οὐ γὰρ ἔξεστί μοι ἀεὶ, τῷ
 ἀρχολιῶν ἔνεκα, καὶ τῷ παρ' ὕργου παρ-
 γμάτων. Τοιγαροῦν συγγνώμη μοι αὐ' μὴ
 παρὲς τὸν κατὰ ἀπομυτὰ ἡδε ἡ ἐπιστολή·
 ἄλλα τῷ παρ' ἑκείνου ὑπερεῖ. Οἶδα γὰρ

ἡμῶν Φιλίας, ἐν ταῖς ἰεραῖς σου, καὶ κατη-
 μεριναῖς θυσίαις, καὶ ἐν προσευχαῖς· ἢ
 ἀλλήλοις αἰεὶ στυδεδεδυμένοι, καὶ τῷ Θεῷ,
 καὶ ἀλλήλων ὀναίμεθα ποτε βέλπιον, καὶ
 εὐλιχρινέτερον ἐν χριστῷ. Εἰρῶσο μᾶλ-
 λον αἰεὶ, καὶ πρὸς ἐμεῦ ἀσπασαί τὸν πατέρα
 τὸν προεστῶτα ὑμῶν. Ἐν τῇ Λουτερίᾳ,
 Ἰαμουαρείου τῇ ιη'. αχλς'.

EPISTOLA XCVIII.

ὍΣΟΝ μὲν εἰς τοὺς λόγους σουδῆς,
 καὶ προθυμίας εἰσηγγεῖας, ὅς οὗ
 ἐντῷθεν εἰς τοὺς ἑνετοὺς ἀπῆλθες, προέδη-
 λον ὅς ὦν πρὸς ἐμὲ γράφειν ἐφθης, καὶ
 ταῦτα ἐλληνικῶς· καίτοι τῆςδε τῆς γλώττης
 ᾗς καὶ πρὸς οὐ μάλ' ἐμπειροὺς ὦν, ὅσον
 γε ἡμᾶς εἰδέναι· μᾶλλον ὅτι τὸ πρῶτον
 ἀνέκοος. τοιγαροῦν ἡσθίω ἀφ' αὐτοῦ, ὅ-
 ρων οὕτω γενναίως ἀψάμηνό σε ταυτησὶ τῇ
 παιδείᾳ, καὶ πλεὺς εἰς ἀπαρτά σου καπα-
 μαθῶν διφύιδον τε, καὶ ἀγχνόισαν· ἢ τίς

ὅτι δόξος ὅτι, πᾶντα αὖ ῥαδίως κατορθώ-
 σην, οἷς δὲ ὁμοίως, τουτέστι φιλοπόνως, καὶ
 κατ' ἐκείνους ἐπιβάλλεται. Θαυμάζην δέ μοι
 ἔπεισι καὶ πλεὺς θείας ἀμφί σε παρομήσαν,
 ὅς δημοσίαν ἐκείνῳ συμφορὰν, καὶ ἀπὸ
 κλοπᾶν ἐκείνῳ ἐκείνῳ ἐδωκέ σοι ἐν δέοιτι κα-
 παθέσθαι, ὡς ἀφορμὴ εἶναι σοι μεγάλης
 πινὸς ἐμπορίας ἢ πᾶσι δὲ ἀναγκασίᾳ
 τῇ ἐπιτηδευμάτων. Οὐκοῦν ἄξιός εἰς
 οὐ μόνον εἰδέναι χάριν ποσῶν ὠφελήσεων
 τί σε θεῶ, ὅτι ἐν ἀπορίαις πόρῃς ὠφελή-
 σῃ, ὅτι τῶν παρομένων, οἷα πᾶσι
 ὅτι, ἐποικδομεῖν, καὶ καθ' ἡμέραν ἐπιτι-
 δόναι πρὸς τοὺς λόγους, φιλομαθῶς ἐχό-
 λημος, καὶ οὐκ ἀνέχῃς, πρὶν αὖ εἰς ἄχρον
 ἐλάσῃς πᾶσι δὲ παιδείας. Τοιαῦτα
 γὰρ ὅτι πᾶσι παροίμια ταῦτα, ὡς ἐλπίζῃ
 ἡμᾶς πόρῃς ἐκείνου σε τῷ ἔξῃ, ἀντὶ
 ἐκείνῳ ἀφ' ἐκείνου ἐπελοκακήσῃς, καὶ παρ-
 ὄντος ἐαυτὸν ὅτι οὐκ ἀντὶ μὲν παθεῖν σέ ποτε
 μάλλον ὅτι τῶν παρόντων ἐπεκτεινόμενον, λαμ-
 πρῶς, ὅτι ἀγαθὰ καρπώσεται τῇ ἐν τούτοις

πόνων, καὶ ἰδρώτων, τὰ ἔπαθλα. Εἰς ῥῶσο πο-
 θήνοτάτη μοι κεφαλὴ, καὶ ἐν τῇ δὺχαῖς
 μνείαν ἐμοῦ ποιούμενος οὐ ποτε παύσαιο.
 Αἰσπάζονται σε πόμυτες οἱ γνώριμοί σοι τῇ ἀ-
 δελφῶν· οὐδ' ὥσθ' αὐτοῦ παρὰ σὲ πείν ἐκέλευσας
 ὑμᾶς.

EPISTOLA XCIX.

ΔΙΑ πολλοῦ μὲν, καὶ ὅτε αὐτε-
 πιτέλλω τῇ τιμῇ σου κεφαλῇ· κρεῖτ-
 τον δ' καὶ οὕτως ἀφοσιώσασθαι, καὶ τὸ κα-
 θήκον ἀμφοτέρω πως ποιῆν, ἢ δ' ὥσθ' αὐτὸν
 ἀπολιπεῖν· ὥσπερ καὶ δ' ἡρεὸς ἀποῖσται ἔπη
 αὐτῷ, ὅτε δ' ἐγὼ γὰρ ἢ πᾶσι τελεῶς ἐξαρνον
 εἶναι, καὶ ἡρεοκοπεῖν, ὥσθ' αὐτὸν πολὺ βέλτιον εἶναι,
 ὅτε φιλεῖν ἡρεώτερον. Εἰ μὲν οὖν παρὰ
 ξένον πινά, καὶ οὐκ εἰδὼτα τὰ μὰ Τεύτιον
 ἔγραφον τὴν ὁπισθίαν, πολλὴν αὖ τις εἴλω,
 ὥσθ' αὐτὸν ἡρεῖν, ὅτε ὥσθ' αὐτὸν ἡρεῖν
 τὴν ἀγίαν, ὡς οὐ παρὰ δίκην ἴσως αὐτὸν φυ-
 γῆν ἐδόξα, Τευτῆσι τῆς μελλήσεως ἐνεκα, ὅτε

τὸ ἀγῶν ὀκνηροῦ. ὅτι καὶ τὰ κατ' ἡμᾶς ἀ-
 πομπα σαφῶς ἐγνωκας, ἔτι ἐν ὅσας κατ'
 ἡμέραν ἀχολίας τὸν βίον ἀγῶνι, ὅθεν
 ἐμοὶ τοιαύτης πρὸς σὲ τ' ἀπολογίας δεήσειν
 δοκῶ. Τὰ μὲν δὴ κατ' ἐμέ, τοιαῦτα. Σέ
 δέ, ὡς προσφιλεστάτη κεφαλὴ, ἀγαθῇ,
 ἔτι θαυμάζω τ' εἰς τὰ ἐλληνικὰ προκοπῆς,
 ὡς ἐν βραχεῖ οὕτω λαμψαίνῃ, ἔτι ὑπερφυῖν
 πεποιηκέναι δοκεῖς, ὡς ἀπιστήσά με μεταξὺ
 πλὴν σὺν ὅτις σὺ αἰαγνῶσχεύεαι πότερον
 ὁ αὐτὸς αὐεῖν ὁ Τουρμυδίου, ὁ παρ' ὧν ἐλλη-
 νίζων πρὸς ἐμέ, ὁ ταυτησὶ πατὴρ τ' ὡς
 ἱσοῦτον ὑπερβαλλούσης ὅτις σὺ, κατὰ τε
 τὸν ἐλληνικὸν χαρακτῆρα, ἔτι πλὴν ὀρθό-
 τητα τ' συγγραφῆς. Εὖγε, ἔτι οὕτω βάλλε,
 καὶ τὸν Ὀμηρον, ἔτι ἴσθαι, ὡς μετ' ὀλίγον
 εἰς ἄχρον ἐλάσῃς τῆς ἐλληνικῆς παιδείας, αὐ-
 οὔτως αὐεῖ ἀτελῆς εἰς τὸ παρόσῳ ἱερόν,
 καὶ κατ' ἡμέραν ὅτις διδούς. Εὐρῶσο, καὶ
 ὑπερ' ἡμῶν προσευχόμενος μὴ παῦσαι
 ποτε.

EPISTOLA C.

ΝΙΚΟΛΑΩ,

ΤΩ ΖΟΡΑΒΙΩ.

ἰαβῶ καὶ μαθηματικῶ βασιλικῶ, εἰς
Οὐαρσοβίαν.

ΤΗΝ ᾧ καὶ σοὶ ὡς ἐμὲ πεμψθεῖσθαι
ἔπιστολὴν αἰαγνώσχευ' ἔμοι, περὶ-
τον μὲν ἐπῆλθεν ἀγαθὰί σε τῆς δαγμονίας
οὕτω καὶ τὰ ἑλληνικὰ ἀπουδῆς· ὅφ' ἦς
περὶ ἡρῆς καὶ τὸν μακρὸν ἀφεσηκότα, ἔ-
εἰς ἐτέρην, ὡς εἰπεῖν, οἴκου μὲν ἀπὸ χω-
μῶν, περὶ τὴν αὐτὴν ἐκκαλέσασθαι
φιλοτιμίαν, δι' ἣς ἐγραψας ἑλληνοισὶ φτεγ-
ρωμένης ἔπιστολῆς, παγκλήτης οὐσης καὶ τὸν
φίλιον, καὶ πολλὴν κατηγερούσης τῷ σι-
γῆντι καὶ τὰ τοιαῦτα τειρόν. Ἐπειτα
ὁ λῆας ὁξενιάθην οἷς ἐγραψας, καὶ αἱ δὲ
πλεῖστον ἐνέχε μέρους τῆς ἔπιστολῆς· ὡς
ἐγὼ πάσας τὰς τῷ Κιχέρωνος ἔπιστολάς,

καὶ τὰλλα αὐτῷ ἔργα, ἑλληνιστὶ μεταφρά-
 ζειν παρελόμηνός ποτε, μὲν ταῦτα δὲ δό-
 ξαν ἀνεθέμην. Καίτοι ὁδὸς τοῦ τὸν ἱσχυ-
 οῖδα πῶποτ' ἐμοὶ εἰς νοιῶ βαλεμνῶ· πολ-
 λοῦ γε καὶ δεῖ· ὁδὸς μὲν καὶ μέγα, καὶ συμ-
 χρόν ἱεὶ ὀπισθημηταμνῶ παρὶ τούτου, ἐν τῇ
 παρομιῳδῇ τῷ Παρέργων ὀπιστολῇ· ὅθεν
 ἐκείνου τῷ σχασμ.οῦ (οὐ γὰρ ἐτέρωθεν πο-
 θεν) ἀφορμὴν εἰληφέναι δοκεῖς. οὐ μὲν
 οὐκ οὕτω μαρτυροῦμαι, ὥς καὶ φιλικῶς εἰς
 ἔννοιαν ἐλθεῖν τῷ τοιούτου ἐγκλήματος,
 παιδαγωγῶδες τὰ ὄντι, καὶ τῇ ἐμῇ ἡλικίᾳ
 πρῶτων ἡκιστα ὀρέποντος. Ωρα γὰρ ἤδη
 σοι, ἐπιτραχεῖν ἀφέντι τὰ οἰοεὶ λήπα-
 ταξίῳ τούτῳ, ἵππομιμνήσκεσθαι ὅτι παρέρ-
 γον παρὸν θέμην ἐκ ἔργου, ἐκείνῳ ἐκ-
 δοῦναι τὴν μετάφρασιν· ἢ ἄν, εἰ πῃ παρ-
 εἶκη, καὶ ὁ θεῖον συγχερῆ, ὁ παρὶ φιλίας
 βιβλίον τῷ αὐτῷ Κικέρωνος μετ' ὀλίγον
 παροδείξω αὐτὰ, ὡς πλησίως ἵππο
 ἐμοῦ μετερμηνυθέν, καὶ εἰς ἑτέραν ἐκ-
 δοσιν ἤδη πρῶτοκρυπτόμενον· ἵνα καὶ τῷ

το γυνῶ χειρώσασθαι τοῖς φιλολόγοις ὑμῖν,
καὶ τῆς ἐλληνικῆς θύεπείας ἐπαύουσιν. Εὖ-
ρῶσο.

EPISTOLA CI.

ΓΑΒΡΙΗΛ ΤΩ ΚΟΣΣΑΡΤΙΩ
εἰς Λουτεκίαν.

Οὐκ ἐν αἴδιᾳ ἔχοιμί σε, ὦ γαῖε.
οὐχ οὕτω μεμφίμιος αὐ εἶμι, ὥς
αἰαῖδιον ἀπάαδα· τὸν αἰδιον δὲ χεῖν
ἴσημι πολλῶν, αὐτὸν δὲ ἐχράσας πρὸς ἐμὲ,
καὶ ταῦτα ἐλληνισί, μάλα σοφῶς, καὶ ὅπι-
σημόνως, καὶ τὰς μεύσας. πρὸς δὲ τὸν ἐχρά-
σας, ὅσδ' ἐν δυσχερές, ὅσδ' γραφῆς δεόμε-
νόν ἐστὶ. πόρτα γὰρ ὅπιτέρας ἀπαιῶσι τὰ μὲν,
ἵνα διαθείης ἀπορτα, ἢ αὐτὸν ἐθέλης. Τὸ
μὲν οὐκ ῥαῖσας σε, καὶ βέλδιον ἔχην, ὡσαύτως
δὲ τὸν καλλιστον βειέπον, ἐβροταμῖνον,
ἦσεν ἡμαῖς, ὅσον εἶπειν οὐ διώαμα. Εὖγε
ὅτι ἡ νέσος ἀπέσθη, καλῶς ποιούσα. Αἰ.

ὅσον ἡμεῖς ἐχάρημεν τῇ τῆς πατέρων αἰα-
 Γιώσῃ. τοσοῦτον ἐλύπησεν ὁ θάνατος τῆς
 καλλίστου καὶ ἀσεβέστατου ὑποπνέου. φεῖ
 τῆς ἀτοπίας τῆς εἰρημότητος, ἢ ἐμὲ πρὸς αἰ-
 ποῦσα, τοὺς αἰαξίους εἴλε, καὶ μηκέτι δεομέ-
 νοις, εἰς τὸν ἀδάμονα μετήγαγε βίον. ὡς
 αἰτήφυχος εἶμι ἐκείνου, τῆς ἡμετέρας ὑ-
 πνέου. τὰς ὅντι, διδασκάλου τῆς ἀσε-
 βείας. ἀλλὰ ταῦτα μὲν τῆς θεοῦ ἐν γυναι-
 σι κεῖται. Τὰ δὲ κατ' ἡμᾶς ἔχει, ὡς φί-
 λον ἔσθι τὰς θεῶν, τῆς τ' ἐστὶ καὶ ὁ εἰώθης. καὶ
 ὁδὸν ἀπανάμειν πῶς τῆς μεταβολῆς τῆς
 αἰέτος. πονηρίαν ὅ, χεῖρον ἔχω ἢ πρὸς τῆς.
 νικάτω ὅ, ὁ θεῶν δοκῶν. Ἀσπασαί τοις συμ-
 βουούται σοι φίλοις πρὸς ἐμοῦ. ἀφ' αὐτῶν
 τῶς ὅ, τῆς δε, τὸν πρὸς τῶν πατέρων, ὅ, ἐν
 χρεῖται πρὸς τῶν ἁγίων, καὶ δεομαι ὑπὲρ ἐμοῦ
 ὡς αὐτῶν διηγεῖται, ἕως αὐτῶς ὡς ὑμᾶς ἐπὶ ἁμα-
 ρτίας. Εὐρύωσο, ἐν Αὐρηλιαίοις τῇ τῆς
 Αὐγούστου δεκάτῃ. α. χ. β'.



EPISTOLA CII.

PERGIS de me bene mereri, & quæ meâ interesse putas, officiosè commonere. Vel illud cuiusmodi est, quodd nuperrimè significasti, furtiuo nescio quo libro famam meam appeti à nouæ doctrinæ fautoribus: quasi mutata sententiâ id ego nunc impugnem, quod antè studiosè propugnaueram; nec leui quidem in re, sed quæ religionis Catholicæ summam contineat? Ais ergo vulgari hoc ab hominibus istis, me in Prædestinationis negotio, non à Catholicis tantùm, sed etiam à me ipso descuiisse. Non est recens illa calumnia, nec in me conflata nuper: sed vetus & rancida querela, quam sexcentis locis obtritâ à me habes, & manifestè conuictâ. Quidnam igitur est, cuius causâ tanti ab impura illa natione clamores editi sunt? Aiunt me in sexto capite libri primi Theologicorum Dogmatum, Tomo I. ita de Prædestinatione sensisse; ante præuisa vlla merita ad æternam salutem destinari homines, idque non tantùm Augustino ita visum esse, sed etiam pro fidei decreto à Catholicis habitum; quod secùs deinde scripti, & sedulò docui.

Magnum illud crimen est, nec simplici poenâ mulctandum, si tamen verum est: quod profectò non est; sed insignis oscitantia est hæc illorum criminatio. Attenderent, quàm

ego cautè ac subtiliter ista distinxì; Gratiam, & Prædestinationem. Dixi primùm vniuersè, in iis quæ ad Gratiam & Prædestinationem attinent, maiorem Augustini rationem, quàm ceterorum Patrum, habitam. Sed cùm ad eam veni partem, quæ fide certa & Catholica esse meo iudicio deberet, ita sum locutus: *Cuius, Augustini, de Gratia sententiam, quotquot deinde consecuti sunt Patres ac Doctores, tum verò Ecclesiæ Romana Præsules, Præsulumque conuentus aliorum, ratam & Catholicam esse iudicarunt.* Num qua hîc Prædestinationis mentio? De Prædestinatione verò non idem dixi; sed etsi visum est Augustino, eam sola ex Dei voluntate pendere: liberum tamen cuique esse monui, quam vellet sectam persequi; idque adeo disertè ac perspicuè docui, vt quasi solaribus radiis testatum & expressum illud reliquerim. Velut ista sunt, quæ in primo capite libri decimi, his verbis exposui. *Verùm non omnia, quæ in refellendis hæreticis istis ab Augustino proposita sunt, pro Catholicis immotisque decretis habentur ab iis ipsis, qui illius doctrinam commendant, Pontificibus, &c.* Tum inferiùs pauliò: *Ex eo genere profundiorum questionum, quæ nihil ad negotium Gratiæ pertinent, est illa de Prædestinatione controuersia, de qua cuius, vtrum volet, sequi, Romani Pontificis sententiâ illâ permittitur.* Quorsum igitur tanti latratus, & querelæ de istis editæ sunt ab illis? aut quis contrariæ opinioni locus, in his verbis, quæ tam certis & Catholi-

cis præfidiis vndique vallata, ac munita reliqui ?

Venio iam ad illam reprehensionem Latinorum versuum, in quibus ita me locutum criminantur, ut Semipelagianorum sententiam totidem verbis amplexus videar. His maximè offenduntur :

———— *tanquam non gratia cunctos
Oblata illiciat, vitiòque sit irrita nostro,
Cui nos deficimus, non deficit illa volentes.*

Sed quis non videt verba illa probo & Catholico sensu vsurpari ? Neque verò hæresis, quam Prosper & alij Catholici in istorum verbis subodorati sunt, hæsit in vocibus præcisè sumptis : sed in iisdem, quatenus hæretico sensu ab illis vsurpabantur. Filium ingentum esse qui dixerunt, facilè pro hæreticis iudicari sunt : cùm tamen alio sensu Filius ingentus, hoc est, increatus à Catholicis passim vocatus sit, nimirum si ἀγέννητος per vnicum concipiatur. Cuius tamen discriminis nullâ ratione habitâ, complures veterum, simpliciter Filium ἀγέννητον & ἀγέννητον dici vetuerunt : ac primùm Epiphanius, differentiam esse aliquam inter vtrumque, conceptis verbis adnotavit, ut in quinto libro Tomi secundi diligenter obseruare memini. Qui tum igitur ἀγέννητον esse dixerunt Filium, & ἀγέννητον, promiscuè sumptis vocibus, hæretici habiti sunt : donec postea, re diligentius perspectâ, differentia vocum in auctoritatem abiit. Lege, si quidem orium est, quæ nos accuratè de istis


vocibus expendimus in libris de Trinitate. Idem & in mysterio Incarnationis, de variis vocibus dici potest; quarum observatio facilis, difficilis ac morosa commemoratio, & epistolæ modulum superans. Hinc perspicuum est, plerasque voces à Catholicis vſitatas, aut contrà suspectas iisdem ac repudiatas, in vſus transiſſe contrarios: ac Semipelagianos iustè à Catholicis notatos, quòd *oblatam esse omnibus gratiam* dicerent; sic nimirum illud intelligentes, vt suapte industriâ, & naturæ viribus, sine vſlo supernaturali præsidio, per se niti & assentiri possent: me in Catholico hæſſe sensu, qui tam clarè, tam constanter, gratiæ adiutorium ad consensum necessarium esse, sum testatus. Sileant igitur, & molesti obrectatores gratis esse desinant: ne toties iisdem calumniis repetitis, eadem sit fidei repetenda professio.

Hæc de illorum conuiciis, & maledictis, habui quæ breuiter tibi rescriberem. Quas enim contumelias, & probrosa, ac mordacia de me dicta pæssim iniiciunt, ea contemptu magis videntur, quàm seriâ refutatione digna: cum faciliè id omnes intelligant, talibus conquestionibus hoc illos quæsiſſe solum, vt vel impeditum aliis rebus ac distractum, ad seſe importunè verterent; vel ægrum & corpore malè habitum implicarent magis, neque conquiescere sinerent: si eum nacti essent, qui illorum importunitate moueretur. Quòd verò mihi senectutem & eius incommoda, tan-

quam diuinitus inflictam pœnam obiiciunt: faciunt illiberaliter, qui & ea dicendo maiora faciant, & communem omnibus conditionem necessariò subeundam in crimen trahant, ac contemptæ & ludibrio habitæ doctrinæ suæ supplicium id esse nominatim fingant, quod illius sectæ fautoribus, velint, nolint, ineuitabile est. Nisi fortè perpetuitatem quandam florentis æui propterea meriti adeptique dici possint: quòd communem parentem Ecclesiam Catholicam adeo fœdè contempserint, & eius decreta nihili hodièque pergant facere, sed spernant potiùs, & impugnent. Ego verò in ea, quam illatam mihi diuinitus obiiciunt, calamitate hærere malim, atque in illa citiùs emori, quàm partes istas, ac dogmata, aut amplecti, aut non toto pectore detestari. Quam meam professionem, tanquàm vltimam ac cyncneam vocem, ita obsignatam relinquere statui: vt in ea salutem omnem, ac pietatem, quâ religiosus ad hanc diem haberi studui, verti ac contineri perpetuò velim. Vale, & postremum hoc meum de noua ista doctrina iudicium, pro certa fidei regula haberi à me, testatum omnibus, quorum interest, facere meminervis. Aurelianis 8. Septembris, 1652.

F I N I S.





INDEX EPISTOLARVM.

LIBER I. NUNCVPATORIÆ.

EP. L	VDOVICO	Rupifucaldo.	28
I. L	XIII. 3	X. Gabrieli Albassirao.	
II. <i>Henrico Borbonio</i>	38		
	<i>Metensi Episcopo.</i> 9	XI. <i>Armando Card. de</i>	
III. <i>Eidem.</i>	12	<i>Richelieu.</i>	44
IV. <i>Antonio Borbonio</i>		XII. <i>Eidem.</i>	49
	<i>Comiti Moreteo.</i> 13	XIII. <i>Eidem.</i>	60
V. <i>Francisco Brularto.</i>		XIV. <i>Ludonico Borbo-</i>	
	15	<i>nio.</i>	64
VI. <i>Nicolao Verduno.</i>		XV. <i>Petro Segnierio.</i>	69
	17	XVI. <i>Isacio Haberto.</i>	73
VII. <i>Ioanni Nicolaio.</i>		XVII. <i>Amico cuidam.</i>	
	22		78
VIII. <i>Gulielmo Vairio.</i>		XVIII. <i>Ludonico XIII.</i>	
	24		84
IX. <i>Francisco Card.</i>		XIX. <i>Petro Iannino.</i>	87

XX. <i>Carolo Bellomano-</i> <i>rio.</i> 89	XXIII. Οὐρβανὸς τῷ γ- δ'ω. 96
XXI. <i>Ant. Seguerio.</i> 91	XXIV. Τῷ αὐτῷ. 108
XXII. <i>Ludouico Can-</i> <i>martino.</i> 94	XXV. Φιλέλλησιν ἐν Ἀρι- σταρχῳ. 112

LIBER II.

PHILOLOGICÆ.

EP. I ACOBO Mal-	XIII. N. 165
I. I lebrancquio. 117	XIV. Gottifredo Vende-
II. <i>Ioanni Billio.</i> 123	lino. 169
III. <i>Antonio Lalouuc-</i> <i>ro.</i> 125	XV. <i>Eidem.</i> 173
IV. <i>Eidem.</i> 128	XVI. <i>Eidem.</i> 189
V. <i>Petro Possino.</i> 136	XVII. <i>Eidem.</i> 191
VI. <i>Eidem.</i> 140	XVIII. <i>Heriberto Ros-</i> <i>Weydo.</i> 201
VII. <i>Eidem.</i> 144	XIX. <i>Eidem.</i> 205
VIII. <i>Ægidio Buche-</i> <i>rio.</i> 148	XX. <i>Eidem.</i> 207
IX. <i>Georgio Schonbergo.</i> 152	XXI. <i>Auberto Mirao.</i> 209
X. <i>Stephano Vito.</i> 155	XXII. <i>Petro Crugero.</i> 211
XI. <i>Arnoldo Carbio.</i> 159	XXIII. <i>Eidem.</i> 212
XII. <i>Brunoni Cognato.</i> 163	XXIV. <i>Eidem.</i> 222
	XXV. <i>Iosepho Mariae.</i>

<i>Suarezio.</i>	234	XXVIII. N.	247
XXVI. <i>Casimiro Sar-</i>		XXIX. N.	255
<i>bucio.</i>	237	XXX. <i>Iosepho de Voisin.</i>	
XXVII. <i>Rolando Marc-</i>		256	
<i>sio.</i>	239		

LIBER III.

OFFICIOSÆ.

EP. V RBANO	XVI. <i>Heriberto Res-</i>
I. VIII. 259	<i>Weydo.</i> 288
II. <i>Eidem.</i> 261	XVII. <i>Eidem.</i> 290
III. <i>Eidem.</i> 264	XVIII. <i>Eidem.</i> 291
IV. <i>Francisco Card.</i>	XIX. <i>Eidem.</i> 293
<i>Barberino.</i> 269	XX. <i>Eidem.</i> 295
V. <i>Eidem.</i> 271	XXI. <i>Eidem.</i> 296
VI. <i>Eidem.</i> 274	XXII. <i>Eidem.</i> 298
VII. <i>Eidem.</i> 275	XXIII. <i>Eidem.</i> 299
VIII. <i>Eidem.</i> 276	XXIV. <i>Eidem.</i> 300
IX. <i>Eidem.</i> 277	XXV. <i>Eidem.</i> 301
X. <i>Eidem.</i> 279	XXVI. <i>Eidem.</i> 302
XI. <i>Andreæ Schotto.</i> 282	XXVII. <i>Francisco Va-</i>
XII. <i>Eidem.</i> 283	<i>uassori.</i> 305
XIII. <i>Eidem.</i> 285	XXVIII. <i>Eidem.</i> 307
XIV. <i>Eidem.</i> 286	XXIX. <i>Eidem.</i> 309
XV. <i>Eidem.</i> 287	XXX. <i>Eidem.</i> 310

XXXI. <i>Eidem.</i>	314	<i>fco.</i>	348
XXXII. <i>Eidem.</i>	316	L. <i>Eidem.</i>	351
XXXIII. <i>Eidem.</i>	317	LI. <i>Eidem.</i>	352
XXXIV. <i>Eidem.</i>	320	LII. <i>Eidem.</i>	355
XXXV. <i>Eidem.</i>	323	LIII. <i>Eidem.</i>	356
XXXVI. <i>Eidem.</i>	324	LIV. <i>Eidem.</i>	358
XXXVII. <i>Eidem.</i>	326	LV. <i>Francisco Piccolo-</i>	
XXXVIII. <i>Eidem.</i>	328	<i>mineo.</i>	359
XXXIX. <i>Nicolao Bor-</i>		LVI. <i>Gaspari Genartio.</i>	
<i>bonio.</i>	329	360	
XL. <i>Eidem.</i>	331	LVII. <i>Eidem.</i>	363
XLI. <i>Sichardo Gachien-</i>		LVIII. <i>Eidem.</i>	364
<i>fi.</i>	332	LIX. <i>Alberto Cicitio.</i>	
XLII. <i>Francisco Brauo.</i>		366	
336		LX. <i>Stephano Meno-</i>	
XLIII. <i>Vincentio Ma-</i>		<i>chio.</i>	ibid.
<i>rinerio.</i>	338	LXI. <i>Terentio Alciato.</i>	
XLIV. <i>Eusebio Nierem-</i>		368	
<i>bergio.</i>	339	LXII. <i>Eidem.</i>	370
XLV. <i>Petro Castellar-</i>		LXIII. <i>Ioan. Bap.</i>	
<i>nanio.</i>	340	<i>Rosio.</i>	372
XLVI. <i>Bartholomao</i>		LXIV. <i>Eidem.</i>	374
<i>Morlanezio.</i>	342	LXV. <i>Athanasio Kir-</i>	
XLVII. <i>Hieronimo</i>		<i>chero.</i>	375
<i>Aleandro.</i>	344	LXVI. <i>N.</i>	376
XLVIII. <i>Luca Hol-</i>		LXVII. <i>N.</i>	379
<i>steinio.</i>	346	LXVIII. <i>N.</i>	380
XLIX. <i>Mutio Vitele-</i>		LXIX. <i>Francisco Har-</i>	

<i>disio.</i>	382	LXXXVIII. <i>Isacio Haberto.</i>	404
LXX. <i>N.</i>	383	LXXXIX. <i>N.</i>	406
LXXI. <i>N.</i>	385	XC. <i>N.</i>	407
LXXII. <i>Ioanni Bollando.</i>	386	XCI. <i>N.</i>	408
LXXIII. <i>Eidem.</i>	387	XCII. <i>N.</i>	409
LXXIV. <i>Eidem.</i>	388	XCIII. <i>N.</i>	410
LXXV. <i>Eidem.</i>	389	XCIV. <i>N.</i>	ibid.
LXXVI. <i>Eidem.</i>	391	XCV. <i>N.</i>	411
LXXVII. <i>Eidem.</i>	392	XCVI. Οὐιλλέλμω τῷ	
LXXVIII. <i>Eidem.</i>	ib.	Λεωνάρδω.	413
LXXIX. <i>Eidem.</i>	393	XCVII. Φραγκίσκω τῷ	
LXXX. <i>Eidem.</i>	395	Δογκουίτω.	415
LXXXI. <i>Eidem.</i>	396	XCVIII. <i>N.</i>	417
LXXXII. <i>Eidem.</i>	397	XCIX. <i>N.</i>	419
LXXXIII. <i>Eidem.</i>	398	C. Νικολάω τῷ Ζορ-	
LXXXIV. <i>Eidem.</i>	399	ζβίω.	421
LXXXV. <i>Eidem.</i>	400	CI. Γαβριήλ τῷ Κοσ-	
LXXXVI. <i>Eidem.</i>	402	σαρτίω.	423
LXXXVII. <i>N.</i>	403	CII. <i>N.</i>	425

